







IOANNIS CAESARII
VIRI VNDECVNQVE
DOCTISSIMI,

Nunc recens HERMANNI RAITIANI Vuelsdalii
fructuosis SCHOLIIS illustrata,
& in multis locis emendata,

Accessit huic IOANNI MURMELII Isagoge
in decem Aristotelis Prædicamenta,



VENETIIS,
Apud Dominicum Nicolinum.
M D L X V I.

104



12 32 B 3

Handwritten signature or scribble

2



1731 15 15

PRIMARIIS, OPTIMEQVE SPEI
ADOLESCENTIBVS, IVLIO ET
SYLVESTRO.FLACCIS
FRATRIBVS.

Hermanus Raijanus Vefda
S. P. D.



NIMADVERTO multa ue-
re & grauter a M. Tulio gra-
uissimo studiorum humani-
tatis censore scripta esse, sed
illud multo uerissime & gra-
uissimæ ab eodem memorie
proditum esse, meum sem-

per iudicium fuit; Dialecticen & Rhetoricen mi-
nistras, comitesq; omnis esse sapientiæ. Hæ enim
sunt artes, quibus sublimiores disciplinas om-
niumq; rerum magnarum cognitionem, methodi-
ca docendi ratione & ornate explanamus. Quibus
a puero, qui recte instituti fuerunt, gradum ad gra-
uiiores disciplinas, tuto facileq; facere possunt, nec
eas illotis (ut aiunt) manibus tractabunt. Habent
enim ea adiumenta quibus perfacile, (ingenij acu-
mine accedente) sensa scriptorum, quantumuis
abditæ & abstrusa assequi possunt, & ea diserte co-
pioseq; eloqui. Quæ duo non omnibus a princi-
pe rerum Deo indulta concessaq; sunt, Nam fieri
potest, ut recte quis sentiat, & tamen id quod sen-

A 2 tit,

est, polite eloqui non possit. Contra uero, permul-
ti accuratam & diligentem latine loquendi elegan-
tiam habet, sed in rerum obscurarum sensum im-
plicatum, ac inuolutum penetrare nequeunt. At
magnę profecto dotis est, scripta aliorū dextre in-
telligere, maioris explicare posse, maximæ uero op-
time de iis sentire, id quod nemini contingere pos-
se ausim constanter asseuerare, nisi ei qui maiori
quadam ui mentis præditus, artis dicendi, & disse-
rendi præcepta, per omnes numeros calluerit, Quę
ab Aristotele & Cicerone ingenio, eloquentia, do-
ctrina dissimilibus tradita, ad posteros magno stu-
diosorum emolumento peruenerunt. Hi sunt ma-
iorum gentium scriptores, quorum fontibus mi-
nuti, tanquam minorum gentium, hortulos suos
irrigauerunt. Cicero facilis, copiosus, sitientis lecto-
ris animum non modo non explens, sed sitibundū
a se dimittens. At Arist. perplexus, concisus, osci-
tantem lectorem fallens, præteriensq; . Itaque ne-
mo non mediocriter literis tinctus, Ciceronem ob
incredibilem lectionis uoluptatem, & dictionis fa-
cilitatem minimo assequitur negotio. Verū Arist.
ob implicatam, sinuosamq; orationem, Delio quo-
dam natatore egere uidetur, qui non in superficie
natet, sed in profundum se immergat, & illas den-
sas difficultatum tenebras discutiat. Quæ Treba-
rium Iurisconsultum (etsi studio ardentem) mul-
tosq; alios a lectione Aristotelis reiecerunt. Nec id
profecto mirum. Magni enim autores, quorum
nomen est in illustri, pronuntiare non dubitaue-
runt,

runt, dementiæ simile esse, si quis legendis libris Aristotelis, ipsius se speret consequuturum sententiam. Quinetiam ipse Aristot. (ne longe ab eamus) epistola ad Alexandrum scripta, obscuritatem suam testatus est. Quam ita illustrare, ut τὸ ἀληθὲς περὶ τῶν ὁμμάτων πικρὸν uideamur, per arduum esse uidetur. Vereq; a Plinio dictum est, obscuris lucem dare difficile esse. Cæterum illud mihi semper mirum est uisum, cur Aristot. mirandum in modum obscuritatem adamarit, cum in Rhetoricis præcipiat ἡ πρώτη τῶ λόγου εἰς τὴν τὸ σοφίαν. Hoc est, prima orationis uirtus, perspicuitas est. Ad illud respondere quis poterit, illud Platonis uerissimum esse, Difficilia quæ pulchra, omnemq; artem, doctorem lumenq; desiderare. Aristot. autem (si Simplicio credimus) consulto obscuritati potius, quàm perspicuitati studere uoluit, ut uulgus, quod autore Platone est ἀπὸ τῆς ἀπαιτίας, ἀπὸ τῆς βλάβης, à suis libris, in quibus arcana potteris tradiderat, procul arceat. Vulgus enim, ut omnia quæ primoribus attigit labris, inuulgare solet, ita multa parum recte intellecta, immundo contactu: tanquam Harpyiæ Vergilianæ, conspurcare, & contaminare consuevit. Hæc immodica Aristotelis in omnibus, & præcipue in Organo obscuritas, argumentum mihi suppeditauit, ut has breues notas in Ioannem Cæsarium conscriberem. Nam cum neminem ex tam ampla philosophorum familia hac tempestate uiderem, qui iustos in Dialectica Aristot. (quod tamen eruditi uiri scriptis polliciti fuerant) conscripsisset commentarios,

existimaui me haud mediocre operæpretium fa-
cturum, si eum explicarem autorem, qui non tan-
tum proxime iad uerba Aristotelis accessit, sed ea
ἐν τῷ καὶ φανερῶς expressit. Quo fit, ut nostræ hæ quæ-
tulæcunque notæ, non tam Cæsario, quam ipsi Ari-
stoteli lucem aliquam interpretationis sint allatu-
ræ. Quicquid enim in tenebricosissimis multorum
commentariis, & quæstionum plaustris, in Orga-
num Aristotelis scriptis, continetur id compendio,
& dilucide a nobis expeditur. Quemadmodum
Plato Antimacho claro Poetæ, omnium auditorū
instar erat: ita hæc nostra scholiola, multorum cō-
mentariorum, quæ grandi comparantur pecunia,
uice fore spero. Adhæc Cæsarius emendato, & pu-
ro usus est stylo, qui barbaris, & insulsis scriptori-
bus longe est præferendus. Summopere enim ca-
uendum est, ne rudes, & impoliti puerorum ani-
mi scæda imbuantur barbariæ, quæ semel hausta,
robustam etiam prosequitur ætatem. Quare ille

Ξενοῦ καὶ ἐπιφανειατικῶς monet, ὅτι μὲν ἔν τῳ διαφέρει τὸ ὅτι τῶς ἢ
ἢ τῶς ὑθὺς ἢ πῶς ἐθίξεσθαι, ἀλλὰ τὰ πολλὰ, μᾶλλον δὲ καὶ τὸ πᾶν.

Hoc est, Non igitur parū, sed plurimū, quin potius
totum refert, utrum sic, an secus, a puero assuesca-
mus. Denique Cæsarius post Aristotelē μεθοδικῶς hu-
ius artis præcepta plenissime tradidit: quæ res miri-
fice discantium memoriā iuuat. Nec sum nescius,
multos eximie eruditionis uiros, post Aristotelem
plene docteq; in hanc artem scripsisse: quæ res me
etiā, ut hoc labore supersederem, inducere poterat,
Nec enim euadam, scio, cōmunem scribendi for-
tem,

tē, male audiendi: sed quisq; suo ingenio, & studio delectatus, contempsit alium, & nouam docendi rationem excogitauit. Alii ornatui, & orationis amœnitati plus æquo iudulgentes, uerba inculcant, rem negligunt: alii politioris orationis securi, rem sectantur, ornatum spernunt. Vnde fit, ut neutri Lectori faciant satis. At uero perpauca in hac præsertim arte exiterunt, qui rerum magnitudinem iusta metirentur eloquentia. In quo genere etsi Cæsarius principem locum non tenet, ultimum tamen eum non tenere, doctorum calculo iandudā comprobatum est. Nec tamen hæc eo dico, ut aut hunc omnibus præferam, aut ceteros de manibus excutiam: Quod sentio, ingenue dico, ut iuuentuti compendiarium, & facilem (qua incipiētibus opus est) promouendi in litteris, tanquam digitos in fontem intendens, rationem & uiam demonstrem, liberum interim cuiq; suum relinquens iudicium. Hanc autem expeditam in studiis prouehendis rationem, cum omnibus bene natis adolescentibus, plane cognitam esse cupio, tum uobis fratribus in primis, partim propter utriusque amabiles, & probatos mores, peracre ingenium, flagrans studium, memoriam singularem, quæ omnia tanta in puerili uestra ætate sunt, ut uirilem ætatem superare uideantur: partim propter partis uestri amorem in me singularem, quo cum simulatq; amicitia fores mihi apertæ fuerunt, uosque in meam disciplinam dedit, suæ liberalitatis effusissime mihi fontes aperire non dubitauit. Est enim & uir probus, & lite-

ras literatosq; unice amat, cui nihil est prius, quam
 uos probatissimos & doctissimos esse, omnisq; in
 eo chari stat cura parentis. Huius probitatem, dili-
 gentiam, industriam, ut imitemini, uos etiam atq;
 etiam hortor. οἱ γὰρ βίος τῶν γόνων καὶ τοπτερον τῶν πατρῶν, ἐστὶν,
 καὶ ὁποῖα φήσιν ὁ νομοθέτης, χρὴ κληρονομεῖν, ὁποῖα τῶν ἑκτος τοῦ πα-
 τρός καὶ τῆς μητρός ἀγαθῶν οὕτω τῆς ἀρετῆς καὶ ταπεινότητος ἀμφοτέρων
 Hoc est, uita parentum liberis est speculum: & (ut
 aiunt Legunlatores) quemadmodum oportet libe-
 ros heredes esse fortunarum parentum, ita etiam
 uirtutis & probitatis utriusque. Adhæc patriam ha-
 betis Italiam, quæ inuentrix, nutrix, altrix omnium
 bonarum & magnarum artium semper extitit. Ho-
 rum omnium exemplo moniti contendere, & eni-
 ti toto animo debetis, ut uos aliquando in summo
 honoris & iuris ciuilis fastigio (cui ætas uestra de-
 stinata est) stare possitis. Nec committendum est, cū
 omnia uobis, tanquam diuina uirgula suppetant,
 ne amplitudini & maiestati Italici nominis, & Flac-
 corum imaginibus non respondisse uideamini.
 Quamobrem pergitte, & in id studium, in quo estis
 incumbite, ut uobis honori, parentibus utilitati, &
 Reipubl. emolumento aliquando esse possitis. Va-
 lete, Lugduni, ex Diuæ Trinitatis Gymnasio Η' χάρις
 τοῦ κυρίου πατρὸς καὶ τοῦ ἀγαθοῦ μητρός.

5

AD PVERVM LIBERALIBVS
STVDIIIS OPERAM DANTEM

Hendecasyllabi parænetici.



Ac discas Dialecticæ sititor

Synceræ puer eruditionis:

Quid nugæ tibi proderunt canoræ,

Quid cognoscere Pegasi uolatum,

Hortos Hesperidum, caput Medusæ,

Stymphali uolucres, cruore Nessi

Infectam tunicam, nouas in auras

Tractum Cerberon Herculis catena,

Ni discreueris atra candidis, &

Falsis uera, probata fabulosis?

Fac discas Dialecticæ sititor

Synceræ puer eruditionis:

Exacta hæc, ratioq; differendi,

Disciplinaq; disputationum

Definire docet: secare torum,

Argumenta scienter explicare,

Enthy memata curta, syllogismos

Integros ratione congruenti

Informare loco, modo, figura:

Complecti generale singulatim,

Exemplo simili probare dictum.

Fac discas Dialecticæ sititor:

Synceræ puer eruditionis:

Hæc ars uera docet, facit scientes,

Omnes in methodos uiam ministrat,

Instrumento tenens scientiarum.

Illustrans genus omne disciplinæ ;
A diuerticulis specuq; rectà
Ducens ad speculationis arcem :
Hęc filum tibi Thesei dat, ut ne
Ingressus Labyrinthon impliceris .
Alcidę quoque porrigit trinodem
Clauam, nec patitur deesse flammās,
Ne succrescat Hydrę caput recisum .

Fac discas Dialecticę sititor
Syncerę puer eruditionis:
Hac quicunque minus peritus arte
Parui pendet eam piliue fecit,
In mendacia, lapsus & tenebras,
A recta ratione deuiauit;
Vt qui florigeris sudans in hortis,
In re constituit beatitatem
Nobiscum pecoriq; beluisq;
Communi, patientiam perosus,
Quem captum domuit tenax uoluptas .

Fac discas Dialecticę sititor
Syncerę puer eruditionis :
Olim floruit hac disertus arte
Inuenta domitor trucis tyranni ,
Hac Zeno quoque Cittius alter
Vitę concolor actione functus .
Aeternum bene nomen hac peritus
Chrysippus sibi comparauit, aure
Purgata, ingenioq; perspicaci ,
Adque unguem cumulans suos aceruos ,
Hac & Carneades laboriosus

Purgans

Purgans elleboro capax cerebrum.
 Et fortis schola tota Stoichorum,
 Doctus Nicomachi pater, platoq;
 Immortale sibi decus tulerunt,
 Hac Peringius eruditione
 Necnon & studiis poeticorum
 Librorum iuuenes sacris Mineræ
 Imbutos polit excolitq; nostram
 Qui sortemq; uicissitudinemq;
 Expertus tibi Paule militauit,
 Magnæ Saxonæ docens in urbe,
 Hinc ludere tibi, deinde rursus
 Paulo militat inclyto labore,
 Sic fortuna uices sua rotauit.

Fac discas Dialecticæ sititor
 Synceræ puer eruditionis:
 Sed uitanda tibi libido quædam
 Rixandi puerilis, ingeniq;
 Ostentatio uana, & aucupatus
 Fluxæ gloriosæ, suis Sophistæ
 Mæandris rapidum diem terentes
 Gryphis, tendiculis, strophisq; ludant:
 De lana quoque litigent caprina:
 In uanisq; libris recentiorum
 Tanquam Lotophagos apud tenaces
 Sirenū scopulosue consenescant.
 Te fili studiose metientem
 Fac tempus iuuet expeditiori
 Maturoq; gradu uiam secare,
 Quantum de Logicis sat est, acuto

Commendare animo: dehinc uacare.
Moralis sôphiæ, sacræq; libris
Scripturæ, ut fieri queas beatus,
Et uerè pietatis admonere
Multos, iuuitia ualens & arte,
Sic votum superi tuum secudent.

Fac discas Diālecticē sititor
Synceræ puer eruditionis.

Τοῦ αὐτοῦ εἰς τοὺς αὐτοὺς.

Παιδείας ὀρεῖς κεφαλὴ χαλεπὴς, καὶ μεγάλου
 Ἐστὶ πόνου, καλῶς κρηπίδα βεῖναι νέον,
 Τεισμάχαρας νεφροὺς ὑμῶς ἡμῶν ἐμμεναι οἶω,
 Οἱ μεμαθήκατε δὴ, μῆδεα πυκνὰ λέγειν,
 Καὶ πράττειν λιπαρῶς ἀνθρώπινα ἀγλαὰ δῶρα,
 Οἷα θεὸς πᾶσιν οὐχ ἅμα δῶκε βροτοῖς.
 Σπῶδετε οἶον ἑραδῆως νεογίσκοι· παλαιὰς ἀθήνη,
 Ὑμετέρων ἀπονδῶν ὄρχαμος ἑασομένη.
 Ερμάννον ἐμέθεν μεμνημένοι ἡμῶντα πάντα·
 Μνησάμενος καὶ σφὲν ἀμφοτέροιν αἰδῶς.

EIVSDEM HERMANNI KATHIANI
 Vuesdalij ad eosdem fratres.

E P I G R A M M A.

Dum pueri ponunt lingua fundamina prima,
 Hinc premit exactor, torquet & inde labor.
 At solidum postquam iuvenes nouere laboris
 Fructum, fit facilis, qui grauis ante, labor.
 Felices Flacci, quibus hæc cognoscere primum,
 Inque animo penitus, sculpere cura fuit.
 Hæc morum splendor miris cum dotibus ornat;
 Est quibus adiunctus gratus in ore lepos,
 Nec mirum: clari Flaccis, oriundus uterque,
 Quos prætextatis moribus hi referunt.
 Felices nostri memores uos uiuite Flacci:
 Flaccorumque memor, credite, semper esto.

**Autores qui in hoc opusculo
citantur hi sunt.**

E X G R E C I S.

Plato	Porphyrus
Aristoteles	Herodotus historicus
Theophrastus	Diogenes Laertius
Themistius	Suidas
Cleomedes	Athanasius
Galenus	Ioannes Damascenus
Nicephorus	Georgius Trapezuntius
Gilbertus Porretanus.	

E X L A T I N I S.

M. Cicero	Priscianus Grammaticus
Vergilius	Donatus Grammaticus
Ovidius	Diomedes Grammaticus
Horatius	Martianus Capella
Persius	Macrobius
Iuvenalis	A. Gellius
Seneca	Iustinus Historicus
F. Quintilianus	Anselmus
C. Plinius Secundus	Alexander Hegius
Victorinus	Rodolphus Agricola
Higinus	Laurentius Valla
Lactantius	Georgius Valla Placentinus
Solinus	Thomas Linacer
Ambrosius	Ludouicus Viues
Hieronymus	Iacobus Faber Stabulensis
Augustinus	Iudocus Clithoueus
Seuerus Sulpitius	Buredanus.
Boetius	

De Dialectices origine.

QVEMADMODVM animus noster tribus potissimū dotibus (ut Plato in Menone docet) ornatus est, intellectu, ratione, & sensu. ita triplex philosophia his respondet. Quæ in cognitione rerum, & naturæ explicatione posita est, intellectui respondet. hic enim est quo abstrusas, & abditas rerum causas inuestigamus: huius partis philosophiæ, Plato in Timæo semina sparsit. Quæ in discretione rerum expetendarū, & fugiendarum posita est, sensui respondet. Nam hæc præcepta tradit, quibus mores formamus, & indomitos affectus regimus. Quod totum in operationibus humanis, quæ in sensus incurrunt, positum est. Hanc partem philosophiæ Plato in libris de Republica, & aliis locis, delineauit. Quæ quid quique sit consequens, & repugnans tradit, rationi respondet. Hac enim præcipue utimur, cum unum ex alio colligimus. Quod præcipuum est munus Dialectici.

De Dialectices scopo.

DIALECTICES negotium circa tria maxime uersatur, uoces simplices, enunciationes, ratiocinationes: idque iusta triplicem intellectus operationem, simplicem, quæ uoces simplices, compositam, quæ enunciationē, & eam, quæ quid quaque rem sequitur, spectat. Huius rei sexto capite tertii libri de Anima apud Aristotelem mentio est.

De discrimine Dialecticæ, & Logicæ.

QVI προλογίζεσθαι artis, alienius tradunt, numerosas questionum ser es texere consueuerunt. Vnam questionem hoc loco breuiter attingam, de qua etiamnum docti inter se disputant. Tempore Stoicorum Dialectica nomen imperfectæ artis erat. Nam Stoici (ut Cicero initio Topicorum ad Trebatium docet) iudicandi partem, diligenter persecuti sunt, quâ Dialecticen uocabant. Inueniendi partem, prorsus neglexerunt

runt. Aristoteles deinde, inueniendi partem adiecit, totamque artem absoluit, quam λογικήν uocauit. Hac enim de re, ipse Aristoteles ultimo cap. secundi libri Elenchorū gloriose gloriatur. Plato in Euthiideo paulò scrupulosius hæc sciunxit, Logica, inquit, ars est tradens regulas, nominum, orationū, argumentationum. Dialectica est sagax Philosophantis indagatio, regulis his utens. ad rationes rerum inuestigandas, diuinarum præsertim. Et ideo Dialectica apud Platonem Theologiam significat.

Quid est Dialectica.

EST ARS de qualibet re proposita probabiliter dislegendi. Dialecticam artem esse ex artis finitione, & communi hominum consensu condiscere facile possumus. Ars, ut Cleantes ait, Est potestas, ordinem ac uiam efficiens. At Dialectica uiam, & ordinem cæterarum disciplinarum tradendarum demonstrat, est igitur ars. *Probabiliter.* Id proprium maxime Dialectici uidetur, ut finitio syllogismi Dialectici primo capite primi libri Topicorum, monstrat. Διαλεκτικός δὲ συλλογισμὸς ὃς ἐξ ὁρίστων συλλογίζεται, *De qualibet re.* Si Dialecticus de qualibet re disserit, uidetur ergo eum omnium rerū peritum esse debere. Dialecticus, uiam & rationem de quo libet Theſiſte proposito tractando, tradit: nec ipse omnium rerum est peritus. Qua de re, Aristoteles omnium bonarum artium magister, ita pronūciat, libro j. Priorum, cap. trigesimo primo, ἡ μὲν οὖν ὁδὸς, κατὰ πάντων, ἢ αὐτὴ καὶ περὶ φιλοσοφίας καὶ περὶ τέχνης ὁπισθοῦν καὶ μάτημα. Hunc locum ualde illustrat, id quod Fabius Quintilianus ultimo capite secundi libri scribit. Orator non omnes causas nouit, & debet posse de omnibus dicere,

IN COMMENDATIONEM ARTIS
Dialecticę, pariterque & de eius usu, &
utrum Philosophiæ pars sit,
necne Ioanni Cęsarij.

P R A E F A T I O.

INTER liberalia studia, quæ uulgo ita dicta sunt, autores Seneca, quod sint libero homine digna, non minima existimari censerique debet Dialectica, ob id scilicet, quod ceteris artibus & disciplinis ancilletur quodammodo ipsa, & suū præstet obsequium, cum interim nihilominus & ipsa pars philosophiæ & sit, & habeatur, quippe quæ proprium perinde ac reliquæ bonæ artes finem retineat. Est autem hic inuentio iudiciumque rationum, quemadmodum id tradit ac docet Boetius quoque, haud ignobilis apud Latinos philosophus, ultimus tamen (si Laurentio Vallæ credimus) cruditorum. Itaque hæc ars, quatenus quidem ipsa suum habet retinetque finem isque à sola philosophia cōsideratur, pars utique philosophiæ ponenda est. Quatenus uero finis ille ad alias quoque philosophiæ partes suam pollicetur exhibetque operam, instrumentum ipsius philosophiæ, & sciendi ratio non ab re iudicata est. Quo etiam nomine tanto magis hæc ars amplectenda fuerit studiosæ iuuentuti. De qua quidem arte, quanquàm complures ante me, ut etiam post me quidam, tam ex Grecis quàm ex Latinis hominibus, non sine laude scripserunt: ex his tamen alij quidem adeo operose atque prolixè, ut discentibus illam, aut etiam legentibus fastidium propemodum pariāt: alij tanta usi breuitate, ut eius rei institutioni neutiquam satisfacere probentur, partim ob artis subtilitatem, partim ob quorundam ingenia non ita prompta atque capacia: quidam uero tam confuse, atque (ut ita dixerim) argute, ut quantum quidem ad ipsam institutionem attinet, maiorem in mo-

P R A E F A T I O .

dum profuerit, eam artem non ex illis addiscere conari. Omitto nunc eos, qui de eadem arte scripserunt & ipsi quidem, uerum adeo barbare adeoque inuerudite, ne dicam insulse, ut si quis paulo liberalius institutus in eorum libros incideret, uidelicet ut Dialecticam inde discere uellet, aut saltem pro explorato habere posset, qualisnam ars ea sit, is haud dubie non tam autores tales, quam artem ipsam cōtemneret protinus, reiceretque. Hoc ipsum cum ego tandem animaduertissem, expertus nimirum iam multo ante ea omnia, coepi mecum cogitare, quo nam pacto huic tantæ molestiæ remedium quaecunque, uel per me tandem afferetur, si modo iam scopum ipsum attingi: simulque aggressus sum colligere in unum hincinde ex non contemnendis autoribus eius artis præcepta, sed sumatim & per compendium, atque de his componere Tractatus aliquot, uidelicet numero decem quos & ita digessi atque disposui (si tamen iudicio isto meo non fallor) ut totius fere artis uim in his comprehendisse uideri possim, adeo ut nihil, quod ad artem ipsam pertinet, desiderari queat, nisi ab eo fortassis, cui nō satis fuerit capita sine genera rerum, iuxta Ciceronis consilium, percepisse atque tenere, per quæ reliqua ipse persequatur. Verum non minus usus sum & ipse breuitate, iuxta Horatii in Arte doctrinam, sed temperata ut citra fastidium atque magnum laborem studiosus lector Dialecticam ex hac nostra institutione facile assequi possit, modo idem non sit auribus usque adeo delicatis, ut elegantiam dictionis magis spectet & obseruet, quàm rem ipsam, quæ docetur ac traditur. Hunc ego uelim prius ipse secum expendat, atque animo reputet illum Manillii uersiculum, quàm iudicium suum ferat nimis alioqui præcept, quo doctor ille studiosos artium admonitos esse uult, artes plerasque tales esse, ut non admodum orationis elegantias affectent, sed doceri cōtentæ sint. Versiculus autem ille huiusmodi est, Ornari res ipsa negat, contenta doceri.

At nunc etiam priusquam finem huic præfationi imponam, quorundam grauissimorum autorum sententias breuiter subscribendas subiiciendasque existimaui, ut ex quibus

bus intelligere etiamnum poterit diligens lector, qualisnam ars sit Dialectica, & quatenus in ipsa discenda immorandum sit, simul etiam unde & quomodo inuentio eius habeatur, tum uero quod præter hanc artem aliarum artium studia non sint contemnenda, contra falsum & temerarium aliquorum iudicium. p i x i.

Cicero in Bruto.

D I A L E C T I C A (inquit) ars est, quæ docet re universam distribuere in partes, latentem explicare definiendo, obscuram explanare interpretando, ambiguum primū uiderē, deinde distinguere, postremo habere regulam, qua uera & falsa iudicantur, & quæ quibus propositis sint, quæque non sit consequentia.

Aulus Gellius Cap. v i i i .lib. x v i.

D I A L E C T I C A E, inquit, disciplinæ studiū, atque cognitio in principiis quidem tetra & aspernabilis, insuauisque esse & in ciuilibus uideri solet, sed ubi aliquantulū processeris, tum denique & emolumentum eius in animo dilucebit, & sequetur quædam discendi uoluptas insatiabilis. Cui sane si modum non feceris, periculum non mediocre erit, ne ut plerique alii, in illis Dialecticæ gyris ac meandris, tanquam apud Syreneos scopulos consenescas.

Augustinus in libro de ordine.

Scientia argumentandi, diuidendi, definiendi, non ab hominibus pro arbitrio instituta est, sed, in rerum ratione compta est.

*Boetius eius libri principio, quem de syllogismis
cathegoricis inscripsit.*

S E D qui ad hoc opus (inquit) lector accedit, ab eo primum petatum uelimus, ne in his quæ nunquàm alias attigerit, statim audeat iudicare: ne ue, si quid in ludo puerilium disciplinarum rudis adhuc & nõdum firmus acceperit, iam ut sacrosanctum amplexandum, atque etiam colendum putet, alia enim teneris atque imbuendis adhuc auribus accõmodata: alia firmis ac robustioribus doctrina mentibus reseruatur. Quare si quid est quod discrepabit, ne statim obstrepat, sed ratione consulta, quid ipse sentiat, quid nos offeramus, ueriores mentis acumine, & subtiliore consideratione diiudicet. Ita nanque eueniet, ut quæ in primo statim studendi auditu didicerunt, perspecta penitus ac potius deprehensa contemnat. At si iam quisque suæ scientiæ defensor cupidus esse malit (habent enim hoc quoque uitii homines, quos comprehendit uetus ac longa segnitias, ut ab arreptis semel opinionibus non recedant: ne in senectute discendo, nihil ulque in senectutem didicisse uideantur) si inquam malint uindicare quàm uertere, quæ uulgatis semel studiis imbiberunt, nemo expetit ut priora condemnent, sed ut maiora quædam atque altiora coniungant. Non enim una eademque diuersarum ratio disciplinarum, cum sit diuersissimis disciplinis una atque eadem subiecta materies. Alter enim de qualibet orationis parte Grãmatico, aliter Dialectico differendum est. Nec eodem modo lineam uel superficiei Mathematicus, uel Physicus tractat. Quo fit, ut altera alteram non impediat disciplina, sed multarum consideratione coniuncta, fiat uera naturæ atque ex omnibus explicata cognitio. Hec ille.

*Quid sit philosophia, & item quid sapientia, similiter
quid philosophus, & qualem eum esse oporteat, ex
Alcinoo Platónico Philosopho, de doctrina Pla-
tonis, interprete Marsilio Ficino.*

PHILOSOPHIA est appetitio sapien-
tiæ à corpore, & conuersio quædam ad ea que uera sunt
atque diuina. Sapientia est diuinarum humanarumque re-
rum, scientia. Philosophus autem est, qui à philosophia no-
men accipit, quemadmodum à Musica musicus. Et qui phi-
losophus futurus est, ab ipsa natura sic institutus esse debet,
ut primo quidem ad omnia disciplinarum genera facilis ac
promptus existat: deinde ut non iis quæ in fluxu uersantur,
sed illis quæ semper eodem modo consistunt, mentem adhi-
beat. Tertio loco, ut natura sit uerax, ab omni mendacio pe-
nitus alienus. Quisquis enim ueritatis audius, ad diuino-
rum contemplatione mentem conuertit, uoluptates corpo-
ris parui pendit. Oportet præterea liberali animo philoso-
phum esse. Etenim rerum uilium æstimatio homini uerita-
tem rerum contemplaturo aduersa est. Huius insuper uo-
luntas iustitiam diligit, quippe cum ueritatis, temperatiæ,
liberalitatis studiosus existat. Adde quod ingenii acumine
atque memoria illi opus est hæc nanque philosophum ui-
rum perficiunt. At qui hæc quidem naturæ dotes, cum disci-
plina atque educatio decens adhibita est, perfectum uirtute
uirum perficiunt: uerum si neglectæ sint, maximorum scele-
rum causa sunt.

*De tribus apud philosophos differendi generibus, ex
præfatione Marsilij Ficini in librum de uoluptate.*

TRI A sunt apud philosophos differendi genera. Vnum,
quo certam aliquam quæstionis partem disputando defen-

P R A E F A T I O .

dimus atque approbamus : ut Peripatetici ac Stoici fecere. Alterum, quo questione proposita, diuersas ad id quod quaeritur, sententias rationesque referimus, ut propositis, pluribus, inuicemque collatis, quid ex his probabilius uerissimiliusque appareat, eligamus : quo Academici ac Socratici penes omnes usi sunt. Tertium genus Scepticorum maxime proprium est, qui cum omnia indifferentia esse putent, nec certum aut probabile habeant quicquam quod sequantur (ea enim, quae natura ordine seiuncta distinctaque sunt, confundunt, atque permiscunt) ab excellentissimis quibusque philosophis reiciuntur.

D I A L E C T I C A E

IOANNIS CAESAREI

TRACTATVS PRIMVS.

Qua ratione à prædicabilibus initium huius artis
tentandum sit, licet in ea omnium mi-
nima sint prædicamenta.



QUEMADMODVM qui legendi, & lecta.
rectè intelligendi callem querunt, primum
quidem elementa ac literas discunt, inde
ad syllabas transcendunt, à syllabis autem ad diētio-
nes perueniunt, & denique ad orationem ipsam: ita
qui totius philosophiæ instrumentum, hoc est, differen-
di artem, quam διαλεκτικὴν Græci vocant, expetunt
in prædicamentis dignoscendis in primis erudiri de-
bent, inde ad interpretationem progredi, ab interpre-
tatione demum ad syllogismorum ferri figuras. De-
cem namque prædicamenta tanquam elementa sunt
quædam, quippe quæ simplices sunt uoces, & disiun-
ctæ, & per se se dunaxat inspectæ. Verbi gratia, Sub-
stantia, quantitas, ad aliquid, qualitas, ubi, quando, fa-
cere, pati, compositum esse habere, & quæ sub ipsis
sunt, ut species sub ipsis generibus, et quæ ex ipsis diui-
sa, ut quæ specificæ differētiæ appellatur. Verùm enim
uerò cum prædicamentorum ratio haud ita facile à
quouis percipiatur citra cognitionem prædicabilium,
quam certè & ipse Porphyrius prædicabilium autor
ad Chrysaorium scribens, etiamnum necessarium esse

DE PRAEDICABILIBVS

Hic est ille Porphyrius qui, ut ait Suidas, acer rimus Christiani nominis hostis, linguam ob id suam aduersus Christianos exauit, quia multa cōuitia eos cōtū meliosissimē insectat⁹ est. Quippe qui prae terquā q^d de praedicabili bus scriptū à se librum reliquit, scripsit, & alios quamplurimos, & inter hos quādecim aduersus ipsos Christianos. Claruit autē imperante Aureliano Caesare, uixitq; ad tēpora usque Diocletiani imper. Hec ille.

indicat, non solum ad eam, quæ est apud Aristotelem prædicamentorum doctrinam intelligendam, uerum & ad alia quædam nempe ad diuisionem, ad definitionem, & ad demonstrationem: quæ tria potissima sunt ad comparandas disciplinas instrumenta, utpote cuius gratia hanc artem inuentam esse constat. De ipsis prædicabilibus (quæ uocantur) prius quàm breuissimè dicendum est, simulq; ab his initium huius artis tentandum.

QVEMADMODVM (Propositio qua per similitudinē docet methodum in arte dislētenti obseruādā. *Decem nante*) Boni authores id quod simplex, & rei alicuius initium est subinde elementum uocant. Sic decem illa genera rerum quia simplicia, & initia huius artis sunt, elementa *metaforicis* dicuntur. Ita Florus lib. 1. cap. j. hoc nomē usurpauit, Ita ex uariis quasi elementis, congregauit corpus unum, populum Romanum ipse fecit. *Disiuncta*) Sinuosa & perplexa quæstio fuit apud tenebrosos sophistas quomodo decem genera rerum distingueretur. Hæc paucis ex Peripateticorum scola sic expedienda est. Predicamentatione, & non re ipsa distincta sunt: Omnia enim ad substantiam ueluti fundamentum referuntur. Nam in homine omnia genera summa pepectare possumus, quæ singula suis notis distinguuntur. *Et per se duntaxat inspicit*) Hic locus in speciem difficilis, aliquid negotij lectori facessit. Cuius hunc puto sensum esse: Decem illa genera, ut ordinē & classem prædicamenti cōstituunt, per se considerantur: sed ut ex eisdem pronuntiata cōficiuntur, ad aliud referūtur, nimirū ad ipsam propositionē: *Ut species sub ipsis generibus*) Ex hoc loco colligere facile possumus, speciem & differētiā in eo ordine reponi, in quo illorum genus ut animal est in substantia in qua est homo brutū, particeps rationis, expers rationis. *Verum enim uero*) Respōdet tacitæ quæstioni. A quinque uocibus est incipendum quia hæc conferunt ad sequentium cognitionem. Est ordo doctrinæ & naturæ: Hæc quinque uniuersalia sternunt uiam

tiam ad sequentia, & simplicia sunt. *Etiānum*) Porphyrius statim in vestibulo suæ introductionis quā ad Chrylaorium discipulum suum scripsit, quadruplicem proponit: quinque uniuersalium utilitatem. Conferunt ad prædicamenta, quia hæc ex uniuersalibus componuntur. Ad *finitionem*) quia omnis finitio si plena & perfecta est, ex genere & differentia conflatur. Ad *diuisionem*) quia diuisio est generis in species per differentias diductio. Ad *demonstrationem*) quia demonstratōnis terminus medius est finitio alterius extremi: ut si dicas, omnis multitudo ex unitatibus collecta est par uel impar, omnis numerus est multitudo ex unitatibus collecta, ergo est par uel impar. Quo fit ut hæc uocer his quatuor peritiles sint.

Quo circa mihi quidē uideretur autor ille quamlibet magnus ē Christianorū scolis exīgendus potius, quam prelegendus. est aliunde iam harum quinque uocū cognitio abunde satis habere possit.

Prædicabile quid sit.

PRAEDICABILE igitur uox est, quæ de pluribus uniuocè prædicari potest, ut genus, ut species, ut differentia, ut proprium, ut accidens. Horum enim unumquodque tam uoce, quàm ratione eadem de pluribus prædicari natum est, id quod de singulis paulò post proprio uniuscuiusque loco latius explicabitur. Quo fit, ut indiuiduum prædicabile dici non possit. nisi improprie: quippe quòd de uno solo prædicatur tantum: ut Socrates, quæ uox de ipso tantum Socrate prædicatur. Quæ eadem tametsi de alijs quoque compluribus prædicatur, id certè iam non uniuoce, sed æquiuoce fit. Veluti si Catonis nomen de utroque Catone Censorio, atque Uticensi, & de tertio itam illo prædicaretur, de quo Iuuenalis Satyra secunda, Tertius è cælo cecidit Cato: si modò tertius aliquis fuit, prædicabile igitur aliquid quidem propriè tale dicitur, aliud uerò minus propriè.

Prædica-

DE PRAEDICABILIBVS

Praedicabile.) Id quod est apud Arist. τὸ καθόλου .i. apud Dialecticos recētes, uniuersale uel praedicabile. Neque quorundam immodicam diligentiam quae (autore Plino) plerunque obellē solet, probō, qui nīmiū auxiē & curiose uniuersale, & praedicabile separant. Nullo nitentes neque autore, neque firmiter argumento. Aristoteles libro primo de interpretatione τὸ καθόλου ita finit λέγα δὲ καθόλου, δ' ἐπὶ πλείοντι πρὸς κατηγόρησθαι. Vniuersale est quod de pluribus praedicari natum est. *Praedicabile est uox*) Simplex & rei existentis significatiua: Nam quae complexa sunt & rem existentem non significant in numerū quinque uocum non ueniunt, ut homo studiosus, τεχνίτης. *Vniuoce*) hoc loco uniuoce praedicari latius sumitur pro eo quod secundum rationem essentialē, uel accidentariam de suo inferiori dicitur. Quo sensu propriū & accidens uniuoce dicuntur. *Horum enim*) in hunc locum obiici solet ille locus, qui est apud Cæsarium ultimo capite huius tractatus in communitatibus. Commune est omnibus Praedicabilibus praedicari de pluribus uniuoce praeter accides. Locus ille turbauit multorum ingenia. Dicam paucis quod sentio: Accidens non praedicatur uniuoce, hoc est non equaliter, quā dicitur de suis inferioribus secundum magis, & minus. Reliqua quatuor uniuersalia ex aequo de suis inferioribus dicuntur. Idque ex communitatibus Porphyri constat. Et sic locus ille hūc nullo modo oppugnat: Nam uniuoce dici alio modo sumitur.

De eo quod Differens, & quod idem dicitur:
tum quot modis utrunque dicatur.

SANE de pluribus praedicari dupliciter contingit. Aut enim de pluribus numero differentibus, aut de pluribus differentibus specie. Proinde paulo altius repetendum hoc loco, atque dicendum breuiter, Differens quot modis dicatur: tum quod huic ex aduerso respondet, Idem. ita fiet haud dubiè, ut quae sequuntur, planius percipi queant. Sciendum igitur, quod

quoddam Differens tot modis dicitur, quot modis dicitur Idem. Idem autem tripliciter dicitur. Nam aut genere, aut specie, aut numero idem alicui quippiam dicitur. & genere quidem eadem dicuntur, quæcunque sub eodem genere continentur proximo, ut homo & leo sub animali. Specie uero, quæcunque sub eadem specie continentur, ut Socrates & Plato sub homine. Numero porro eadem, quatuor dicuntur modis: nempe aut nomine, ut Marcus & Cicero: aut definitione, ut homo & animal rationale: aut proprio, ut homo & risibile: aut accidente, ut mel, & ipsum tum flauum, tum dulce. Hinc iam colligitur, & differens ab alio quippiam tripliciter dici: genere, specie, & numero. Genere quidem differentia dicuntur, quæ sub diuersis sibi proximis generibus continentur, ut homo, et quercus. Si quidem homo sub animali proximo sibi genere, & quercus sub arbore, itidem genere proximo continetur. Specie uero differentia dicuntur, quæcunque sub diuersis continentur speciebus, ut Alexander & Bucephalus: quippe Alexander sub homine, Bucephalus uero sub equo continetur. Quin & differentia specie dicuntur ipsæ inter se species diuersæ, tametsi unius generis species sunt, ut homo, leo, bos, equus, &c. Numero porro differentia dicuntur, quæcunque in numerando, hoc est, dum numerantur, inter se differunt, ut Socrates & Plato. Nam cum dixit quispiam, Hic Socrates est, & itē, Hic Plato est: duas iam fecit unitates, unā in Socrate, in Platone alterā. Atq; ita non eadē in Socrate unitas numerata est, quæ in Platone, sed altera atq; altera, et per hoc numero tantum differunt Socrates et Plato.

Sane

DE PRAEDICABILIBVS

Sane) Hoc caput de differente & eodem Cæsarius præponit quia adfert aliquid lucis finitioni generis speciei, in quibus fit mentio differentis. Totum hoc caput nititur hoc principio & elemēto topico quot modis dicitur unum oppositorum, tot modis & alterū, sed idem & differens opposita sunt, ergo si idē dicitur tribus modis etiā differēs, *Et genere*) si quis obiiciat, homo est sub animali proximo genere, & leo sub bruto, ergo nō sunt sub eodē genere proximo. Submouere hunc scrupulū poteris, & dicere hæc exēpla ex sexto capite primi libri Topicorū sumpta esse. Tempore autē Aristotelis hoc nomen Brutū quod apud ipsum ἄλγον est impositū non fuisse. Quare homo & leo sub animali proximo genere erant. *Número porro*) In his quatuor modis quibus aliqua numero dicuntur eadem, illud diligenter obseruandum est, propriē ea esse eadem numero, quæ nomine & finitione eadem sunt. Et sic intelligendum est hoc principium, cū dicimus quicquid cōuenit vni eorum quæ eadem sunt, etiam cōuenit alteri. Id uerū est de his quæ sunt eadē numero nomine & finitione. Cuius rei disertē & nominatim nos cōmone facit Aristoteles sexto capite primi libri Topicorū his uerbis

ἡ ἀλγία δὲ ὁμολογουμένως τὸ ἐν ἀριθμῷ, ταυτὸν παρὰ πᾶσι δοκῇ λέγεσθαι. ἢ ὡς δὲ καὶ τοῦτο ἀποδείκναι πλεοναχῶς, καὶ κυριώτατα μὲν καὶ πρώτως, ὅταν ὀνόματι ἢ ὅρω τὸ ταυτὸν ἀποδείξῃ παθάρει ματιῶ, λαπίων, καὶ ζῶν πικρὸν δὲ πικρὸν ἀνθρώπων. specie uerò) specie aliqua duobus modis differunt, quæ sub diuersis sunt speciebus, ut Alexander & Bucephalus, & quæ inter se diuersæ species sunt ut homo, equus. *Número porro*) differre numero hoc loco dicuntur, non ea quæ diuersum constituunt numerū, ut binarius ternarius, sed quæ per se existunt, & diuersa sunt, ut indiuidua speciei substrata. Quibus uerbis facile Ammonij obiectionem diluere possumus. Homo dicitur de Cicerone & Marcello, Cicero unus est, Marcellus unus est, sed unū non differt ab uno nūm ero (nam unitas non est Numerus) Ergo Cicero & Marcellus non differunt numero.

De genere, quid sit, & quomodo diuidatur.

GENVS cum multipliciter dicatur, autore *Viſto* rino, dicitur nanq; et parens et patria, hinc illud *Ver* giliij, *Vnde genus ducis*. Itē et cuiuslibet rei qualitas: ut si dicas, *Cuius generis uestis est?* una tamē eius signi ficatio est, secundū quā prædicabile sit, similitudine ut delictet à primo illorū triū significatorum sumpta, & à philosophis hoc pacto definitur, Genus est, quod de pluribus et differētibus specie, in eo quod quid est præ dicatur. Vel sic, Genus est uox quæ cōplures sub se spe cies, easdēq; inter se diuersas continet amplectiturq; de quibus et in eo quod quid est prædicatur, ut animal de homine, de leone, et equo. Nā si queratur, quid est homo, quid leo, itē quid equus: rectē cōuenienterq; de unoquoq; horum respondebitur, quo animal est. Ani mal igitur de homine, de leone, & de equo, in eo quod quid est prædicatur. Atq; hæc ipsa inter se specie diffe runt, tametsi sub animali, ut sub genere proximo con tinentur: Diuiditur autem genus in genus genere ralis simum, & genus subalternum. Genus generalissimum est, supra quod non est aliud superueniens genus. At que id quidem in unaquaq; prædicamentorum serie ita obseruatum est, ut sit aliquod supremum quod pro inde à quibusdam generalissimum, ab alijs principalis simū, aut (quod *Laurentio Vallæ* magis probatur) sum mum genus dicitur, ut substantia, quantitas, ad ali quid qualitas, &c. de quibus licet ens prædicetur, ge nus tamen ad nullum horum dici potest, quoniam non uniuocē sed æquiuocē de ipsis prædicatur. Definitur rurſus & hoc modo, Genus generalissimum est, quod cum

DE PRÆDICABILIBVS

cum sit genus, non potest esse species, ob id quidē quod species (ut paulò post dicitur) ea est, quæ sub assignato genere ponitur. Genus uerò subalternum est, quod cū sit genus, potest uicissim & species esse, imò uerò quicquid continetur inter genus generalissimum & speciē specialissimam, genus subalternum dici potest.

De genere) Inter quinque vniuersali genus primum locū tenet. Est enim vniuersalius & prius. Vniuersalius quia omnia alia suo ambitu complectitur. Prius, quia eo sublato cetera corruūt. est autē genus prius specie nō tempore (quā relata sunt) sed natura. Nā genus est speciei principium finitiuū. Omnia uniuersalia in numerum quinarium recidere, Trapezuntius pulchrè docet. Quicquid de alio dicitur aut in quid est aut quale est dicitur. si primum, est genus uel species. si secundum, & secundum essentiam est differētia, si secundum accidens, est proprium uel acidens. *Similitudine* ut parens est principium productiuum prolis, & patria conferuatium: sic genus est principium finiēns suas formas. *Genus est quod*) ut genus Philosophicum constituatur tria omnino sunt necessaria ut de pluribus dicatur: Nam omnis generis inquit Aristoteles sunt plures species. Genus ergo non potest existere nisi in pluribus formis, species intima etiā in uno indiuiduo existit ut sol, mundus, phoenix. Deinde ut de specie differentibus postremo in quid est dicatur. *Et de his quæ specie differunt*) Ea quæ sint ductum est. *In eo quod quid est*) Ea in quid enunciat, per quæ aptè ad quæstionem per quid est factā, respondemus. Author Aristoteles. 4. cap. j. libri Topicorum. *De quibus*) Sub motio tacitæ obiectionis. Eius nō est genus si ad omnia predicamenta referatur. Nam de illis dicitur æquiuocē. Nomen. n. entis est tantū cōmune omnibus prædicamentis, ratio uerò est diuersa. Est. n. ens (aut tore Trapezūtio) quod per se subsistit uel alteri inhæret. Per se subsistere, ad substantiā, alteri inhære, ad accidens referendum est. Sed hic quidam accerrimè digladiantur obijcientes nobis Aristotelem secundo cap. 4. libri primæ Philosophiæ.

Τὸ δὲ ὅν, λίγεται μὲν πολλὰ χῶς, ἀλλὰ πρὸς ἓν καὶ, μίαν τιὰ φύ-
σιν, οὐχ ὁμονύμως, &c. Hoc est ipsum ens dicitur quidem mul-
tis modis, sed ad unum, & unam quandam naturam ἢ ὅ equi-
uoce. Ad quem locum Aristoteli paucis dicendum est. Ens, ut
ibi sumitur, neque omnino uniuocum neque æquiuiocum es-
se, sed secundum Analogiam, & proportionem dici.

De specie, quid sit, & quomodo diuidatur.

SPECIEI quoque multiplex est acceptio. Nā præ-
ter cetera eius nominis significata, uniuscuiusque rei for-
ma siue pluchritudo Specie dicitur: hinc speciosos dici-
mus: qui forma sunt liberariorum, unde & formosos eosdē
appellamus interim. Species itē dicitur, quæ generi sub-
ijcitur, secundū quā significationē, à philosophis accipi-
tur definiturque; hoc modo, Species est quæ de pluribus et
differentibus numero, in eo quod quid est prædicatur, ut
homo de Socrate & Platone, & ut nostræ religionis
uocabilis utar, de Petro item & Paulo. Definitur rur-
sus species, ea quæ sub assignato genere ponitur, quæ
quidē speciei definitio, tā speciei specialissime quā speciei
subalternæ cōmunis est: prior uerò tātū cōuenit speciei
specialissime. Sciendū itaque, quòd et genus suprà diuisum
est in genus generalissimum et genus sub alternū: ita &
species nunc diuiditur in speciem specialissimam &
speciem subalternam. Species quidem specialissima est,
quæ cum sit species, genus esse non potest: quippe quòd
sub se species alias non habeat, ut homo, sub quo in di-
uidua tantū continentur. Species uerò subalterna est,
quæ & genus & species esse potest, ad aliud quidē &
aliud sumpta, cuiusmodi omnia sunt, quæcunque me-
dia sunt inter genus generalissimum, & speciem specialis-
simam: id quod subscripta figura luce clarius indicabit.

DE PRAEDICABILIBVS

ET si differentia ordine naturæ est prior specie tamen quia genus & species relata sunt, simulque existunt & se tollunt recte post genus sequitur species. *Species est*) hæc speciei finitio infimæ speciei conuenit. Quare particula tantum uel similis est intelligenda. Nam animal etiam de numero differentibus dicitur sed non tantum. Hoc loco questio existit homo dicitur de masculo & fœmina quæ specie differte uidentur. Quocirca homo non potest esse infima species. hanc objectionem submouet Aristoteles penultimo capite decimi libri primæ Philosophiæ. Differentia specifica sumitur a forma essentiali, mas & fœmina sexu, & nō forma essentiali differunt. Qua de re uidendus est etiam Aristoteles primo capite septimi libri de historia animalium. At Rodolphus Agricola ait, Homo si ad indiuidua referatur non species sed genus est. Id est intelligendum de genere locali. Nam ut a specie ad genus affirmatiue colligimus: ita ab indiuiduo ad speciem. Et ut a genere ad speciem negatiue, ita a specie ad indiuiduum negatiue colligimus, ut iustitia est, ergo uirtus est, uirtus non est ergo non est iustitia. sic Fabius est, ergo homo est. homo non est, ergo Fabius non est.

De indiuiduo, quid sit, & quod modis accipiatur.

SED & interim de indiuiduo pauca adijcere liceat. Siquidem præter eam significationem, qua id esse definitur, quod de uno solo particulari prædicatur, idq; multis modis, ut Socrates, & hoc album, & hic uenimus, & Sophronisci filius, si solus & unicus ei Socrates extitit filius: alia eius à Ioanne Damasceno significata produntur. Nam & quod infecabile prorsus & indiuisibile est, Indiuiduū dicitur, ut punctum, & temporis momentum, quod & nunc quoque dicitur, & ipsa nimirū unitas, similiter & mens: & quod difficulter subsecutionē uenit, ut adamas, & quicquid
tale

tale est. Præterea indiuiduum dicitur: & species specialissima, quod in alias uidelicet species non diuidatur. Sed ex his omnibus prima illa indiuidui significatio propria huic loco & peculiaris est, quod & quidam ita interpretantur, ut ipsum asserant ex quibusdā proprietatibus constare, quarum collectio nunquā in alio quolibet eadem erit: Quarum item & numerum, & nomina quidam hoc uno uersiculo comprehendit:

Forma, figura, locus, stirps, nomen, patria, tempus. Sciendum insuper, quod indiuiduum in ea significatione, quæ primo loco posita est, & propriè ita dicitur, in rationalibus creaturis persone nomine nonnunquam designatur. Vnde & Boetio in lib. de duabus naturis in CHRISTO ita definitur, Persona est rationalis naturæ indiuidua substantia. Quanquam & hic Val-la reclamat, nec nisi inuitus illam personæ definitionē admittit. Græci eandem nunc *πρόσωπον*, nunc *ὁμοῦ ἁπλοῦς* appellant.

DICTVM est capite superiore speciem de indiuiduis tantum dici. Nunc igitur quid indiuiduum sit explicat. Prima hæc indiuidui descriptio uocibus propriè conuenit, quarum est prædicari. Indicat autem triplex indiuiduum. Determinatum, quod rem certam significat. Ex demonstratione cum terminus communis cum pronomine demonstratio sumitur. Ex hypothesi indiuiduum quod per se est commune nomen, sed facta suppositione de uno tantum dicitur ut Nicomachus, filius Aristotelis si fingamus eum unicum filium Aristotelis fuisse. *Vs ipsum asserans*) Secunda descriptio quæ rebus propriè conuenit. hæc insigne descremen inter indiuiduum & uniuersale continet. Nam uniuersale est exæquo in omnibus indiuiduis, At proprietates indiuidui in nullo sunt numero eadem. Vnde non possumus non mirari principem rerum Deum qui in tam numerosa hominum cōtia nunquam

DE PRAEDICABILIBVS

duo indiuidua per omnia sibi similia effinxit. Qua de re caput extat memorabile apud Plinium lib.7. naturalis historiae. Inquit enim, iam in facie uultuq; nostro, cum sint decem aut paulò plura membra, nullas duas in tot millibus hominum indiscretas effigies, existere, quod ars nulla in paucis numero præstet affectando.

FIGVRA.

Substantia.

Corpora	Corpus	Incorporea
Animatum	Animatum corpus	Inanimatum
Sensibile	Animal	Insensibile
Rationale	Rationale animal	Irrationale
Mortale	Homo	Immortale

Socrates, Plato, Aristoteles, Cato, Cicero, Vergilius.

FIGVRA) Hæc figura seriem prædicamenti substantiæ aperit. Ea autem ascribitur quia ueritas magis fide oculata, quam per aures animis hominum infigitur, ut Iustinianus. S. finali, de gradibus cognationum, docet.

De triplici differentia.

DIFFERENTIA uero, communiter proprie, & magis proprie dicitur. Cômunitèr quidem differentia dicitur, qua alterum ab altero alteritate quadã differt solum. Alteritate inquã, hoc est, qualibet ratione ab altero diuersum. Qua quidẽ differentia Xenocratem ab Aristotele differre Plato iudicauit, ut autor est Diogenes Laertius, quòd hic quidẽ præcipiti & acri ingenio erat, ille uero tardo atque hebeti. Haud dissimile illi est, quod & Cicero III. de Orato. libro de Isocrate refert, Isocrates doctòr (inquit) singularis dicebat se in Ephoro calcaribus, contra autem in Theopompo frænis uti solere. Alterum enim exultantẽ uerborum audacia

dacia reprimebat, alterum cunctantem & quasi uerecundantem incitabat. Quin & hac ipsa differentia a seipso quispiam differt puero olim, & iam uiro & faciente nunc aliquid, cum antea quiesceret. Quo sane modo apud Vergilium de Hectore in alium quasi hominē mutato, Aeneas inducitur ita loquens, Hei mihi qualis erat, quantum mutatus ab illo Hectore? Proprie uero differentia dicitur, qua alterum ab altero differt accidente inseparabili: quomodo is, qui oculos habet caecos ab eo differt, qui tales non habet. Magis autem proprie differentia dicitur, qua alterum ab altero differt non accidente quopiam siue separabili, siue inseparabili, sed substantiali qualitate: quæ & ipsa nimirum uniuscuiusq; rei ratio est. Itaq; ab equo homo differt rationali qualitate. Siquidem homo rationalis est, equus uero irrationalis. præterea ut hæc speciem a specie differre facit, unde & specifica differentia dicitur: ita superiores duæ Indiuiduum ab indiuiduo separant, quæ ob id ipsum Accidentariæ, siue Aduentitiæ differentiæ dici possunt. In uniuersum igitur omnis differentia alteratum facit: sed quæ specifica dicitur, ultra id quod alteratum facit, aliud quoq; facit. Atq; ita differentiæ communes quidem sunt, quibus omnes aut ab alijs, aut a nobis ipsis differimus. Propriæ, quæ uniuscuiusq; indiuidui formam aliqua naturali proprietate depingunt. Magis autem propriæ, quæ in substantia ipsa permanent, & uniuscuiusq; rei rationem explicant, & speciem a specie disiungunt.

DIFFERENTIA arctius cū genere, & specie coheret quā proprium & accidens. (nam differentia ad essentiam pertinet)

DE PRAEDICABILIBVS

net) ideo differentiam proprio & accidenti praeposuit. Differentia communis nihil aliud est quam accidens separabile. Sic dicta quia communiter multis inest. Propria differentia est accidens inseparabile. Dicta Propria quia determinato & proprio inest subiecto. Differentia magis propria est qualitas essentialis qua species à se inuicem separantur ut particeps rationis. & harum differentiarum magna est nobis penuria. Propterea his destituti, proprijs & accidentibus utimur. *Quae et ipsa*) Ipsa differentia magis propria sumpta scilicet cum genere, est finitio speciei. Ut consentaneum rectae rationi, sumptum cum habitu animi, finit uirtutem. Est enim uirtus habitus animi rectae rationi consentaneus. *Vniuscuiusque*) hoc est alicuius. Notae uuiuersales in finitionibus, saepe pro particularibus sumuntur. *In uniuersum*) Omnis differentia facit alteratum hoc est uel secundum essentiam uel secundum accidens speciem a specie separat sed differentia magis propria facit aliud, hoc est cum genere sumpta spem constituit finitque. *Atque ita*) Epilogus totius capitis.

De ea, quae specifica differentia dicitur, quid sit.

D I F F E R E N T I A ergo quae magis propria & specifica dicitur, & proinde tertium facit praedicabile, ea est qua species (ut dictum est) a specie differt, & hoc modo diffinitur, Differentia est, quae de pluribus & differentibus specie in eo quod quale quid est praedicatur, ut rationale de homine & de Deo, si Porphyrio credimus, qui tamen Deum, quam hominem animal esse, opinatus est, idque magis Platonicoꝝ sententia, qualis & ipse erat, quam secundum ueritatem. Est igitur (sed id exempli causa nunc admittatur solum) & Deus & homo animal rationale, sed à Deo homo separatur mortalitate, quod homo quidem mortalis sit, Deus autem immortalis. Rursus autem & hoc pacto definitur: Differentia

tia

tia est, quæ diuidit, atq; dispescit ea, quæ sub eodem genere posita sunt, ut rationale hominem separat ab equo & leone, cæterisq; animalibus omnibus quæcunq; rationis expertia sunt. Assignatur item et hæc eius descriptio, Differentia est, qua species genus superat, ut homo quatenus est & rationalis, & mortalis, animal superat, exceditque. Siquidem nihil horum actu animal est, licet potestate non has solum habeat differentias, sed & his oppositas. Diuiditur autem huiusmodi differentia quæ & per se & specifica, & per hoc magis propria differentia dicta est, quod hæc quidem genera diuidit in species, illa uero species constituit & informat. Omnis quippe differentia generi adueniens constituit speciem: ut cum rationale additur animali, hominem protinus constituit, quæ species animalis esse dignoscitur. Vnde & hæc proinde constitutiva differentia dicitur, quemadmodum illa quæ genera in species secat, differentia dicitur diuisiua. Sciendum tamen quod eadem differentia et diuisiua dici potest, & constitutiva: diuisiua quidem generis, constitutiva autem speciei.

Actus a potestate eate nus differt, quatenus homo ridens ab homine qui ridere quidem possit, non rideat autem.

DIFFERENTIA est) prima descriptio differentie specificæ, quam & ad differentiam speciei subalternæ, & infinitæ porrigere possumus: illa de differentibus specie uel numero, ut sensibile, hæc de numero differentibus solum dicitur, ut (doctrinæ causa) rationis particeps. *Differentia est, quæ diuidit*) Multi, & graues interpretes hanc descriptionem conuellere, & labefactare conati sunt, eo quod Porphyrius idem per idem finire uideatur. huic obiectioni sic obuiam ire oportet. Porphyrium non finiuisse idem per idem, sed datam esse descriptionem per proprium effectum differentie, qui est distinguere. Proprijs autem effectus non est idem cum eo cuius est effectus. *Differentia est qua (species)* Hæc descri-

DE PRAEDICABILIBVS

ptio plusculum habet difficultatis, cuius hic planus & expeditus est sensus. species superat genus per differentiam quia species continet actum in sua finitione eam differentiam quam genus in sua diuisione, ut particeps rationis differentia, est in hominis finitione, & in animalis diuisione tantum. At dixerit aliquis genus superat speciem per differentiam, ergo species non superat genus. Vtrunque superat utrumque, sed diuerso sensu species superat genus actu, genus uero (ut Porphyrius ait) speciem potentia. *Diuiditur*) duplex est munus differentiae specificae, diuidere genus & finire speciem. Eadem enim differentia diuidit genus & finit speciem.

De proprio, quot modis dicatur, tum & quot modis dicatur commune.

PROPRIVM uero, quatuor dicitur modis. Primo namque proprium dicitur, quod soli alicui accedit speciei, etsi non omni: ut homini medicum esse, aut Geometram. Secundo, quod omni quidem accedit, sed non soli: quemadmodum homini esse bipedem, quando & aui- bus perinde id accedit. Tertio, quod soli quidem, & omni, uerum non semper: ut omni homini, & soli homini accedit in senectute canescere, licet Aristoteles & Plinius id etiam equis tribuant. Quarto, quod soli, & omni, & semper: quemadmodum homini ridere, idque potestate tamen magis & aptitudine, quam actu. Siquidem omnis homo, & solus, & semper risibilis est, licet non semper rideat. Sane ut proprium his quatuor modis dicitur: ita commune, quod proprio quodammodo opponitur, quatuor dicitur modis. Commune quippe dicitur: aut quod in partes diuisibile est, ut ager communis pluribus: aut quod in usu communi positum est, a diuisione prorsus immune, ut seruus pluribus communis, et equus, et putens,

puteus: aut quod in occupando proprium factum est, alioqui commune, ut in templo aut theatro locus communis est omnibus, priusquam occupetur, occupatus uero proprius sit occupanti: aut quod aequè omnibus sese præbet, ut uox præconis, aut alterius cuiuspiam concionantis docentisue.

PROPRIVM) Cùm apud philosophos proprii mentio fit, proprium quarto modo quod insigne proprium est, intelligimus. Reliqui enim modi proprii, in accidentis classem reiciuntur. Proprium hoc quarto modo, omni, soli & semper speciei accidentaliter inest. Cuius ratio est quia a principiis essentiae oritur. Hæc autem principia ut animal & rationale, respectu hominis, omni soli & semper insunt speciei. Quare etiam proprium Aristoteles. 1. cap. 5. lib. Topicorum quatuor etiam modos proprii constituit, qui ad hos reduci possunt.

De accidente, quid sit, & quomodo diuidatur.

ACCIDENS est, quod adest, & abest præter subiecti corruptionem. Definitur rursus, et hoc modo, Accidens est, quod contingit eidem inesse, & non inesse, ut homini album esse, & non esse album, & sedere et stare. Quin & aliter hoc pacto, Accidens est, quod neque genus est, neque differentia, neque species, neque proprium, semper autem in subiecto subsistens est. diuiditur autem accidens, aliud nanque separabile est, aliud inseparabile. Separabile quidem, ut dormire. Inseparabile uero, ut nigrum esse in Aethiope & coruo, & candidum in cygno & niue. Accidens porro tam separabile, quam inseparabile, aliud naturaliter tale est, aliud extrinsecus aduenit. Naturaliter quidem, ut pueritia, inuentus, senectus extrinsecus autem, ut sedere, aut si qua cicatrix obducta vulnerei occaluerit.

DE PRAEDICABILIBVS.

ACCIDENS in uniuersum duobus sumitur modis. Primo pro omni eo quod non est substantia, scilicet pro nouem prædicamentis accidentium. Et sic accipitur in ea peruagata diuisione Aristotelis, quicquid est, vel est substantia vel est accidens. Secundo sumitur accidens pro eo quod potest adesse subiecto & abesse à subiecto, præter subiecti interitum. *Accidens est*) Existimo tot esse interpretamenta ad hanc finitionem allata, quod hominum opiniones & sententiæ sunt. Ego vehementer probo id quod doctis placuisse video, id est, Duæ hæ priores accidentis descriptiones, Accidens tantum separabile complectuntur. Tertia verò descriptio & accidens separabile & inseparabile continet. Id si recipimus, iam subuertimus subruimusque omnes omnium importunorum sophistarum importunas, ineptas, ridiculas, cauillationes. Nec erit recurrendum ad eam monstrosam (vt sic dicam) subintellectionem, quam Porphyrius ex veterum Philosophorum sententia, commemorat. Quæ multa monstra, portenta, in nobili Philosophia peperit. Ego semper modum illum intelligendi calorem sine igne, & coruum esse album, valde suspectum habui. Putauique esse magis ingeniosam, quam necessariam subtilitatem. *Accidens quod neque est*) Hæc tertia descriptio per negationem aliorum vniuersalium assignata est. Est autem sic accipienda. Accidens neque est genus, neque species, respectu sui subiecti cui inhaeret. Potest tamen accidens esse genus vel species, respectu suorum inferiorum, vt color si a l parietem referatur, est accidens si ad albedinem & nigredinem est genus. Qua in re multi pueriliter hallucinantur.

Quomodo accidentis definitio intelligenda sit, cum solutione dubitationis.


SUPEREST ultima huius tractatus pars, quam & aggredi iam certum erat, nisi nos remoraretur dubitatio haud facilis, expendenda interim, examinandaq; & discutienda prius. Ea autem huiusmodi est. Si accidens

dens est, quod adest & abest absq; eius, in quo est, interitu, qui fieri potest ut ex accidentibus aliud separabile, aliud inseparabile statuatur? Nā quod inseparabile est, id abesse non potest. Sanē huic dubitationi Porphyrius ita paucis satisfacere uidetur, quod ait exempli causa cornum posse album subintelligi, & Aethiopem candore nitentem, præter utriusque corruptionem interitumq;. Verum hoc ipsum Boetius paulo altius repetit dicens, Nam quoniam sunt accidentia inseparabilia, in his definitio uidetur conuenire non posse. Sed hæc (inquit) tam uehemens questio, soluitur hoc pacto, quod hæc ipsa definitio de accidentibus facta est potestate, nō actu: intelligentia, non ueritate. Agē igitur, quoniam Aethiopi color niger auferri non potest, animo eum et cogitatione separemus, erit tum color albus Aethiopi, non tamen species consumpta est. Ita quoq; si a cornu nigredinem abstuleris imaginatione, permanebit tamen a uis, nec species interibit. Ergo quod dictum est adesse & abesse, non re, sed animo intelligendum est. Quod tamen in his, quæ speciem cōstituunt, haud ita sese habet: ut si ab homine rationalitatem auferas, quā licet actu separare non possimus, tamen si uel animo, imaginatione ue disiunxerimus, statim peribit hominis species.

De communitate prædicabilium inter se, & differentia, item eorum à se inuicem.

COMMUNE est omnibus prædicabilibus de pluribus prædicari, ut exempli gratia. Genus quidem de omnibus sub se cōtentis speciebus et indiuiduis: de quibus omnibus et cōstitutina cum primis differentia prædicatur. species autem de his solum, quæ sub ea conti-

neantur



nentur, indiuiduis. Proprium uero, & de specie cuius est proprium, et de eiusdē speciei indiuiduis. Porro accidens et de speciebus pariter et indiuiduis, sed principaliter quidē de indiuiduis, secūdo uero loco et de ijs, quae continent indiuidua, hoc est, speciebus ipsis. Quemadmodum ē diuerso, proprium principaliter quidem de specie cuius est proprium, at secundo deinde loco, de illius speciei indiuiduis: ut risibile esse, prius quidem & principaliter de homine praedicatur: posterius uero, et secundo loco, de Socrate & Platone, ceterisq; particularibus hominibus. Commune item est omnibus praedicabilibus, praeter accides, uniuocē praedicari de quibus praedicantur. Differunt autem a se inuicem praedicabilia, quod alia quidē praedicantur in eo quod quid est, ut genus & species: alia uero in eo quod quale quid est, aut quomodo se habet quippiam, id quod plerisq; accidentibus quaeritur, ut si quis interroget, quomodo se habet Socrates? tum quis rectē responderit, quod aut ambulat, aut disputat: sin uero interroget quispiā, qualis est Socrates? aptē fortassis respondebit alter, quod sapiens est. Ergo differentia, proprium, & accidens, praesertim inseparabile, in eo quod quale quid praedicantur. A specie itē genus differt, quod genus quidē praedicatur de pluribus et specie differentibus: species uero de indiuiduis, & numero differentibus tantum. Et differentia a proprio & accidente differt, quod differentia quidem praedicatur in eo quod quale quid est, secundum rei scilicet essentiam: proprium uero et accidens secundum rei potius inhaerentiam. Demum propriū ab accidente differt, quod proprium quidem conuersam praedicatur de

eo, cuius est proprium, accidens uero minime. Hactenus de quinque prædicabilibus uocibus, restat nunc ut prædicamenta aggrediamur.

EXPOSITA breuiter natura cuiusque uniuersalis, duo sunt quæ hic Cæsarius docet, alterum in quo quinque uniuersalia conueniant, alterum in quo differant. *Commune*) hanc communitatem. *Ἐν τῷ κοινῷ* docet. *Sed principaliter*) Accidens dicitur primo de indiuiduis, deinde de speciebus, contra uero proprium primo prædicatur de specie, secundo loco de indiuiduis. *Comune est autem*) hic locus quomodo sit intelligendus, initio a nobis dictum est. *Est differentia à proprio*) Hinc loco ex diametro aduersari uidetur id quod scribit Aristot. ij. cap. septimi libri Topicorum. Quæcunque locum habent in finitione in quid est enuntiantur.

At differentia locum habet in finitione; ergo in quid

prædicatur: sic & ex priore sensu difficilis, sic sub-

mouendus est differentia in quid prædicatur

quia indicat rei essentiam, in qua-

le autem dicitur: quia per eam re-

spondetur ad quæstionem sa-

tis per quale,

responde-

mus.

IN TRACTATVM SECVNDVM,
in quo de prædicamentis agitur, & primum
ostenditur quid sit prædicamentum,
& cur ita appelletur.

P R A E F A T I O.



DE prædicamentis deinceps scripturus, operæ
precium facere uidebor, si quid sit prædica-
mētum prius exposuero, ne nominis uis ip-
sum lectorem ad illorum iam cognitionem
properantem, longius æquo remoretur, ut-
pote nondum perspecta, duntamen interim
quid sit scire laborat. Prædicamentum igitur est (ut & a Tra-
pezuntio definitur) terminorum, qui secundum nullam com-
plexionem dicuntur, natura rerum ordinatio. Quæ defini-
tio, ut mihi quidem uidetur, hunc habet intellectum: quòd
prædicamentum nil aliud est, quam series quædam termino-
rum incomplexorum, quatenus ex his natura, id est, ratione
rerum alij alijs subiiciuntur, alij de alijs prædicantur. Cæte-
rum nomen prædicamenti dictum hinc esse uidetur, quòd
de omnibus prædicantur decem numero prædicamenta, ue-
lut ipsorum uocabulorum elementa quædam, Quo nomine
& Quintilianus ea uocat, & approbat Laurétius Valla, quòd
sensus scilicet cæterorum uocabulorum ad ista, tanquam ad
elementa, & principia referantur, ob eamque rem (ut idem
ait) genera quoque dicuntur, quòd ex his cætera significata
gignantur, quorumque nullū alio superius est aut alteri ge-
nus, sed ipsa genera sunt principalia, immò uerò, si sic dicere
licet, principalissima genera. Quoniā uero eorum, quæ præ-
dicantur, alia quidē prædicantur æquiuoce, alia uniuoce, alia
uero denominatiue: ab æquiuocis igitur & uniuocis, & deno-
minatiuis, necnon & ab alijs quibusdam, quæ ante prædica-
menta a recentioribus dicuntur, ut ea, quæ sequuntur ipso-
rum prædicamentorum traditionem. Post prædicamenta ab
eisdem

eisdem appellantur, uocibus quidem nouis, at non adeo improprijis, hunc ipsum tractatum auspiciari conuenit.

ARISTOTELES primus omnium decem constituit *κατηγορίας*, quæ a Quintiliano lib. iij. cap. vij. Elementa dicuntur, à Boetio prædicamenta. Est autem *κατηγορία* uerbum forense, & accuso, damno, proprie significat. Deinde alio trāsfer tur, & alterum de altero enuntiari significat. Vnde *κατηγορία* prædicamentum, nomen generale. Cæterum ne aliquid erroris in vocabulo relinquatur, prædicamenti nomen distinguendum est, Prædicamentum quandoque pro supremo genere sumitur. Et sic dicimus decem esse prædicamenta. Quandoque pro ipsa serie generum specierum. Et sic accipitur, cum dicimus homo est in prædicamento substantiæ. Virtus in prædicamento, qualitatis, postremo pro quouis vocabulo communis. *Quoniam uerò.* Ex hoc loco sumitur diuifio eorum quæ prædicantur. Quædam prædicantur uniuoce. hoc est cum ratio de eodem dicitur, de quo ipsum nomen. Vt virtus dicitur uniuoce de Iustitia, quia & nomen virtus, & eius finitio, dicitur de iustitia. Quædam prædicantur æquiuoce, hoc est, cum nomen dicitur de aliquo, sed ratio non eadem de eodem, ut *κλέος* nomen, dicitur de instrumento quo referantur, & clauduntur ostia, & de massa illa carneâ, quæ est sub collo boum. Quam latini palearia vocant, sed secundum diuersam rationem. Quædam prædicantur denominatiue, hoc est a quibus subiecta aliquam sumunt appellationem, ut iustus fortis.

De æquiuocis, uniuocis, & denominatiuis.

ÆQUIVOCA dicuntur, quorum nomen solum commune est, secundum nomen uerò ratio substantiæ diuersa, ut animal homo, & quod dictum est, hominis tamen speciem interim referens. Horum sanè utrique nomen commune est solum nempe animalis: at uerò substantiæ ratio secundum ipsum nomen alia atque alia.

Vni-

DE PRAEDICAMENTIS.

Vniuoca uerò dicuntur, quorum nomen commune est, secundum nomen ratio substantiæ eadem, ut animal homo, & quod est equus. Horum nanque unumquodque (homo inquam & equus) animal est, & animalis quoque rationem, hoc est, definitionē suscipit, quæ quidem est substantia animata sensibilis. Denominatiua porro dicuntur, quæcunque ab aliquo, nempe ab ipso principali, solo casu differentia, secundum nomen habent appellationem, ut à fortitudine fortis, Grammatica à Grammaticus. Hic iam illud addendum, quòd nomen in his definitionibus non solum pro ea orationis parte, quæ à Grammaticis prima consideratur, sed & pro cæteris orationis partibus perinde accipitur. Nomen itaque hoc loco accipiendum, ut sit omnis rerum per uocem significatio, id est, omne uocabulum.

Antequam Aristoteles singula prædicamenta excuriat quædam præfatur quæ uulgo ante prædicamenta uocabulo magis usu trito, quàm latino dicuntur, eo quòd aliquid lucis prædicamenti adferant: Primo finiuntur æquiuoca, quia cæcæ prædicamenta æquiuoca sunt respectu huius nominis prædicamentum. Hæc descriptio complectitur æquiuoca æquiuocata, hoc est plura eiusdem nominis significata diuersa. Ipsum nomen æquiuocum æquiuocans dicitur. Ut animal uiuum, & animal pictum sunt æquiuoca æquiuocata animalis. Per substantiæ rationem intelligimus finitionem tam essentialem, quàm accidentariam. Nam in accidentibus æquiuoca sunt, ut clarum in uoce, & clarum in coloribus, sunt æquiuoca clari. Id Aristoteles docet decimotertio cap. j. libri Topicorum. Dicuntur) Hoc ait, quia res per se æquiuocæ non sunt, nisi id a communi nomine habeant. Voces enim dicuntur res uerò sunt. Solum.) Particula solam duobus modis sumitur. Primum cum unum si-
gnifi-

gnificamus aliquid, ut solus est mundus, hoc est unus est mundus. Secundo cum significamus diuisionem quandam ut sola est mihi uestis non etiam toga. Et ita hic sumitur. Acquiuocis est solum nomen commune, hoc est non etiam nominis finitio. Ex descriptione æquiuocorum nullo negotio uniuoca intelliguntur. *De denominatiuis.*) Communis Dialecticorum schola triplicia constituit denominatiua. Quædam uoce tantum, quæ initio conueniunt, & differunt terminatione finali, sed non cōueniunt significatione, ut cursor & cursus. Quædam significatione tantum, quæ significatione conueniunt, sed non uoce, ut uirtus, studiosus. Quædam uoce & significatione simul, quæ & uoces & significatione conueniunt: ut iustitia iustus, Et hæc hic finiuntur. Hæc ut constituantur tria necessaria sunt, ut re conueniant ut nomen retineant, & nominis quædam fiat inflexio. Neque hæc distinctio pro nihilo ducenda est. Sine ea enim innumeri Aristotelis loci plene & per omnes numeros intelligi non possunt. Et quoniam præmia & emolumenta (ut Plinius ait) in omnibus rebus maxime spectantur, ex his tribus finitionibus tres constituam regulas. Prima, nullum æquiuocum, ut æquiuocum in ullo ordine prædicamenti locum habet. Prædicamenta enim quæ uniuoca sunt, hæc tanquam noxias herbas a suis domiciliis arcent. Secunda, omne uniuocum in aliqua classe prædicamenti est. Tertia, Denominatiuum est in eodem ordine, in quo denominans. Ut iustum est in qualitate, quia in ea est iustitia.

De complexis, & incomplexis, Diuisio prima.

EORVM quæ dicuntur, alia quidem dicuntur cum cōplexione, alia uero sine complexione. Sine cōplexione dicuntur quæcunque secundum simplicem uocis sonum proferuntur, ut homo, equus, uincit, currit. Cum cōplexione uero, quæcunque uel cōiunctione aliquo copulantur, ut Socrates uel Plato: uel secundum aliquod accidens coniunguntur, ut uerbigratia, quia in Socra-

DE PRAEDICAMENTIS

tem ambulatio uenit, hinc didicimus, Socrates ambulat aut sit qualitate forte aliqua affectus fuerit, utpote sapientie, diximus, Socrates sapiens est.

Prima diuisio quam præponit, ut ostendat terminos complexos reici a prædicamentis, incomplexos uero in eis locum habere. Id quod ex prædicamenti finitione perspicuum est. *Dicuntur*) Dicuntur, inquit, quia hic de primis rerum uocalibus sermonē instituit. Vt enim uocum est dici ita rerū esse.

De iis quæ uel prædicantur de aliquo, uel in subiecto aliquo sunt, diuisio secunda.

Rursus autem præter hanc, & alia ex ipso *Arostotele* subiiciatur diuisio, quæ talis est, Eorum quæ sunt, alia quidem de subiecto dicuntur aliquo, in subiecto uerò non sunt, ut homo: alia uero in subiecto quidem sunt aliquo, de subiecto uero nullo dicuntur, ut hoc album: alia & de subiecto dicuntur aliquo, & in subiecto sunt, ut color. nam hic de subiecto quopiam, ut albo prædicatur, & in corpore insuper reperitur: omnis enim color in corpore est: alia neque in subiecto sunt, neque de subiecto dicuntur aliquo, ut Socrates, & quodcunque substantiæ nomen singulare, et indiuiduū.

Secunda diuisio quæ complectitur omnes res existentes. Nam omne quod est, aut substantia est aut accidens. Si substantia, aut uniuersalis aut particularis. Si accidens, aut uniuersale, aut particulare. *Eorum*) prima pars diuisionis sub qua continentur omnes substantiæ uniuersales, ut genera, & species, Dicit de subiecto est superius prædicari secundum essentiam de suo inferiori, ut corpus est substantia, animal est corpus. *Alia uero.*) Secunda pars, sub qua continentur accidentia particularia, ut hæc Albedo, hæc grammatica. Esse in subiecto est prædicatum accidentaliter de subiecto idci. *Alia &c.*) Tertia pars quæ continet uniuersalia acciden-
tium

tium. Nam hæc duplicem habent respectum, alterum ad sua inferiora, de quibus secundum essentiam dicuntur, ut color de albedine: alterum ad subiecta quibus inhæret, & de quibus accidentaliter dicuntur, ut coloratum de Corpore. Ex quo loco constat (in quo plerique hærent) nullum esse incommodum, idem & secundum essentiam, & secundum accidens de diuersis enuntiari. *Alia neque* Quarta pars quæ complectitur omnes substantias particulares, siue indiuidua. Hæc nec de subiecto dicuntur, nec in subiecto sunt. Nam nullo modo in pronuntiationis, a disciplina receptus, prædicantur. A prima substantia (inquit Aristoteles) nulla est prædicatio.

De nouem modis, quibus quippiam inesse alicui dicitur.

CONSENTANEVM fortassis fuerit hoc loco adijcere nouem modos, quibus esse in aliquo quippiam dicitur: quos ex Boetio obseruauimus, in his, quæ in Aristotelis Prædicamenta scripsit, commentarijs. Quos haud dubie uir ille, ex quarto Aristotelis de Physico auditu libro, ubi de loco tractat, & ex primo deinde Alexandri Aphrodisæi de anima libro multo ante collegisse existimandus est. Itaque dicitur esse aliquid aut ut in loco, ut quum dicimus quempiam in foro esse, aut in theatro: ut in uase, ut triticum in modio, & in dolio uinum, aut ut pars in toto, ut pupilla in oculo, & in manu digitus: & hæc omnia in toto corpore: aut ut totum in partibus uelut corpus in omnibus suis membris: aut ut in genere species, ut homo in animali: aut genus in speciebus suis, ut animal in homine, leone, equo, & boue: aut ut in fine, ut in beatitudine, quæ certè finis est bene actæ uitæ: aut ut in potente ut in Imperatore totius regni, siue imperij moderatio: aut ut in materia forma, ut in ære, siue in marmore Iouis

D statua:

[DE PRAEDICAMENTIS

Statua: quo quidem modo, & accidens hic nunc in aliquo esse dicitur, ut in subiecto. Præter hos autem nouem modos a Ioanne Damasceno duo adduntur, ut in tempore, ueluti cum dicimus, Noe tempore diluuium fuisse. Et ut in efficiente causa, ut in Deo omnia, & in artifice rationes eorum, quæ ab ipso emanant.

Consentaneum.) Quoniam dictum est aliqua dici de subiecto, aliqua esse in subiecto, ideo nunc addit modos, quibus aliud in alio esse dicitur. In his nihil est, quod studiosum lectorem remorari possit.

De iis, quæ ordine quodam de subiecto aliquo prædicantur.

R E G V L A I.

Q V A N D O alterû de altero, ut de subiecto quopiâ prædicatur, quæcunque dicuntur de eo quod prædicatur, omnia & de subiecto ipso prædicantur: ut quia homo de Socrate prædicatur, de homine uero & animal & substantia, & animal igitur, et substantia de Socrate quoque ipso prædicantur. Quare si Socrates homo est, idem nimirum Socrates & animal est, & substantia. Sciendum tamen quod intellectus regulæ accipi debet de ijs prædicatis, quæ nomina sunt, rei substantiâ explicantia, non etiâ de ijs, quæ nomina sunt aliorum nominum designatiua, siue secundæ impositionis nomina, & per hoc nominû nomina à diuo Seocrino Boetio, à recentioribus uerò nomina, siue termini secundæ intentionis appellantur: cuiusmodi sunt genus, species, subiectum, prædicatum, & his similia. Quapropter de homine licet species prædicetur, & homo de Socrate, nõ perinde tamen & de Socrate ipso species prædicabitur nunquã.

Quan-

Q V A N D O *alterum*) Hæc prima regula docet quid sit dici de subiecto. Est intelligenda de uocibus necessariò, co-
hærentibus. Quicquid enim dicitur de prædicato necessa-
rio, etiam dicitur de subiecto. Sic Plato colligit libro de Re-
publica secundo. Deus est bonus, bonum est innoxium, in-
noxium, nihil facit mali: ergo Deus nihil facit mali. Hæc re-
gula etiam locum habet in accidentibus, ut iustitia est habi-
tus, habitus est qualitas, Ergo iustitia est Qualitas. At in ter-
minis non necessariò cohererentibus hæc regula non habet lo-
cum, ut non rectè sic colliges, homo est animal, Animal est
genus: Ergo homo est genus. Est etiam hic alia cautio ut to-
tum prædicatum primæ propositionis, fiat subiectum secun-
dæ. Quare non sequitur Ioannes habet animam rationalem. Ani-
ma rationalis est immortalis: ergo Ioannes est immortalis.

De nominibus siue uocibus, quæ uulgo primæ &
secundæ tum intentionis, tum impositionis,
siue nomina, siue uoces appellantur.

H A N C igitur ob causam haud ab re fuerit paulò
altius hoc loco repetere atque adnotare duplicia esse
nomina siue uoces, quibus in tradendis disciplinis at-
que artibus passim utuntur autores uidelicet alia ex his
dici primæ, alia secundæ impositionis, siue (ut uulgus Dia-
lecticorum ea appellat) primæ & secundæ intentionis
nomina, neque id quidè omnino temerè. Nam quæ pri-
mæ siue intentionis siue impositionis nomina dicuntur,
ea sic appellata esse certum est, quòd qui uocabula insti-
tuere in animo habuerunt, primum quidem ij intende-
runt, ut ipsis rebus nomina inderent, siue imponent,
quæ rerum uocabula & essent, & dicerentur: qualia
sunt ea uocabula cum primis, quibus uulgus hominum
passim utitur in exprimendis suis inuicem cõceptibus,
et quibus utimur in disciplinis tum naturalibus, tum mo-
ralibus.

DE PRAEDICAMENTIS

ralibus, addo & in mathematicis & in diuina philosophia. & alijs plerisque, deinde uerò cum uiderent ijdē necessarias fore artes aliquas, per quas disceremus & sciremus rectè ac propriè uti illis nominibus iā positis, ut quæ docerent nos illorum significationes, proprietates, & elegantias, & in summa illorum aptas ubiq; cōpositiones, siue ut quid animo tuo cōceperis, alijs indicare possis siue ut quid uerum quidue falsum sit, statim diiudicare possit, quicumque loquentem alium audierit: siue ut auditorem inducere queas ad assentiendum tibi, quod persuadere conaris: hinc illi ueluti iam secundo loco intenderunt ac mente conceperunt ut ipsis nominibus uocabula imposerent inderentque. Cuiusmodi nomina siue uocabula sunt, quibus tum in Grammatica, tum in Dialectica, tum in Rhetorica arte utimur. Vnde & ipsa secundæ siue impositionis, siue intentionis nomina tandem dici cœperunt. Et hæc quidem mea de his nominibus siue uocibus sententia est: nec uideo aliam huius discriminis inter ipsas uoces rationem magis cōsonam rei propositæ: quæcūque uerò alijs protulerint reddiderintq; eā mihi ut nec refellere omnino, ita nec probare admodum duræ fuerit iudicium tamen suum cuique relinquo. Nos interim ad institutum reuertamur.

HANC IGITUR Hoc caput addit Cæsarius: quia in superiori capite, nominum secundæ impositionis, mentionem habuit. Cæsarius satis dilucidè quid sentiat explicat. Nomina primæ impositionis dicuntur quibus animi nostri Sensa euoluimus atque explicamus. Primum rebus ipsis indita sunt, & ob id nomina rerum dicta. Nomina secundæ impositionis dicuntur quibus rerum nomina designamus. Ea Boëtius nomina nominum vocat. Nomina primæ impositionis

tionis sunt Corpus, uirtus, scientia. Secundę verò nomen, verbum, genus, subiectum, prædicatum.

De generibus diuersis, & non subalternatim positis.

REGULA II.

DIVERSORVM generũ, & non subalternatim positorum diuersę sunt species, & differentię, ut animalis & scientię. Animalis quippe differentię sunt gressibile, bipes, uolatile, & aquatile: scientię uerò harum nulla est, quin potius ipsius scientię differentię assignari possunt, quòd hæc quidẽ naturalis, hæc moralis, illa uerò rationalis existit. At uerò generum subalternorum, siue subalternatim positorũ nihil prohibet eadẽ esse differentiãs, ut auis et animalis, quę genera sibi subalterna sunt. Siquidem species animalis auis est, eademq; corui genus. Vtriusq; autem ut pote tam animalis quàm auis differentię eadẽ esse possunt & diuersę. Eadẽ quidem, ut si quis has animalis differentiãs assignet, quòd animalium alia sunt quę pascuntur herbis, alia quę seminibus, alia quę carnibus, per quas & aues inter se differre dignoscuntur, quandoquidem & inter aues alię herbis pascuntur, alię seminibus, alię carnibus. Diuersę uerò, ut quum animalis differentię assignantur, quòd aliud quidem rationale est, aliud irrationale: quorsum sanẽ nulla auis ab aut differt.

DIVERSORVM GENERVM) Secunda regula generum, diuersorum prædicamentorũ, sunt diuersę differentię secundum speciem, hoc est constituentes diuersas species, ut animalis, quòd est in substantia differentię sunt, Aquatile, uolatile. Scientię uerò quę est in qualitate differentię sunt, naturalis, moralis, rationalis, quę differentię sumptę cum ge-

DE PRAEDICAMENTIS

mere diuerſas conſtituunt ſpecies *As uerò*) Genera ſubalterna ſiue ſubalternatim poſita uocat, quæ ſe inuicem continēt. ut auis & animal. Et horum poſſunt eadem eſſe differentię.

De prædicamentiſ generatim.

EORVM quæ ſecundum nullam complexionem dicuntur, unumquodque ſignificat, aut ſubſtantiam, aut quantitatem, aut qualitatem, aut ad aliquid, aut ubi, aut quando, aut ſitum eſſe, aut habere, aut agere, aut pati. Et ſubſtantia quidem eſt (ut exempli gratia dicam) ut homo, equus: quantitas, ut bicubitum, tricubitum: qualitas, ut Muſicum, Grammaticum, album, nigrum: ad aliquid, ut duplum, dimidium, maius, minus: ubi uerò, ut in foro, in theatro: quando autem, ut heri, anno ſuperiori: ſitum eſſe, ut iacere, ſedere, ſtare: habere autem, ut calceatum eſſe, armatum eſſe: agere, ut ſecare, urere: pati, ut ſecari, uri. Sanè ex ijs quæ dicta ſunt, ipſa quidem ſecundum ſe ſingula in nulla affirmatione, uel negatione dicuntur, ut quæ neq; uerum, neq; falſum ſignificent. Horum autem ad ſe inuicem complexione affirmatio utique fit, aut negatio.

EORVM QVARE) Ariſtoteles. i. cap. i. lib. de Phyſico auditu ſcribit: nobis a natura inſitum eſſe ut à nobis notioribus progrediamur. Hic igitur generatim in ſignificata uocis incomplexæ enumerantur. Hæc enumeratio eſt, non diuiſio. Nam diuiſio eſt generis in ſpecies diſtributio. Prædicamenta autem genera ſuperiora non habent.

De ſubſtantia, quid ſit, & quomodo diuidatur.

SUBSTANTIA dicta eſſe uidetur, quod alijs omnibus ſubſtet: proinde à Ioanne Damasceno hoc pacto deſcribitur. Subſtantia eſt, quæ per ſe ſubſiſtit, alio

neutiquam indigēs ut sit. Hæc ipsa ab Aristotele in primam diuiditur & secundam. Et primam quidem eam esse dicit, quæ propriè et principaliter, et maximè subflare dicitur, quæ neq; de subiecto dicitur, neq; in subiecto est, ut quidā homo, ut Socrates, ut Plato, et si quid huiusmodi est, nempe singulare & indiuiduum. Secundam uerò substantiā, idest, secundæ substantiæ nomine, appellat species ipsas, in quibus quæ principaliter substantiæ dicuntur, insunt, & harum specierum genera, ut homo, ut animal. Cæterum primæ substantiæ idcirco dici uidentur, quòd sensibus propinquiore sint, primæq; his occurrant, ut ex quarum hausta prius sensibus cognitione, generalitas deinde animo cōcepta colligitur, constituiturq;. Id quod & diuus Seuerinus Boetius in libro de duabus naturis in CHRISTO, alijs quidē uerbis, sed sensu propè eodem dicere uidetur: Intellectus, inquit, uniuersalium rerū ex particularibus sumptus est. Ex quo & liquidò constat, quòd ex secundis substantijs magis substantia ea dicitur, quæ primis substantijs propinquior est, quippe quæ & pluribus etiam substat. Quo fit ut & species magis substantia sit, quàm genus, & homo quàm animal. Porro inter species ipsas, quæ quidem huiusmodi sunt ut genera esse non possint, nulla magis substantia est quàm altera, quemadmodum, nec in primis substantijs, altera alterā magis substantia est.

CVM RES numero sint infinitæ, nomina uerò finita, ideo Aristoteles effusam illam & immensam rerum uarietatem ad decem capita reuocauit. Inter hæc substantia prior est natura, quia alia sine hac subsistere non possunt, ratione, quia in uniuscuiusque rei ratione, ratio substantiæ inest.

DE PRAEDICAMENTIS

Cognitione, quia tunc unum quod cognoscimus cum quid sit, & substantiam eius intelligimus. Tempore, quia sola hæc separabilis est. *Substantia est*] Tyrones hic admonendi sunt, generum summorum nullam esse finitionem. Omnis enim finitio genere, & differentia constat. Supremorum autem generum nulla genera sunt. Ob eandem rationem indiuiduorum nulla est propria finitio, quia nullas habent proprias differentias. Describit ergo substantiam per id quod est proprium substantiæ, scilicet per se subsistere. *Quæ proprie*] singula hæc aduerbia suum pondus, & momentum habent. *Proprie*] quia primæ substantiæ sensibus obijciuntur. *Principaliter*] quia primæ substantiæ alia omnia prius insunt. *Maxime*] nam prima substantia ut Rodolphus agricola ait est, cui reliqua omnia sunt innixa, quæque reliquorum receptaculum est, & fundamentum. *Secundarum*] Secundæ substantiæ sunt genera, & species primarum substantiarum. Quare color licet genus sit, tamen non est secunda substantia, quia non est genus primæ substantiæ. *Ceterum*] docet nominis rationem cur primæ substantiæ dicantur. Hunc locum magni uiri conuellere conantur: secundis substantiis interemptis etiam interimuntur primæ, quocirca secundæ substantiæ primæ dicendæ videntur. Hunc scrupulum sic eximere oportet, ut primæ substantiæ sunt sensibus propinquiore: ita etiam primis nominibus appellandæ erant. *Intellectus inquit*] Locus hic est apud Aristotelem. xxix. cap. j. lib. Posteriorum. Ex singularibus plurimis, vniuersale manifestum est. *Ex quo liquida constat*] Magis, & minus hoc loco non significant intentionem, aut remissionem, sed significant, potius similis, propinquius. Hoc sensu substantiæ vocabula, has voces admittunt. Sic Aristoteles accipiendus est primo capit. ij. lib. de Anima. Cum dicit corpora naturalia esse magis substantias quàm artificialia. Porro] Huius loci ratio est, quia species inhiææ, quæ propinquæ, primæ substantiæ sunt.

De sex substantiæ proprietatibus.

OMNIBVS substantiis, tam primis quam secundis, proprium quodammodo est, in subiecto non esse. Di

ſo autem quodammodo, quando id non his conuenit ſo-
 lis, ſed et earum perinde differentijs, quippe quæ nec ip-
 ſe in ſubiecto ſunt aliquo. Omnibus inſuper ſecundis
 ſubſtantijs, et earum differentijs conuenit uniuoce præ-
 dicari de primis, ut homo & animal de Socrate, & de
 eodem item Socrate, rationale. Omnia nanque hæc de
 Socrate prædicantur nomine pariter et ratione, id quod
 uniuoce prædicari ſupra definitum eſt. Subſtantiæ præ-
 terea nihil eſt contrarium. Quod tamen omnino uerum
 eſſe non uidetur, cum igni, aqua, et aqua ignis contra-
 rius eſſe putetur. Sane hunc ſcrupulum Boetius paucis
 uerbis ita diluit, idque iuxta Alexandri Aphrodiſæi
 mentem, Neutrum, inquiens, horum elementorum al-
 teri contrarium eſt, licet eorum inter ſe qualitas repug-
 nent diuerſæq; ſint. Subſtantiæ igitur nihil eſt contra-
 rium. At nec proprium hoc ſubſtantiæ eſt, quando &
 quantitati perinde conuenit, & alijs quibuſdam. Sub-
 ſtantiæ item neq; magis, neq; minus ſuſcipit, ut homo
 non eſt magis aut minus homo, uel ſeipſo prius uel poſte-
 rius, uel altero quolibet homine. Quod ergo dictum eſt,
 neq; magis neq; minus ſuſcipit, id ita intelligitur quod
 ſubſtantiæ ipſa neq; intenditur, neq; remittitur. Sed nec
 illud ſubſtantiæ proprium, quando neque circulus alio
 circulo magis aut minus circulus eſt. Videtur autem om-
 nis ſubſtantiæ hoc aliquid ſignificare. id quod in pri-
 mis quidem ſubſtantijs haud dubie ita ſe habet. In ſe-
 cundis uero non ita plane, niſi ob appellatiōis figurā,
 ut quum quis dicit hominem, aut animal, is iam perinde
 ac quendam hominem, aut quoddam animal dixiſſe
 uideri poteſt. At qui id ita non eſt. Quapropter ſecunda
 ſub.

DE PRAEDICAMENTIS

substantia nō hoc aliquid, sed potius quale quid significat. Maxime uerō propriū substantiæ est, quod tametsi una eadēq; numero ipsa existit, secundū sui tamē mutationem, contrariorum susceptibilis est, ut quidā homo: qui licet unus, idemque numero maneat, ipse tamē nūc calidus, nunc frigidus, nunc paruus, nunc studiosus existit, mutaturq; hoc pacto interim cōtrarijs inter se qualitibus: id quod neq; orationi, neque opinione cōuenire potest. Quippe quod neutra earum (quantum quidē in ipsa est) mutatur: & si aliquādo uera, aliquando falsa iudicatur: quin potius res ipsa, de qua uel oratio profertur, uel opinio habetur, mutationē sui admittit, patiturq;. Nam ut Aristoteles inquit, eatenus oratio aut uera, aut falsa est, quatenus res se habet. Idem de opinione sentiendum.

ARISTOTELES de more habet ea quæ à sensibus remotissima sunt, per ea quæ sensibus proximiora sunt, explicare. Quam docendi rationem Aristoteles in libris de anima de hystoria, partibus, generatione animalium, secutus est. Hoc loco itaque Cæsarius Aristotelem secutus, substantiam quæ intellectu percipitur, per proprietates quæ nobis notiores sunt, copiosius declarat. *Omnibus substantijs.*) Prima hæc communitas propria uidetur secundo modo. Nam omni substantiæ & non soli conuenit. *Sed et earum perinde differentijs.*) Ex hoc loco aliquis conuincere poterit differentias non esse substantia. Nam hic uominatim Cæsarius dicit, non esse in subiecto conuenire alijs à substantiis, nimirum differentiis. Hic nodus sic dissoluendus est. Differentia, nec omnino est substantia, nec omnino accidens, sed mediastinum locū inter utrūque tenet, est. n. qualitas (ut vulgò loquimur) substantialis. *Omnibus insuper.*) Secunda. n. substantiæ, & nomine, & ratione de primis dicuntur. *Substantiæ præterea.* Huius ratio est facilis, quia cōtraria propriè in solis qualitibus reperiuntur.

tur. *Substantia iēm.*] Hic locus a nobis iā explicatus est. Hoc tamē addā. Res omnis cuius est aliquis terminus essentiae suae, & ad quem cū peruenierit habet essentiae illius nomen, non dicitur esse hoc magis, aut minus quod sit. Quemadmodum Cicero dicit de Beato, lib. 5. Tuscula. Nam & qui beatus est, non intelligo quid requirat, ut sit beator. Ita substantia postquam peruenit ad terminum suae perfectionis nō dicitur magis, aut minus, alioqui non esset perfecta. *Videsur autem.*] Prima substantia significat hoc aliquid hoc est rem singularem. Secunda substantia prima facie etiam uidetur significare rem singularem ob appellationis figuram, hoc est quia dicitur de prima. Sed non est ita quin potius quale quid significat, hoc est naturam communem multis, & speciebus, & indiuiduis, Neque hic quale sumitur quemadmodum in praedicatione qualitatis, scilicet pro qualitate accidentaria, sed pro notione cōmuni essentiali. *Maxime uero.*] Hæc sexta cōmunitas est propria quarto modo non conuenit omni substantiae. Primis per se, secundis quatenus insunt primis: ut quia hic homo ægrotat, dicimus hominem ægrotare. Præterea conuenit soli substantiae. Nam nihil ex prædicamento accidentium, manens unum, & idem numero, contraria uicissim recipit. *Id quod.*] Recipit tacitam obiectionem, substantia recipit contraria secundum sui mutationem, at oratio, & opinio si contraria suscipiant, ipsa non mutantur. Deinde oratio, & opinio non suscipiunt uerum, uel falsum, sed potius res ipsa. Nam ueritas orationis, uel opinionis, pendet à re ipsa. Ut enim se res habet, inquit, Aristoteles, ita oratio est uera, uel falsa.

De quantitate.

QUANTITAS est secundum quā in partes quippiam diuiditur. Quantitatis autem alia continua est, alia uero discreta. Continua quantitas ab Aristotele ea esse definitur, cuius partes ad eundem terminum cōmunem copulantur, ut lineæ ad punctum ad lineam superficiem, & ad superficiem demum ipsis corporis. *Id,*
quod

DE PRAEDICAMENTIS

quod de linea ostendisse satis sortassis fuerit, quantum praesens hoc institutum exigit. Itaq; sit linea aliqua in duas partes per punctum in ea signatum, secta, animo, tamen magis quam re ipsa. Hæc quia continua est, partes ipsas ad eundem illum punctum, nempe terminum utriq; communem (sicq; c) coherentes habet & copulatas. Continua ergo quantitas est, ut linea, ut superficies, corpus. Additur his & tempus, cuius partes, quoniam successione solum continuantur, ad instans, quod & nunc dicitur, copulari habeat. Et locus, sed improprie, quippe quod re magis quam ratione quantitas sit. Porro discreta quantitas est, cuius partes ad nullum tertium communem copulantur, sed à se inuicem se iuncte sunt, atq; discretæ, ut numerus, & oratio. Numeri quippe, ut exempli causa, denarii partes sunt, quinque, & quinque, aut tria & septem, aut quomolibet aliter idem diuidatur numerus: ipsæ nimirum, quæcunque eius numeri partes fuerint, inter se disiunctæ sunt atque separatæ. Sic et in oratione partes, nempe literæ & syllabæ, & item dictiones, tum breuitate, longitudineue, tum ipsa prolatione separantur, quin etiam scriptura, ut per quam oculi eas facile discernant, atque distinguant.

Inter nonem prædicamentorum accidentium, quantitas primum locum tenet, quia mediante quantitate cætera in substantia sunt. adde, omnis res simulatque est in numerum cadit (est enim una uel plures) hæc autem quantitatis scientia colliguntur: Continua quantitas) Continua quantitas sic dicta est quia partes ita sunt connexæ, & copulatæ, ut si quis eas se iungere velit diuellere necesse sit. Vt linea superficies corpus. Terminus communis hic dicitur, qui est finis vnius partitis,

tis, & initium alterius, ut punctum in linea, linea in superficie, superficies in corpore. *Additur his & tempus.*) Aristoteles in prædicamento substantiæ docet tempus esse quantitatem per se. At decimo tertio cap. 5. lib. primæ Philosophiæ disertè docet, tempus esse quantitatem per accidens. Quæ duò tam pugnantiæ sunt quàm quæ maximè. Hæc quæstio subdificilis: sic est dissoluenda. Aristoteles quinto metaphysices sumit quantitatem secundum esse, & sic tempus est quantitas per accidens, quia habet esse a magnitudine in prædicamento quantitatis. Quantitas sumitur secundum rationem mensuræ & eo modo tempus est quantitas per se quia habet rationem mensuræ per se. *Et locus.*) locus quocunque quis se uertat siue rem spectet, siue rationem non uidetur esse quantitatis species distincta ab aliis. Nam secundum rem est superficies. Est enim locus ut Aristoteles quarto libro de physico auditu finit, superficies concaua corporis continentis immobilis prima: si quis spectet rationem locus est ex numero relatorum. Nam ad locatum refertur: propterea proxime uidentur mihi ad ueritatem accedere qui scribunt Aristotelem hic ueterum Philosophorum opinionem secutum. Qui dicebant locum esse quoddam spatium immensum, in quo cum corpora erant, plenum uocabant, cum uerò nulla corpora continebat, dicebant esse uacuum. Prudenter igitur Aristoteles in prima Philosophia ueterum opinionem explosit. Nam cū quantitatis species enumeraret, omisso loco. substituit motum; *Porrò discreta*) Discreta quantitas sic dicta est quòd partes eius sint discretæ, disiunctæ, separatæ. *Numeri quippe*) hic locus de numero numerante est intelligendus. Est autem numerus numerans numerus absolute acceptus & rebus non applicatus, ut denarius. Numerus numeratus est numerus rebus ipsis applicatus ut decem homines. *Sic & in oratione*) Oratio hic sumitur pro certo quodam tenore syllabarum, quæ modo extenduntur, modo contrahuntur. Idque quoniam fit in tempore quod est quantitas, oratio etiam quantitas est. Et quidem discreta, quia syllabæ quarum quædā extenduntur, quædam contrahuntur, nullo termino communì copulantur.

DE PRAEDICAMENTIS

De tribus quantitatis proprietatibus.

CAETERVM quantitati nihil est contrarium, id quod in ijs quidem, quæ finita sunt, nullam habet dubitationem, ut bicubito aut tricubito nihil est contrariū. In ijs uero quæ sunt indefinita, uidetur quidē alterum alteri contrarium esse, ut multum paucō, & magnum paruo: uerum horum nihil quantitas est, quemadmodū Aristoteles dicit, sed ad aliquid potius, quippe cum nihil sit, quod per se magnum aut paruum, multum aut paucum dicatur, sed id aliorum euenit respectu. Quantitas præterea neque magis neque minus suscipit: ut bicubitum non est alio bicubito magis aut minus bicubitum, neque numerus alio numero magis, aut minus numerus est. Maxime autem proprium quantitati est, ut secundum eam æquale quicquā dicatur, aut inæquale. Ita secundum numerū, exercitus unus alteri æqualis, aut inæqualis dicitur: et secundum magnitudinem lignum ligno æquale est, ut cū alterum alteri respondet aut secundum longitudinem, aut secundum latitudinem, aut secundum crassitiem, aut secundum has omnes dimensiones simul. Quod quia suo constat ternario, perfecte quantum dicitur.

CAETERVM Definita quantitas est quæ certa numeri quantitate censetur ut binarius ternarius indefinita quæ nulla certa numeri quantitate censetur, ut multum, paucum. Maxime autem) Aequale & inæquale non tam quantitates sunt quàm qualitates & passionēs ipsius quantitatis.

De iis quæ ad aliquid dicuntur.

AD aliquid uero talia dicuntur, quæcunque hoc ipsum quod sunt, aliorum esse dicuntur, uel quomodolibet aliter ad aliud, ut duplum hoc ipsum quod est, alterius
dicitur

dicitur nempe dimidiū, itidem et scientia. Etenim ut du-
 plum dimidiū duplum est, ita scientia, scibilis scientia.
 Adiectum est autem, uel quomodolibet aliter ad aliud,
 tu intelligamus relatiuorum quædam esse, quæ casu ali-
 quo, quædam quæ absque casu referantur. Casu refe-
 runtur, quæ aliorum esse dicuntur: absque casu uero,
 quæ quomodolibet aliter ad aliud: ut cū dicitur, mons
 magnus ad montem paruum, ratio quidem est magni
 ad paruum, sed non quæ per casum facta sit, tametsi in
 ea casus accusatiuus sumptus est, quod nimirum ideo e-
 uenire Boetius ait, quod illius relationis uis nō in casu,
 sed in præpositione sola consistit. Per casum itaque re-
 feruntur, cū aut per genitiuū referuntur, ut pater filij:
 pater. Aut per datiuum, ut similis simili similis. Aut
 per ablatiuum, ut maius minori maius. Sunt etiā quæ
 mutatis casibus referantur, ut sciētia scibilis sciētia, et
 scibili sciētia scibile. Sunt itē quæ referantur nominibus
 eisdem, ut amicus amici amicus, et socius socijs socius.
 Sunt quæ diuersis, ut alia fere omnia. Sciēdum autē di-
 ctā definitionem Platonis esse, nō Aristotelis, id quod
 Boetius plane astruit: & proinde alia ab Aristotele ip-
 so traditur, quæ huiusmodi est, & quidē propria. Ad
 aliquid sunt, quibus hoc ipsum esse est ad aliud quoddā
 modo se habere. Sane hac definitione ea relatiua descri-
 buntur, quæ in quadam comparatione, et relationis ha-
 bitudine considerantur solum: ut quaternarius, quod
 duplus est, non ex se habet, sed hoc ipsum ex medio tra-
 hit, ad quod refertur, nempe ex binario. Atque e diuer-
 so binarius, quod medius sit ex eo tantum habet, quod
 ad quaternarium refertur. Relatiuorum igitur quæ
 propriæ

DE PRAEDICAMENTIS

proprie dicuntur, siue eorum quæ sunt ad aliquid, hoc est esse, id est, hæc eorum natura est, ut ad aliud referantur, sine quone intelligi quidem possunt. Quo fit, ut prior definitio maior sit quàm posterior, hoc est, communior ut quæ omnia quæcunque ad aliquid utcunque dicuntur, complectatur.

R A T I O ordinis cuius Philosophum ualde curiosum esse oportet hæc est, posita quantitate ponitur maius aut minus, hæc autem relata sunt ergo post quantitatem ordo efflagitat, ut de relatiuis dicatur. ad hæc in quantitate est mentio facta relatiuorum: ut autem huic prædicamento illud aliquid adferamus, tenenda in primis est hæc diuissio. Eritium quædam sunt absoluta, ut substantia, quantitas, qualitas, quæ per se intelligi possunt. Alia sunt. relatiua quorum significatio ad aliud refertur: Non sum nescius auribus delicatioribus duram, & impositam hanc diuisionem trideri. Sed & docebentibus, & scribentibus (cuius ego sæpe auditores meos de loco superiore commonefeci) artis uocabula non tam latina quam usu trita, ut res intelligatur: retinenda sunt. Verissime Fabius, non refert quibus quidque nominibus appelletur, modò de re constet. Nos si in hac spinosa & ieiuna Philosophia quatuor illas uirtutes orationis, emendatam, perspicuam, ornatam benè accommodatam, exprimere non possumus, duas priores tamen emendatam & perspicuam (sine quibus nihil rectè docetur) retinere conabimur. Sed hæc ἡ πρώτη τῶν πραγμάτων καὶ λόγων.
Ad aliquid uero.) Prima hæc finitio communis est, & omnia relatiua quouis modo dicta complectitur. Prima pars finitionis ea continet, quæ cum casu ad se inuicem referuntur. Secunda uero ea complectitur quæ uel cum casu uel sine casu dicuntur. Prima hæc finitio est apud Platonem lib. 4. de Republica. *Ad aliquid sunt*) secunda hæc descriptio complectitur solum relatiua quæ ex propria significatione relationem significant. Id enim sonant hæc uerba, quibus hoc ipsum esse est ad aliud se habere. Et hæc uulgo dicuntur relatiua secundum esse. Alia sunt relatiua secundum dici, quæ ex pri-

ma significatione ens absolutum significant, sed secundo loco habitudinem & respectum, ut scientia, dominus.

De quinque eorum, quæ ad aliquid dicuntur, proprietatibus.

IN EST autē & his quæ ad aliquid dicuntur, contrarietas. Nā uirtus uitio, & scientia ignorantia contraria est. Atqui ut hoc ipsum, nec proprium omnibus est, ita nec cōe. Videntur itē & magis & minus suscipere. Simile nāque alicui quippiā dicitur, et magis, & minus. Verum ne hoc quidem omnibus aut proprium, aut cōmune. Omnia porro quæ sunt ad aliquid ad cōuertentiā dicuntur, ut seruus domini seruus, & dominus serui dominus. Sed neque in his firma semper cōuertentia est, nisi conuenienter id ad quod dicitur, assignatur: ut si ala auis ala dicatur, non rectē assignatio facta est, & per hoc nec conuertitur, ut dicatur auis alæ auis: sed si ala alati ala dicatur, iam conuertentia fiet hoc pacto, alatum ala alatum. Proinde rectē Aristoteles nos monuit, necesse esse aliquoties, ut nōmina fingantur. Videntur autem ea quæ ad aliquid dicuntur, simul esse natura, id quod in pluribus quidem uerum est, ut simul sunt duplum, & dimidium, dominus item & seruus. In aliquibus uerò non ita est: nam scibile quippiam est, cuius tamen scientia fortassis nondum habetur. Vnde & à nonnullis haud ab re relatiuorum talis assignatur distinctio, ut sint quædam quæ actu referantur, quædam quæ potestate solum. Maxime uero proprium est eorum, quæ ad aliquid dicuntur, quòd ex his uno definite cognito, cognoscitur eodem modo, & reliquum: ut si quis definite sciam quippiam duplum esse, idem etiā de-

DE PRAEDICAMENTIS

finite scit id, cuius est duplum, nempe dimidium. Quemadmodum si quis scierit Anchisem Aeneae esse patrem, is proculdubio iam sciet Aeneam Anchisæ filium esse.

Hoc loco regula tradenda est qua cognoscemus, quibus relatiuis insit contrarietas. Si prædicamento a quo relatiua sumuntur aliquid est contrarium, etiam relatiuis erit aliquid contrarium ut uirtus & uitium relata sunt, illa refertur ad studiosum, hoc ad uitiosum. Contraria quoque sunt, quia a qualitate sumuntur, in qua proprie contraria reperiuntur, *Videntur.*) Hæc communitas etiam ex Prædicamentis, & quibus relatiua sumuntur intelligenda est. *Omnia porrò.*) Conuerti hoc loco est quando primum refertur ad secundum, & rursum secundum ad primum, ut pater ad filium, & filius ad patrem. Sed id non semper contingit, nisi relatiua apte assignentur. *Videtur autem.*) Ea dicuntur hoc loco simul esse natura quæ mutuo se ponuntur, & interimunt, & quorum alterum non est causa alterius. Et relatiua actu secundum actum, Potestate relatiua, secundum potestatem se mutuo inferuntur.

De Qualitate.

QUALITAS est, secundum quam quales esse dicimur, ut secundum Musicam musici, & secundum albedinem albi. Porrò qualitatis species ab Aristotele quatuor assignantur. Ex his una est, quæ habitus et dispositio, siue affectio dicitur: sed ab habitu dispositio differt, quod permanentior quidem habitus sit et diuturnior: dispositio uerò facile mobilis et cito mutabilis. Et habitus quidem sunt, ut scientia & uirtutes: dispositiones uero, ut calor & frigus (quæ tamen exempla magis analogicis quam reuera hoc loco ponuntur) tum & sanitas, & aegritudo. Namque secundum has disponitur, afficiturq; quodam-

dammodo homo, aut aliud quoduis animal; uerum cito in contrarias mutatur qualitates, ut a sanitate in ægritudinem facilis est transitus, et rursus ab ægritudine in sanitatem. Nonnunquam uero euenit, ut earum aliqua temporis protractione in alicuius transeat naturam, ut nigritia ex solis ardore longo tēpore contracta, & quæ hectica febris Græco uocabulo a medicis dicta est, Latino uero habitualis dici potest. Vnde fit, ut dispositio quasi quædā uia sit ad habitum, et per hoc habitus imperfectus, Habitus uero constans omnino atq; perfecta dispositio, et ueluti ipsius dispositionis terminus. Hinc habitus definiuntur, qualitas difficulter mobilis ab eo, in quo est: dispositio contra, qualitas quæ facile a subiecto dimouetur. Rursus autē, & habitus modo quodā dispositiones dici possunt: dispositiones uero, ut habitus dicantur, non est necesse. Alia autem qualitatis species est, quæ naturalis potentia & impotentia dicitur, secundū quam quidem quispiā non ex eo, quod talis est, dicitur, sed quod talis esse potest: ut docilis puer dicitur, nō qui iam doctus sit, sed qui aptus est doceri: et fragile lignū: nō quod iam fractum sit, sed quia tale est, ut frangi possit. Sic durum dicitur, quod naturalem resistendi potentiam habet, ut nō facile secetur, diuidaturq; cōtra mole, quod ad hoc naturalem habet impotentiam. Ad hunc quoq; modū & saltatores, et pugiles dicimus aliquos; non quod in his artibus, saltandi inquā et concertandi, periculū unquā fecerint, sed quod ad eas insitā suapte natura potētiam habeant, habilitatemq;. Tertia uero species ea esse dicitur, quæ passio, et passibilis qualitas nominatur, et differt hæc ab illa, perinde, atq; habitus

DE PRAEDICAMENTIS

a dispositione, quòd passibiles quidem qualitates perpetuò perdurant, ut in melle dulcedo, & in glacie frigus: passioncs autem ad tempus exortæ, facile commutantur: quare & qualitates uix dici merentur, & in facie rubor ex uerecundia subortus, et ex metu pallor. Quarta demum qualitatis species est, quæ dicitur figura, & circa hoc aliquid constans forma, ut triangulum, quadratum, cubitum, & alia huiusmodi, quæ qualia omnino dicuntur, ab ipsa uidelicet figura, hoc est, a linearum superficierumque deductione, si magnitudinis nomina sunt: uel a descriptione, situque numerorum, si multitudinis. Eadem insuper, & ab ipsa forma qualia dici solent, utpote a concinna partium compositione. Haud secus in his quæ artificio constant, sese habet id, quod dictum est, ut in domo, naui, statua, & alijs huiusmodi quorum unumquodque duplici qualitate affectum, ex iam dictis nemo non percipit, nempe tum figura, tum forma. Figura quidem, ut uerbigratia, statua ab ipsorum lineamentorum deductione, qua hunc aut illum exprimit; et repræsentat. Forma uero a conuenienti illorum inter se consensu, quæ debita proportio rei dici solet, & commensuratio, a Græcis *συμμετρεσις* appellata.

HÆC qualitatis descriptio solum qualitates accidentarias cõplectitur. assignata est etiã per notius, quia quale de nominatiuum est notus quo ad sensum qualitate denominante. (Ex his.) Aristoteles quatuor formas qualitatis proposuit, & singulas geminato uocabulo expressit, penuria (credo) simplicium uocum coactus: habitus & dispositio nec genere, nec specie, sed numero tantum differunt. Vt enim duo indiuidua qualitate accidentaria differunt tantum: ita habitus

bitus & dispositio qualitate separantur tatum. Habitus enim est firma qualitas, dispositio non est firma. *Alia autem*) Naturalis potentia est quædam qualitas cogenita, alicui per quâ ipsum redditur naturaliter potens ad aliquid agendum. Contra uerò de naturali impotentia dicendum est. *Tertia uero*) Passio est qualitas transiens, quæ sensui infert passionem, ut calor tactui, uel quæ ex passione infertur, ut rubedo ex uerecundia. Passibilis qualitas est qualitas permanens, inferens sensui passionem, ut color plumbeus ex melancholia. Cæterum hic exoritur quaestio. Passio est genus summum ergo non potest esse species. Hoc sic diluitur. Passio, ut est effectus actionis est genus summum, sed ut sensum mouet est species qualitatis. *Quarta demum*) Figura est, quæ termino uel terminis clauditur, ut circulus triangulus. Forma est ipsa protractio, & delineatio figuræ.

De communitatibus, & proprietatibus ipsius Qualitatis.

IN EST autem, & Qualitati contrarietas, ut iustitiæ iniustitia contraria est, & albedo nigredini. Verum non in omnibus hoc ita habet. Nempe rubori, & pallori, cæterisque huiusmodi medijs coloribus nihil est contrarium. Alioqui uni plura contraria erunt. Tum & figuræ nihil contrarium est, ut exempli gratia, triangulo, quadrato, cubito, necnon & ipsi circulo. Suscipiunt autem et magis, et minus, non adeò qualitates ipsæ, sed quæ ab his qualia denominatiue dicuntur: album magis, & minus album dicitur, uel seipso, uel altero quolibet albo. At uerò ne hoc quidem figuris ipsis conuenit, suscipere in quam magis, & minus. Nam quæcunque aut trianguli, aut quadrati, aut circuli definitionem suscipiunt, omnia peræque aut triangula, aut quadrata, aut circuli sunt. Sciendum uerò, quod tam hanc, quâ il-

DE PRAEDICAMENTIS

lā cōmunitatē potius quā propriatē dixerimus , quando ea secundū utranq; dicta sunt, nec solis, nec omnibus conueniant qualitatibus . Maxime autem proprium qualitati est, ut secundum eam similia, et dissimilia dicantur. Simile enim aut dissimile alterum alteri dicitur, non secundum aliud quippiā, quā secundum id quod quale est, siue à qualitate denominatur.

IN EST autem.) Hæc cōmunitas primo modo propria est. Conuenit enim soli Qualitati per se, cæteris prædicamentis non nisi propter Qualitates. Sed non omni qualitati conuenit. *Alioqui.)* Id incommodum sic ostenditur. Sit enim (doctrinæ causa) Pallor contrarius rubori. Viridis color eadem ratione erit rubori contrarius. Quia non est potior ratio de vno colore medio, quā de alio. Quo fit ut plura scilicet pallor, & viridis color sint vni rubori contraria secundum idem. Quod est euertere Aristotelis pronuntiatum. Qui quarto capite primi libri de cælo & mundo docet, vnum tantum vni esse contrarium secundum idem. Nec sum nescius plura posse esse vni contraria diuersa ratione, vt audacia & timiditas fortitudini. Qua de re differit Aristoteles viii. cap. ii. lib. Ethicorum, & in cap. de oppositis. *Suscipiunt.)* Denominatiua magis, & minus admittunt, non autem ipsa denominantia. *Maxime.)* Vt secundum quantitatem dicimur æquales vel inæquales, sic secundum qualitatem similes, vel dissimiles.

De cæteris sex Prædicamentis bre-
uis annotatio.

DECURSIS hætenus prioribus quatuor prædicamentis ex Aristotelis traditione, quæ certè cōsideratione aliqua egerit visa sunt etiam ipsi Aristoteli, quem admodum id ipsum & Boetius aperte attestantur. Restant posteriora sex: de quibus priusquam ea prosequamur, præfari hoc pacto libuit Aristotelem uidelicet,

cum

cum priora illa quatuor latissime prosecutus esset, posteaquam omnia numero decem, in principio sui tractatus ex ordine connumerasset, et per conuenientia exempla declarasset, hæc sex posteriora ne repetere quidem curasse, præterquam ex his duo tantum Agere, & Pati, sed cursum admodum, atque id profecto haud incon-sulte; id quod & Iacobus Faber Stabulensis ingenue contestatur, quòd eorum scilicet uocabula, præsertim ultimorum quatuor, trita prorsus, & uulgaria sint, nullumque proinde ad disciplinas momentum habeant, immo uero ciuilibus, atque forensibus negocijs, nec non historiæ scriptoribus accommodatiora. Verum enim uero Gilbertus cognomento Poretanus, non contentus hoc Aristotelis siue consilio, siue iudicio, librum sex ultimis scriptum reliquit, alijs mirifice probatum, alijs propemodum contemptum, ut quibus labor ille superuacaneus plane iudicatus sit, quum si quid in illis ad disciplinas usus esset, id Aristotelem nequaquam latuisset. Nos igitur, ut tempori aliquid concedamus, uel potius ne ab institutis quorundam prorsus adherere uideamur, inter Aristotelem ipsum, & hunc Gilbertum mediam tenebimus uiam, & in transcurso tantummodo de his susceptum prosequemur tractatum.

DECVRSVS.) Aristoteles prolixè, copioseque de quatuor primis prædicamentis disseruit, quia hæc principia, & elementa omnium aliorum sunt. Succinte disputat de reliquis sex, quia hæc relationem significant, quæ explicata fuit. Tum etiam quia hæc in libris de Physica auditu. & Prima Philosophia explicantur.

DE PRAEDICAMENTIS

De Actione, & Passione, & earum utriusque
tam communitatibus, quàm
proprietatibus.

FACERE, siue agere dicitur quispiam, cuius actio
ab ipso in aliam quamlibet rem ueniens consideratur:
Pati uerò is, in quo actio illa consideratur, ut in quem
uenerat: ut quem secat quispiam, eius sectio in id quod
secatur, transit. Et quum quid percutitur, percutien-
tis actio in eo recipitur, atq; eatenus ipsa percussio pas-
sio dicitur, Secare igitur, & percutere, agere est. Se-
cari uerò, & percuti, pati. Actio igitur est, secundum
quam in id quod subijcitur, agere dicimur. Passio uerò il-
latio effectusque actionis. Recipit autem agere, & pati
contrarietatem, & magis & minus: quippe calefacere
contrarium est ei, quod est frigesacere: & calefieri ei,
id quod est frigesieri. Sic & calefacere & frigesacere,
& calefieri, item & frigesieri dicimus hoc, uel illud
magis, aut minus.

ACTIO igitur) Actio hoc loco est forma quædam, per
quam in materiam subiectam agere dicimur. Omnis enim
actio requirit subiectum in quod uim suam explicet. Id dicitur
hoc loco subijci quod ab alio uirtute agendi superatur.
Recipit autem.) Agere, & pati recipiunt contrarietatem, simili-
ter magis & minus per accidens, propter contrarias qualita-
tes, quas patiens ab agente recipit, ut calefacere est cōtrarium
ei quod est frigesacere, quia calor & frigus contraria sunt. **Vi-
dere intelligere.**) Huius ratio est, ut enim uidere est suscipere
speciem obiecti in oculo, ita intelligere est recipere formam
rei intelligibilis in intellectu. Quare utrumque eorum pari
est. Hac de re extat nobilis controuersia inter Peripateticos,
Platonicos, Opticos, quam Ioannes uel Curio in Physica sua
accurate examinat.

Qua

Qua ratione uocabula harum duarum Cate-
goriarum discerni possint.

SANE in his duobus prædicamentis spectare oportet non ad figuram duntaxat ipsius dictionis, sed ad significata potius. Nam sunt quedam, quæ & significato & figuratiōe dictionis agendi uim habent, ut curare, docere, legere. Quadam figuratiōe tantum, non etiam significato: quippe quæ actiue proferuntur, significato tamen passiuā sunt: cuiusmodi uerba, seu uoces sunt time-re, mæri-re, uidere, intelligere. Quadam contra significato quidem actiua sunt, figuratiōe uero passiuā: ut insidiari, proficisci. Atque id quidem quod iam diximus, maxima sanè ex parte comprobatur, & confirmatur Pri-scia Gram. lib. 8. de uerborum significationibus: *Actiua*, inquit, *species actionem semper significat, & facit ex se passiuum*; exceptis duobus, *metuo metuor, timeo timeor*. Quin & ad sensus pertinentiā uerba, si quis altius consideret, in actiuis uocibus passionem, et in passiuis actionem facere inuenimus, ut cum dico, *uideo te, audio te, tango te, ostendo me in ipso actu aliquid pati*.

De situ & positione.) Stare, sedere, accumbere, dicuntur constituere prædicamentum positionis, nō quòd sint primogenia, & præcipua huius prædicamenti, sed per sua denominantia, stationem, sessionem, accubitū. Denominatiua enim non per se, sed beneficio suorum denominantium ponuntur in prædicamentis. *Eorum autem*) Ea habent situm secundum naturam, quorum partes principia sunt aliquorum motuum, ut in homine caput pedes, in plantis radices, rami. Ea uero habent situm secundum artem, quorum partes non sunt principia motuum, ut columnæ, fundamentum in domo. Elementorum situm, Ouidius lib. j. Fastorum, & Plinius lib. 2. cap. 5. eleganter describunt.

DE PRAEDICAMENTIS

De situ, siue Positione, & eius Species.

Situm esse. Aristo. ait denominatiue dici a positione. Quæ quidem licet ipsa sit alicuius eorum, quæ ad aliquid dicuntur, quæ tamē ab ea denominatiue dicuntur, proprium prædicamenti genus faciunt: ut a statione, quæ relatio est quādā, stare denominatiue dicitur, quod quidem est situm esse. Vnde et situm esse a Ioanne Damasceno id dicitur, quod positionem habet quoquomodo ad alterum, puta ad partes corporis, uel sic, uel sic se habentis. Huius deinde tres species esse dicit, stare, sedere, recumbere, id est, iacere. Et stare quidem est, erecto omnino corpore esse. Sedere uerò partim erecto, partim incuruo. Recumbere uero in totum esse corpore prostrato, quod & tribus contingit modis: nēpe aut prone, aut supine, aut oblique. Eorum autē quæ situm habēt, hæc quidē secundum naturā sita sunt, ut elemēta in proprio & suo quodq; loco; hæc autem secundum artem, ut statuæ atq; columna. Rursus eorum quæ sita sunt, hæc quidem sunt, quæ nunquam loco moventur, ut terra; hæc uero, quæ nunquam a motu quiescunt, ut cælum.

Huius cap. interpretatio præcedit Contrā enim quā in aliis factum est, in quibus interpretatio sequitur.

De Vbi, & Quando, & Habere.

Eodem prope modo, ut Boetia placet, et ubi, & quando, et habere, sese habent, ut quæ nec ipse simpliciter intelligantur, quin potius ex alio naturam, id est, rationem trahant, id quod & Martianus Capella attestatur. Quo fit, ut nec ubi, nec quādo esse possint, nisi locus et tempus fuerint. Siquidē locum ubi, et tempus quando comitatur. Neque uero idem est tempus & quando,

nec locus & ubi, sed proposito prius loco, si quares in eo loco est posita, ubi esse dicitur. Vnde & ab Aurelio Augustino recte dictum est: Locus est cuiq; rei, ubi est. Eodem modo si res quæpiam in tempore est, quâdo esse perhibetur, ut natale CHRISTI, cum sit certo in tempore, nempe VII. Calen. Ianuarij, quando ipsum esse dicimus. Vbi ergo & quando hoc pacto a quibusdâ de finiuntur. Vbi est, quæ a loci circumscriptione procedit corporis locatio. Quando uero, quæ ex tēpore relinquitur rerū affectio. Habent autem & ubi & quando proprias diuersitates. Nam ubi aliquoties quidē infinite dicitur, ut cū alicubi quempiam esse dicimus: aliquoties uero definite, ut in foro gymnasio. Sic & quando nunc definite, nunc indefinite dicitur. Habent rursus & ubi, & quando secundum locorum, & temporum differentias, diuisionesq; species quasdam & differentias. Et locorum quidem differentie sunt, sursum, deorsum, ante, pone, dextrorsum, læuorsum: Temporum uero, præsens, præteritum, & futurum. Habere porro (ut subinde Boetius ait) est quiddam extrinsecus adueniens, neq; innatum ei a quo habetur, imò aliud quàm est illud ipsum, à quo habetur, in se, uel potius circa se retinere: ut armatum esse, uel esse uestitum, & habere uestes, atq; arma, quæ cum eo qui habet, nata non sunt, neq; aliqua communi natura proprietate ue coniunguntur.

(VBI ergo.) Vbi est quædam habitudo corporis locum aliquem obtinentis. Quæ habitudo in ipso loco prouenit ex eo, quia ipsum locatum à certo loco circumscribitur, & continetur. Vnde dicimus bellum geritur in Africa. Cato Uticæ se interfecit. Quando.) Quando est denominatio quæ à tempore oritur, ut Homerus fuit ante Hesiodum.

DE PRAEDICAMENTIS

De oppositis .

CONSEQUENS est autem de ijs dicere, quæ (ut diximus) post prædicamenta a recentioribus appellantur, & primum quidem de Oppositis, quoties scilicet opponantur. Opponi autem alterum alteri quadrupliciter dicitur. Nempe aut ad aliquid, aut ut contraria, aut ut habitus, & priuatio, aut ut affirmatio, & negatio. Atque hæc omnia communi quidem nomine opposita dicuntur, quòd ueluti ex aduerso sibi obfistere, & contrà stare uideantur. Ad aliquid igitur opponi dicuntur, quæcumque hoc ipsum quod sunt, oppositorum dicuntur, uel quomodolibet aliter ad hæc: ut dimidium opponitur duplo, & eiusdem dupli dimidium est: & paruum opponitur magno, & ita, ut ipsum paruum ad magnum, cui opponitur, paruum sit. Contraria uero dicuntur, quæ ita sibi opponuntur, ut eorum non sint, quibus opponuntur, sed sunt sibi inuicem contraria: ut bonum, quod licet malo opponatur, non tamen mali bonum est, sed malo contrarium. Itidem & album, non nigri album est, sed nigro contrarium. Habitus autem & priuatio dicuntur, quæ & ipsa quidem opponuntur sibi, sed ita, ut circa idem aliquid necessario uersentur, ut uisus et cæcitas circa oculum, auditus & surditas circa aurē. Quartum demum oppositorum genus est, ut affirmatio, & negatio quo quidem genere opponuntur, quæcumque inter se uerum, & falsum condiuidunt, ut Socrates ambulat, Socrates non ambulat.

DE oppositis) Hic tractatus dicitur uulgo post prædicamentā, quia continet quorundam uocabulorum explicationem. quibus Aristoteles in prædicamentis usus est. Dicuntur autem opposita, quæ in eodem, secundum idem, eodem tempore,

pore circa unam eandemque rem, simul esse non possunt. Rodolphus sic. Opposita dicuntur quæ ita repugnant unū vni, ut neque alterum de altero, neque ambo de eodem tertio dici possint. Illud hic silentio inuoluendum non est, oppositionem in tribus inueniri. In terminis is, de qua dislerit hic Cæsar. In syllogismis, de qua disputat Aristoteles decimoquinto cap. lib. ij. priorum. In propositionibus, cuius mentio est apud Aristotelem libro de interpretatione.

De oppositorum definitionibus, & proprietatibus.

CAETERVM hac quonam pacto definiantur, dicendum item breuiter. At uerò quoniam de his, quæ ad aliquid seu relatiua dicuntur, supra dictum est, cum de prædicamentis tractaremus: de reliquis tribus id tantum nunc agamus. Itaque contraria definiuntur, quæ in eodem genere posita, plurimum a se distant, quæ eadem susceptibili uicissim insunt, unde et mutuò se expellunt, nisi quæ per naturam subiectis suis insunt. Itaque ex contrarijs si unum fuerit, nõ necesse est alterum esse. Contraria rursus eidẽ simul inesse est impossibile. Sed & contraria omnia circa idem, aut genere, aut specie versantur, ut ægrotudo & sanitas circa corpus, iustitia, & iniustitia circa animã. Omnia insuper contraria, uel in eodẽ genere sunt, ut album et nigrum: uel in contrarijs generibus, ut iustitia, et iniustitia uel sunt ipsa cõtraria genera, ut uirtus et uitium, bonum itẽ & malum. Bono quippe malum ex necessitate cõtrarium est: malo autẽ aliquando quidẽ bonum, aliquando uerò, et malum. Id quod facile uidere est in uirtutibus, et uitijs moralibus. Sed & de contrarijs ipsis ad eundem ferè modum Victorinus loquitur in ijs commentarijs, quæ in Rhetorica Ci-

DE PRAEDICAMENTIS

ceronis de inuentione scripsit. Contraria, inquit, tribus modis inueniri possunt: cum aut sub eodem genere species multum inter se distant; aut singulis generibus diuersis, species etiam diuersae sunt; aut duo genera inter se diuersa sunt. Hæc ille. Porro quæ secundum habitum & priuationem opponuntur, ea esse definiuntur, quæ circa idem fieri nata sunt ordine irregressibili, et tempore per naturam determinato. Et hæc quidem sunt quæ potètiæ priuatione talia dicuntur. Nam quæ talia sunt priuatione actus, hæc utiq; circa idem fieri possunt, ordine regressibili; cuiusmodi sane sunt motus, & quies; lux & tenebræ, somnus, & uigilia. Iam uero & quæ secundum affirmationem, & negationem opponuntur, ea ipsa definiuntur, quorum secundum se nullum datur medium, et quæ in contradictione consistunt. Contradictio porro dicta est, quasi opposita dictio, idest locutio. Huius nimirum hoc præ cæteris propriū est, quod siue res subsistat, siue nō sit omnino, in alterutra tamē cōtradictionis parte uel ueritas, uel falsitas semper inuenitur; quod certe in alijs oppositionibus minime euenit, Nā si quid omnino non est, illud neq; agrum, neq; sanū esse potest, tum neq; cæcum, neq; uidens. Nec, si non est omnino qui genuit, iam aut filius, aut pater erit. Verū tamen siue fuerit quippiam, siue non fuerit, contradictio nihilominus constabit semper. Et uerum & falsum dicet, quicumq; dixerit Socrates est, uel Socrates nō est.

ITAQUE contraria finitio hæc contrariorum cōplectitur solum qualitates accidentarias. Cuius prima pars rejicit priuatiua, quæ per se in nullo sunt genere. Secunda, colores medios, qui non plurimum distant. Ultima remouet ea quorum alterum est a natura. Itaque est contrarijs.) Huic loco obicitur

obiicitur inexpugnabile argumentum. Aristoteles scribit tertio capite de cœlo, & mundo, si unum contrariorum sit, oportere alterum esse, ut si terra sit oportere ignem esse. nam hæc contraria sunt. Hoc obiectum sic deluendum est. in contrariis elementorū si est unum, oportet aliud esse, quia hæc perpetuo in se inuicem agunt, & a se mutuo patiuntur. Sed in aliis contrariis, id non est necesse. *Porrò quæ secundum habitum.*) Ex hac finitione priuatorum duplicia priuatiua constituenda sunt. Quædam potentia, quæ significant priuationē formæ, quæ recuperari non potest, ut cæcitas & uisus. Alia sunt priuatiua actus, quæ actum solum auferunt, ut tenebræ & lux. Cum ergo dicitur a priuatione ad habitum non est regressus, id est accipiendum de priuatiuis potentia, non autem actus. *Quorum secundum se.*) id adiectum est, quia inter omnia opposita est medium quoddam, quatenus ad contradictoria reducuntur. Inter contradictoria nullo modo est mediū. *Huius nimirum.*) Insigne discrimen inter contradictoria & cæteras species oppositionis.

De quinque modis Prioris.

PRIUS autem alterum altero quinque dicitur modis. Primo quidem id quod secundū tēpus altero prius est, ut quod antiquius altero est, aut uetustius. Hinc Thebanorū bellum prius, id est, antiquius seu uetustius dicitur excidio Troiano, idcirco quòd tēpore præcesserit: & Pythagoram priorem, id est, senioremem Socratem dicimus, et Socratem Aristotele. Secundo autem modo prius illud dicitur, a quo non conuertitur subsistendi cōsequentia: quo quidem modo, unum duobus prius est. Nam duobus existentibus, unum iam esse consequens est, at non contra. Non enim si unum est, consequens cōtinuò erit, ut sint duo. Atque hoc modū quod prius est, secundum naturam prius esse dicitur. Tertio uero modo

DE PRAEDICAMENTIS

do prius esse dicitur, quod ordine quodam anteuertit, id quod in disciplinis et orationibus Rhetoricis, et alijs huiusmodi, ut in Reipubl. administrationibus facile est uidere. In disciplinis quidem, ut exempli causa in Geometria, elementa figurarum delineationibus priora sunt, & principia ijs, quæ ex illis demonstrantur, hoc est, ipsis conclusionibus. Elementa autem dico, punctum, lineam, superficiem. In Rhetoricis uero orationibus proæmium, id est, exordium narratione prius est, et in reipub. administratione cōsiliū actione. Quarto deinde modo prius id dicitur, quod melius est & honorabilius, & præstantius, & dignius altero. Quo sanè modo sol luna prior est, & anima corpore. Sed ut ipse Aristoteles ait, alienissimus hic modus est a significatione prioris. Siquidem isto modo (quod & Boetius approbare uidetur) quicumque dignitate et reuerentia cæteris præcellunt, magis propriè uenerabiles & honorabiles dicuntur: ut uero priores dicantur, abusio potius est, quàm ulla proprietas. Quinto demum prius dicitur alterum altero in ijs, quæ secundum subsistendi consequentiā conuertuntur, nempe illud quod alterius quomodolibet causa est, & principium, ut ueritas imagine, et lux ipso lumine sine splendore, & in orationibus prius quidē est rem ipsam subsistere, quàm ueritas constet propositionis: ut si uerum est hominem esse, uera iam ea est oratio quæ dicit, homo est. Ac rursus, si oratio uera est qua dicitur, homo est, uerum iam quæ quæ est hominem esse: & tamen hominem esse, hoc est, eius rei subsistentia, causa insuper est, ut propositio de homine uera habeatur. Itaque rei subsistentia, ueritate sermonis prior est.

DE MODIS prioris) hunc modum primum, Aristoteles uocat precipuum, quia ab hoc ceteri omnes denominantur, & quia quoad sensum notior est. *Secundo autem*) Secundo modo id est prius quo posito non ponitur posterius, & quo interempto interimitur posterius, ut posito animali non ponitur homo. & sublato animali auferatur homo. Et generatim omne superius est prius secundo modo, si ad suum inferius referatur. *Tertio modo*) Tertio modo ea priora dicuntur quæ ordine quodam doctrinæ præponuntur, ut sequentibus pleniorē adferant lucem. Sic in Geometria finitiones linæ superficie sunt priores. *Quarto deinde*) hoc quarto modo id dicitur prius quod præstantius est. Aristoteles uocat hunc modum alienum, quia non quatenus aliquid melius est prius est, sed quia in eodem genere aliud præcedit. Author simplicius. *Quinto demum*) hoc modo hic dicitur prius natura quod cum alio conuertitur, & illius est causa.

De tribus modis eorum, quæ sunt simul.

SIMVL autem dicuntur aliqua tribus modis. Primo quidem & simpliciter & propriè simul dicuntur, quorum generatio eodem fit tempore, ut gemini, qui ob id simul esse dicuntur, quod unius temporis ortu editi sunt. Secundo uerò modo simul dicuntur, quæcumque ad se inuicem conuertuntur, sed ita, ut alterum alteri subsistendi neque causa sit, neque principium: ut duplum & dimidium. Etenim hæc ad se inuicem conuertuntur: quoniam si duplum est, dimidium est: & si dimidium, et duplum. & tamen neutrum alteri causa est, ut nec pater filio causa est ut sit, nec filius patri. Quod uerò dico, huiusmodi est, Aeneas habuit Ascanium filium, non tamen causa fuit ut filius esset, sed ut esset Ascanius, sicut igitur filius dicitur quispiam, cum primum ei fuerit pater, ita & pater iam dicitur, cum primum ei fuerit filius. Tertio autem modo simul dicuntur, quæ ex eo-

DE PRAEDICAMENTIS

dem genere ex aduerso diuiduntur à se inuicē, ut homo & equus. Homo nanque et equus, quoniam sub eodem genere ponuntur, nēpe animali, simul esse dicuntur. Eodem sanē modo et de cæteris speciebus dicendū, quæ sub eodē genere, uel hoc, uel alio ponuntur. Quo fit, ut omnes species eiusdem generis æqueue sibi met sint, et generi illi æqualiter supponantur. Porro autē et differētiæ, quæ genus aliquod condiuidunt, simul esse dicuntur, ut rationale & irrationale. Sanē sciendum quod quæcumque secundo & tertio modo simul sunt, hæc natura simul dicuntur, primo uerò modo simul dicuntur tēpore.

PRIMO quidem & simpliciter) Quemadmodum id propriè prius est quod tempore aliud antecedit, ita ea propriè dicuntur simul quorum generatio in eodem est tempore. *Secundū uero modo.*) Hic secundus modus differt a quinto modo prioris. Nam hic alterum non est causa alterius, ibi uerò alterum est causa alterius. *Ut nec pater*) Pater non est causa filij, id uerum est si spectes relationem, habitudinem, respectum: Nam omnis causa est prior suo effectu, Pater autem quatenus patris nomenclaturam habet, ne momento quidem temporis prior filio intelligi potest. Substantia patris est causa substantiæ filij. Nam res ea quæ pater est, prior est tempore, substantia filij. *Tertio modo*) Hoc modo membra diuidentia aliquod totum sunt simul quatenus ad ipsum totum referuntur, ut ferrum & mansuetum respectu animalis. Si uerò alterum membrorum ad alterum referatur ut ferrum ad mansuetum, alterum potest esse prius altero.

De sex speciebus.

MOTVS uerò species sex sunt, generatio, corruptio, augmentatio, diminutio, alteratio, secundū locum mutatio. Et generatio quidem motus est ab substantiā, cui opponitur corruptio, motus proinde a substantiā. Augmentatio uerò motus ad quantitātē, cui diminutio op-

ponitur

ponitur, motus uidelicet quo acquisita iam antea, & paulatim aucta quantitas fit minor, deperditurque. Alteratio est, qua aut qualitas acquiritur, aut deperditur acquisita. Secundum locum uero mutatio dicitur, quæ fit aut ad locum, aut circa locum: ad locum quidem, ut quæ secundum rectum fieri dicitur: circa locum uero, quæ in gyrum siue in orbem. Omnium autem horum motuum ex aduerso quietem intelligimus, cum tamen in his speciebus motuum ipsi motus sibi inuicem contrarii sint, præter eum motum, qui circa locum fieri dictus est, ut est motus corporum cælestium, cui nullus motus contrarius est. Cæterum animaduertendum hoc est, haudquam absonum esse, quod dictum est, motum esse motui contrarium, & item quietem: quasi uero duo iam uni contraria esse dixerimus, non unum uni, ut in *Physicis Aristoteles* docet. Quando quidem id quod dictum est secundum aliud, & item aliud fieri intelligitur, quemadmodum id *Ioanes Damascenus* in sua *Dialectica* subtilissime annotauit, Nam eidem motui motus quidem opponitur, ut habitus, & forma siue actus: quies uero, ut finis et priuatio.

MOTVS Vero specie sex sunt. Motus ut res diuersorum prædicamentorum comitatur, ad dialecticum pertinet, sed ut est actus corporis mobilis ad physicum pertinet. Motus hoc loco sumitur pro mutatione. Nam motus ut proprie & strictim sumitur, tres tantum habet species: augmentationem, diminutionem, alterationem, motum localem. Videndus est *Aristoteles*, 2. cap. 5. lib. *Auscultatoriorum*. Cæterum. Occurrit tacite obiectioni. Motus est contrarius motui, & quies motui contraria est, Ergo plura erunt contraria uni. Respondet non esse incommodum plura esse uni contraria secundum diuersa. Motus est contrarius motui, ut habitus habitui, sed quies est contraria motui, ut priuatio habitui.

DE PRAEDICAMENTIS

De octo habendi modis.

HABERE quoque multis modis dicitur. Nam habere quis dicitur, aut ut qualitatem aliquam, ut scientiam uel uirtutem: aut ut quantitatem, magnitudinem uel, & hanc quidem uel bicubitam, uel tricubitam, aut alias quantamcumque; aut ea quæ circa corpus sunt, ut uestimentum, cuiusmodi est subucula uel penula: aut ut in parte aliqua corporis, ut in digito anulum, uel torquem in collo; aut ut partem aliquam sui, nēpe manum, uel pedem, uel caput: aut ut in uase, quemadmodum modius dicitur habere triticum, & lagena uinum, & amphora aquam, ut sit habere pro continere; aut ut possessionem quomodo dicitur aliquis domum habere uel prædium: aut ut uxorem, quemadmodum uir uxorem habere dicitur. Sed ut Aristoteles quoque ait, idque per iocum (ut uidetur) alienissimus hic habendi modus est: siquidem nihil aliud est uirum habere uxorem, quam eidem cohabitare. Ideo autem hunc habendi modum improprie dictum putant multi docti, ac per hoc penè respuunt, quod aiunt non haberi posse, quod habentem habeat; sed multò rectius dici, uiro mulierem esse, & paritice mulieri uirum.

HABERE quoque.) Varius & multiplex est usus huius uerbi habere, ideo ne aliquid erroris in uocabulo relinquitur, eius enumerat potestates. Habere ut refertur ad suas species & armatum esse. Calceatum esse genus est, sed ut complectitur hos omnes modos multiplex uidetur. Aristoteles hunc modum alienissimum uocat, quia in aliis modis id quod habet, non dicitur uicissim haberi ab eo quod habet, ut habens anulum non habetur uicissim ab anulo. Sed ut uir habet uxorem, ita etiam uxor uirum. Paulò tamen erudi-

eruditius, dicemus, uiro est uxor, & uxori est uir. Illud tamquam appendicem prædicamentorū adiiciemus geminam eorū potissimum esse utilitatem. Hinc enim omnium rerū in in uniuersa natura, ordo facile cognoscitur: hinc etiā uocū finitiones, si quādo de earum ui & potestate dubitetur, petuntur. Prædicamēta enim, quæ uoces cum quibus cognitionem habeant, ostendunt. Quintilianus lib. iii. cap. sexto, locos statuum fecisse uidetur. Omnis quæstio proposita per hæc dici potest, Quid, quale, quantum id, de quo quæritur sit.

IN TRACTATVM TERTIVM PRÆFATIO BREVIVS CVLA.

EXPRÆDITA utcunque à nobis in prioribus duobus libris, siue tractatibus, ea parte Dialecticæ, quam Elementariam uocant, utpote quæ Prædicabilia tantum, & Prædicamenta, simplices quidem uoces, cōplectatur: sequitur hinc tractatus tertius de Propositione, quæ & ipsa, huius artis pars quædam est: quippe quæ prima ex simplicibus illis, & incomplexis uocibus, perfecta cōstituitur oratio. Atqui huius quoniam nomen & uerbum partes sunt, & hæc ipse per uocem definiuntur, à uoce haud ab re huius tractatus exordium summere licebit.

VOCES simplices enunciationem constituunt, explicatis itaque uocibus simplicibus de Enunciatione dicendum est. Huius tractatus tertii scopus est. Naturam propositionis planum facere. Cuius mirifica est utilitas. Nam in omni controuersia, negotio, oratione, Epistola, constituenda est aliqua propositio, in qua eius negotii summam, de qua loquimur comprehendamus. In oratione pro Cælio. Nemo studiosus est deditus uoluptati. In causa Miloniana, omnis insidiator est iure occidendus. Et apud bonos authores sexcenta, de eo genere reperire licet. Cælius in hac præfatio-

DE PRAEDICAMENTIS

ne tres Dialecticæ partes, inuentionem, iudicium, elementariam constituere uidetur. Sed elementaria sub inuentione continetur. Nam quinque uocum tractatus docet, quæ uoces cum quibus cognationem habeant, & in syllogismo medius terminus cum subiecto probandæ conclusionis, coheret. Quinque uocum ergo tractatio inuentionem termini medii, iuuat.

Quid sit uox, tum etiam quid Sonus.

VOX igitur est, ut a nonnullis definitur Philosophis, exactu aeris elicita qualitas, auribus accedens. A recentioribus autem, & ijs quidem, qui superioribus aliquot annis citæ hant artem uersati sunt, magis conuenienter accommodatæq; ad hunc locum hoc pacto definitur: Vox est sonus, qui ab ore animalis proficiscitur, certis quibusdam naturæ instrumentis formatus. Sonus item ab eisdem quoq; definitur, quicquid proprie, et per se auditu percipitur. Itaq; uox sonus est, non quilibet, sed qui (ut dictum est) ab ore animalis proficiscitur, formaturq; interim certis quibusdam naturæ instrumentis, quæ quidem sunt guttur, lingua, palatum, primores quatuor dentes, & labia duo, quibus à quibusdam additur & pulmo. Nam per guttur uocalis arteria intelligitur, quæ & spiritalis fistula appellatur. Ex quo iam liquidò patet, quòd neq; manuum ad se inuicem complexus, neq; pedum strepitus, aut fragor arborum, & in nubibus tonitrus, uoces ullo modo dici debent. Quin & ob eandem fortassis causam, neq; tussis, neq; excreatio, & si quid huiusmodi est, uoces propriè dici possunt, licet de animantis ore prodeant.

Vox

Vox igitur.) *μῆλον* omnino Cæsarius progreditur quod & scribendi, & docēti, in primis curæ esse debet. Dicturus de nomine, uerbo, oratione, quæ uoces sunt, prius docet quid uox & quæ eius diuisio. Quæ omnia etsi ad naturalem philosophum pertinent, potius quàm ad Dialecticum, hic tamen quatenus huic instituto utile est, breuiter & in transcurso enarranda sunt. Tria ad uocis finitionem necessaria sunt. Percutens, scilicet anima, percussum scilicet aer respiratione attractus & id ad quod fit percussio, scilicet arteria uocalis. Videndus est Aristoteles octauo capite ij. lib. de anima, & nono cap. tertij libri de historia Animalium. *Sonus item.*) Huius ratio est quia sonus est proprium obiectum auditus. Vt sonus edatur tria concurrant necesse est, Corpus percutiens, percussum, & aer motus uel collisus. *Nam per gurgur.*) Arteria uocalis est conceptaculum spiritus naturalis misti, in quo plus spiritus est quam sanguinis. Contra, uena est conceptaculū sanguinis quod *σπλάγχνον* medici uocant, misti confus. que cum spiritu naturali, in quo plus sanguinis est minus spiritus. Videndus est Aulus Gellius libro decimo octauo capite nono. *Debens.*) Quia non formantur omnibus naturalibus instrumentis. *Quin et*] Rationem huius reddit Aristoteles, quia omnis uox est sonus significans naturaliter uel ad placitum.

De uocis diuisione.

Vocem autem alia quidem significatiua est, alia uero non significatiua. Porro significatiua uox ea dicitur, quæ per auditum aliquid intellectui repræsentat. Non significatiua autem, quæ nihil omnino significat, ut quæ neq; naturaliter, neq; secundum placitum apud intellectum quicquam constituit, ut literæ propemodum & syllabæ. Itaque bisariam uox significare dicitur, tum naturaliter, tum secundum placitum. Naturaliter quidem uox significare dicitur, quæ naturalem duntaxat affectum animi monstrat, ut est dolor, aut gau-

DE PROPOSITIONE

dium, cuiusmodi sane uoces sunt gemitus egrotantium & lugentium eiulatus, insolentium item cachinus & risus indecens, tum bonorum cuiusq; animalium uox propria. Secundum placitum autem quæcunq; ex impositione rem aliquam designat, ut sua uniuscuiusq; gentis lingua, siue loquela, qua quis utitur, quoties alteri indicare uolet quicquid animo conceperit. Hæc rursus diuiditur. Alia namq; tempus secum ad significationem trahit, ut ambulo, alia præter tempus significat, ut homo. Cæterum hæc nomen, illa uerò uerbum apud Dialecticos appellatur, ex quorum utriusq; debita complexione uox constituitur, quæ oratio dicitur, uox proinde complexa, ut tam nomen, quam uerbum, uox incomplexa. At de nomine quidem primum hic dicamus oportet.

VOCVM AUTEM.) Prima diuisio uocum, alia significat determinatum aliquid, ut uirtus, homo, alia nihil determinate ut uoces infantium, ebriosorum. Itaque bifariam.) Secunda diuisio. Vocum significatiuarum alia significat naturaliter, ut quæ apud omnes homines idem significat, ut gemitus egroti. Alia ex arbitrio imponentis, ut scientia. Hæc rursus.) Tertia diuisio. Vocum significatiuarum ex impositione, alia significat cum tempore, ut lego, alia sine tempore, ut fortitudo.

De nomine :

NOMEN itaq; uox est significatiua, secundum placitum, sine tempore, cuius nulla pars significatiua est separata, finitum aliquid designans, et casus recti. Sanè in hac definitione uox generis locum obtinet, ut pote pluribus communis. Significatiua, deinde adiectum est : nam sunt & uoces, quæ nihil significant. Rursus secundum placitum, quòd sint uoces, quæ naturaliter tantum signifi-

cant.

ficant. Sine tempore autem, quoniam uerba quoque uoces sunt significatiue secundum placitum, sed distant à nominibus; quòd nomina quidem sine tempore: uerba autem cum tempore significant. Adiectum præterea est, cuius nulla pars significatiua est separata, propter rationem, siquidem huius partes utique & separatæ significant, ut mox dicitur. Postremo autem appositæ sunt particule due, una quidem, nempe finitum aliquid designans, propter nomina infinita: altera uerò, quæ quidem est & recti casus, propter nominum obliquos casus: qui quoniam cum EST, uerbo copulati, plenam absolutamque sententiam explicare non possunt, non nomina, sed casus nominum iure nuncupantur: ut non recte dixeris, demonstrato quoque Catonis est, Catoni est, aut Catonem est: sed, Cato est.

NOMEN ITAQUE.) Explicatis communibus ex quibus colliguntur genus & differentia nominis, integram conficit nominis finitionem. Nobile est caput apud Aristotelem. 14.2. lib. posteriorum, quo docet finitionem ex diuisione inuestigandam esse: quod Dialectices candidatis etiam, atque etià committendo. Cæterum ut huic loco lucis aliquid adferamur, sciendum est authores in disciplinis tradendis, duplicem uiam obseruare consueuisse, aut à toto ad partes progrediuntur, & hæc dicitur resolutoria qua Aristoteles in libris priorum usus est, aut contra à partibus ad totum, & est compositoria. Qua Aristoteles in libro de interpretatione usus est. Et cum hic secutus est Cæsarius. Ex partibus enim nominis, inuestigauit nominis finitionem. Deinde ex finitione nominis & uerbi, inquit orationis finitionem. Cæsarius singulas particulas finitionis nominis, satis accuratè enarrat. *Aut aut secundum placitum.*) Plato in Cratyllo existimat, nomina simpliciter significare naturaliter; quia sunt naturales rerum similitudines. Ammonius

DE PROPOSITIONE

monius uero putat nomina esse naturalia quo ad Actymologiam. Quia nomina à proprietate in re ipsa reperta, imposita sunt. Sed si spectemus significationem, ex institutione significant. Aristoteles uero uult nomina significare ex impositione quia ab arbitrio imponentis, ad significandum imponuntur. *Nempe finitum.*) Ita colligit, omne nomen significat rem certam, nomen infinitum non significat rem certam, ergo non est nomen. *Altera.*) Omne nomen si ei ad datur uerbum efficit orationem ueram aut falsam, sed casus nominis, uerbo ei addito, non efficit orationem ueram aut falsam: ergo casus nominis non est nomen.

De uerbo.

VERBUM autem est uox significatiua secundum placitum, cum tempore, cuius nulla pars significatiua est separata, finitum aliquid designans, & casus recti. Quæ quidem uerbi definitio, præter particulam, cum tempore, omnia cum nomine habet communia. Siquidem id uerbi proprium est, significare, inquam, cum tempore. Ergo quod et participium cum tempore significat, hoc à uerbo habet, unde deducitur. Neq; uero mouebit quæpiam, quod ex nominibus quidem ipsis quædam etiam tempus significant, ut annus, mensis, dies: attamen nullum eorum tempus consignificat, quemadmodum Aristoteles ait. Cæterum, ut nomina finita sunt ac infinita, ita ex uerbis quoq; alia finita sunt, alia infinita: finita, ut ambulo, disputo: infinita uero, ut non ambulo, non disputo. Rursus & de casibus uerborum haud secus ac de casibus nominum dicere par est: quippe ut nominum casus dicuntur, qui ab ipso recto flectuntur, ita casus uerborum appellari possunt, qui à temporis præsentis et modi indicatiui significatione diuariant. Verbum igitur
secun-

secundum Dialecticos id solum esse dicitur, quod temporis presentis est & modi indicatiui.

DE VERBO.) Aristoteles breuitatis amator in finitione verbi omisit eas particulas, quæ erant uerbo cum nomine communes. Differt uerbum à participio, quia uerbum semper à parte prædicati intelligitur, participium tam à parte prædicati quàm subiecti. *Neque uero.*) Submotio obiectionis. Quædam nomina tempus significant ex primaria significatione, ut annus dies mensis, sed non significant cum tempore. Est autem significare cum tempore præter præcipuam significationem, temporis differentiam significare. Quod uerbi proprium est, ut studeo præter actum studendi significat tempus præsens. *Verbum igitur.*) Augustius hic sumitur uerbum pro eo quod modi indicatiui & presentis est temporis, aliquando tamen latius etiam sumitur. *Cæterum.*) Verba quibus extra propositionem negatio à fronte additur, uulgo infinita vocantur, ut non ambulo. Quæ eadem si sumantur in propositione negata dicuntur.

Utrum Nomen, & uerbum apud Dialecticos solæ partes orationis sint.

EXPOSITA eatenus tam nominis, quam uerbi ratione, quatenus id ipsum Dialecticorum usus postulat, occurrit non temere quæstio illa, hoc in loco nunc etiam considerata, quæ à plerisque proponi solet. *Utrum scilicet nomen, atque uerbum solæ apud Dialecticos orationis partes sint:* cum tamē ab ipsis Grammaticis octo limoi cōstituantur partes. Sane huius quæstionis nodum D. Senerinus Boëtius, uir profecto tantus in Latina philosophia, quantus inter ipsos Latinos in arte oratoria M. Cicero, his uerbis ita dissoluit breuissime: Grammatici enim (inquit) figuras tantummodo uocum considerantes, octo proinde orationis partes connumerant: Philosophi autem atque dialectici, quoniā omnis eorum inter-

DE PROPOSITIONE

tio circa ueritatem, falsitatemque locutionis uersatur, atq; ea ex nomine, uerboq; plenissime constat, duas tantum orationis partes admittunt, easque nomen & uerbum esse docuerunt. Cætera uerò, non partes, sed orationis supplementa, & ueluti colligamenta quædam appellant, quemadmodum in quadrigis fræna & lora, & in nauibus tabulæ & trabes. Non aliter autem de his sentit, & Priscianus ille Grammaticus lib. 11. de Participio: Quibusdam (inquit) philosophis placuit nomen & uerbum solas esse partes orationis: cætera uero administracula & iuncturas earum, quomodo nauium partes sunt tabulæ & trabes. Sed nunc ad orationem transeamus.

PHILOSOPHI.) Dissolutio huius quæstionis. Ex nomina & uerbo perfecta constituitur oratio ueritatem uel falsitatem significans, quæ duo potissimum proposita sunt Dialectico. Quocirca nomen & uerbum solæ habentur partes orationis apud Dialecticos.

De oratione.

ORATIO est uox significatiua secundum placitum, cuius partes extra aliquid significant et separatæ. Ad hunc sanè modum à Dialecticis oratio definitur. Cuius quidem definitionis intellectum facile est ex superioribus colligere. Nam quod oratio ipsa uox est, quòd significatiua uox, quodq; item significatiua secundum placitum, id cum nomine atq; uerbo còmune habet. Cuius enim partes secundum placitum significant, ipsum quoque secundum placitum significatiuum est. Differt autem ab utroque, quoniam nominis quidem & uerbi partes separatæ nihil significant, ac ne in compositis quidè, ut & Aristoteli placet: quamuis id tamen ui-

deri uelint, ob dictionis figuram, sed tali uoci siue dictio-
ni res ipsa repugnat, nempe suapti natura simplex &
una: ut animalis nomen, quod Græcis *πενίλαφος* dicitur,
Latinis uero hircocerus dici potest, ab hirci, ceruique
similitudine. Nam cum cerui speciem habeat, autore
Plinio; ab eo tamen barba & armorum uillio distat so-
lum, in quo cum hirco quadantenus conuenit: unde &
nomen ei est ex utroque compositum. At uero oratio-
nis partes multo aliter sese habent: quippe quæ & ex-
tra ipsam significare possunt, ut uerbi causa, huius ora-
tionis, Plato disputat, tam nomen ipsum, quod quid Pla-
to est, quàm uerbum disputat, partes nimirum seorsum
utique & separatim omnino aliquid significant.

ORATIO est uox.) Potest nunc quiuis, nullo negotio
orationis finitionem intelligere. Vnica enim particula distat
a nominis & uerbi & descriptionibus. Orationis partes signi-
ficant separatæ, nominis & uerbi minime. Secundum placi-
tum.) Plato in Cratylo sic suadere conatur orationem signi-
ficare naturaliter. Omne instrumentum quo mentis sensa ex-
primimus, naturaliter significat. Atqui oratio est instrumen-
tum quo mentis sensa exprimimus: ergo secundum naturam
significat. Hic syllogismus sic est diluendus. Omne instrumē-
tum proximum, quo animi sensum euoluimus naturaliter si-
gnificat, sed oratio est instrumentum secundarium & remo-
tum. Ac ne.) A maiore Aristoteles colligit. Partes nominis
compositæ figuræ uidetur potius significare per se quàm par-
tes nominis simplicis, sed partes nominis cōpositæ figuræ per
se non significāt, ergo multo minus partes nominis simpliciæ.

De diuisione Orationis.

DIVIDITVR autem oratio: alia nanque perse-
cta est, alia imperfecta. Perfecta quidem oratio ea esse
dicitur, quæ ex nomine, uerboq; constructa, perfectam

DE PROPOSITIONE

sententiam in animo audientis relinquit, ut Plato disputat. Quisquis enim eam audit, statim quiescit, ac iam intelligit quid sit hac ipsa voce prolatum. Imperfecta uero, quæ plenam sententiam non facit, tametsi nonnunquam ex uerbo constat, unde orationis perfectio potissimum habetur: quippe quod ut in nominibus materia, ita in uerbis sermonis uis intelligatur, autore Quintiliano. Imperfecta igitur oratio est, quoties sine uerbo profertur, aliquoties autem et cum uerbo ipso. Sine uerbo quidem, ut Aeneis Vergilij. Cum uerbo autem, ut quisquis ambulat. Vtraque nimirum imperfecta oratio est: perficitur autem uerbo utrobique adiecto. Hæc quidem, si addas uerbum, mouetur, ut sit, Quisquis ambulat, mouetur: illa uero, si addatur uerbum, legitur, ut si dicis, Aeneis Vergilij legitur. Atque hunc in modum omnis imperfecta oratio perfici potest, qualis profectò ea esse debet oratio, quæ ab Aristotele quidem ipso facile huius artis principe, Enunciatio: à Cicerone uerò (quem Plinius lucem doctrinarum appellat) Pronunciatum, & Proloquium nonnunquam: a Boetio demum inter Latinos præsertim Propositio dicta est, qua etiâ appellatione cõmunis Dialecticorum schola nunc passim utitur.

De orationis diuisione.) Prima diuisio orationis generatim sumptæ.

De diuisione orationis perfectæ.

ORATIONVM perfectarum alia Deprecatiua est, ut Iuppiter omnipotens precibus si flecteris ullis, Da deinde auxilium pater, atque hæc omnia firma. Alia Imperatiua, ut, Vade agè nate, uoca Zephyros, et labere pennis. Alia Interrogatiua, ut, Dic mihi Damata,

cuius pecus, an Melibæi? *Alia uocatiua*, ut, *Huc ades ò Melibæe*. *Alia Enunciatiua*, ut, *Principiò arboribus uaria est natura creandis*. Præter has autem quinque perfectæ orationis species sunt, qui duos alias addant, nempe *Optatiuam* et *Subiunctiuam*. *Optatiuam*, ut, *O mihi præteritos referat si Iuppiter annos Subiunctiuam*, ut, *Si satura gregem suppleuerit, aureus esto*. Verumenimvero huiuscemodi orationum siue quinque, siue septem species constituas, ea tamen sola, quæ *Enunciatiua* siue *Indicatiua* dicitur, propositio est: quippe quæ uel esse aliquid, uel non esse designet, & in qua aut ueritas, aut falsitas inueniatur. Reliquæ uerò Poetis atque oratoribus ad effectus uarios mouendos magis accommodatæ uidentur.

ORATIONVM perfectarum.) *Secunda diuisio*.) Oratio perfecta alia est enuntiatiua alia non enuntiatiua. *Enuntiatiua*.) Dicta est oratio enuntiatiua uel indicatiua: quia enuntiat & indicat ueritatem aut falsitatem.

De propositione, eiusque secundum substantiam diuisione, tum quid subiectum, & quid prædicatum.

PROPOSITIO est oratio uerum uel falsum significans. Eius uerò prima & quidem secundum substantiam diuisio hæc est, Propositionum alia Categorica est, alia hypothetica. At de hypothetica quidem aliis interim de Categorica (ut cœpiimus) prosequamur. Hæc autem est, quæ duobus terminis perficitur, subiecto scilicet & prædicato, hoc est, quæ simplicissime constat ex nomine casus recti, eodemque finito, & uerbo modi indicatiui, ut Aristoteles docet. Sunt qui præter duos

dictos

DE PROPOSITIONE

dictos terminos, tertiâ his ueluti partē adijciant, nempe copulam (quam uocant) uerbalem. Et proinde propositionē huiusmodi hoc pacto illi definiunt. *Propositio Categorica est, quæ habet subiectum, prædicatum, & copulâ principales partes sui: ut huius propositionis, Aristoteles docet, subiectus quidem terminus est Aristoteles, prædicatus uero uerbum docet, & quod alterum cum altero coniungit, copula (ut dictum est) a recentioribus uocatur. quam idem deinde per resolutionē uerbi adiectiui, si quod in huiusmodi propositione prædicatur, ut eius uerbi docet, prodi ac patere aiunt, si ipsam propositionem protuleris, Aristoteles est docens. Huius quippe propositionis Aristoteles subiectum est, docens prædicatum, est uerò uerbum, copula: quasi uerò hoc totum est docens, non multò rectius prædicatum diceretur. Subiectum porrò id esse dicitur, de quo aliquo prædicatur: Prædicatum uerò quod dicitur de subiecto. Caterum quæ Categorica dicta est propositio uoce Græcâ, Latîna a prædicando prædicatiua seu prædicatoria dici potest, quando eadem utrobique significatio est: quippe quodâ Latinis prædico, hoc Græcis est *παιδεύω*, quod uerbum etsi alias accuso significat Græcis hominibus, apud philosophos tamen pro prædico accipitur. Vnde *παιδεύω* Prædicamenta dicuntur, de quibus tractatu superiori transigimus.*

PROPOSITIO est oratio.) Apposite assignauit finitionem propositionis per uerū & falsum, quia sunt finis propositionis. Sæpe autem finitiones constant causa finali. *Eius uerò* Prima hæc diuîsio uocatur secundū substantiam, quia in hac diuîsione spectamus terminos simplices, a quibus totius propositionis substantia (si ita loqui liceat) pendet. *Sunt qui.*

quid Cas. reprehendit eos qui existimant uerbum substantiuum est, esse partem propositionis distinctam a subiecto & prædicato, quod perspicue falsum est. Vt enim compositum naturale (si liceat magna paruis conferre) componitur ex duabus partibus scilicet, materia & forma, sic propositio constat ex subiecto tanquam materia, & prædicato tanquam forma.

Vtrum non nisi ex nomine, & uerbo perfecta consistat oratio, an ex solo etiam uerbo consistere aliquando possit.

S E D & hoc loco quælio suboritur non incommode, Vtrum haud unquam aliter, quam ex nomine & uerbo plena & perfecta oratio, cuiusmodi propositio est, constare queat, an ex solo etiã uerbo aliquando? Huic sanè quæstioni ita Martianus Capella occurrit, Quoties (inquit) uerbum primæ uel secundæ personæ fuerit, quia per ipsum iam aliquid significatur, quod uel negari, uel affirmari possit, simul & in hominem tantum cadat, et hunc quidem certum, utique ex solo ad hunc modum uerbo, perfecta oratio, & propositio haberi potest, ut disputo, aut disputas. Quippe ut in horum altero, quod quidem primæ personæ est, subauditur protinus pronomen ego, ac per hoc plenū per se est, atque ueritati aut falsitati & que obnoxium, ita in altero, quod est personæ secundæ, facile intelligitur tu, pronomen. Vnde tantundem pene ualet, cum dicitur, disputo, uel disputas quantum si dixeris, ego disputo, uel tu disputas: hoc excepto, quod quoties istiusmodi pronominum expressio sit, toties uel emphasis notatur, uel discretio aliqua intelligitur. Tertia uerò uerbi persona, quia non hominis tantū est, sed aliarum etiam rerum, & simulac dicta fuerit,

DE PROPOSITIONE

non continuo intelligitur, de quo dicatur, ita ut aut affirmari, aut negari possit, idcirco neque ueritati, neque falsitati obnoxia est: quare nec propositio ex ea sola constare unquam potest, nisi fortè de eo dicatur, de quo solo intelligi potest id quod dicitur, ut cum dicimus, *Pluit*, aut *ningit*, hoc quod dicitur, *pluit* aut *ningit*, utrumque aut uerum esse potest, aut falsum, & per hoc negari aut affirmari, licet nihil addamus, quia notum est qui *pluat* aut *ningat*, nempe *Deus* aut *natura*. Cum uerò dicimus, *disputat*, aut *legit*, aut *loquitur*, in nullo horum certum aliquid intelligitur. Quapropter nec uerum, nec falsum dici potest, quamuis etiam de homine intelligi possit quod dicitur, *disputat*, aut *legit*, aut *loquitur*: quia tamen non de uno certo aliquo dici potest, idcirco subdendum est nomen alicuius hominis, ut plenum sit quod dicitur. Prima igitur & secunda uerbi persona, quia de homine tantum etiam certo intelliguntur, idcirco sola dictæ possunt aut uerum aut falsum significare. Tertia uerò persona uerbi, ut nec de solo intelligitur homine, ita nec sola dici potest, hac per hoc nec ex sola, nisi admodum rarenter (ut dictum est) propositio constitui potest.

SED & hoc loco) Hæc quæstio ex superioribus nascitur. dictum est enim ex nomine, & uerbo perfectam constare orationem. *Ut disputo aut disputas.*) huic loco ex perpendicularo repugnare uidetur Aristoteles quarto cap. i. lib. de interpretatione. Quo loco scribit nomen, & uerbum dictionem esse solum. Quo circa ex hoc uerbo *disputo*, oratio constitui non potest. Id sic dissoluitur, nomen aut uerbum, ut per se inspicitur, & nihil intelligitur, est tanquam dictio, sed ut aliquid subauditur, oratio esse potest. Quemadmodum
Quin-

Quintilianus lib. i. cap. de uirtutibus, & uitis orationis ait : Solæcismus constat uno uerbo non tamen solo uerbo. nisi ad aliud referatur. *Id circo subdendum.*) Mea quidem sententia locus hic non est ita strictim intelligendus, ut in uerbis secundæ. & tertiæ personæ quorum actio soli uni conuenit, necesse sit certum, & singulare subiectum exprimere, ut perfecta constitutur oratio. Quinimo existimo hanc esse perfectam orationem legis, legit sine nulla hominis expressione. Nisi enim hoc fateamur non sibi cōstabit. Cæsarius hoc enim eodem cap. dixit disputo disputas esse perfectam orationem &

Vtrum quoties ex nomine, & uerbo propositio constituitur, ipsum nomen non alterius quàm recti casus esse possit.

R V R S V S & alia nunc quæstio emergit, præcedenti haud multum absimilis, quæ huiusmodi est. Vtrū nomen, ex quo cum uerbo propositio conficitur, solū, recti casus esse debeat; an alterius quoque cuiuslibet obliqui casus esse possit. Huic quoque dubitationi idē Martinus subtiliter obueniens, ad hunc modū respondet breuissime, ubi uerò uerba (inquit) illa sunt, quæ impersonalia dicuntur, non iam ex recto casu sententia impletur, sitque propositio, sed alios casus recipit. ut disputatur cum dicitur, ut est impersonale uerbum, plena omnino sententia est, si ablatiuū adiūgas, & per hoc affirmari aut negari potest, ut est, à Cicerone disputatur, à Cicerone non disputatur. Et pœnitet cum dicitur, plena quoque sententia est, si accusatiuum iungas, ut est, Ciceronē pœnitet : atque de alijs quoque impersonalibus uerbis, quæ uel cum eisdem, uel cum alijs construuntur casibus, ad hunc modum dicendum est. Vt igitur quoties perso-

DE PROPOSITIONE

nale uerbum est, ex quo cum nomine propositio cōstituitur: ipsum nomen recti casus esse oportet, ita non minus necesse est, quoties uerbum impersonale fuerit, ut sit nomen casus obliqui, natura uerbi id ita exigente. Sed iā ad institutum reuertamur, & quonam modo propositio secundum qualitatem diuidatur, deinceps dicamus.

QVAESTIO hāc per distinctionem dissoluitur. Cum uerbo impersonali, utimur, nomen obliqui casus esse potest, cum personali, nomen recti casus erit.

De diuisione propositionis secundum qualitatem.

PROPOSITIONVM itaque *Categoricarum*, aliae quidem qualitate, aliae uerò quantitate differentes inueniuntur. Porro secundū qualitatem differunt, quorum altera affirmatiua est, altera negatiua. *Affirmatiua* quidem propositio est, in qua aliquid de aliquo praedicatione enuntiatur. Vel in qua praedicatū affirmatur de subiecto, ut *Plato Philosophus est*. *Negatiua* uerò, in qua aliquid ab aliquo praedicatione seiungitur. Vel in qua praedicatum negatur de subiecto, ut *Plato Philosophus non est*. Illic nanq; de Platone negatur philosophus, ut praedicatū de subiecto apposito ad uerbum substantiuum (quae utiq; potior pars praedicati est) negandi aduerbio, cuius quidem hāc uis esse perhibetur: ut quicquid post se inuenit, tollat prorsus, & eius oppositum reponat.

PROPOSITIONVM.) Secunda hāc diuisio propositionis dicitur secundum qualitatem, quia affirmatio & negatio ad qualitatem pertinent propositionis. Nam secundum uariam uerbi dispositionem, uarius est modus enuntiandi. *Affirmatiua propositio*.) Aristoteles primo de interpretatione

tatione

tatione tenui admodum discrimine affirmationem, & negationem separauit. κατὰ φασιν δὲ ἐστὶν ἀπίφρασις τινὸς κατὰ τινός, ἀπόφασιν ἐστὶ ἀπύφρασις τινὸς ἀπὸ τινός. Affirmatio est enuntiatio alicuius de aliquo. Negatio est enuntiatio alicuius ab aliquo. Vt enim in affirmatione prædicatum affirmatur de subiecto, ita in negatione prædicatum remouetur a subiecto. Interim tamen obseruandum eam esse negatiuam propositionem, in qua uerbum principale negatur. Quare hæc non est negatiua. Homo est non iustus, sed affirmatiua habens prædicatum negatum.

De diuisione propositionis Categoricę,
secundum quantitatem.

A T uero secundum quantitatem differentię huiusmodi propositionum hoc modo sumuntur, quod alię quidem sunt uniuersales, alię particulares, alię indefinitę alię uero singulares. Sed harum uniuscuiusq; uim propria descriptione hinc iam explicemus oportet. Vniuersalis igitur propositio est, quę tum affirmando, tum negando uniuersaliter proponi: uel in qua subiicitur terminus communis signo uniuersali determinatus, ut omnis homo sapiens est, nullus homo sapiens est. Particularis uero, quę siue affirmet, siue neget, particulariter tantum proponit, quam et alij ita describunt. Particularis propositio est, in qua subiicitur terminus communis signo particulari determinatus, ut quidam homo sapiens est, quidam homo sapiens non est. Indefinita uero est, quę absq; uniuersalitatis particularitatisue nota, tam affirmando quam negando profertur, uel cuius subiectus terminus absq; ullo signo sumitur, ut homo sapiens est, homo sapiens nō est. Singularis porro propositio est in qua de indiuiduo, et singulari quicquam prædicatur

DE PROPOSITIONE

idque tum affirmatiue, tñ negatiue, ut Socrates, ambulat, Socrates non ambulat. Eandem autem nonnulli hoc pacto describunt, Propositio singularis est, in qua subiicitur terminus singularis, aut certè communis, qui tamen singulariter teneatur accipiaturq; , ut Socrates, uel homo sapiens est.

AT VERO.] Tertia diuisio propositio nis, quæ dicitur secundum quantitatem, quia a notis uniuersalibus, aut particularibus, propositionis pendet quantitas. *Uniuersalis.*) Breuius Aristot. primo capite primo lib. priorum. Propositio uniuersalis est, quæ significat omni, aut nulli in esse. Nam per hanc significamus aliquid ad uniuersos, uel nullos pertinere, ut omnes homines sunt probi, nulli homines sunt probi. *Particularis.*] Sic Aristoteles particularis propositio est, quæ significat alicui, aut non alicui in esse, ut quædam uoluptas est bona, quædam uoluptas non est bona. *Indefinita.*] Propositio indefinita sic dicta est, quia nullam habet certâ quantitatem, sed quandoque pro uniuersali, quandoque pro particulari accipitur. Est igitur hæc constituenda regula. Quando prædicatum necessario cum subiecto cohæret, propositio indefinita pro uniuersali sumitur, ut iustitia est uirtus, huic æquipollet omnis iustitia est uirtus. Sed quando prædicatum per accidens, & non necessario dicitur de subiecto, æquipollet particulari uel indefinitæ, ut homo est iustus, est eadem cum ista aliquis homo est iustus.

De tribus signis quæsituiis, quibus de unaquaque propositione quærere contingat.

CUM igitur tres sint propositionũ differentia, ut dictum est, quæ quidem sumuntur aut secundum substantiam, aut secundũ qualitatem, aut secundum quantitatem, tria quoque par est quæsitua signa commodari, quibus apta eliciatur responsio ab eo, qui de illis interrogat.

rogatus fuerit. Itaque interrogatus quispiam quæ sit hæc aut illa propositio apte conuenienterque respondebit quod sit Categorica uel hypotetica. Si uero idem de inde interrogatur fuerit, qualis sit, tum quoque apte, respondet, quod sit affirmatiua uel negatiua. Rursus autem si interrogetur quanta sit, recte nimirum et hæc interrogati responsio quadrabit, si dixerit, aut uniuersalis, aut particularis, aut indefinita, aut singularis. Atq; hæc quidem quanquam fortassis non tanti habentur, ut negotium faceßere debeant, eo tamen pertinere uidentur, ut exercitati istis interrogatiunculis nouitijs huius artis ueluti tyrones assuescant paulatim propositionum differentias internoscere, quod utique momenti non nihil habet ad ea, quæ deinceps sequuntur planius percipienda.

Cum igitur.] Quemadmodum propositio tribus modis diuiditur sic etiam tres sunt notæ quærendi. Quod est pronuntiatum prædicatorum, uel conditionale, quale affirmatiuum, uel negatiuum quantum, uniuersale uel particulare, indefinitum, aut singulare.

Quæ propositiones suis terminis conueniant, & quæ non.

Hactenus de propositione quæ Categorica dicitur eiusq; partibus atque differentijs quibusdam: restat ut quibus ipsa sit prædita affectionibus (quas passiones iuniores uocant) ostendamus, idq; hac præmissa diuisione, propositionum aliæ sunt, quæ nulla terminorum participatione conueniunt, aliæ sunt quæ conueniunt quidem, at non ex æquo: Nempe ex his, aliæ utroq; termino participant, ut Plato philosophus est, Plato philo-

DE PROPOSITIONE

sophus non est. Aliæ uero altero tantum, quod nimirum tribus modi fieri constat: quippe cum uel communis ille terminus in una propositionum subiicitur, & prædicatur in altera, uel prædicatur in utraque, uel in utraq; subiicitur. Communem autem terminum hic nunc uoco, non eum qui de pluribus prædicari possit, sed qui in singulis hoc pacto participatibus propositionibus reperitur. Verum enim uero de his propositionibus, quæ altero termino uel neutro participant, nihil ad præsens: cum de his solum hoc loco agatur propositionibus, quæ utroque termino conueniunt. id quod duobus fit modis: aut enim ordine eodem, aut per ordinis commutationem. Eodem quidem ordine participat suis terminis, quæ de eodem subiecto idem pronunciant prædicatum. Per ordinis uero commutationem, quoties qui in una subiectus est terminus, in altera sit terminus prædicatus, ut omne iustum est bonum, & quoddam bonum est iustum. Cæterum, ut ex ordinis quidem commutatione conuersio propositionum, colligitur, de qua non multo post dicetur, ita ex constantia ordinis propositionum sumitur oppositio, de qua primum hic nunc dicamus.

HACTENUS de propositione > Cæsarius examinaturus propositionum oppositionem, triplicem proponit aliam diuisionem. Propositionum quædam utroque termino participant, ut Temperantia est uirtus, Temperantia non est uirtus, & secundum hanc speciem uera sumitur oppositio propositionum. Quædam neutro termino participant, ut iustitia est uirtus, Temperantia non est uituperanda. Quædam altero termino conueniunt tantum, ut uirtus est laudanda uirtus, non est uituperanda. Secundum hæc duo ultima membra nulla sumitur propositionum oppositio.

De oppositione propositionum Categoricarum, & quid sit.


PROPOSITIONVM igitur Categoricarum utroq; termino eodem ordine participantium, alie quidem contrarie sunt alie subcontrarie alie contradictorie, alie uero subalternae. Contrariae sunt duae propositiones uniuersales, alia quidem affirmatiua, alia uero negatiua, eiusdem subiecti pariter & praedicati, ut omnis homo iustus est, nullus homo iustus est. Subcontrariae uero propositiones, duae particulares, altera quidem affirmatiua, altera uero negatiua, eiusdem subiecti pariter et praedicati: ut quidam homo iustus est, quidam homo iustus non est. Contradictoriae autem propositiones duae, uniuersalis & particularis: uniuersalis quidem affirmatiua, particularis uero negatiua, uel uniuersalis quidem negatiua: particularis uero affirmatiua, eiusdem subiecti pariter & praedicati, ut omnis homo iustus est, quidam homo iustus non est: uel, nullus homo iustus est, quidam homo iustus est. Subalternae porro sunt propositiones duae, ambae quidem aut affirmatiuae, aut negatiuae: sed ex his altera quidem uniuersalis est, altera uero particularis, eiusdem subiecti pariter, & praedicati, ut omnis homo iustus est, quidam homo iustus est, uel, nullus homo iustus est, quidam homo iustus non est; Oppositio igitur est, ut ex praedictis uatet, duarum propositionum Categoricarum repugnantia quaedam, uel qualitate tantum, uel quantitate tantum, uel qualitate simul et quantitate. Toties enim sibi inuicem aduersantur dictae Categoriae propositiones. Quarum quidem oppositio,

DE PROPOSITIONE

ut ueluti oculis exposita habeatur figuram ex quatuor angulis constitutam, subijcere non grauabor.

PROPOSITIONVM) Diuidit eas propositiones quæ cōsentiunt in utroque terminò, in contrarias, contradictorias, subalternas, & sub cōtrarias. Finitiones harum ex finitionibus propositionis vniuersalis, particularis indefinitæ, peripicux sunt. *Toties enim.*) Cæsarius hoc loco communem Philosophorum scolarum secutus est. Aristoteles autem xv. cap. ii. priorum constituit quatuor oppositiones secundû locutionē & voce secundum veritatem duas tantum contrarias & contradictorias. Subcontrariæ enim & subalternæ non sunt propriè oppositæ, quia possunt simul esse ueræ. Sequens figura propositionum oppositarum pugnam, in quantitate, & qualitate perspicuè ostendit.

Omnis homo iustus est	Contrariæ	Nullus homo iustus est.
--------------------------	-----------	----------------------------



Quidam homo iustus est.	Subcontrariæ	Quidam homo iustus non est.
----------------------------	--------------	--------------------------------

De triplici propositionum materia.

SED priusquam harum inter se oppositarum propositionum leges (quas uocant) exponamus, commo-
nendus

nendus interim probus lector est, ipsius uidelicet propositionis triplicem esse materiam, naturalem, contingentem, & remotam. Voco autem materiam propositionum hoc loco, earum utrumque terminum, subiectum, inquam, & prædicatum. Quidam uero definiunt habitudinem, quæ est prædicati, ad subiectum. Naturalem igitur materiam esse dicunt, quoties prædicatum est de essentia subiecti, aut certè proprium eius, ut homo est animal, homo est risibilis. Contingentem uero, quoties prædicatum subiecto, aut adesse, aut abesse potest præter subiecti corruptionem, ut Socrates ambulat. Remotam autem, quando prædicatum ipsi subiecto nullo modo cõuenire potest, ut homo est lapis. Itaque sciendum quòd iuxta primam quidem habitudinem necessariæ propositiones dicuntur, quarum ut affirmationes semper ueræ sunt, ita negationes perpetuò falsæ. Iuxta secundam autem contingentes seu accidentariæ, quarum proinde tam affirmationes quàm negationes incertæ sunt tum ueritatis, tum falsitatis, nisi suppositione facta, aut quod prædicatur accidens sit inseparabile. Iuxta tertiam uerò impossibiles: quarum ut affirmationes, quidem falsæ semper, ita negationes semper ueræ.


DE PROPOSITIONE

Omnis hō
iustus est

Pugnant i qualitate
tatum contrarie

Nullus hō
iustus ē

Subalterne pugnant
quaritate tantum



Subalterne pugnant
quantitate tantum

Quidā hō
iustus est

Subcontraria pugnant
qualitate tantum

Quidā hō
iustus est

QVONIAM Cæsius dicturus est propositiones contrarias posse simul esse falsas, & subcontrarias simul esse veras, ideo distinguit multiplicem propositionis materiam. Est autem materia hoc loco, habitudo prædicati subiectum. Aristoteles octavo cap. i. lib. priorum, & ultimo cap. primi libri de interpretatione, ex triplici rerum natura, triplicem constituit propositionem. Omnis enim res aut est necessaria, aut contingens, aut impossibilis. Tres igitur regulas constituemus. prima omnis propositio in qua genus species, differentia, proprium, accidens perpetuum prædicatur, est necessaria. Nam hec uniuersalia necessario coherent cum suis subiectis, ut Marcellus est homo, homo est animali, homo est particeps rationis, homo est disciplinæ capax, ignis est calidus. Secunda, omnis propositio in qua accidens non perpetuum dicitur de subiecto, est contingens. Ea enim est accidentis

dētis natura ut & adesse subiecto, & ab eo emigrare possit; ut homo est studiosus. Tertia, omnis propositio in qua id quod repugnant cum subiecto, de eo affirmatiue effertur, est impossibilis, ut homo est lapis, calidum est frigidum, humidum est siccū. Vt igitur in prima propositionis specie connexa est necessaria, in secunda, fortuita, ita in tertia remota & aliena.

De legibus oppositarum inter se propositionum.

ERGO ut id, quod hoc loco instituimus, cōmodius fieri possit, operæpretium fuerit hasce leges per certas quasdam regulas digerere, atq; distribuere. Itaq; cum quatuor sint inter se oppositarum propositionum differentia, consentaneum erit, quatuor quoque regulas de ipsis constituere, ut unicuiq; differentia sua respondeat regula. Prima igitur regula erit de lege & natura contrariarum: secunda de lege & natura subcontrariarū: tertia de lege & natura contradictoriarum: quarta uero, atque ultima de lege & natura subalternarum. Sed & illud obiter occurrit admonendum, non esse harum regularū ullam exactam demonstrationem hic exigendam, ut nec in sequentibus usquā ubicunq; regulæ propositæ fuerint: quippe quod id supra uires prorsus captumque esset eorum, qui primis adhuc huius disciplinæ rudimentis imbuendi sunt atque formandi. Satis autem fuerit, si idoneis tantum exemplis utcunque declarantur. Quod profectō si ubique obseruetur, nō parū ex eo (ni fallor) sentient profectum tum auditores, tum etiam lactores, non modò ad eruditionem ipsam, uerum etiam ad sermonis facultatē: tum & releuantur interim & hi, qui docent artem, & qui eam docentur.

DE PROPOSITIONE

REGO ut id.] Hoc capite Cæsarius regulas de quibus dicturus est, proponit.

SEQUUNTUR REGVLÆ.

Prima regula de lege, & natura cōtrariarum.

SI DVARVM contrariarum una uera est, reliquam esse falsam est necesse, at id quidē conuertitur minime. Nā possunt duæ huiusmodi propositiones simul esse falsæ, ut in materia contingenti: proinde si hæc est uera, omnis homo iustus est falsa erit ea quæ proponit, nullus homo iustus est. Sed illud, ut dictū est non cōuertitur. Nō enim si falsa est, quæ dicit, omnis homo iustus est, uera iā erit de necessitate ea, quæ dicit, nullus homo iustus est. Fieri nanq; potest, ut utraque sit falsa. Esto igitur disciplinæ gratia, ut aliquis homo sedeat, tūc falsa erit hæc quæ dicit, nullus homo sedet. Esto rursus, at per idē tempus aliquis homo non sedeat, tunc hæc quoque falsa erit quæ dicit, omnis homo sedet. Hac itaque concessa hypotthesi, falsa erit hæc, omnis homo sedet, falsa itidē ea quæ dicit, nullus homo sedet. Et sunt hæc quidē per definitionē inter se contrariæ. Quapropter contrarias propositiones aliquādo quidem falsas simul esse nihil prohibet, esse autem simul ueras est impossibile.

SI DVARVM contrariarum.] Duæ propositiones contrariæ non possunt simul esse ueræ, sed possunt simul esse falsæ. Ratio primæ partis est, (etsi hoc quidam, ut principium ponunt) quia si duæ propositiones contrariæ essent simul ueræ, duæ subcontrariæ essent simul falsæ, quod Dialectici pro incommodo habent. Id ego exempli causa sic doceo. Sit hæc uera (ut est) omnis homo sentit, oportet ergo illius contradictoriam esse falsam, quæ est, quidā homo non sentit.

sentit. Sit item hæc uera, nullus homo sentit, eius contradictoria erit falsa, quæ est, quidam homo sentit. At hæc, quidam homo sentit, quidam homo non sentit, sunt subcontrariæ, ergo subcontrariæ sunt simul falsæ. *Fieri enim potest.*) Demonstrat Cæsarius duas contrarias propositiones posse simul esse falsas, hac ratione. Duæ subcontrariæ possunt consentire in ueritate, ergo duæ contrariæ possunt consentire in falsitate. Antecedens ita docet, particularis affirmatiua potest esse uera, igitur uniuersalis negatiua eius contradictoria erit falsa: particularis negatiua potest esse uera, ergo uniuersalis affirmatiua erit falsa. Quocirca duæ contrariæ possunt simul esse falsæ. Conficiendum est itaque ex hac regula, contrarias propositiones pugnare in ueritate.

Secunda regula de lege & natura
subcontrariarum.

SI DVARVM subcontrariarum una falsa est, reliquam ueram esse necesse est. Verum nec id unquam recurrit. Quandoquidem duæ subcontrariæ simul ueræ esse possunt, ut in materia contingenti. Quocirca si hæc falsa est, quidam homo est iustus, uera protinus erit ea, quæ dicit, quidam homo non est iustus. At qui id (ut dictum est) non recurrit. Nam non oportet, si uera est quæ dicit, quidam homo est iustus, falsam continuo eam esse quæ dicit, quidam homo non est iustus. Siquidem utraque uera esse potest. Esto igitur, falsa sit ea quæ dicit, nullus homo sedet, mox iam uera erit ea quæ dicit, aliquis homo sedet. Similiter autem ac per idem tempus falsa sit ea, quæ dicit, omnis homo sedet, iam tunc uera erit hæc, quidam homo non sedet. Exunt igitur iuxta datam hypothese[m] ambæ simul ueræ, et hæc quæ dicit, quidam homo sedet, & quæ dicit, quidam homo non sedet, et sunt inter se subcontrariæ. Quocirca subcontrarias preposi-

DE PROPOSITIONE

tiones simul quidem ueras esse possibile est, atqui simul esse falsas, est impossibile.

SI DVARVM.) Propositiones subcontrariæ ueræ simul, falsæ autem esse non possunt. Pugnantes itaque falsitate, non autem ueritate. *Esse igitur.*) Docet duas subcontrarias posse simul esse ueras. Duæ contrariæ possunt simul esse falsæ, ergo duæ subcontrariæ possunt simul esse ueræ. Nam si uniuersalis affirmatiua est falsa, particulis negatiua erit uera, & si uniuersalis negatiua est falsa, particularis affirmatiua similiter erit uera: quod fit ut duæ subcontrariæ possint simul esse ueræ.

Tertia regula de lege & natura contradictoriarum.

SI DVARVM contradictoriarum una est uera, reliquam esse falsam est necesse: & contra, si una falsa est, reliquam protinus uerâ esse oportet. Non enim simul aut ueræ unquam, aut falsæ esse possunt. Quæ quidem regula, quoniam per totam artem logicam principij loco habetur, uix ullis uel exemplis est cōprobanda. Si cui tamen hoc etiam in animo sederit, ut exēpla omnino subiiciantur, poterit hic per se haud difficulter ea ex duabus superioribus mutuari cōmodissimè. Nā hæc ipsa regula cum duabus illis quæ diuersas alioqui naturas inter se habent, conuenit quoquomodo, partibus uidelicet hincinde suis, quæ duæ sunt, quarum quidē una est, quod contradictoriæ inter se propositiones nūquam simul ueræ esse possunt, quæ certè lege contrariæ etiam tenentur. Altera uerò, quod duæ cōtradiçtoriæ nunquā possunt simul esse falsæ, quam legem profectò subeunt & subcontrariæ. Vnde hæc etiā regula primo utique loco collocanda erat, ut quā niteretur reliquæ, ueluti in
ædificio

ædificio tectum & parietes basi & fundamento, Verum enimvero eum nunc ordinem tenere in his libuit, quem passim in gymnasiis literarijs observant: id quod & in alijs quoque haud inuitè facimus, quantum quidem rei ratio ferat permittatur: nisi quod, quàm maxime possumus, barbariem ubique vitare studemus, quod & alios plerosque facere uideo, sed multo felicius, in bonis literis iuuandis. Hæc siquidem ut semel introducta, causa proculdubio fuit abolitionis penè omnium bonorum studiorum, ita explosa demum efficiet, ut omnia illa pristino suo nitori restituantur.

*SI DVARVM.) Lex propositionum contradictoriarum ex duabus prioribus colligitur. Contradicentes propositiones nec in ueritate, nec falsitate consentiunt unquam. Hæc lex in tota Philosophia principii loco est. Quare auditor naturæ bonitate, sine ulla probatione ei assentiri debet. Cæterum hic notare oportet, Aristotelem sexto cap. primi libri de Interpretatione triplices propositiones contradictorias cōstituere, uniuersales uniuersaliter, ut omnis homo studiosus est, quidam homo studiosus non est. Singulares, ut Cicero est eloquens, Cicero non est eloquens, & de his hæc regula est intelligēda. Sunt etiam contradictoriæ indefinitæ, ut homo est albus, homo non est albus. Et hæ, ut Aristoteles docet, possunt simul esse ueræ. Quod intelligendum est, cum in utraque propositione diuersum subiectum intelligitur. Nam si idem subiectū intelligatur, nunquàm possunt simul esse ueræ. *Quæ quidem regula.)* Quemadmodum hoc est primum pronunciatum in prima Philosophia, idem non potest esse, & non esse: ita duæ propositiones contradicentes nō possunt simul esse ueræ aut falsæ. Qua de re copiose differit Aristoteles libro quarto primæ Philosophiæ.*

QUARTA REGULA.

SI propositionum subalternarum uniuersalis siue

H affir-

DE PROPOSITIONE

affirmatiua, siue negatiua uera est, uera erit, et eius particularis, at non contrà. Siquidem non oportet, si uera est particularis, uerâ esse & eius uniuersalem, ut si hæc uera est, omnis homo est iustus, et hæc quoque uera erit, quidam homo est iustus. Rursus, si hæc est uera, nullus homo est lapis, uera etiam erit ea quæ dicit, quidam homo non est lapis. Si uerò uniuersalis fuerit falsa, iam necesse non est eius particularem esse falsam: tametsi contrà, si particularis falsa est, necesse est uniuersalẽ quoque falsam esse: ut si falsa est, quidam homo lapis est, falsa quoque erit hæc, omnis homo lapis est. Tum etiã si falsa est quæ dicit, quidam homo non est risibilis, falsa erit & hæc, nullus homo est risibilis.

Si propositionum subalternarum.) Huius loci ratio est, quia ex ueritate propositionis uniuersalis affirmatiuæ uel negatiuæ sequitur ueritas particularis. Sin uero.) Propositio uniuersalis falsa non colligit necessariò particularem esse falsam, sed particularis falsa colligit uniuersalem esse falsam.

De propositionum æquipollentia.

EXIGIT hinc ratio ordinis, ut post oppositas inter se propositiones a nobis hætenus expositas, de earum æquipollentia protinus institutum prosequamur. Quandoquidẽ hæc facit, ut oppositæ alioqui propositiones, atq; inter se tum ueritate falsitateue, tum aut qualitate aut quâtitate dissentientes, rursus his ipsis, ueritate dico & falsitate, aut qualitate etiã et quâtitate cõueniant, consentiant quæ inuicem: Ac proinde nonnulli eam definiunt, duarum propositionum Categoricarum, formalem & necessariam cõsequentiã, id quæ propter negationem, uel præpositam uel postpositam, uel præpo-
sitam

fitā simul et postpositā. Cuius insuper tres regulas cōsti-
tuunt, ex quarū prima deinde atq; secunda quartā eli-
ciunt, quæ sit ad eas perinde atq; corollarium quoddā.

QVANDO quidem.) Ea est natura æquipollentiæ, ut
propositiones prius oppositas cōsentientes reddat. Ac proin-
de.) Spectamus hoc loco propositiones æquipollentes nō ex
termino subiecto vel prædicato, ut cū dicimus, Marcus loqui-
tur Tullius dicit, sed ex natura signorum uniuersaliū, aut par-
ticularium. Idque his uerbis sermone tritis explicatur. Præ.
contradic. post. contra. præ postque subalter.

SEQUUNTUR REGVLÆ.

Prima regula de æquipollentia propositio-
num inter se contradictoriarum.

QVOTIES negatio præponitur signo siue uniuersali, siue particulari, ipsa æquipollere facit propositiones inter se alioqui cōtradictorias: ut cū sint contradi-
ctorie hæ duæ omnis homo iustus est, et quidam homo
iustus nō est, si earum uni præponas negationē, ut exem-
pli causa uniuersali, ac dicas, nō omnis homo iustus est,
protinus hæ duæ, non omnis homo iustus est, et quidam
homo iustus non est, ueritate inter se aut falsitate con-
sentiunt, ac per hoc, ut regula ipsa proponit, inuicem
æquipollent. Eodem quoq; modo si particulari præpo-
natur negatio, nempe huic, quidam homo non est iustus;
ac proinde ita dicatur, non quidam homo nō est iustus,
eruntq; hoc pacto simul ueræ, aut falsæ, omnis homo ius-
tus est, & non quidam homo iustus nō est, quæ aliàs ue-
ritatem inter se falsitatemq; diuidebant. Quod quidem
et in altera cōtradictionis parte ita euenire certū est.

QVOTIES.) Huius regulæ hic est sensus, datis duabus
propositionibus contradictoriis, si uni earum negatio præ-
ponatur, illa habens negationem præpositam, redditur æqui-

DE PROPOSITIONE

pollens ei quam prius habebat contradictoriam, ut constat exemplo textus.

Vtrum iuxta primam hanc regulam de equipollentiis, perpetuò id ita eueniat, quod illa præscribit, ut negatio præposita signo, siue uniuersali, siue particulari faciat contradictorias inter se propositiones æquipollere.

S E D hic iam quæstio oritur, fortassis neq; friuola adeo, neque omnino indigna, quæ hoc loco proponatur, examinanda tamen discutiendaque iudicio lectorum, estque huiusmodi. *An hæc propositio (exempli gratia) Non omnis qui dicit mihi domine domine, intrabit in regnum cælorum, iuxta præsentem regulam suæ tantum contradictoriæ æquipolleat, quæ quidē est, Aliquis qui dicit mihi domine domine, non intrabit in regnū cælorū. An potius suæ cōtrariæ, nempe huic, Nullus qui dicit mihi domine domine, intrabit in regnū cælorū. Siquidē hunc mihi sensum, nisi tamen fallor, ipse dominus in sacro Euang. ut est apud Matth. c. 7. suis illis uerbis innuere, & proferre uidetur, quibus dicit, non omnis qui dicit mihi, &c. quasi qui ita dicere uideatur, Nullus qui dicit mihi domine domine, intrabit in regnum cælorum, nisi idem fecerit uoluntatem patris mei. Neq; uerò id quòd hic nunc a me proponitur, & in dubium reuocatur, prorsus exemplo caret. Nam ad eundem planè modum Aurelius Aug. in 6. de ciuitate Dei lib. c. 4. contra Varronem disputat, ostendere inibi uolens illum de nulla deorum natura scripsisse, cū tamen ille dixerit libros a se scriptos de natura deorum, etsi nō omni. Vnde et ita tandem idem Aug. infert atq;*

con

concludit. Restat ergo, inquiens, ut de nulla deorum natura libros scripsisse intelligatur, neq; hoc apertè dicere uoluisse, sed intelligentibus reliquisse. Vbi enim dicitur, non omnis, usitatè quidè intelligitur aliqua nō, sed potest intelligi, & nulla: quoniam quæ nulla est, nec omnis est, nec aliqua est. Hæc ille libro & capite paulò suprà citatis. Quo in loco Ludouicus Vives, uir profectò ut uariæ lectionis, ita exacti iudicij, in scholis suis in eundè locum hoc de suo addit, Nō omne (inquiēs) nihil affirmat, sed siue aliquid sit, modò aliquid nō sit, siue nihil, nō omne uerum efficitur. Sanè hæc nobis ideò hoc loco adijcere placuit, ut studiosi artium triuialium intelligant earū leges nō esse immutabili necessitate (ut Quintiliani uerbis utar) astrictas, Quod tamen ita esse citius in hac arte, quàm uel in Grāmatica, uel Rhetorica deprehendas, quas etiam artes tres, idcirco, quod sermonum præcipuam curam agant, lacteus ille Lactantius.

3. Diuinarum institutionum libro, uno nomine Logicā appellari indicat, cāq; tertiā esse philosophiæ partē dicit, cuius hæc uerba sunt, Superest illa pars tertia philosophiæ quā Logicam uocant, idest, rationalem, in qua tota Dialectica, & omnis loquendi ratio continentur.

SED HIC.) Hoc docet, non omnes propositiones esse primæ regulæ astrictas

Secunda regula de equipollentia propositionum inter se contrariarum.

QVOTIES negatio postponitur signo, præsertim uniuersali, ipsa equipollere facit propositiones inter se aliqui cōtrarias, ut quoniā contrariæ inter se sunt hæc duæ, omnis homo iustus est, et nullus homo iustus est, si

DE PROPOSITIONE

uni earū postponas negationē, ut exempli gratia huic; *omnis homo iustus est*, & idcirco dixeris, *oīs homo iustus non est*, tum quæ prius ueritate ipsa haudquaquā conuenire poterant, ut potē cōtrariæ, ambæ simul ueræ esse possunt. Haud aliter eueniet, si etiamnum alteri negationem postponas, nēpe huic, *nullus homo est iustus*. Aequiualent ergo inter se, *omnis homo non est iustus*, & *nullus homo est iustus*. Itē *omnis homo iustus est*, & *nullus homo non est iustus*. Quarum proinde si una uera est, & altera, & si falsa una, altera quoq; falsa est.

QVOTIES negatio.) Secundæ regulæ hic est sensus. Datis duabus propositionibus cōtrariis, fiunt inter se æquipollentes, si signo uniuersali affirmatiuo uel negatiuo postponatur negatio. Ait Cæf. præterim quia si signo particulari postponatur negatio, specialis nulla sumitur æquipollentia.

Tertia regula de æquipollentia propositionum subalternarum.

QVOTIES negatio tam præponitur quàm postponitur signo siue uniuersali, siue particulari, ipsa æquipollere facit. propositiones sibi inuicem subalternas: ut cum sint hæ duæ sibi subalternæ, *omnis homo iustus est* & *quidam homo iustus est*. item & hæ duæ, *nullus homo iustus est*, & *quidā homo iustus non est*, utpote quāritate solūm differentes: si de quolibet pari, et præponēdo & postponēdo alterutri earum negationē, ita dixeris, *Non omnis homo non est iustus*, et *quidā homo est iustus*: uel *omnis homo est iustus*, & *non quidam homo non est iustus*. Similiter, *non nullus homo nō est iustus*, et *quidam homo non est iustus*. Vel, *non quidam homo haudquaquam nō est iustus*, et *nullus homo est iustus*. Vbiq; sanē inuenies binas atq; binas ita cōstitutas pro-

positiones, quæ inter se prius quantitate differebant, ut subalternæ, secundum eandem rursus quantitatem inter se conuenire, ac per hoc ueritate simul aut falsitate consentire.

QVOTIES negatio rã.) Hæc regula sic est accipiēda, assignatis duabus propositionibus subalternis, si vni earū & præponatur & postponatur negatio, fiunt propositiones equipollentes.

QVARTA REGULA.

QVOTIES in aliqua propositione duo signa vniuersalia negativa ponuntur, alterum quidem quod ad subiectum, alterum uerò quod ad prædicatum refertur, ex his duobus id quod subiectum respicit, cōtrario, quod uerò ipsum concernit prædicatum, suo æquipollet contradictorio. Huius quidem regule huiusmodi dant exēpla. Nihil nihil est, Ex nihilo nihil fit: quorum primum iuxta regulæ præscriptum huic æquipollet propositioni, quodlibet est aliquid. Secundum uerò huic, ex quolibet fit aliquid. Talia sunt et hæc, nullus homo nullum animal est, nusquam nullum corpus est, nunquā nihil mouetur, et his similia. Verūm quoniam talia apud idoneos et probatos autores aut rari usus sunt, aut certe momenti non admodum magni, ea in præsentia missa facere consultum uidetur, & ad propositionum conuersionem potius transire, quippe cuius maior usus in syllogismorum præsertim demonstratione habeatur.

QVOTIES in aliqua) Si duo signa vniuersalia ponantur in eadem propositione, alterum ad subiectum, alterum ad prædicatum, prius æquipollet tuo contrario iuxta secundam regulam, posterius suo contradictorio iuxta primam regulam.

De propositionum conuersione.

HIS igitur, quæ talia sunt, ut pote uulgaria prope-

DE PROPOSITIONE

*modum, posthabitis, de propositionū cōuersione, quæ re
stat adhuc, potius dicamus, ob eā causam quæ dicta est.
Hæc autem a Trapezuntio hoc pacto definitur. Cōuer
sio est, quoties propositionis subiectus terminus is præ
dicatum, & prædicatus in subiectum conuertitur. Hæc
bifariam distingui, uel ex eo patere potest, quod aut in
se se conuertuntur propositiones, aut in alias. Itaq; cū
quatuor sint propositionum genera, iuxta quatuor ui
delicet superscriptæ figuræ angulos, ex his in se quidē
conuertuntur uniuersales negatiuæ, et particulares af
firmatiuæ: in alias autē, uniuersales tum affirmatiuæ,
tum negatiuæ. At uerò particulares negatiuæ, nec hoc
nec illo cōuertuntur modo, sed per aliā quandā cōuersio
nis formam, quæ per contrapositionē conuerso dicitur.
Ex quo iam colligere quoq; licet, triplicem esse proposi
tionum conuersionem. Simplicem, qua in se proposition
es conuertuntur. Per accidens. qua in alias. Per cōtra
positionem, qua in se quoq; conuertuntur quidem ipsæ,
sed non nisi mutatis earum terminis, ut mox dicetur.*

*His igitur.) Conuersionis multiplex est vñs. Quan
doque enim nobis inseruit, ut syllogismos diuersarum figu
rarum ad se inuicē reducamus, & bene nos collegisse osten
damus. Aliquando conuersio argumenti loco est, ut nemo
stultus est beatus, nemo ergo beatus est stultus. Subinde e
tiam conuersio adhibetur propositioni illustrandæ, ut nemō
in calamitate constitutus est felix, felices ergo in calamitate
constitutos putas? In se conuertuntur propositiones.) hoc est
eiusdem quantitatis, uniuersalis in uniuersalem, particularis
in particularem. Aut in alias,) Scilicet diuersæ quantitatis,
uniuersalis in particularem. Quatuor propositionum genera.)
Propositio uniuersalis affirmatiua uniuersalis negatiua, par
ticularis affirmatiua, particularis negatiua.*

De conuersione simplici.

DICIMVS ergo, quòd simplex quidem conuersio est, quoties conuertendæ propositionis subiectus terminus in prædicatum eius, in quâ conuertitur, et prædicatus in subiectum transponitur; seruata utriusque propositionis eadē tum qualitate, tum quâtitate. Quo quidem conuersionis modo, duæ tantum conuertuntur propositionum formæ, nempe uniuersalis negatiua, & particularis affirmatiua. Vniuersalis quidem negatiua ut est nullum iustum malum est, nullum malum iustum est. Particularis autem affirmatiua: ut, si quoddam iustum bonum est, quoddam bonum iustum est. Neq; uero nos conturbet, quòd quædam uniuersales affirmationes, & quædam etiam particulares negationes isto modo conuerti possunt, ut in quibus id quod proprium cuiusq; est, prædicatur, aut quod nullo modo ei potest inesse de quo prædicatur. Verum enim uero quia non fit illud uniuersaliter, nec ubique eandem uim retinet, idcirco a simplici cōuersione haud temere excluduntur, reijciunturq;. Si quidem propositionem quamlibet in se, uel in aliam conuerti, est ad eam necessariò consequi aliam ut per quam fit conuersio.

DICIMVS ergo.) Dicta est hæc cōuersio simplex, quia propositio conuertens colligitur immediate ex conuersa, non ob aliquam intermediam propositionem, ut nullum uitium est uirtus ergo nullâ uirtus est uitium. Neque uero.) Remouet tacitam obiectionem. Propositio uniuersalis affirmatiua terminorum gratia simpliciter conuertitur, ut omnis homo est capax disciplinæ, ergo omne id quod est capax disciplinæ est homo. Sed huiusmodi collectiones falaces sunt, nec in omnibus ueræ, materiales uulgo uocantur consequentiæ, non formales.

DE PROPOSITIONE T

De conuersione per accidens .

PER accidens autem cōuersio dicitur, quoties pro-
positionis subiectus terminus in prædicatum, & predi-
catus in subiectum transponitur, eadem utrisque pro-
positionis qualitate quidem seruata, se mutata quãtita-
te. Sanè hoc modo duæ itidem propositionum differen-
tiæ cōuertuntur solum, nempe uniuersalis affirmatiua,
et uniuersalis negatiua, utraque uidelicet in particula-
rem suæ qualitatis . Vniuersalis quidem affirmatiua, ut
si omne iustum bonum est, quoddam bonum iustum est.
Etenim si uera est quæ dicit, omne iustum bonum est,
uera est quæ dicit quoddam iustum bonum est ad quam
quia sequitur per conuersionem simplicem, quoddam
bonum iustum est, hæc ipsa nimirum & ad priorem se-
quetur, eritq; perinde uera. Itaque recte sequitur, om-
ne iustum bonum est, ergo quoddam bonum iustum est,
quod erat ostendendum. Vniuersalis uero negatiua, ta-
metsi simpliciter (ut supra dictum est) conuertitur, ip-
sa tamen non minus, & in particularem negatiuam
conuerti potest, ut si nullum iustum malum est, quoddam
malum non est iustum, quoniam uidelicet nullum ma-
lum iustum est. Atq; hoc ipsum profecto est, quod per
accidens conuerti dicitur, secundo scilicet loco, & per
aliud: si cut simpliciter conuerti, cum nihil aliunde peti-
tur, aut mutatur quicquam.

PER accidens.) Hæc conuersio dicta est per accidens,
quia non accedit propositioni quantitas, seruata eadem qua-
litate. Nam uniuersalis affirmatiua in particularem affir-
matiuam, & uniuersalis negatiua in particularem negatiuam
conuertitur.

De conuersione per contrapositionem.

CONVERSIO per contrapositionem est, quoties propositionis conuertendæ terminus subiectus transit in prædicatum eius, in quam uertitur, atq; interim in huius subiectum illius transit terminus prædicatus, seruata quidem utriusque propositionis eadem & qualitate & quantitate, sed mutatis terminis finitis in terminos infinitos. Ad hunc certè modum duæ similiter propositionum formæ conuertantur solum, nempe uniuersalis affirmatiua, & particularis negatiua. Vniuersalis quidem affirmatiua, ut si omne iustum bonum est, omne non bonum non est iustum. Particularis uero negatiua, ut si quoddam album non est dulce quoddam non dulce non est non album. Hinc illa conuersio per contrapositionem dicta est, ut sit perinde, atque per terminorum oppositionem.

CONVERSIO per contrapositionem.) Hæc conuersio per contrapositionem dicta est, quia fit per terminos oppositos & contradictorios. Nam terminus finitus opponitur infinito. Huius cōuersionis apud bonos autores, quorū intelligendorū gratia hæc traduntur præcepta nullus aut rarus est usus.

IN TRACTATVM QVARTVM DE PROPOSITIONE HYPO-

THETICA ET MODALI.

P R A E F A T I O.



OST Categoricam hætenus expositam, alteram de hinc propositionis partem aggrediamur oportet, nempe eam, quæ categoricæ e regione respondet,

DE PROPOSITIONE

det, constituiturque. Hæc autem est, quæ Græco quidem nomine Hypothetica dicta est, Latine uerò conditionalem non inepte appellaueris, quanquam Græci nominis crebrior usus est etiam apud Latinos. Tum etiam & de Modali agendum in hoc ipso tractatu est, sed quam fieri poterit breuissime. Verum hæc a Categorica non distinguitur, nisi forte secundum accidens aliquod, quo differt ab ea Categorica, quæ simpliciter quicquam in esse significat. Tamen quia plus habet fortassis difficultatis, quam utilitatis, ut cuius non sit admodum frequens usus in syllogismorum contextu, quamuis, & in hac quoque parte plus satis Aristoteles occupatus fuerit: seorsim de ea, quod restare adhuc uideretur, statim post Hypotheticā tractare libuit, tum ut illorum consuleremus capacitati, qui rudes adhuc huius artis huc accedunt, eius iam primum præceptis initiandi, tum uero ut eorum occurreremus mordacitati, qui nihil non improbare soleant, nisi quod ab ipsis proficiscitur, insulsum plane ac barbarum. Sed nunc propositum exequamur.

P o s t categoricam.) Omnis propositio aut est prædicatoria aut conditionalis, dictum est de prædicatoria, nunc disserere incipit de conditionali, utraque hæc propositionum genera alio referenda sunt. ut enim ex prædicatoria, syllogismus categoricus, ita ex conditionali, syllogismus constituitur conditionalis.

De propositione Hypothetica, quid sit, & unde dicta sit.

*DE Hypothetica quidem propositione tametsi nullus ab Aristotele tractatus relictus est, id quod & Boetius ingenue libereq; fatetur, eam tamen ipse a Categorica ita distinguit in libro, quem *περὶ ἐμμενέας* inscripsit, ut illam quidem appellet simplicem & unam, hanc autem compositam & coniunctione unam, ut quæ ex pluribus*

ribus

ribus Categoricis (hoc est, simplicibus) coalescāt. Vnde & à quibusdam ita definitur, Hypothetica propositio est, quæ ex pluribus Categoricis, coniunctione omnino aliqua, aut aliquo æquivalente compositis constat. Sunt qui & ita definiant, Propositio Hypothetica est, quæ plures habet Categoricas, principales sui partes simul iunctas: ut, Si dies est, lux est. Hæc idcirco diximus Latino nomine Cōditionalem appellari, quam tamen uerbum uerbo reddentes. Suppositoriam fortassis rectius appellaremus. Nam quod Græcis hipotesis est, hoc Latinis est suppositio. Verum quia hypothesis præter cetera significata apud Græcos nonnunquam uim habet conditionis, & item causæ, ut hoc loco placuit Latinis omnibus Conditionalem potius dici, quam Suppositoriam, propterea quod huiusmodi propositio sub conditione aliquid proponit, ut si hoc est, illud est, uel si hoc est, illud non est.

PROPOSITIO hypothetica.) Quemadmodum ergo propositio simplex ex subiecto & prædicato constituitur, ita hypothetica ex duabus simplicibus componitur.

De tribus propositionis Hypotheticæ speciebus.

H V I V S autem propositionis tres esse huius species inter omnes fere conuenit huius artis professores, quas & Seuerinus Boetius ad hunc modum colligit: Omnis (inquit) hypothetica propositio constituitur uel per cōnexionem, uel per disiunctionem. Per connexionem rursus, aut per copulationem, aut per conditionem. Per copulationem quidem, ut ea quæ copulatiua coniunctione

DE PROPOSITIONE

conneſtitur, unde & nomen habet : ut, et dies, & lux est, per conditionem uero, ut quæ cōiunctione quadam partibus interposita ad consequentiam, conditionēque ducitur, quæ idcirco nomine peculiari Conditionalis appellatur. Per disiunctionem autem, ut in qua disiunctiua coniunctio interueniens, ambas prædicatiuas (hoc est, Categoricalas) coniungit, et per hoc Disiunctiua propositio dicitur, ut, Aut dies est, aut nox est.

H V I V S au^{tem}.) Distinctio harum specierum à diuersis coniunctionibus sumitur.

De qualitate propositionum Hypotheticorum.

C A E T E R V M quoniam omnis propositio, aut uerum, aut falsum significat, & quemadmodum Aristoteles docet, quicquid contigit affirmare, contingit, & negare; inquirendū et illud nunc est, quonam pacto hypotheticæ propositiones, cū affirmatione recipiant, admittant simul et negationem. Illud certè a nōnullis dubitatur. Itaq; dicimus, quòd hypotheticæ propositiones aut affirmatiuæ sunt, quarū principalis copula non negatur, etsi inter partes ipsas nōnunquam negatio ponitur, ut si homo est, animal est, itē, si non est animal, nō est homo. Ita negatiuæ dicuntur, quarum copula principalis negatur. Principalem autem copulam uoco, quæ partes simul iungit, & certam hypotheticæ propositionis speciem constituit, cuiusmodi sunt coniunctiones copulatiuæ, disiunctiua, & rationales, seu cōditionales, tum et aliæ quædam orationis partes, illis tamē æquialètes. Igitur cum quis uolet ex hypotheticis affirmatiuis easdē facere negatiuas, is toti propositioni

nega-

negationem præponet, quæ tamen supra copulam principalem ferri intelligatur, ut non si homo ambulat, homo mouetur, non & dies est, et lux est, non aut dies est, aut nox est. Atque ita in his propositionibus præter contradictionem, nulla alia inuenitur oppositio, quæ a Cicerone & Boetio repugnantia appellatur.

ARISTOTELES docet.) Locus est iij. cap. ij. libri de interpretatione. Itaque dicimus.) In propositionibus conditionalibus affirmatio & negatio à coniunctione sumitur, ut enim se habet uerbum in propositionibus categoricis, ita coniunctio in conditionalibus: sed in categoricis a uerbo sumitur affirmatio uel negatio, ergo in conditionalibus a coniunctione. Atque ita.) Contradictio hoc loco pro affirmatione & negatione sumitur, quæ sola oppositio in propositionibus conditionalibus inuenitur. Hic enim nullam habemus rationem signorum uniuersalium uel particularium, a quibus uariæ formæ oppositionis sumuntur.

De quatuor Hypotheticarum propositionum differentiis.

CUM ergo affirmatio & negatio in his propositionibus non secundum partes, sumantur, uidendum etiâ num est, quot modis partes ipsas uariari contingat penes affirmationem & negationem. Vnde & tot earum differentiæ constituendæ sunt. Itaque constant hypotheticæ aut ex duabus affirmatiuis, ut si cælum rotundum est, cælum est uolubile, aut ex duabus negatiuis, ut si cælum rotundum non est, cælum nō est uolubile: aut ex affirmatiua & negatiua, ut si cælum quadratum est, cælum uolubile non est, aut ex negatiua & affirmatiua, ut si cælum rotundum non est, cælum stabile est. Quatuor igitur sunt istarum propositionum differentiæ, secundum

DE PROPOSITIONE

cundum partium uariationem penes affirmationem & negationem: & ut in conditionalibus id iam monstratum est, ita & in copulatiuis & disiunctiuis sese habet, quod dictum est.

Cum ergo.) Diuisio quadrimembris quam Boetius in libris differentiarum topicarum examinat.

Breuis de hisce propositionibus admonitio.

SED prius quam hinc iam de ueritate & falsitate harum propositionum agamus, illud tantum præmonendum duximus, quòd ex his singula duas habet partes unam, quæ coniunctionem ipsas coniungentem (quæ principalem copulam uniores uocant) præcedit: alteram, quæ coniunctionem ipsam subsequitur. Atque ex his rursus interdum prior pars uera est, sequens falsa, interdum contra. Nonnunquam etiam ambæ aut ueræ, aut falsæ. Præter hæc autem & in conditionalibus ipsis hoc amplius preponendum subit, quòd ex illis duabus partibus, ea quidè quæ prior est, & coniunctioni, Si, proximè præponitur, Antecedens dicitur, quæ uerò priorem deinde partem subsequitur, ac posterior proinde pars est, Consequens appellatur.

Duas habens.) Vt in propositionibus simplicibus duæ partes sunt, subiectum, & prædicatum: ita in conditionalibus duæ partes sunt, antecedens & consequens. Antecedens est ea propositio prædicatoria, quæ sequitur immediate coniunctionem. Consequens est ea propositio simplex, quæ coniunctionem sequitur mediate. Id exempli appositione doceo. Si iustitia est, uirtus est: antecedens est hæc propositio, iustitia est, consequens hæc, uirtus est. Id plane intelligere necessarium est, & multis in locis usui.

De ueritate, & falsitate Con-
ditionalis.

ITAQUE breuiter nunc repetamus harum pro-
positionum definitiones, simulq; ostendamus quemad-
modum sese habeant singulae secundum ueritatem, fal-
situdinemq;. Conditionalem igitur propositionem esse di-
cimus, quæ ex duabus constat Categoricis, Si, coniun-
ctione simul iunctis: ut si Socrates ambulat, Socrates
mouetur. Conditionalium autem quoniam alia quidem
affirmatiua est, alia negatiua: affirmatiua quidem ue-
ra esse cognoscitur, si oppositum consequentis antece-
denti repugnat: falsa autem, si non repugnat. Ergo ue-
ra quidem est, quæ dicit, si homo est, animal est, quan-
do quidem huius oppositum quod est, non est animal, ei
plane repugnat quod dicit, homo est: falsa autem hæc,
si homo est, album est. Nam non album esse, haudqua-
quam ei repugnat quod est, hominem esse. At uero si
negatiua fuerit, uerane an falsa sit, ex affirmatiua faci-
le deprehenditur negatione remota: id quod & in copu-
latiua, & in disiunctiua, cum negatiua sunt, ita quo-
que euenire certum est. Quocirca uera hæc esse indi-
catur, quæ ita proponitur, non si homo est, quadrupes
est: quoniam eius affirmatiua falsa est. Sunt tamen qui
aliter harum propositionum ueritatem, & falsitatem
discutiant: sed nos Trapezuntium in hoc sequi malui-
mus. Verum quia tota huiusmodi propositionum uis
in consequentia, atque conditione consistat, iidem hoc
addunt amplius, atque idcirco, ut omnem conditiona-
lem ueram necessariam esse dicunt, ita falsam impossi-
bilem. Itaque uera simul & necessaria hæc est, quæ di-

DE PROPOSITIONE

cit. Si dies est, lux est: siquidem diem esse non contingit, nisi lux sit. Nec minus si ita proponas; Si uolat quispian, alas habet: atqui hæc quæ dicit, Si dies est, terra mouetur, ut falsa est, ita & impossibilis: quando non ideo terra mouetur unquam quòd dies sit, aut dies est: sed est alia tum ratio, tum causa, cur terræ motus fiat, quemadmodum in Physicis id proditur.

AFFIRMATIVA uero.) Regula hæc ex Trapezuntio sumpta est, ex qua constat in propositionibus conditionalibus ueritatem, & falsitatem non sumi a partium ueritate, aut falsitate. Hæc enim conditionalis uera est: si homo est equus, homo est irrationalis, & tamen utraque pars est falsa. Vnde illud tritum, & peruagatum in scholis Dialecticorum est, propositio conditionalis nihil ponit esse, quia nullam partem ueram aut falsam esse indicat, sed tantum consequentiæ ratione ostendit. *Sed est alia tum,*) Exhalationes terræ uisceribus inclusæ. Hac de re Aristoteles, Plinius, & Gellius disserunt.

De ueritate aut falsitate propositionis Copulatiuæ.

COPULATIVA propositio est, quæ ex duabus pluribusq; Categoricalis constat, copulatiua cōiunctione, aut æquivalente aliquo simul iunctis, ut Socrates ambulat, & Plato disputat. Copulatiua uera quidem est, cū utraque pars uera est: falsa autem, cum uel alterutra pars falsa est. Cæterum in definitione copulatiuæ, particula quæ erat, aut æquivalente aliquo, innuit plerasq; haberi copulatiuas propositiones, in quibus tamen nō copulatiua coniunctio partes connectit, sed aduerbium aut temporis, aut loci, aut similitudinis. Vnde & tales propositiones ab his aduerbijs nomina sepe numero sortiuntur, ut aliæ quidem temporales, aliæ locales, aliæ
uero

vero similitudinis propositiones dicantur: quas tamen sub copulatiua comprehendere licet, quemadmodum sub eadem quidem etiam comprehendi putant propositionem rationalem: ut, Quia sol lucet, dies est, quā proinde ita explicant, Sol lucet, & ideo dies est. Alij autem sub conditionali eam comprehendere malunt, propter uim consequentiæ, quæ eadem est in utraque.

COPULATIVA propositio.] Copulatiuæ propositionis ueritatem eleganter docet Gellius viii. c. xvi. libri his uerbis, in omni coniuncto, si unum est mendaciū, etiam si cætera uero sint, totum est mendacium. Quibus uerbis indicat, ad ueritatem copulatiuæ utranque partem esse ueram oportere, ut hæc est uera, Scipio & bis consul fuit, & triumphauit.

De ueritate, & falsitate disiunctiuæ
propositiones.

DISIUNCTIVA propositio est, quæ ex duabus pluribusq; constat Categoricis, coniunctione disiunctiua simul iunctis, ut Socrates ambulat, uel Plato disputat: quam ueram quidem iuniores esse dicunt, si alterutra tantummodo pars uera fuerit, falsum autem, si pars utraq; fuerit falsa. Et ad hunc quidem modum de Disiunctiua propositione loquuntur hi maxime, qui hac tempestate Dialecticam docent: cum tamen Boetius, & ante hunc M. Cicero aliā huius propositionis significationem esse tradant, atq; eam esse dicant, quæ ex repugnātibz inter se Categoricis constituta sit: cuius proinde posita pars una interimit alteram, & interempta una, alteram ponit: ut, Aut dies est, aut nox est.

QVAM ueram.] Vnde hoc iactatum in scholis est, propositio disiunctiua est uera, cuius altera pars est uera: Quæ ex repugnantibus.] Repugnantia dicuntur, quæ eidem competere non possunt, ex quibus oportet omnem propositionem

DE PROPOSITIONE

disiunctiuam propriam constare : nam disiunctiua si uerbi uim spectes, sic dicta est, quasi ueritatem, & falsitatem disiungat. Quocirca hæc non est proprie disiunctiua, aut homo est, aut ambulat.

De propositione Modali, sed prius quid sit
Modus, a quo dicta uidetur huius-
modi propositio.

SEQVITVR propositio Modalis, quæ ut nomine ipso patet, a modo dicta est. Porro modus a quibusdam definitur, adiacens rei determinatio. Quæ modi definitio hûc præ se ferre uidetur intellectum, Modus (ut hoc loco accipitur) dictio est adiectitia, quæ rem quampiam determinat. Rem, inquam, hoc est, uocem, quæ rei alicuius significatiua est. Verbum autem determinat, positum est, ut sic idem quod explanat, aut certe distinguit, quod nimirum faciunt tam aduerbia ipsa, quàm nomina adiectitia. Nam ut Priscianus, ait hoc est aduerbium uerbis, quod adiectiua nomina appellatiuis nominibus adiuncta: ut cum dico, prudens homo, hominem, quidem aliquem designo, non tamen quamlibet, sed eum, qui prudentia præditus est. Sic etiam cum dico, prudenter agit, agere quidem aliquem innuo, at cum hoc simul explano atque distingo, agere uidelicet, non utcumq; , sed prudenter. Itaque modus hoc loco nihil aliud est, quàm aut adiectiuum nomen, aut aduerbium. Itaque, & hic nunc prius quam ad reliqua pergamus, operæpretium fortassis fuerit adijcere ex Diomedæ Grammatico, quod Scæurus uetus autor ipsum aduerbium non alio pacto (quàm nos paulo supra modum) definiat. Aduerbium est (inquit) modus rei adiectiuus, ipsum pronun-

tiatione

tiatione definiens, hoc est terminans, ueluti recte, diligenter, optime.

SEQUITUR.] In modalibus propositionibus præclara ingenia remoranda non sunt. Plus enim habent ostentationis, quam utilitatis, cuius permulti auditores audiores, quam ueritatis sunt. Sat igitur fuerit iuuenem, qui ad sublimiores properat facultates primoribus (ut aiunt labris) has degustare.

Qui modi proprie Modales efficiant.

CAETERVM cum aduerbium ipsum uerbum determinat, id facit aliquoties quidem ratione rei, hoc est, significati ipsius uerbi, quod per eius participium explicatur. Aliquando ratione temporis, quod uerbum con- significat. Aliquoties ratione modi uerbi, quo scilicet uaria in nobis designatur affectio, prout animus noster nunc ad hoc, nunc ad illud se inclinat, quam Græci proinde multò significantius *ἔκκλιον*, id est, inclinationē, nos modum appellamus, ut cum optamus quippiā, aut aliquem hortamur. Aliquoties uero ratione compositionis uerbi, quæ quidem in ipso uerbo intelligitur, quateus uerbum substantiuum intra se includit: de quo ita Aristoteles in principio fere eius operis quod *μετὰ τὴν ἑρμηνείαν*, id est, de interpretatione inscribitur. Nam si ipsum, inquit, est, uerbum purum dixeris, nihil quidē est: significat autem compositionem quandam, quam sine compositis, hoc est, extremis, nō est intelligere. Quo fit, ut ex hac multiplici aduerbij determinatione, multiplices quoque modi colligantur. Attamen ex omnibus his nulli tales sunt, qui modales propositiones efficere cōstituere q; possint præter quatuor, siue aduerbialiter eos, siue nominaliter expresseris, qui sunt possibile, impossi-

DE PROPOSITIONE

bile, contingens, & necessarium. Nam cum dicit quispiam: Plato grauitèr disputat, aut homo albus currit, modus quidem in utraque propositione positus, neutra tamen ex ipsis modalis dici debet: quoniam non tota utriusque propositionis compositio determinata est, sed pars tantum altera, unius quidem subiectum, alterius uero prædicatum. Quare quicumque modi partem propositionis aliquam, non totam eius compositionem determinent, nullo pacto eiusmodi censerì debent, ut ab his modalis propositiones dicantur. Sed neque uerum, neque falsum, tales habentur modi, licet ipsarum propositionum compositionem determinent: quoniam in his propositionibus, quæ modis illis determinantur, oppositio & equipollentia haud aliter sumuntur, quàm in his quæ simpliciter inesse significat; uel ideo fortassis, quòd communes omnium propositionum affectiones, siue passionès sint. Omnis quippe propositio aut uera, aut falsa esse perhibetur.

SE D neque) Et si Aristoteles iii. cap. ii. libri de interpretatione, uerum & falsum inter modos enumerat, tamen non còstituunt modales proprie propositiones, propter eas rationes quas Cæsarius affert.

Quid sit propositio Modalis, & quomodo
secundum quosdam diuidatur.

MODALIS igitur propositio est, quæ modo ex his quatuor aliquo determinatur, cuiusmodi sunt possibile, impossibile, contingens, & necessarium. Sane hanc ipsam, quæ iam definita est, Modalem compositam quidam appellant, quam & ita definiunt, ut sit, cuius dictum aliquo modorum determinatur: dictum quidem intelligentes id, quod ex casu accusatiuo, et uerbo infini-

est constructum est, quale est cum dico, Socratem currere. Cum igitur dictum tale determinatur, huiusmodi propositio Modalis composita appellatur, ut cuius alterum extremorum est dictum, alterum, modus ex his aliquis, qui dicti sunt: ut, Socratem currere est possibile. Idem huic quasi ex aduerso aliam ponunt Modalem, quam diuisam appellant, & ita definiunt: Modalis diuisa est, cuius copula modo aliquo determinatur: ut, sedentem possibile est ambulare, quales etiam propositiones simpliciter & proprie modales esse dicunt, illas autem non simpliciter, sed compositas. Verum non ita Aristoteles & Boetius, quorum uterque de his propositionibus, hoc est compositis, si tamen ita appellare libet, & grauius & subtilius suum instituit tractatum, de quibus etiam nos hoc ipso tractatu agemus, ut qui Aristotelem potius & Boetium, autores haud dubie grauissimos imitari uolumus, quam leuisculos, & clamosos sophistas.

SANCT.] Modalis composita est, quæ habet partes dicti coniunctas, & modum separatim positum, ut Cæsarem esse elementem est possibile. Et in his propositionibus, possibile ita explicatur, ut propositio possibilis, impossibile, ut propositio impossibilis. *Modalis diuisa.*] Modalis diuisa est quoties inter partes, modus aliquis ponitur, ut Philosophum necesse esse sapientem. Neque leue est discrimen, si quis dumeret, & spineta garrulorum Sophistarum inspicere uelit, inter propositionem compositam, & diuisam modalem. Nam potest (inquiunt) modalis esse uera, & composita ex eisdem terminis constans, esse falsa, ut hæc est uera, album possibile est esse nigrum: hæc tamen falsa album esse nigrum est possibile. Hæc est composita, illa diuisa. Sed hæc missa faciamus: sunt enim plusquam Cimeriis inuoluta tenebris, & felicia ingenia a disciplinis reiciunt.

DE PROPOSITIONE

*Quæ sit horum quatuor modorum ad signaturam
uniuersalia, tum particularia proportio,
siue conuenientia.*

*SED ut harum deinceps propositionum inuestige-
mus qualitatem simul, & quantitatem, unde & earum
deinde oppositio intelligi possit, scire operæpretium est,
hos quatuor modos sæpe dictos, magnam cum signis tunc
uniuersalibus, tum particularibus habere conuenientiã
affinitatemque: ut exempli gratia, necesse, cum signo
uniuersali affirmatiuo: impossibile, cum signo uniuer-
sali negatiuo: porro possibile & contingens (qui duo mo-
di hac in parte pro eodem passim accipiuntur) cum si-
gnis particularibus affirmatiuis. Vnde ut signa illa a-
liarum huius generis propositionum, subiecta tantum de-
terminant, ita hi quatuor modi totam istiusmodi propo-
sitionum compositionem, quæ (ut iam supra dictum est)
dicti nomine intelligitur.*

*SED ut harum.] Docet modales propositiones habere
quandam similitudinem cum simplicibus. Nam ut in simpli-
cibus ex signis uniuersalibus, & particularibus quantitatem
metimur, sic in modalibus a modis quatuor, quorum im-
possibile, & necesse, modales propositiones uniuersales con-
stituunt, possibile & contingens particulares. Istud iam do-
ctrinæ causæ admittamus, est tantum si uerum fateri uolu-
mus, necotericorum coniunctum. Nihil enim tale ab Aristote-
le traditum legimus.*

*De qualitate simul, & quantitate moda-
lium propositionum.*

*Ex his igitur, & si facile iam quicuis uideatur intelli-
gere posse, unde in his propositionibus tum qualitas,
tum quantitas sumenda sit, tamen haud superuacuum
erit, interim & illud admonere, quod in modalibus, tunc
affir*

affirmatio, tum negatio secundum modum sumenda est, quemadmodum in his, quæ sine modo proferuntur, atque inesse simpliciter significant, secundum uerbū, hoc est, copulam uerbalem: id quod & his penè uerbis (ita ut solet omnia) grauissime secundum Aristotelis rationem Boetius annotauit. Quemadmodum enim (inquit) in his, quæ præter modum quicquam esse, uel non esse proponunt, esse quidem & non esse oppositiones, quædam (id est prædicationes) sunt: res uero est quæ subijcitur: ut in eo quod dicitur, homo est, uel homo non est; homo quidem quatenus rem significat, subiectum est, oppositiones autem & prædicationes sunt, est & non est, ita quoque in his quæ secundum modum aliquem dicuntur, esse quidem subiectum est, ueluti res quædam: modus autem, qui de ipso esse prædicatur. Nam cum dicimus, hodie pluuiam esse est possibile: esse quidem iam subieciimus, possibile autem prædicauimus. Sicut igitur in illis, quæ præter modum dicuntur uerbum totā uim prædicationis habet, ita in his quæ cum modo proferuntur, ipse modus. Et per hoc ut negatio in illis ad uerbū fertur, ita in his ad modum ferenda est. Sed hinc ad eorum transeamus oppositionem.

QUEMADMODUM] Aristo. iiii. cap. ii. lib. de interpretatione sic colligitur: ut se habet uerbum in simplicibus propositionibus, ita modus in modalibus, at in simplicibus a uerbo sumitur affirmatio, & negatio, ergo etiam in modalibus a modo. Et hæc est plena huius cap. sententia.

De oppositione propositionum modalium.

Opponuntur autem, & hæc quidem inter se quatuor modis. Siquidem aut contrariæ inter se sunt, aut sub-

DE PROPOSITIONE

contraria, aut contradictoria, aut subalternæ. Enimvero, ut harum oppositionem planius quisque discernere queat, conuenientius erit hoc pacto eas disponere, ut modus ipse subiecti, uerbum autem siue dictum, quod uocatur, prædicati locum interim teneat, tametsi perinde est, hoc uel illo ordine disponantur. Contrariæ igitur sunt ut necesse est hominem spirare, necesse est hominẽ non spirare. Subcontrariæ, ut possibile est hominem spirare, possibile est hominem non spirare. Contradictoriæ uero, ut necesse est hominem spirare, non necesse est hominem spirare. Subalternæ uero, ut necesse est hominẽ spirare, non necesse est hominem non spirare. Quæ omnia ut digesta sunt, ita sese habere subscripta figura monstrat luculentissime, licet modis in ipsis propositionibus ubique fere uariatis, idq; haud temere: quippe iuxta signorum respondentiam: cum tamen, si libeat, ex eisdem ubique modis eas describere possis, suo uidelicet quaque loco.

OPPONUNTUR.] Supra admonui ex sententia Aristot. iii. cap. ii. lib. de interpretatione, in modalibus esse contradictorias oppositas propositiones. Boetius cæteras effinxit species. **Contrariæ.]** Hoc exemplum non repugnat exemplo contrariorum positorum in figura. Quia hæc propositio necesse est hominem non spirare, huic æquipollet, impossibile est hominem non spirare. Quare hæc etiam contrariæ sunt: necesse est hominem spirare, necesse est hominem non spirare. Modo id doctrinæ causa admittamus, necesse, & impossibile signis uniuersalibus æquipollere. Sed dixerit aliquis necesse est hominem spirare, & impossibile est hominem spirare, contrariæ non sunt. Nam ambæ affirmatiuæ sunt. Aristoteles enim docet impossibile affirmatiuum esse modum. Hæc obiectio eodem modo diluenda est. Nam secundum doctrinam

doctrinam Aristotelis contrariæ non sunt. Sed hoc loco impossibile sumitur pro signo uniuersali negatiuo, & sic negatiuam efficit propositionem.

SEQVITVR FIGVRA.

Necesse est
hominem
spirare.

Contrariæ

Impossibile
est hominem
spirare.

Subalternæ

Contra

Contra

dictorie

dictorie

Subalternæ

Possibile est
hominem
spirare.

Subcontrariæ

Possibile est
hominem non
spirare.

De consequentiis, siue equipollentiis propositionum modalium.

HINC iam ad consequentias, siue (ut iuniores dicunt) equipollentias harum propositionum transeamus. Ad quas quidem intelligendas, duæ regulæ ab Iacobo Fabro Stapulen. traditæ, plurimum nobis adiumentum præstare poterunt, si eas animo perpendamus, simulque memoriæ commédemus, quas proinde hoc loco adiicere

adducere placuit. Ad idem quoq; haud dubie faciet subiecta figura, quatuor angulis per binos diametros descripta, appositis insuper quatuor ad hunc usum inuentis uocabulis, unicuiq; angulo singulis, quæ ob id ipsum artis uocabula haud iniuria dici possunt. Quibus tum ita dispositis, scire licet omnes uniuscuiusq; anguli propositiones inter se æquipollere, ac per hoc cōsequi sese. Ceterum ut nihil quod ad hanc rem attinet, non intelligatur plane, horum quatuor uocabulorum ars etiamnum aperienda est. Sciendum itaque quod per a uocalem intelligere debemus, negationem in his propositionibus, neque ad dictum, neque admodum ferendam esse. Et ut per e, ad dictum tantum, ita per i, solum ferenda est ad modum: per u, uero ad utrunque. Sed nunc tandem ad ipsas regulas ueniamus. Quarum prima est, Si est aliqua propositio possibilis, eadem est contingens, atque eadem non est impossibilis, et eius contradictoria non est necessaria. Secunda, Si non est aliqua propositio possibilis, eadem non est contingens, eadem autem est impossibilis, et eius contradictoria est necessaria. Porro ultimo autem exempla sumantur ex his propositionibus, quarum dicta æquivalent propositionibus uel singularibus, uel communibus, hoc est, quarum subiecti termini sunt aut singulares, aut communes. Verum quoties ex cōmunibus terminis huiusmodi constiterint propositiones, tunc si tres præcedentes, utpote de possibili, contingenti, et impossibili, fuerint uniuersales, quarta de necessario erit particularis: at contra, si præcedentes tres fuerint particulares, aut certè indefinitæ, quarta erit uniuersalis: atque id quidem est, quod ambæ in-

*nuunt regula, cum in utraque dicitur, & eius contra-
dictoria est, uel non est necessaria.*

SCIENDVM itaque.) Proponit certa certis uocabula,
quibus æquipollentias modalium cognoscamus. A, significat
propositionem omnino affirmatiuam. E, negatiuam de dicto.
I, negatiuam de modo. V, totam negatiuam, & secundum di-
ctum & modum propositionem. *Si est aliqua.)* Ratio huius
est, quia possibile, & contingens inter se æquipollent. *Atque
eadem.)* Ratio huius est, quia possibile siue contingens, & im-
possibile præposita negatione alteri modorum, fiunt æquipol-
lentes, ut recte sequitur: possibile est esse, ergo non impossi-
bile est esse. *Et eius contradictoria.)* Huius ratio. Si contradi-
ctoria propositionis possibi- is esset necessaria, duæ contradi-
ctoriæ essent simul ueræ. Nam possibilis potest esse uera, &
etiam necessaria est uera. Quare conficitur duas contradicto-
rias simul esse ueras. *Eadem autem.)* Quia possibile & impos-
sibile æquipollent, si alteri modorum negatio proponatur.
Et eius contradictoria.) Huius loci ratio est, Si propositio ali-
qua non est possibilis, contradictoria eius est necessaria. Nam
si eius contradictoria nō est necessaria, posset esse falsa, & nō
possibilis potest esse falsa; ergo duæ contradictoriæ erunt si-
mul falsæ. Sequitur figura ex propositionibus singularibus.
In quolibet artis uocabulo quatuor constituuntur propositio-
nes, quarum prima est possibilis, secunda contingens, tertia
impossibilis, quarta necessaria: quæ omnes inter se æquipol-
lent, & mutuo se inferunt. In figura quæ ex propositionibus
communibus constat, in duobus ultimis ordinibus, scilicet
subcontrariis, in quibusdā exemplaribus uocabula artis tran-
sposita sunt. Nam in hoc ordine, omnem hominem currere
est possibile, notandum est uocabulum artis, amabimus. In
eo uero omnem hominem non currere, notandum Edentuli.

DE PROPOSITIONE

Sequitur figura ex propositionibus singularibus.

Pur	Socratem nō currere non est possibile.	Socratem currere non est possibile.	I
pu	Socratē non currere non est cōtingēs. Cōtra	Socratem currere non est contingens.	li
re	Socratem nō currere est impossibile.	Socratem currere est impossibile.	a
a	Socratem currere est necesse	Socratem non currere est necesse.	ce

Subalterna

Contra
Contra

dictoria
dictoria

Subalterna

A	Socratem currere est possibile.	Socratem non currere est possibile.	I
ma	Socratem currere est contingens.	Socratem non currere est contingens.	den
bi	Socratē currere nō est impossibile.	Socratem nō currere nō est impossibile.	tu
ma	Socratē non currere non est necesse.	Socratem currere non est necesse.	li

Sequi-

Sequitur figuræ ex propositionibus
communibus.

P p r a	Oẽm hominem nõ currere non est possibile.	Oẽm hoĩem currere non est possibile.	I
	Oẽm hominem nõ currere nõ est contingens.	Oẽm hoĩem currere nõ est cõttingens.	II
	Oẽm hoĩem nõ currere est impossibile.	Oẽm hoĩem currere est impossibile.	A
	Quendã hominẽ currere est necesse.	Aliquẽ hominẽ non currere est necesse.	E

Subalterna

Contra

dictoria

Contra

dictoria

Subalterna

A ma bi mus	Oẽm hominem currere est possibile.	Oẽm hoĩem non curre re est possibile.	E
	Oẽm hominem currere est contingens.	Oẽm hoĩem non curre re est contingens.	den
	Oẽm hoĩem currere non est impossibile.	Oẽm hoĩem nõ curre re nõ est impossibile.	tu
	Aliquẽ hoĩem non curre re non est necesse.	Quendã hoĩem curre re non est necesse.	is De

DE PROPOSITIONE

De conuersione modalium.

SED & de conuersione harum propositionum iuxta seruatum prius ordinem dicendum deinceps. In quo quidē paulo liberius expatiari liceat propter eos, qui hac in parte omnes eiusmodi ordinis propositiones, ut æquipollere inter se ubique, ita & conuerti dicūt, idipsum rectene an perperā, ipsi uiderint: nos uero Aristotelem in primis ipsum, & post hunc Boetium, & post utrūque Iacobum Fabrum Stapul. sequentes, non per omnia id ita se habere, uel exēplis idoneis ostendemus. Insuper autē & illud nunc etiā mirari subit, quòd plerique in re plane perspicua, uel acta omnino agūt, ut in prouerbio est, uel certe nimia interdū prolixitate usque adeo laborāt, ut eandē rem nō modo luce sua priuēt, sed et obscuriorē relinquāt, quā inuenerint. Cōtra uero, in re quæ expositione aliqua indiget, uel tempus in ea prorsus male collocāt, uel ita rē illā oculis (ut uidetur) cōiuentibus prætereūt, ut nō tā negligere, quā ignorare uideantur. Quid. n. refert dicere, omnes propositiones in suo ordine æquipollere inter se, & cōuerti perinde, cum tamē hæ propositiones, quæ de impossibili sunt, id nequaquā admittant, uidelicet ut cōuertantur? Nā cū uera sit, quæ dicit, omnem substantiā esse hominē est impossibile: falsa tamē erit hæc, quēdā hominē esse substantiā est impossibile. Quocirca nec Aristoteles ipse de modalium conuersione tractans, meminit usquā de propositione impossibili. Quod profecto et Iacobus Faber Stapulensis animaduertēs, tales regulas de huiusmodi propositionū conuersione posuit: Si cōuersa, inquit, impossibilis est, nō oportet conuertentē eius esse impossibilem.

Item

Item si conuersa fuerit possibilis, contingens, aut necessaria, & eius conuertens possibilis, cōtingens, aut necessaria erit. Vnde rectè fit conuersio in ea quæ de possibili aut contingenti existit, si dicamus omnem hominem esse album, est possibile, siue contingens, ergo quoddam album esse hominem est possibile, siue contingens. Et in ea similiter id accidet, quæ est de necessario, ut omnè hominem esse mortalem est necesse, ergo quoddam mortale esse hominem est necesse. Quod quidem & alijs quoque generibus propositionum ita ueniet secundum duplicis conuersionis regulas supra positas. Atque hoc ipsum est, quod & Aristoteles ad hunc modum proponit, ubi de istarum propositionum conuersione agit. Eodem autem modo (inquit) & de necessarijs propositionibus se habet, et in contingentibus, quomodo in his, quæ absolute dicuntur, hoc est, simpliciter inesse significant.

Q V I D enim refert.) Propositiones unius ordinis inter se æquipollent, & mutuo se trahunt consequio, sed non necessario inter se conuertuntur. Quia in conuersione necesse est terminum subiectum transponi in prædicatum, & prædicatum in subiectum: in æquipollentia autem satis est consequens rectè colligit ex antecedente. Si conuersa.) ut ista omnem substantiam esse hominem est impossibile. Vnde rectè.) hic locus est apud Aristotelem tertio capite primi libri Priorum, propositiones de contingenti, necessario, possibili, eodem modo conuertuntur, ut propositiones simplices.

Quot modis contingens dicatur.

Q V O N I A M autem cōtingens quod dicitur, eandem ubique in his propositionibus cum possibili significationem habere constat haud abs re fuerit, antequàm huic tractatui finem imponamus, eius nominis multipli-

DE PROPOSITIONE

cem significationem breuiter exponere. Itaque sciendum, quod contingens tribus dicitur modis. Dicitur namque contingens & quod necessarium est, & quod non necessarium, & quod possibile est. Primo igitur modo contingens & necessarium idem sunt. Secundo contingens & non necessarium. Tertio contingens & possibile. Rursus autem contingens, quod secundo modo dictum est, deducitur deinde in contingens ut plurimum, siue quod frequentius est, & contingens rarum, & in contingens utrumlibet. Contingens ut plurimum est, quod in alteram partem plus uergit, ut hominem in senectute canescere. Nam id quidem frequenter accidit: potest tamen etiam non canescere iam senex quispiam factus. Vnde & contingens natum idem appellatur. Contingens rarum est, ut fodientem reperire thesaurum. Id enim si aliquando contingat, rarissimum tamen est. Contingens uero utrumlibet, quod & indifferens dicitur, id est, cum dicimus sedere quempiam aut uigilare, quod proinde ita definitur. Vtrumlibet est cuius indiscretus euentus est, hoc est, quod equaliter euenire, uel non euenire potest. Et de modalibus quidem hactenus.

ITAQUE sciendum.) Tres hi modi contingentis sunt apud Aristotelem duodecimo capite primi libri Priorum, hi modi adferuntur, hoc loco, ut secundum diuersum modum contingentis, propositiones diuerso modo conuertantur.

IN TRACTATVM

QVINTVM DE SYLLOGISMO

CATEGORICO.

P R A E F A T I O.

SUPEREST ut ad eam tandem perueniamus huius artis partem, in qua tota uis artis sita est nempe inueniendi & iudicandi. Nam si Dialectica (ut a M. Cicerone non tã eleganter breuiterque, quam grauitè & uerè definitur) diligens differendi rati, est, fieri profectò non potest, ut ab inuentione ipsa sit separata. Siquidè differere (hoc est, disputare) diligenter nemo poterit unquam de re quapiã, nisi inuentis à se prius argumentis, quibus disputatio ipsa fulciatur, procedatque legitimè. Rursus autem & ob idipsum à iudicio abesse nequit, quòis qui differit, perpendat examinetque tum inuentum nuper argumentum, tum ipsius disputationis instrumentum, nempe argumentationem, quod certè nisi ritem formatum fuerit parum aptum idoneumue ad disputandum adhibebitur. Porro pars illa quæ de inuentione tractat, topice Græcè, Latinè localis dici potest. Ea uero pars, quæ in iudicando posita est, & quasdam discernendi regulas subministrat, analytice à Grecis dicitur, à nostris resolutoria. Huius rursus duplex ab Aristotele partitio traditur. Siquidem ea pars, quæ de propositionum iunctura considerat, & formam duntaxat syllogismi molitur, docens interim præmissis, quas uocant, sitè dispositis, necessario ex his conclusionem sequi, prior analytice dicitur; quæ uero de ipsis inuentis iudicium fert, hoc est, ostendit utrum quæ inuenta sunt, cõueniant necne rei in disputatione positæ, posterior analytice nuncupatur: quod nimirum tribus sit modis: quippe hæc ipsa uel de necessariis iudicat, & Demonstratio appellatur: uel de uerisimilibus, & probabilibus, & peculiari nomine Dialecticè dicitur. uel de falsis &

DE SYLLOG. CATEG.

cauillatoriis, & Sophistica nuncupatur. De quibus omnibus singulatim per ordinem deinceps tractabitur, & primò quidem de Syllogismo formaque argumentationis, cuius, etiam præter syllogismum aliæ tres traduntur species, Enthymema, Inductio, Exemplum, quæ tamen ad syllogismum ipsum, ueluti ad quandam mensuram reduci solet. Quoniam autem omnis argumentatio omnisque syllogismus propositionibus struitur, atque hæ terminis perficiuntur, à propositionibus & terminis hūc tractatum in choandum esse statuimus, idque etiam non absque exemplo.

Hic tractatus iudicio meo omnium est utilisissimus: continet enim præcipuum Dialectices partem, nimirum ratiocinationem. Nam cum tria sint Dialectices instrumenta, finitio, diuisio, ratiocinatio, hæc est circa quam omnis labor & industria differentis uersatur. hunc finem & scopum semper spectamus, ut aliud ex alio conficiamus. Et si enim dialectica docet rem uniuersam distribuere in partes, latantem explicare finiendo, obscuram explanare interpretando, ambiguum primū uidere, deinde distinguere: tamen illud multò maximum est quod tradat regulam qua uera & falsa iudicantur, & quæ quibus sint uel non sint consentanea. Cæsarius in hac præfatione inuentionem & iudicium ad dialecticam pertinere docet. Inuentio certos locos ostendit, è quibus argumenta in rem quamque probandam aut refellendam promimus. Iudicium est quod præceptam quædam argumentandi tradit, unde cognoscimus, an inuenta themati conueniant necne. Cæterum, Cæsarius ordinem naturalem turbare uidetur. Inuentio est prior ordine naturæ, iudicio, ut Cicero initio Topicorum ad Trebatium docet, ergo etiam prius tractanda erat. hic autem Cæsarius pertractat iudicium & tractatu nono inuentionem. Sinuosa & perplexa hæc est obiectio, in qua diluenda magnorum philosophorum magna ingenia impedita fuerunt, post omniū opinioniones excussas & examinatas, cogitabā aliquando, an eam obiectionem hunc in modum diluere possem. Inuentio ordine naturæ prior est iudicio (prius enim inuenire oportet, deinde

deinde iudicare de inuentis.) Iudicium autem ordine doctrinæ, commoditatis, facilitatis, est prius inuentione. hanc rem planius & apertius in gratiam iuniorum explico. Postquam Cæsarius exposuit uoces simplices, & propositiones, ordo doctrinæ & methodica ratio efflagitabat, ut argumentationem & eius formâs, quæ ex propositionibus constant, pertractaret: & eodem modo intelligendus est Aristoteles eo in ordine, in quo libros Priorum & Posteriorum (in quibus de iudicio agit) præposuit libris Topicorum, in quibus inuentio continetur. Scio tamen à quibusdam ingeniosam adferri ad illum Aristotelis locum solutionem. Aristoteles in libris Priorum & Posteriorum non solum docet iudicium sed etiam inuentionem termini medii in syllogismo generatim sumpti, sed in libris Topicorum docet inuentionem syllogismi dialectici: at syllogismus generaliter sumptus est prior syllogismo dialectico, ergo etiam inuentio syllogismi generatim sumpti est prior inuentione syllogismi dialectici. Res igitur eò recidit ut duplicem constituere cogamur inuentionem: alteram pertinentem ad genus scilicet syllogismum, alteram ad speciem scilicet syllogismum dialecticum, sic etiam libri Posteriorum, ut hac exabundanti adiiciam, optimo ordine præponuntur libris Topicorum. Nam in libris posteriorum Aristoteles disserit de syllogismo demonstratiuo, qui longè est nobilior syllogismo dialectico. ad eundem modum inuentio syllogismi demonstratiui, est præstantior inuentione syllogismi dialectici, his ita præpositis ad rem redeamus. *Nam si.*) Probat inuentionem pertinere ad dialecticam argumento sumpto à finitione dialecticæ, quo argumento Trapezuntius in initio suæ dialecticæ usus est. *Ez uero pars.*) Docet iudicium ad dialecticū pertinere. *Huius rursus.*) Cæsarius eruditè & ingeniosè (ut mihi uidetur) separat argumentum librorum Priorum à libris Posteriorum. Nā in libris Priorum structuram propositionum & formam syllogismi edocet, & quomodo ex his conclusio conficiatur, at in libris Posteriorum docet quomodo iudicandum sit de inuentis an themati proposito conueniant. Etsi non sum nescius quid scriptum hac de re sit à numerosa interpretum turba, Thoma, Burana, Ni-

DE SYLLOG. CATEG.

pho: mirificè tamen mihi placet hæc erudita & ingeniosa Cæsarii sententia.

De propositione, materiali syllogismi principio.

PROPOSITIO igitur est oratio affirmatiua, uel negatiua alicuius de aliquo: hoc est, oratio in qua aliquid de aliquo aut affirmatur, aut negatur. Cuiusmodi sanè sunt propositiones in primis Categoriæ, quarum quidem hæc uniuersalis est, hæc particularis illa uerò indefinita. Vniuersalis quidem, quæ aut omni, aut nullo inesse quippiam significat. Particularis uerò, quæ alicui, aut alicui non, aut non omni, Indefinita uerò, quæ inesse quidem, uel non inesse significat, sed absque uniuersalitatæ particularitatisue nota.

Propositio igitur. Propositio hic finitur per affirmationem & negationem, quia hic spectamus propositionem, ut pars est syllogismi, quem necesse est affirmatiuum aut negatiuum esse, nec hoc loco ueritatem, aut falsitatem anxie obseruamus: at in libris de interpretatione, propositio finitur quatenus uera aut falsa est. Nec incommodum est genus finiri per species quando nobis propriæ desunt differentiæ.

De terminis.

TERMINOS hac in parte Aristoteles primum de finit, in quos propositio resoluitur, ut prædicatum, & de quo ipsum dicitur, quod proinde subiectum propositionis appellatur: ut huius propositionis, omnis homo est animal, termini sunt, homo atque animal, idcirco quoddam

in eos principaliter ipsa resoluatur. Et termini quidem dicti sunt, ueluti in agro limites, nam ut his ager finitus designatur, ita terminis propositio (ut dictum est) perficitur. Cuiusmodi sunt simplices in primis, et significatiuæ uoces, inter quas præcipue habentur nomen & uerbum. Itaq; in has propositio rectè resoluitur, ut ex quibus composita est. Fieri. n. non potest, ut alterius resolutio procedat, ut potè in literas, aut in syllabas, quoniã hæ, ut alibi dictum est, significatiuæ non sunt.

TERMINOS.) Locus hic est apud Aristotelem, primo capite primi libri priorum. Aristoteles breuitatis studiosos. finitionem & diuisionem termini simul complexus est: terminorum enim aliud subiectus, de quo aliquid dicitur, aliud prædicatus, qui de alio dicitur. Et termini quidem.) Terminus propositionis dictus est per translationem à limitibus agrorum, & ab eadè similitudine. Aristoteles. iiii. c. j. lib. Topic. finitionem terminum uocat, hunc terminum Ouid. lib. ii. Faustorum eleganter describit.

Termine siue lapis, siue es desessus in agro.

Stipes ab antiquis in quoque nomen habes.

De syllogismorum principijs regulatiuis.

CAETERVM, ut ad rectam syllogismorum formationem connexionemq; nosse oportet, quid propositio & quid itè termini, quæ ipsius syllogismi materialia principia sunt, ita quoq; scire operæpretium est, quid sit omni, aut nulli inesse, siue in toto esse, & non esse, quæ regulatina principia syllogismi à quibusdam appellantur. Definitur igitur ab Aristotele in toto esse, siue de omni prædicari, quoties nihil est sumere subiecti, de quo non dicatur prædicatum, ut cum ita proponitur, omnis homo est animal, ipsius hominis nihil inueniri potest, de

DE SYLLOG. CATEG.

quo non dicatur animal. Ergo quia de omni homine animal prædicatur, & de Socrate & Platone, imò uerò et de quolibet particulari homine prædicari potest. Ab eodem item definitur in toto non esse, siue de nullo prædicari, quoties nihil est sumere subiecti, de quo dicatur prædicatum, hoc est, à quò prædicatum non remoueat: ut in hac propositione, nullus homo est lapis, quia de omni homine negatur lapis, & de Socrate & Platone, et de alijs item omnibus particularibus hominibus negatur. Sanè sciendum quòd in toto esse, & dici de omni, uersa uice se habent. Nā si quid de omni aliquo prædicatur, id de quo illud prædicatur, in toto eo est quod prædicatur, ut de omni homine animal. In toto ergo animali homo est, ueluti par quædā intra suum totum latens quodammodo. Hactenus de principijs syllogismi, tam materialibus, quàm regulatiuis: nunc ad syllogismum ipsum transeamus.

DEFINITUR. Ex hac finitioni dici de omni, sumitur hæc regula, quicquid de subiecto quoquam dicitur, ut de omni, dicitur etiam de quolibet contento suo subiecto. Per hoc principium confirmantur syllogismi affirmatiui. *Ab eodem,* Ex hac finitione dici de nullo hac regula colligitur, quicquid de subiecto aliquo dicitur, ut de nullo remouetur etiam ab omni eo quod subiecto continetur. hoc principio confirmatur syllogismi negatiui.

De syllogismo quid sit.

SYLLOGISMVS est oratio, in qua quibusdam positis, aliud quiddam ab his, quæ posita sunt, ex necessitate accidit, eò quòd hæc sunt. Sanè hoc pacto ab Aristotele ipso definitur syllogismus, cuius definitioni Boetius adiicit particulam, & concessis, ut sit quasi explanatio

natio eius, quod Aristoteles dicit, positis, id quod coniunctio, et innuere uidetur, quæ expositiua interdum coniunctio habetur. Boetius igitur uolens Aristotelis definitionem quodammodo explanare, syllogismum ita definit, Syllogismus est oratio, in qua quibusdam positis & concessis, aliud quiddam præter ea quæ posita & concessa sunt, necessario euenit, propter ea quæ posita & concessa sunt. Porro per hoc quod ab utroque dicitur, aliud quiddam, ex necessitate accedit: ab his quæ posita sunt et concessa, significatur nobis, plane eos non esse syllogismos, qui ab aliquibus fiunt, hoc modo, Quicquid est homo, homo est: homo autem est homo, igitur homo est homo. Item, omne animal est substantia, et omnis homo est animal, ergo omne animal est substantia. Huiusmodi sane syllogismi ridiculi prorsus sunt, ob id quod in his conclusio non sit aliud à præmissis. Adiectum præterea est, et illud non temere, eo quod hæc sunt, propter eos, qui plerumque syllogismos faciunt, in quibus aut minus, aut plus, aut aliud quippiam propositum est, quam proponi debuerat.

SYLLOGISMVS est oratio.) Huius finitionis hic est sensus, syllogismus est argumentatio, in qua si quædam propositiones concedantur, & in modo & figura disponantur, consequitur conclusio, quæ est altera a præmissis secundum formam non secundum materiam, ex necessitate consequentia non autem rei, siue conclusionis. Particula, positis, non est sic intelligenda, concessis, etsi eam Gellius & Boetius addiderunt, nam sic syllogismus falsum assumens, & bene concludens non esset syllogismus, quia falsa non conceduntur. Aristoteles autem primo capite primi libri Topicorum docet, syllogismum assumentem falsum, & bene concludentem esse syllogismum. eum autem qui uerum assumit, & male colligit, non esse syllogismum.

DE SYLLOG. CATE.

De multiplici syllogismorum differentia.

SYLLOGISMORVM autem alius *Categoricus* est alius *hypotheticus*. Et *Categoricus* quidem est, cuius utraq; sumptarum propositionum, pariter conclusio *Categorica* est. *Hypotheticus* uerò, cuius uel altera tantum, aut conclusio *hypothetica* est. At de hoc postea proprio quodam tractatu. Rursus *Categoricarum* syllogismorum alius communis est, alius qui *expositorius* dicitur. *Communis* quidem est, cuius medium, quod dicitur est terminus communis. *Expositorius* uerò, cuius medius terminus est singularis, hoc nomine sortassis dictus, quòd per ipsum quasi expositio designatioq; fiat propositionum ad demonstrationem sumptarum. Ex *Categoricis* item, et his quidem qui communes dicti sunt, alij sunt perfecti, alij imperfecti. *Perfectus* quidem syllogismus is dicitur, qui nullius alterius indiget, præter ea quæ posita sunt, ut appareat necessarium, hoc est, ut conclusio ex necessitate sequatur. *Imperfectus* uero qui aut unius, aut plurium indiget ad hoc, ut necessarium appareat ex his quæ posita sunt: unius quidem, uerbi causa, aut conuersionis tantum, aut præmissarum transpositionis, aut reductionis ad impossibile. Plurium uero, cum ex his tribus perficiendi syllogismi instrumentis duo necessario requiruntur. Id autem quoniam fiat pacto, postea, ubi de modi syllogisticis tractabitur, perspicuum euadet.

SYLLOGISMORVM. Prima diuisio syllogismorum quæ à diuersis propositionibus sumitur. Rursus.) Secunda diuisio quæ à terminis pèndet. Ex categoricis.) Tertia diuisio quæ à figura syllogismi sumitur: Syllogismus tam perfectus

fectus quàm imperfectus recipit syllogismi finitionem, & conclusio necessario sequitur, tamen id non est nobis manifestum in syllogismis secundæ & tertiæ figuræ propterea indigente reductione, ut nos bene collegisse planum fiat.

Ex quibus, & quot propositionibus syllogismus constet, & de terminorum secundum propositionem differentia, tum de triplici figurarum distinctione.

OMNIS porro syllogismus, ut ex tribus terminis, ita ex tribus quoque constat propositionibus. Quarum quidem prima, maior propositio, secunda minor, tertia conclusio appellatur. Maior item & minor communi nomine præmissæ quoque dicuntur. Cæterum ex tribus terminis neutiquam tres propositiones fieri possunt, imo ne duæ quidem, nisi singulis bis sumantur. Ex his igitur, qui bis sumitur ante conclusionem, ipsam non ingrediens, medium dicitur, ut per quem extrema in conclusione connectuntur. Aliorum autem alter maior extremitas, alter minor extremitas. Et maior quidem extremitas is terminus est, qui in maiori propositione cum medio sumptus, in conclusione de minori extremitate prædicatur. Minor uero, qui in minore propositione cum medio sumptus, maiori extremitati conclusionem subiicitur. Atque id quidem ita se habet in his syllogismis siue modis, qui directim concludere dignoscuntur, quos & ab Aristotele accepimus numero quatuordecim: quibus quinque indirectim concludentes Boetius autumat, uel a Teophrasto, uel ab Eudemo adiectos, atque ita in summa esse decem & novem modos, Ut ergo definitiones illorum terminorum omnibus illis modis ex equo con-

DE SYLLOG. CATEG.

ueniant, dicamus maiorem quidem extremitatem eum esse terminum, qui cum medio in maiori sumitur propositione: minorem uerò, qui in minore. Caterum is terminus qui bis sumitur ante conclusionem, & medium uocatur, siquidem subijcitur in una sumptarum propositionum, & in altera prædicatur, primam fecit figuram si in utraque prædicatur, secundam: sin uero in utraque subijcitur, tertiam.

OMNIS porro.) Cum hoc loco pugnare videtur id quod Aristoteles docet, vigesimo sexto capite primi libri priorum, Omnis. inquit, syllogismus constat ex duabus propositionibus & non pluribus. Hoc si diluitur, Aristoteles sumpsit eo loco propositionem strictius pro ea quæ conclusionem probat, & hoc sensu conclusio non est propositio. Hic autem propositio latius sumitur pro ea quæ actu uel potentia conclusionem probat. *Ex his igitur.*) Terminus medius est neruus, vinculum, & (ut ita dicam) anima syllogismi quo inuenito facile est aliud ex alio colligere, *Interdictum concludentes.*) Indirectim concludere est quando minor extremitas de maiore in conclusione dicatur. Directim concludere est quando terminus maior dicitur de minore.

Quid sit figura, & quot unaquæque figura
modus sub se contineat.

QVOD uerò tres sint syllogismorum figurae, trium dispositio terminorum paulò ante facta planè indicare potest. Vnde & ita figura a nonnullis definitur: *Figura est trium terminorum secundum debitam subiectionem prædicationemque ordinata dispositio.* Horum autem unaquæque plures & hos quidem certos sub se modos habet, ita ut modi ipsi sub figuris sint, perinde atq; species sub suis generibus. Hæt igitur prima figura sub se autore Aristotele, modos quatuor, secunda itè quatuor
tertia

tertia uerò sex. Sed ut paulò supra meminimus, quatuor illis primæ figuræ modis, adiecti sunt alij quinque, ut essent illius figuræ nouem modi. In summa igitur modi sunt (ut dictum est) undeuiginti, ex quibus omnibus priores quatuor primæ figuræ modi, perfectos nobis subministrant syllogismos, reliqui omnes imperfectos.

FIGURA EST.) Figura in syllogismo est uaria termini medijs dispositio. Nam si terminus medius subiiciatur in maiore & prædicetur in minore, prima constituitur figura si bis prædicetur, secunda, si bis subiiciatur tertia. *Perfectos.*) Aristoteles duos tantum perfectos modos constituit. Nam reliqui omnes ad duos priores modos primæ figuræ reducuntur. auctor Aristoteles septimo capite primi libri priorum.

Quid sit modus: & quibusdam regulis.

HINC iam ad modos ipsos paulatim ueniendum est. Vnde etiam quid sit modus definiendum prius, tum uerò & certæ quædam regulæ subiiciendæ, quippe quæ modis omnibus generatim inseruire dignoscantur. itaque modum hoc pacto definiunt quidam: Modus est ordinatio duarum propositionum in debita qualitate & quantitate. Potest quidem & ita definiri, et fortassis rectius: Modus est, tum sumptarum propositionum, tum ipsius conclusionis secundum qualitatem, & quantitatem conueniens ordinatio. Porro autem quæ sit debita tum qualitas, tum quantitas, ex ipsis tandem regulis, quæ hinc sequuntur, discas licebit. Prima igitur regula est, in omni syllogismo oportet præmissarum aut alteram, aut utranque affirmatiuam esse. Secunda, in omni syllogismo oportet, præmissarum, aut alteram, aut utranque uniuersalem esse. Tertia, si aliqua præmissarum fuerit.

nega-

DE SYLLOG. CATEG.

negatiua, et ipsa conclusio erit negatiua. Quarta, Si aliqua præmissarum fuerit particularis, conclusio quoque particularis erit. Quinta, Medium conclusionem non ingreditur unquam.

MODVS EST.) Quemadmodum figura a termino medio, ita modus ab ordinatione propositionum in debita quantitate & qualitate sumitur. *Prima autem.)* Ratio regulæ, quia ex solis negatiuis nihil syllogistice colligitur. *Tertia.)* Ratio, quia conclusio semper sequitur debiliorem partem. eademque est ratio quartæ regulæ. *Quinta.* Ratio, quia in conclusione una extremitas de aliâ colligitur.

De uocabulis quibusdam ad hanc
rem inuentis.

INTERIM autem & hoc ipsum fortassis haud parum expedire uidebitur, si priusquàm modos ipsos aggrediamur, etiamnum aperiamus hoc loco breuiter, quis sit illorum uocabulorû (quibus ad syllogismos proprie formandos utimur) intellectus: quippe, quod in his, quâ tum quidem ad hanc rem attinet, ars quasi latere uideatur, unde & artis uocabula appellari solent, ut alibi, quoque annotauimus. Sciendum itaque, quod post priores quatuor primæ figuræ modos, qui perfecti euidentescque sunt, quicumque ex sequentibus ab aliqua harum quatuor consonantium *b, c, d, f*, incipit, is reduci habet, ut euidentescilicet & ipse habeatur, ad eum ex illis quatuor superioribus modum cum quo principali litera conuenit. Verum enim uero ut hæc ipsa reductio facilius percipiat, adiunctæ sunt aliæ consonantes quatuor, *c, m, p, s*, quibus intelligi plane possit, quo modo reductio illa fieri debeat, utrum uidelicet alicuius propositionis cōuersione, aut sumptarum propositionum trāspōsitione, aut
syllo.

sylogismo ad impossibile ducente, qui conuersiuus à quibusdam esse creditur, id quod c, litera ab his posita innuit, quemadmodum in præmissarum indicat transpositionem, p, & s, propositionum conuersionem: p, quidem, si per accidens conuertenda est propositio aliqua, s, uerò, si simpliciter. Porro per quatuor uocales his consonantibus passim interpositas, quatuor propositionum genera accipere debemus, uidelicet per a, uniuersalem affirmatiuam, per e, uniuersalem negatiuam per i, particularem affirmatiuam, per o, particularem negatiuam. Quibus iam expeditis, modos tandem ipsos aggrediamur.

SCIENDVM.) Hæc uocabula etsi barbariem quandam redolere uidentur, tamen rem totam ob oculos ponunt & apertius declarant.

Barbara, Celarent, Darij, Ferio, Baralippton,
Celantes, Dabitis, Fapesmo, Ferisefomorum,
Cesare, Camestres, Festino, Barroco, *Baralyti*
Felaptum, Disamis, Datisi, Bocardo, Ferison.

A, uniuersalis propositio affirmatiua.

E, uniuersalis propositio negatiua.

I, particularis propositio affirmatiua.

O, particularis propositio negatiua.

S, litera in uocabulo artis posita, significat propositionem immediate præcedentem, & per uocalem denotatam, esse simpliciter conuertendam, ut syllogismus reducatur. P, denotat eandem propositionem per accidens esse conuertendam. M, significat præmissarum transpositionem, hoc est maioris in loco minoris, & contra. C, significat totum modum posse per impossibile reduci ad perfectum syllogismum: his breuiter obseruatis ars nullo negotio percipitur.

De modis primæ figuræ.

PRIMA igitur figura nouem habet modos, ut distat

DE SYLLOG. CATEG.

Etum est supra, sed ex his priores quidem quatuor directim, sequentes uerò quinque indirectim cōcludere probantur. Sane directim concludere modus tunc dicitur, cum maior extremitas de minore in conclusione prædicatur. Indirectim uerò contra, cum minor de maiore. His ita præmissis cognitisque, superest ut unumquemque modorum deinceps suo ordine definiamus. Itaque primus modus est, in quo, datis tribus terminis, conficitur syllogismus ex duabus uniuersalibus affirmatiuis, uniuersalem affirmatiuam directim concludens. Termini quidem sunt, animal substantia, homo, ut omne animal est substantia, & omnis homo est animal, igitur omnis homo est substantia. Vocabulum autem artis, Barbara. Secundus autem modus est, in quo datis tribus terminis, conficitur syllogismus ex uniuersali negatiua maiori, & uniuersali affirmatiua minori, uniuersalē negatiuam directim concludens. Termini quidem sunt, animal, homo, lapis, ut nullum animal est lapis, omnis autem homo est animal, nullus igitur homo est lapis. Vocabulum autem artis, Celarent. Tertius modus est, in quo datis tribus terminis, conficitur syllogismus est uniuersali affirmatiua maiore, & particulari affirmatiua minore, particularem affirmatiuam directim concludens. Termini quidem sunt, animal, substantia, homo, ut omne animal est substantia, & quidam homo est animal, igitur quidam homo est substantia. Vocabulum autem artis Darij. Quartus modus est, in quo datis tribus terminis, conficitur syllogismus ex uniuersali negatiua maiore, & particulari affirmatiua minore, particularem negatiuam directim concludens. Termini quidem

sunt, animal, homo, lapis: ut nullum animal est lapis, quidam autem homo est animal, igitur quidam homo non est lapis. Vocabulum autem artis, Ferio.

PRIMA igitur.) Aristoteles undecimo capite primi libri posteriorum, ualde commēdat hanc figuram est enim accommodatissima ad scientiam producendam, propterea Mathematici hac maxime utuntur. Sed cū hæc prima figura perfecta sit, & omnia genera problematum colligat, duæ reliquæ superuacaneæ esse uidentur. Hoc sic dissoluitur, nō ob id duæ figuræ sunt superuacaneæ. nam prima maxime & sola colligit uniuersalem affirmatiuam, secunda uniuersalem negatiuam, tertia particularem affirmatiuam & negatiuam,

Sequuntur modi indirectim concludentes.

QVINTVS modus est, in quo, datis tribus terminis, conficitur syllogismus ex duabus uniuersalibus affirmatiuis, particularem affirmatiuam indirectim cōcludens. Termini quidem sunt animal, substantia, homo, ut omne animal est substantia, & omnis homo est animal, igitur quædam substantia est homo. Vocabulū autem artis, Baralipton. Et reducitur hic modus ad primum huius figuræ modum conclusionē, illius per accidens conuersa. Sextus modus est, in quo datis tribus terminis conficitur syllogismus ex uniuersali negatiua maiori, & uniuersali affirmatiua minore, uniuersalem negatiuam indirectim concludens. Termini quidem sunt, animal, homo, lapis: ut nullum animal est lapis, omnis autē homo est animal, nullus igitur lapis est homo. Vocabulum autem artis, Celantes. Et reducitur hic modus ad secundum huius figuræ modum, conclusionē conuersa simpliciter. Septimus modus est, in quo datis tribus

DE SYLLOG. CATEG.

terminis, conficitur syllogismus ex uniuersali affirmatiua maiori, & particulari affirmatiua minori, particularem affirmatiuam indirectim concludens. Termini quidem sunt, animal, substantia, homo: ut omne animal est substantia, & quidam homo est animal, igitur quædam substantia est homo. Vocabulum autem artis, Dabitur. Et reducitur hic modus ad tertium huius figuræ modum, conclusione conuersa simpliciter. Octauus modus est, in quo datis tribus terminis conficitur syllogismus ex uniuersali affirmatiua maiore, & uniuersali negatiua minore, particularem negatiuam indirectim concludens. Termini quidem sunt, animal, substantia, lapis: ut omne animal est substantia, nullus autem lapis est animal, quædam igitur substantia non est lapis. Vocabulum autem artis, Fapesmo. Et reducitur hic modus ad quartum huius figuræ modum, maiore per accidens, & minore simpliciter conuersa, ac insuper præmissis transpositis. Nonus modus est, in quo datis tribus terminis, conficitur syllogismus ex particulari affirmatiua maiore, & uniuersali negatiua minore, particularem negatiuam indirectim concludens. Termini quidem sunt, animal, substantia, lapis: ut quidam lapis est substantia, nullum autem animal est lapis, quædam igitur substantia non est animal. Vocabulum autem artis, Frisomorum. Et reducitur hic quoque modus ad quartum huius figuræ modum, utraque præmissa simpliciter conuersa, insuperque transposita.

QVINTVS modus.) In hoc capite sex modi enumerantur, qui indirectim colliguntur, quorum rarus apud bonos auctores est usus.

De modis secundę figurę.

SECUNDA uerò figura modos habet quatuor, quorum primus est, in quo, datis tribus terminis, conficitur syllogismus ex uniuersali negatiua maiore, & uniuersali affirmatiua minore, uniuersalem negatiuam directim cōcludens. Termini quidem sunt, lapis, animal, homo: ut nullus lapis est animal, omnis autem homo est animal, nullus igitur homo est lapis. Vocabulum autem artis, Cesare. Et reducitur hic modus ad secundum primę figurę modum, maiore simpliciter conuersa. Secundus modus est, in quo, datis tribus terminis, cōficitur syllogismus ex uniuersali affirmatiua maiore, & uniuersali negatiua minore, uniuersalem negatiuam directim cōcludens. Termini quidem sunt, animal, homo, lapis: ut omnis homo est animal, nullus autē lapis est animal, nullus igitur lapis est homo. Vocabulum autem artis, Camestres. Et reducitur hic quoque modus ad secundū primę figurę modum, minore simpliciter conuersa, ac insuper præmissis trāspōitis. Tertius modus est, in quo, datis tribus terminis, conficitur syllogismus ex uniuersali negatiuā maiori, & particulari affirmatiua minori, particularem negatiuam directim cōcludens. Termini quidem sunt, lapis, animal, homo: ut nullus lapis est animal, quidam autem homo est animal, igitur quidam homo non est lapis. Vocabulum autem artis, Festino. Et reducitur hic modus ad quartum primę figurę modum, maiore simpliciter conuersa. Quartus modus est, in quo datis tribus terminis, conficitur syllogismus ex maiore uniuersali affirmatiua, et minori particulari negatiua particularē negatiuā directim cōcludens. Ter-

DE SYLLOG. CATEG.

mini quidem sunt, homo, animal, lapis: ut omnis homo est animal, quidam autem lapis non est animal, quidam igitur lapis non est homo. Vocabulum autem artis, Baroco. Et reducitur hic modus ad primum primæ figuræ modum, syllogismo ad impossibile ducente,

SECUNDA *però.*) Omnes syllogismi huius figuræ imperfecti sunt, & ad priores duos modos primæ figuræ reducuntur: ut Aristoteles disertè docet quinto capite primi libri Priorum. *Et reducitur hic modis.*) Baroco reducitur per impossibile ad barbara, sumendo contradictorium conclusionis pro minore in barbara, & inferendo contradictorium minoris, ex quo cõficitur, aut bonum esse syllogismũ in baroco, aut duas contradictorias simul esse veras. Id exemplo doceo, omnis homo est animal, quidam lapis non est animal: ergo quidam lapis non est homo, sic reducitur: omnis homo est animal, omnis lapis est homo, ergo omnis lapis est animal. at concessum erat, quidam lapis non est animal, igitur duæ contradictoriæ simul veræ;

De modis tertiæ figuræ.

SEQUITUR *tertia figura, quæ modos sex habet. Primus ex his modus est, in quo datis tribus terminis, cõficitur syllogismus ex uniuersali affirmatiua maiori, et uniuersali negatiua minori, particularem affirmatiuam directim concludens. Termini quidem sunt, homo, animal, substantia: ut omnis homo est substantia, et omnis homo est animal, igitur quoddã animal est substantia. Vocabulum autem artis, Darapti. Et reducitur hic modus ad tertium primæ figuræ modũ, minore per accidens conuersa. Secundus modus est, in quo datis tribus terminis, conficitur syllogismus ex uniuersali negatiua maiori, et uniuersali affirmatiua minore, particularem negatiuam directim cõcludens. Termini quidem sunt,*
homo

homo, substantia, lapis: ut nullus homo est lapis, omnis autem homo est substantia, igitur quædam substantia nō est lapis. Vocabulum autem artis, Felapton. Et reducitur hic modus ad quartum primæ figuræ modum, minori cōuersa per accidens. Tertius uerò modus est, in quo, datis tribus terminis, conficitur syllogismus ex particulari affirmatiua maiori, & uniuersali affirmatiua minori, particularem affirmatiuā directim concludens. Termini quidem sunt, homo, animal, substantia: ut quidam homo est substantia, et omnis homo est animal, igitur quoddam animal est substantia. Vocabulum autem artis, Disamis. Et reducitur hic modus ad tertium primæ figuræ modum, maiore pariter & conclusione conuersa simpliciter, ac insuper præmissis trāspōitis. Quartus modus est, in quo, datis tribus terminis, conficitur syllogismus ex uniuersali affirmatiua maiori, et particulari affirmatiua minori, particularem affirmatiuam directim concludens. Termini quidem sunt, homo, substantia, animal: ut omnis homo est substantia, et quidam homo est animal, igitur quoddam animal est substantia. Vocabulum autem artis est, Darisi. Et reducitur hic modus ad tertium primæ figuræ modum, minore conuersa simpliciter. Quintus modus est, in quo, datis tribus terminis, cōficitur syllogismus ex particulari negatiua maiore, & uniuersali affirmatiua minore, particularem negatiuam directim concludens. Termini quidem sunt, homo, animal, lapis: ut quidam homo non est lapis, omnis autem homo est animal, igitur quoddam animal non est lapis. Vocabulum autem artis, Bocardo. Et reducitur hic modus ad primum primæ figuræ modum, syllogismo

ad impossibile ducente. Sextus modus est, in quo datis tribus terminis, cōficitur syllogismus ex uniuersali negatiua maiore, & particulari affirmatiua minore, particulare negatiua directim concludens. Termini quidem sunt, homo, animal, lapis: ut nullus homo est lapis: quidam autem homo est animal: igitur quoddā animal non est lapis. Vocabulum autem artis, Ferison. Et reducitur hic modus ad quartū primæ figuræ modū, minore simpliciter conuersa. & de modis quidem hæctenus.

SEQUITUR tertia figura.) Huius figuræ etiā omnes syllogismi imperfecti sunt, & in prima figura comprobantur. Es reducitur hic modus.) Bocardo per impossibile reducitur ad barbara, sumende contradictoriam conclusionis pro maiore, & colligendo contradictoriam maioris. sit hic syllogismus doctrinæ causa in. bocardo, quidam homo non est lapis, omnis homo est animal: ergo quoddam animal nō est lapis. sic reducitur, omne animal est lapis, omnis homo est animal. ergo omnis hōmo est lapis, at prius datū fuit, quidem homo non est lapis; quō fit ut duæ contradictoriæ sint simul veræ; hoc non est admittendum: ergo prior syllogismus erat bonus.

De quibusdam regulis specialibus, tum quid commune omnibus cuiuslibet figuræ modis, & quid cuique figuræ proprium.

IGITUR post definitos modos, præter iam dictas regulas, alia restant magis speciales, nihilominus ipsis modis inferuientes, ut quæ, ueluti corollaria quædam, ex tribus expositis figuris eductæ uideri possint. Quarum quidem prima est. In prioribus quatuor primæ figuræ modis, & in omnis tertiæ si minor fuerit negatiua, nihil sequitur. Secunda, In prioribus quatuor primæ figuræ modis, & in omnibus secundæ si maior fuerit parti-

cularis,

cularis, nihil sequitur. Tertia, In secunda figura oportet alterutrâ premissarû esse negatiuâ. Quarta, In tertia figura conclusio semper erit particularis. Sane, tum has, tû superiores illas regulas Nicephorus Græcus auctor, ut alia dicendi figura, ita & grauius & artificio sius complexus est: Commune est (inquit) omnibus syllogisticis modis per tres dispositas figuras, ut conclusio de teriorē sequatur propositionem. Est autē deterior particularis uniuersali, & abdicatiua aiente, hoc est, negatio affirmatione. Atqui proprium quidem primæ figure est, per modos saltem directos, maiorem propositionem uniuersalem esse, & minorum semper affirmatiuam. Secundæ uerò figuræ proprium est, maiorem propositionem uniuersalem esse, minorem uerò dissimilis ab illa qualitatis, & colligere cōclusionem semper negatiuam. Tertiæ porrò figuræ proprium est, maiorem propositionem indifferentem esse, minorem uerò affirmatiuam semper & colligere conclusionem semper particularem.

IGITUR post.) Profert quasdam regulas speciales, quarum figurarum, uelut appēdices, quædam sunt. *Quarum prima.*) Non ualet igitur hæc collectio, nullus lapis est animal, nullus homo est lapis, ergo nullus homo est animal. *Et in omnibus tertiæ.*) Hæc collectio ob id non est firma, omnis homo est animal, nullus homo est lapis, ergo quidam lapis est animal. *Secunda.*) Ob hanc regulam hic syllogismus non ualet, aliquod animal est homo, omnis equus est animal, ergo quidam equus est homo. *Et in omnibus secundæ.*) Quare non ualet hic syllogismus, aliquod animal non est rationale, omnis homo est rationalis, ergo aliquis homo non est animal. *Tertia.*) Ratio huius regulæ est, quia ex duabus affirmatiuis in secunda figura nihil sequitur necessario, ut hæc est inepta collectio, omnis homo est animal, omnis equus est animal, ergo omnis equus est homo. *Quarta.*) Hæc

DE SYLLOG. CATEG.

regula docet hanc nō esse ueram collectionem, omnis homo est rationalis, omnis homo est animal, ergo omne animal est rationale. *Commune est.*) Omnes hæ regulæ quæ ad finem huius capitis sequantur, facile ex uocabulis singularum figurarum intelliguntur.

De tribus instrumentis, quibus imperfecti syllogismi ad perfectos reducuntur, breuius commemoratio.

CUM sint autem tria (ut supra diximus) instrumenta, quibus imperfecti syllogismi ad perfectos reduci possunt: nempe conuersio, præmissarum transpositio, et syllogismus ad impossibile ducens: de his paulò altius repetere hoc loco haud inutile fuerit, ne quicquam prætermittatur, quod ad intellectum eorum, quæ dicta sunt, conferre utcunque possit. Verūmenimvero quia de horum primo, ut de conuersione, tractatu tertio satis (ut arbitror) a nobis est dictum, de reliquis duobus hinc restat tractandum.

CUM sint.) Proponit tria instrumenta, quibus omnes syllogismi imperfecti, ad perfectos reducuntur. *Nempe conuersio.*) Reductio per conuersionem vel præmissarum transpositionem, uocatur Aristotele reductio ostensiva.

De transpositione præmissarum,
& quot modis fiat.

TRANSPONUNTUR præmissæ, quoties ambæ locum mutant, ita ut ex maiore minor, et ex minore uicissim maior fiat propositio, quod aliquando quidem contingit, alterutra, aut etiam utraq; ex ipsis cōuersa. Quo sanè modo idoneum reductionis instrumentum habetur. Aliquando uerò absque alicuius conuersione: uerum hoc pacto haudquaquam inter instrumenta illa, de quibus

quibus nunc loquimur, cōnumerari debet: quin potius aliam tum uim habet, nempe per quam in omni figura modi indirecti fieri posse probantur. Quo fit, ut tot modi esse possint indirectim concludentes, quot sunt qui directim concludunt. Cui quidē sententiæ illa Iacobi Fabri Stapulensis regula subscribit. At quasunque præmissas aliqua sequitur conclusio, eadem ad easdē sequitur transpositas: id quod nunc exemplo tantum probare liceat, sitq; hic syllogismus. Omne animal est substantia, & omnis homo est animal, igitur omnis homo est substantia. Huius nanq; syllogismi si præmissas transponas, ad easdem eadem continuò sequitur conclusio, ut omnis homo est animal, et omne animal est substantia, igitur omnis homo est substantia. Quòd certe et in omnibus modis necessario ita euenire etiamnum demonstrari posset, sed nunc non est hic locus.

TRANSPONUNTUR præmissæ.) ut sit in camestres, cum reducitur ad cælarent. Nam maior in camestres, fit minor in cælarent. Nempe per quam.) ut sit hic syllogismus in cælarent, nullum animal est lapis, omnis homo est animal: ergo nullus homo est lapis. transponēdo præmissas sine cōuersione. fit hic syllogismus cōcludens indirectim: omnis homo est animal, nullū animal est lapis, ergo nullus homo est lapis. Huius nanque.) Nā in prima figura mediū aliquando prædicatur in maiore, & subiicitur in minore: author Trapezuntius.

De syllogismo ad impossibile ducente.

PER impossibile uerò factus ostēditur syllogismus quoties contradiēctio ponitur conclusionis, et assumitur altera sumptarum propositionum, nota pariter & confessa, ex quibus deinde, nēpe posita & assumpta colligitur

igitur syllogismus alteram ab assumpta cōcludens: quæ quia manifestè falsa deprehenditur (quippe cuius contradictoria uera per hypothèsim extabat una cū assumpta) per eam alterutra perimenda uenit præmissarum: ut exēpli gratia, sit factus syllogismus in primo primæ figuræ modo, omne animal est substantia, & omnis homo est animal, igitur omnis homo est substantia. Huius syllogismi si cōclusio ipsa uel dubitetur, uel negetur prorsus, tunc sic contexo syllogismum ad impossibile ducentem; quidam homo non est substantia, omnis autem homo est animal, igitur quoddam animal non est substantia. Atqui hæc quoniam manifestè falsa est, sequitur alteram præmissarum falsam quoque esse, non minorem quidem, quoniam, & ipsa in altero syllogismo uera ex hypothèsi concessa fuit, ergo maiorem. Quare eius contradictoria quæ erat, omnis homo est substantia, uera est, & hæc nimirum conclusio prioris syllogismi erat, quod erat propositum. Vnde & ex hoc etiam error eorum manifestatur, qui per c, literam superius inter artis literas positam significari credentes syllogismum cōuersiuum, eundem proinde illum existimare uidentur cum syllogismo ad impossibile ducente, cum sint à se longè diuersi.

PER impossibile.) est itaque syllogismus ducens ad impossibile, cum ex opposito conclusionis probandæ cum una uera & concessa colligimus unam propositionem perspicuè falsam & impossibilem, à qua opponens regreditur ad conclusionem probandam; & sic in omni syllogismo ducētē ad impossibile, tria sunt necessaria, conclusio probanda, ut omnis homo est substantia, oppositum conclusionis, ut aliquis homo non est substantia, & id quod tanquam uerissimum sumitur ut omne animal est substantia. Sequitur alteram.) Quia falsa

falsa conclusio nõ colligitur, nisi ex falsis præmissis: Vnde ex.) Syllogismus conuersiuus partim conuenit cum syllogismo ducente ad incommodum, partim differt. Conueniunt inter se, quia ambo in omnibus sunt figuris, differunt, quia in syllogismo conuersiuo datus, & fingimus syllogismum prius factum ab opponente, sed in syllogismo ducente ad incommodum, nullus præsupponitur syllogismus factus: uel, ut ait Philoponus in syllogismo conuersiuo, colligitur tam contrarium quàm contradictorium alicuius propositionis: sed in syllogismo ducente ad incommodum, contradictorium tantum, uide Aristotelem undecimo capite secundi libri Priorum, quo loco legendus Philoponus.

Quod præter prædictos modos alii omnes magna ex parte a syllogisti habeantur.

INSUPER & illud nunc, quantum quidem ad definitos modos attinet, adiciendum haud ab re puto, quòd quicunq; modi contra prædictas syllogismorum formas siue leges fiunt, ordinanturq; omnes hi a syllogisti habentur. Siquidem hoc pacto contingeret in ipsa conclusione, primum ex tribus datis terminis interdum omni inesse postremo, interdum nulli: hoc est, ut planius intelligatur quod dictum est, ex tribus terminis, seruata eadem forma, conclusionem colligi, nunc uniuersalem affirmatiuam, nunc uniuersalem negatiuam. Atque id quidem est quemadmodum & in prioribus analyticis Aristoteles docet, dare terminos, in quibus omni, & in quibus nulli. At hoc ipsum nunc exemplis subiectis ostendamus. Constituatur, itaq; syllogismus in prima figura, sintq; termini in quibus omni, id est, ubi primus omni postremo inest, animal, homo, equus: ut omnis homo est animal, & nullus equus est homo, igitur omnis equus est animal. Alter rursus constituatur syllogismus, sint-
que

DE SYLLOG. CATE.

que termini in quibus nulli, hoc est, ubi primus nulli inest postremo, animal, homo, lapis: ut omnis homo est animal, nullus autem lapis est homo, igitur nullus lapis est animal. Et ut hoc iam in uniuersalibus ostensum est propositionibus, et ita in particularibus ostendere, licet particularem colligendo conclusionem, si quibus id ita placeat. Ex quo manifestum euadit, huiusmodi datorum terminorum contextum inutilem prorsus esse, id quod & in secunda, & tertia figura simili ostendi potest, quamquam in tertia haud ita omni ex parte sese habet. Ceterum ut huiusmodi terminorum facilis habeatur inuentio, hæc a quibusdam tradita regula est per disiunctionem; Accipiendi sunt tres termini, quorum tertius ad reliquos duos se habeat, ut genus ad species quæ sub ipso continentur, ut homo, equus, animal: uel ut extraneus; hoc est disparatus ad utrunq; ut homo, equus, lapis, uel ut cunq; superior ad illos sit, qui & de se inuicem prædicentur, aut conuertibiliter, aut nõ conuertibiliter quidem, ut homo, risibile, substantia. Non conuertibiliter uero, ut homo, animal, substantia.

INSUPER ET ILLUD.) Docet hoc capite Cæsarius omnes colligendi modos præter prædictos esse reiiciendos & in collectiles. *Atque id.)* Locus est apud Aristotelē quarto capite primi libri priorum. Dantur termini, in quibus omni, quādo ex duabus propositionibus simul ueris, cōclusio colligitur uniuersalis affirmatiua uera, & dantur termini in quibus nulli, quādo in eadē forma argumentandi, ex duabus propositionibus ueris, infertur uniuersalis negatiua uera: quocirca duo cōtraria essent simul uera: ut exēpli gratia, in quatuor prioribus modis primæ figuræ, maiore uniuersali affirmatiua, minore uniuersali negatiua, nihil colligitur necessario. ratio Aristotelis est,

est, quia dantur (ut uulgo loquimur) termini in quibus omni & quibus nulli, hoc est, idē extremū omni subiecto uere inest, & ab eodem uere remoueretur, termini in quibus omni, animal, homo, equus, si colligendo, omnis homo est animal, nullus equus est homo, ergo omnis equus est animal, termini in quibus nulli, animal, homo, lapis, sic colligendo, omnis homo est animal, nullus lapis est homo, ergo nullus lapis est animal. Innumera huiusmodi exempla sunt apud Aristotē quarto, quinto, sexto capitibus primi libri priorum. *Quamquam in tertia.*) In tertia figura concludendo uniuersaliter, non dantur termini, in quibus omni uel nulli, quia id nunquam contingit, nisi quando erratur in dispositione maioris uel minoris propositionis. In tertia autem figura, quando concludimus uniuersaliter, est error in conclusione, non in antecedente. *In secunda.*) In secunda figura dantur termini, in quibus omni & quibus nulli, si maior sit particularis, in quibus omni, ut animal, homo, equus, aliquod animal est equus, nullus homo est equus, ergo omnis homo est animal. termini in quibus. nulli, equus, animal, lapis, aliquod animal est equus, nullus lapis est equus, ergo nullus lapis est animal.

De Enthymemate.

POSTREMO autem et de reliquis tribus argumentationis speciebus tractandum hic est, id quod initio huius tractatus ita polliciti sumus, atque ex his primum de Enthymemate dicendum. Enthymema itaque est (quemadmodum & ab Aristotele definitur) ex icotibus & signis imperfectus syllogismus. Ex icotibus quidem, hoc est, ex consentaneis & probabilibus: unde enim Græce præter alia, consentaneum quoquoque significat Latinis & probabile. Cuiusmodi illud est, Diligere quē que amantem se: & item illud, Omnem matrem suā diligere prolem. Ex signis autem, id est, ex necessarijs & probabilibus, ut eⁿ. Si quid cuilibet rei additum fuerit, totum

totum maius efficietur. Definitur & sic, Enthymema est oratio, in qua non omnibus positis propositionibus, festinata infertur conclusio. Itaque in Enthymemate altera semper deest propositio, uel propter breuitatem, uel propter notitiam pratermissa, quæ tamen mente interim eius, qui ratiocinatur, cõcipitur: ut, omne animal est substantia, igitur omnis homo est substantia. Vnde & truncatus syllogismus a quibusdam dicitur. Hinc a Iuuenale Satyrico poeta dictum est de muliere impudica, Ne curtum sermone rotato Torqueat Enthymema. Rotato, inquit, id est celeri. Siquidem apud Græcos ἔνθυμημα cogitationem significat, quæ certe nihil celerius.

ARGUMENTATIONIS quatuor sunt formæ, syllogismus, enthymema, inductio, exemplum. Cæsarius hoc capit. finit Enthymema, argumentationem ex antecedente, & consequente constitutam. Eius materia est plerumque probabilis, ut hic cum 'gladio sanguinario inuentus est, ergo hominem occidit. Dicit non potest quàm Aristot. exacte examinauerit uim enthymematis primo & secundo Rhetoricorū ad Theodecten. Initio primi libri inquit: οὐδὲ περὶ πιθανότητων οὐδὲν λέγουσιν, ἀλλὰ περὶ τῶν αὐτῶν τῆς πίστεως. Infectatur ueteres, Rhetores, qui nihil de enthymemate dixerunt, quod est fundamentum probationis.

De Inductione.

INDUCTIO, quæ Græcis ἐπαγωγή, siue, ut uult Cicero, παραγωγή dicitur, hoc pacto definitur: Inductio est oratio, per quā a singularibus ad uniuersale fit progressio. Sanè per singularia hoc loco intelligere debemus, nō solum ea quæ simpliciter talia sunt, ut sunt individua, & numero differentia, uerum etiam minus cōmunia respectu ipsius uniuersalis, quod ex ipsis per inductionem colligitur, ab his enim plerūque uniuersale

conflatur colligiturque: ut si quis uelit ostendere omnem numerum esse duorum iuxta se positorum medium, id inductione probauerit, quoniam ternarius medius est binarij & quaternarij, & quaternarius item ternarij & quinarij, & ita deinceps, igitur omnis numerus est duorum iuxta se positorum medius. Eodem modo, sit probandum nobis fuerit, quod omnis uirtus moralis in mediocritate consistit, dicemus hoc pacto, Fortitudo in mediocritate consistit, nempe inter audaciam & timiditatem: & liberalitatis, ut inter auaritiam & prodigalitatem, temperantia item & iustitia, omnis igitur uirtus moralis in mediocritate consistit. Vnde & inductio hanc precipue uim habere putatur, ut per eam de principijs scientiarum aliquoties disputare contingat. Neque uero cum inductione utimur, opus erit semper adijcere particulam, & sic de alijs, ut Sophistæ solent. Quandoquidem id inducenti iam comperitum esse debet, cetera similia esse his, quæ sumpta. Nā si Aristoteli credimus, qui singulare ignorat similitudinem, is non facile inducet.

ARISTO. 10. cap. 1. lib. Topicorum duplicem differentiam inter syllogismum & inductionem constituit. Primum quia inductio secundum sensum est notior & pluribus communis, syllogismus uero secundum intellectum. Secundo, inductio est accommodatissima rudioribus, syllogismus autem contra proteruos efficacior. *Vt sunt individua.* Hæc sunt diligenter in inductione enumeranda, ne non plenam conficiamus inductionem, aut sub hac particula, & sic de alijs, complectenda. Est autem hæc uia a natura profecta, prima enim ratio discendi a singularibus. *Vnde et.* Præcipua utilitas inductionis est, quia per eam artium principia (si negentur) tanquam per nobis notiora, probantur.

DE SYLLOG. CATEG.

In quam rem insignis est locus apud Aristote. 7. cap. 1. libri Ethicorum .

De Exemplo .

EXEMPLUM quod a Græcis *παράδειγμα* dicitur , ita definiunt. Exemplum est, cum ex multorum collecta particularitate , aliud quiddam particulare ostenditur: ut si quis probare uelit, rectores non esse sorte dados rebus publicis: quoniam neque nauibus, neque curribus moderandis sorte proponuntur rectores , sed qui arte & experimentis plurimum ualent , Sunt qui ita definiant. Exemplum est, quoties unum particulare per aliud probatur, propter simile quod in utroque conspicitur: ut, si malum est Græcos cum Troianis belligerr, malum quoque est Lacedæmonios cum Atheniensibus armis decertare ,

EXEMPLUM est, ut uulgo finimus cum a particulari ad particulare decurrit oratio, ut malum est Athenienses bellum gerere cum Lacedæmoniis, ergo malum est Phocenses bellum gerere cum Thebanis, *Aliud quiddam .*) Differt itaque exemplum ab inductione quia ut in exemplo ex uno particulari uel pluribus colligimus aliud particulare : sic in inductione ex pluribus particularibus colligimus unum uniuersale .

89

INTRACTATVM

SEXTVM,

P R A E F A T I O.

P O S T hæc tractatum de syllogismo hypothetico aggressurus, illud præfati in animo constitui, quod tametsi de modalibus simul & hypotheticis propositionibus tractatus a nobis est, nempe quartus, id tamen haud ita usum est in eo facere tractatu, in quo de syllogismo hypothetico tractabitur, ut etiâ de syllogismo ex modalibus in eodê tractetur, imò nec alibi usquam in his tractatibus: non ob eam solâ causam, quod nouitij adhuc huius artis tyrones nimium alioqui grauarentur, sed quòd illorum syllogismorum, qui ex modalibus constituuntur, non admodum frequens usus sit, ut etiam supra annotauimus. Accedit quòd præter unum Aristotelem nullus alius (quod scire potuerim) de huiusmodi ex modalibus syllogismis quicquam scriptum reliquerit, nisi quantum Boetius in his laborauerit, idque tamen magis Aristotelem ipsum exponendo, quàm institutum probando. In qua etiam sententia Iacobum Fabrum Stapulensem esse uideo, usum profecto in omnibus disciplinis exercitatisimum: unde & non parua mihi subit admiratio de Aristotele ipso, cur in re non tam necessaria, etiam plus satis operosus fuerit, nisi quòd in hac præsertim arte ingenium suum ostentare omnino uoluit uir ille, in omnibus alioqui disciplinis admirandus. Quapropter multi etiam tam Græci, quàm Latini hoc animaduertentes, per compendia de hac arte scribere maluerunt, ne in hac discenda apud Aristotelem opus esset toties, noctesque, diesque insomnes ducere, absque magno etiam fructu. Non tamen negauerim hanc unam artem necessariam admodum esse, idcoque inuentam a maioribus nostris, ut sine qua error in

M studiis

DE SYLLOG. HYPOT.

studiis plerumque committeretur, qui cum alibi, tum hic maxime cauendus est: quippe quod hæc solæ rerum rationes inuestigare doceat, atque de his ipsis disputare possit. Itaque qui in hac errauerit, uix in aliis erroris periculum euitare poterit. Nanque (ut Aurelius Augustinus autor est) hæc sola docet docere, docet discere, in hac seipsam ratio demonstrat atque aperit, quæ sit, quid uelit, & quid ualeat: sola ite scientes non solum facere uult, sed etiam potest. Hæc ille. at nos hinc ad hypotheticos syllogismos transeamus.

Hic tractatus utilis, & pernecessarius est etiam ad grauiiores disciplinas facilius intelligendas. In his enim identidem syllogismorum conditionalium mentio incurrit. Quocirca hic tractatus studiose, & attente legendus est. *Non ob eam.*) Profert aliquot causas, cur de syllogismo modali scripturus non erat.

De Syllogismo hypothetico, quid sit.

SYLLOGISMVS igitur hypotheticus (ut a Martino Capella definitur) is est, cuius propositio, & plenum argumentum, & plenum item id, de quo quæstio est, continet, ita ut assumpto argumento iam certum inferri possit, de quo quæstio erat: ut sit exempli causa quæstio, utrum Rhetorica sit utilis. Itaque nolentes eam utilem probare, argumentum protinus ab eius definitione commodè capere possunt, quæ quidem est bene dicendi scientia. Ex hac deinde, ut argumento sumpto, & quæstione proposita, syllogismus hypotheticus ad hunc modum contextitur: Si Rhetorica bene dicendi scientia est, utilis est: est autem Rhetorica bene dicendi scientia, Rhetorica utilis est. In hac sane oratione cum prius proponitur: Si Rhetorica bene dicentia est, utilis est: ac deinde

ac deinde assumitur, Est autem Rhetorica bene dicendi scientia: tum qui hæc duo concesserit, propositionem, inquam, & assumptionem, is uel inuitus concedat oportet Rhetoricam utilem esse, id quod in quaestione propositum erat, quod tantisper dubium erat, donec & propositio, & assumptio concederetur.

SYLLOGISMVS igitur.] Vel sic facilius finiri potest, syllogismus hypotheticus est cuius, uel altera tantum, uel propositio, uel conclusio hypothetica est. Cuius propositio.] Hoc est antecedens. Plenum argumentum.] Hoc est probationem plenam. Si Rhetorica.] hic syllogismus est in primo modo syllogismorum conditionalium, assumitur enim antecedens, ut assumatur consequens.

Ex quibus constet syllogismus hypotheticus,
& quantum ei conferat syllogismus categoricus.

CAETERVM ut categoricus syllogismus in propositiones resolvitur, ut ex quibus constituitur, & propositiones rursus in terminos, neq; ulterius resolutio procedit in his, ita hypothetici syllogismi in categoricos resolutio fit: quippe quod ex his ipse, ut ex simplicibus constet compositus, cum praesertim prima eius propositio uim consequentiae ex simplicibus (hoc est, categoricis) capiat syllogismis. Prima namq; hypothetici syllogismi propositio, si dubitatur an uera sit, praedicatiua demonstrabitur conclusione, hoc est, syllogismo praedicatiuo. Assumptio porro, quæ secunda huiusmodi syllogismi pars est, in pluribus modis praedicatiua esse perspicitur, idemque conclusio, ueluti cum dicimus, Si Rhetorica bene dicendi scientia est, utilis est, atqui Rhetorica bene dicendi scientia

DE SYLLOG. HYPOT.

tia est, hic assumptio prædicatiua, item categorica est, si quaeratur, hoc est, in dubitationem trahatur, ipsa quoque prædicatiuo probabitur syllogismo. Hinc si demum inferatur, Rhetorica igitur utilis est, et hæc ipsa prædicatiua est, atqui facti syllogismi conclusio: utpote, quæ ad assumptionem probatam necessario consequitur. Nam si Rhetorica bene dicendi scientia est, cur non et utilis ipsa erit? Præterea si hypothetica propositio ex categoricis iungitur, & ex his fidem capit, simul & ordinem partium consequitur, necesse est categoricos syllogismos hypothetico uim conclusionis administrare.

C A E T E R V M) Inquirat elementa & principia syllogismi cōditionalis, Neque ulterius.) Resolutio quidem ulterius procedit, sed in syllabas, quæ ad Dialecticum non pertinent. Ipsa quoque.) Id hoc modo fiet, omnis ars inueniendi, disponendi, eloquendi, est bene discendi scientia, Rhetorica est huiusmodi, ergo est bene discendi scientia. Præterea.) Ratio probans a simili syllogismum hypotheticum uim suam, a Categorico sumere.

De partibus syllogismorum, siue ex quot partibus syllogismi consistant.

S Y L L O G I S M O S autem tam Categoricos, quã hypotheticos, alij quinque, alij quatuor, alij tribus consistare partibus arbitrantur, quorum controuersiam Boetius ad hunc modum diiudicat, atque discernit, quoniam omnis, inquit, syllogismus ex propositionibus textitur, prima uel propositio, uel assumptum uocatur: secunda, uero assumptum siue assumptio dicitur. Ex his quæ tertia infertur, conclusio nuncupatur, ut cum dicimus, Si homo est, animal est; homo autem est, animal igitur est. Ea quidem enuntiatio, per quam dicimus, Si homo est,

animal

animal est, propositio uel sumptum uocatur: ea uero quam huic adiunximus, quæ quidem erat. Est autem homo, assumptio siue assumptum dicitur. Tertia autem ab his conclusio appellatur, ut per quam ostendimus animal esse, si homo fuerit. Eadem sanè et in categorico syllogismo ipsarum partium ratio est, et ordo. Sed quoniã sæpe euenit, ut propositio ipsa non sit uerisimilis, & tñ adiungitur approbatio, per quam id quod propositum est, uerum esse monstratur. Assumptio quoq; sæpenumero ad fidem per se non uidetur satis idonea, idcirco huic quoq; probationis inuamen adiungitur, ut uera esse intelligatur. Quo fit, ut sæpe quinque partes, sæpe quatuor, interdum tres solum ipsos syllogismos habere contingat. In qua quidem sententia M. Tullius esseprehenditur, qui in Rhetoricis syllogismos quosdam quinque partitos, quadripartitos alios, & nonnullos tripartitos esse confirmat. At uero, quibus ipsorum syllogismorum non placet partes ultra ternarium numerum propagari, hi propositionum, atq; assumptionum probationes non putant inter syllogismi partes ponendas esse, sed potius illarum, cum dubiæ sunt, fulcimenta, quædam haberi. Quorum sane iudicio, atque sententiæ Boetius ipse manibus pedibusq; accedit. Vnde nostra (inquit) sententia his potius accedit, qui tribus partibus syllogismum constare dicunt.

Syllogismos autem. Quemadmodum in syllogismo cõditionali prima pars dicitur propositio, secunda assumptio, tertia conclusio: Ita in syllogismo categorico prima pars dicitur maior, secunda minor, tertia conclusio. Sed quoniam.) Hunc locum Quintilianus decimo quarto capite, quinti libri his uerbis expressit. Cicero maximè quinque defendit,

DE SYLLOG. HYPOT.

ut sit propositio, deinde ratio eius, tum assumptio, & eius probatio, quinta complexio. Quia uero interim & propositio nō egeat rationis, & assumptio probationis, nonnunquam etiam complexioni, non opus sit quadripartitam, & bipartitam fieri ratiocinationem, mihi à plurimis autoribus tres ad summum: uidetur. Et sic ex sententia oratorū syllogismus aliquando quinque aliquādo quatuor habet partes, sed ex sententia philosophorum qui concisa utuntur oratione, syllogismus tantum tribus partibus constat.

De modis ex hypotheticis propositionibus.

*H*is itaq; præmissis consequens est, ut ad modos hypotheticorum syllogismorum transeamus, quos certe, quantum hic eos definire liceat, dicere possumus ipsorum syllogismorum formas, & ueluti præscriptas leges. Scien dum autem quod tametsi numeri propemodum huiusce modi modi sint, qui ex hypotheticis conficiantur propositionibus, ut de quibus Severinus Boetius latissime disputat duobus libris, nos tamen ex his paucos deligere statuiamus, propterea quod eorum usus non parum frequens habeatur. De reliquis autem admonuisse tantum sat erit, ut si cui cognoscendi eos cupido incesserit, is Boetium ipsum in primis adeat. Sed nunc ex his primum definiamus.

*H*is itaque præmissis: Hoc capite Cæsarius docet quem admodum categoricorum syllogismorum modi leges, quædā sunt, quibus syllogismi probantur. sic hi septem modi sunt ueluti leges & regulæ, quibus syllogismos conditionales bono esse ostendimus.

Primus modus.

PRIMVS igitur modus est, cum in cōditionali propositione assumpto eo quod præcedit, ostēdimus id quod
sequitur

sequitur ita necessario esse, ut est in connexione propositi: ut si homo est, animal est, atqui homo est, animal igitur est. Hic antecedens homo est, proponitur ueluti dubium, cum dicitur, Si homo est: assumitur deinde idē ut argumentum, cum absq; conditione repetitur, atqui homo est. Ad quod demum necessario sequitur animal esse, quemadmodum erat propositum. Quod si parte ex altera annexum siue consequens assumamus, atque dicamus, est autem animal, haudquaquā de necessitate euenit hominem idcirco esse. Inueniuntur autem certi termini, in quibus per æque ualet assumptio, siue præcedēs, siue subsequens assumatur, ut in homine, atq; risibili. Nam ut recte sequitur, Si homo est, risibile est, ita recte quoq; sequitur, si assumatur hoc modo, Atqui risibile est, igitur homo est. Sed in his hæc est consequentiæ causa, quia homo & risibile æqui sunt termini, atque idcirco uno posito, alterum comitari est necesse. Verum quia hoc in omnibus non ita se habet, idcirco non recipitur ut firmum, & stabile, sed magis improbat, ut incertum & minime constans.

PRIMVS igitur.] In hoc primo modo colligimus a positione antecedentis ad positionem consequentis, ut si iustitia est, uirtus est, atqui iustitia est, ergo uirtus est. Quid hoc loco sit antecedens quid consequens, dictum est supra a nobis. Ponere hoc loco est affirmare, tollere, negare. Inueniuntur autem.] In terminis æquis, & recurrentibus possumus utroque modo, & antecedens, & consequens assumere, sed hæc formæ colligendi, terminorum tantum gratia ualidæ sunt.

Secundus modus.

SECUNDVS uero modus, cū in conditionalibus, op-

DE SYLLOG. HYPOT.

posito consequentis assumpto, aufertur id quod antecesserat, hoc modo, Si homo est, animal est: non est autem animal, igitur homo non est. Quod si contra hominem esse negemus, non tollitur proinde quod connexum est, ut si dicamus, non est autem homo, non iam continuo sequitur, animal non esse. atque idcirco hic modus, A consequentibus appellatur; quemadmodum qui hunc præcedit, Ab antecedentibus dicitur. Quare & hi duo modi a recentioribus ita distinguuntur, ut prior quidem dicitur. A positione antecedentis, sequens uero, A destructione consequentis. Caterum ut utroque modo ex datæ conditionalis partibus affirmatiuis firma ubique sententia probatur, id quod paulo supra exemplis adhibitis ostensum est; ita eadem consequentiæ uis erit, si negatiuæ eius partes fuerint; ut, si animal non est, homo non est; non est autem animal, igitur homo non est. Item, si animal non est, homo non est; atqui homo est, animal igitur est.

SECVNDVS uero modus.) In hoc secundo modo colligimus ex opposito consequentis ad oppositum antecedentis. Est autem oppositum consequentis, contradictorium consequentiæ, ut si consequens sit negatiuum, affirmetur, si affirmatiuum negetur, ut si dies est, nox non est, atqui nox est, ergo dies non est. Si liberalitas & uirtus est, atqui uirtus non est, ergo liberalitas non est. Atque idcirco.) Huius loci ratio est, quia si ad positionem antecedentis sequitur positio consequentis, oportet oppositum consequentis inferre oppositum antecedentis. Principium enim dialecticum est oppositum consequentis non posse coherere cum antecedente. Ut quia hæc est ratæ fidei consequentia, si felicitas operatio animi est, necessario consequitur, non est operatio animi, ergo non est felicitas. Operatione animæ non esse, & felicitatem esse, fieri non potest.

De quadam argumentatione contra
secundi modi regulam facta,
ex Themistio.

HIC iam obijciat aliquis fortassis nobis Aristotelem ipsum, qui in proœmio libri de Anima, tali contra præscriptum secundi modi formam (ut uidetur) usus est argumentatione, Si quod est animæ (inquiens) proprium opus; potest contingere, ut ipsa a corpore seorsum sit; Si uero nullum est opus animæ proprium, contingere non potest, ut a corpore seorsum maneat, subsistatue. Sane hanc argumentationem sunt, qui ob id calumniantur, reprehendantq; ceu minus firmā, minusq; dignam tātō philosopho. Calumniæ autē huiusmodi est, Oportebat, inquiunt, accepto consequentis opposito, ita tollere demoliriq; antecedens: at hic cōtrarias ordo seruatur. Verum hanc calumniam (si qua tamen dici meretur) Themistius haud dubie nobilissimus Peripateticus subtilissime dissoluit, ac diluit. Vnde quicumq; ait, tam male animati sunt, ut hæc quæ in dialectica atq; in exercitio argutiarū iactata, et prompta omnibus sunt, ignorasse Aristotelem putent, hi plane ignorantissimi uidentur. Nanq; uerbum illud potest contingere (quo quidem Aristoteles in sua oratione utitur) non necessariā, sed possibilem & contingentem connexionem habet: in quo genere non oportet, abolito consequente, aboleatur & antecedens: id quod omnino ita euenit, quoties necessaria cōnexio est. Sed hic in contrariū obseruatio est, ut .s. abolitio antecedentis aboleat consequens. Cui rei causam idem autor huiusmodi affert: semper .n. (inquit) id quod contingenter sequitur, tanquam pars sit antecedentis:

DE SYLLOG. HYPOT.

dentis: propterea quòd quandoque accidit, quandoque non accidit. Ita qui antecedens interemit totum interemit. Toto autem sublato, consequens est parti quoque abolitionem asferri. Hinc & ab eodẽ autore aliud hand dissimile proponitur exemplum, quod tale est, Si animal est, quod procul ad nos accedit, potest contingere ut sit equus, igitur si animal non est, neque ut equus sit contingere potest. Quo fit, ut inscitia potius illi arguendi sint, qui talem argumentandi formam, ut minus sanam canillantur, & non Aristoteles ipse qui rectissime ita argumentatus est. Hac ita ex Themistio, quem Hermolaus Barbarus ætate nostra Latinitate donavit, vir utique impense eruditus.

Hi s iam obijciet. Cæsarius hoc loco gravem ponit questionem, quæ contra hunc secundum modum exoritur. Huius autem hæc est solutio, quando consequens est, siue cõtingens, siue possibile, tunc possumus in secundo modo colligere à destructione antecedentis ad destructionem consequentis. Adde etiam, id uerum esse, quando termini æqui sunt. Quod ad ueritatem quæstionis attinet, intelligere est propria animæ operatio, & sic assumptio est neganda: Huius loci a nobis facta est mentio in primo libro Auscultatoriorum cap. 4. & in scholiis primi libri de anima, cap. 1. Oportebat inquirunt.] Nã in secundo modo argumentandum est ex opposito consequentis ad oppositum antecedentis, Aristot. autem. j. cap. j. libri de anima ex opposito antecedentis ad oppositum consequentis est ratiocinatus.

Tertius modus.

TERTIVS *deinde modus est, qui appellatur, A re pugnantibus, in quo demonstratur non posse simul hoc esse & illud. Fit autẽ quoties connexæ propositionis affirmatiuæ antecedens astringitur, ut cõsequens tollatur. Quod certe ideo ita euenire manifestũ est, quòd huius-*
medi

modi propositiones ex repugnantibus, aut ex contrariis
 conslent partibus. Ex repugnantibus quidem, ut non si
 dies est, nox est: atqui dies est, nox igitur non est. Ex con-
 trariis autem, ut non si sanum est, ægrum est: atqui sanū
 est, non est igitur ægrum. In quibus syllogismis propo-
 sitiones sumptæ huiusmodi sunt, ut impossibile sit, si an-
 tecedens est, consequens esse. Itaque cum ita proponitur
 non si dies est, nox est, huius propositionis sensus hic est,
 non recte sequi, si dies est, ut nox sit. Dictum est autem
 ex repugnantibus, aut ex contrariis, quoniam quæ ali-
 ter se habent, syllogismum ad hunc modum nullū con-
 stituunt. Quapropter haudquaquam recipiendus est
 hic syllogismus, non si homo est, album est, est autem ho-
 mo, igitur album non est, quando nec repugnantia sunt
 inter se homo, & album, nec contraria. Fit item, & hic
 modus aliquoties, cum inter alterutrā connexæ propo-
 sitionis partem negatio interponitur, atque ea ipsa rur-
 sus denegatur: ut sit propositio, si animal non est, homo
 est, hæc repugnans est, & ob id falsa. Fit autem uera si
 negatio huic a fronte adiciatur hoc modo, Non si ani-
 mal non est, homo est. Huius quippe propositionis hæc
 est sententia, Si animal non sit, fieri non posse, ut sit ho-
 mo. Ea igitur concessa, assumimus protinus hoc modo,
 Atqui animal non est, ac deinde concludimus, igitur
 homo non est. Similiter uero si ita proponatur, Si ho-
 mo est, non est animal, quæ & ipsa falsa est, pro-
 pter partium inter se repugnantiam: quare si & huic
 deinde negatio apponatur, uera fit, hoc modo, Non
 si homo est, non est animal. Nam & huius sententia est
 si homo sit, non posse fieri ut non sit animal. Itaque ea

DE SYLLOG. HYPOT.

concessa, talis contextitur syllogismus, non si homo est, animal non est, atqui homo est, animal igitur est. Rursus autem sit propositio ex utriusq; partibus negatiuis si non est dies, non est nox: quæ idcirco quòd partes eius inuicem repugnant, falsa est: fit autem uera, si adiungamus negationem, hoc modo. Non si non est dies, non est nox. Huius quoque propositionis sensus est talis, quòd si non est dies, esse non potest quin nox sit. Vnde ea ipsa concessa, assumimus hoc pacto. Atqui dies non est, & concludimus deinde. Est igitur nox.

TERTIVS deinde modus.) In hoc modo fit syllogismus conditionalis quādo antecedens affirmatur, hoc est cū negatio quæ coniunctioni præposita est, abiicitur, deinde tollitur annexum, ut constat exemplo textu. *Fit autem .)* Putarē hunc locū sic legendum esse fit, autem quoties connexæ propositionis negatiuæ antecedēs astringitur & c. idque docet exemplū Cæsarii. deinde Trapezuntius, id perspicue in hoc tertio modo scribit. Tertius modus inquit, cum propositionis negatæ conditionalis, quæ contrariis aut repugnantibus constat partibus antecedens affirmatur. *Quod certe .)* Nam ea est natura repugnantium aut contrariorum, ut uno eorum affirmato, tollatur alteri. *Si animal non sit .)* Huius ratio est, quia sublato superiore aufertur inferius.

Quo pacto tertius hic modus a superioribus duobus differat.

Ex his porro colligere licet, quid intersit inter hūc tertium, & superiore duos modos. Sane inter ipsos hæc est diuersitas, quòd in eo quidem modo qui ab antecedentibus dictus est, ponitur antecedens, ut id quod sequitur, astringatur. In eo uero qui a consequentibus appellatus est, perimitur consequens, ut id quod antecesserat, auferatur. At uero in hoc tertio qui dictus est, a repugnan-

pugnantibus neutrum horum seruatur. Siquidem neq; antecedens ponitur, ut quod sequitur confirmetur; nec interimitur consequens, ut id quod præcesserat euertatur: sed ponitur antecedens, ut interimatur consequens. Quod ideo euenire dictum est; quoniam hic propositio-
nis modus partes inter se continet repugnātes. Aduer-
sum quippe est, atq; repugnās, quod dicitur, si dies est,
non est lux; quare propositio hæc falsa est, quæ tamen
rursus negatione præposita, fit uera hoc modo, Non si
dies est, lux non est; atq; ita consimilis est affirmationi,
nempe huic, si dies est, lux est; & quod recte quidem
ita euenire receptum est, quando scilicet affirmationem
geminata facit negatio.

Ex his porro.) Docet discrimen inter hunc tertium modū
& duos superiores. Nam in primo modo argumenta colligū-
tur ab antecedentibus, in secundo a consequentibus, in hoc
tertio uero a repugnantibus. *Partes inter se continet repugnan-
tes.*) Repugnantia coherere non possunt, nec de se uere dici,
ut si quis dicat avarum esse piū, sapientem infelicem: at in
his propositionibus prædicati oppositum, subiecto uere iun-
gitur, ut sapiens est felix, avarus est impius.

Quartus modus.

QUARTVS modus est eorum, qui ex disiuncti-
uis consistunt, syllogismorum. Fit autem cum data di-
siunctiue propositionis antecedens in assumptione po-
nitur, ut quod consequens est auferatur, hoc pacto, Aut
dies est, aut nox est, atqui dies est, non est igitur nox.
itē, aut sanus est, aut ægrotat, atqui sanus est, non ægro-
tat igitur. Hic uero si ita quispiā argumētetur, aut dies
est, aut nox est, atqui dies est, nox igitur est; ac rur-
sus, aut sanus est, aut ægrotat, est autem sanus igitur

DE SYLLOG. HYPOT.

*ægrotat: talis profecto modus a syllogistus & incollecti-
lis prorsus habetur. Nam in eo data disiunctiua posi-
ta parte una, non tollitur reliqua: quod utiq; repugnan-
tiam natura requirit.*

*Q V A R T V S modus.] In hoc quarto modo sic compo-
nitur syllogismus. Prima pars disiunctæ affirmatur, ut secun-
da negetur, ut aut dies est, aut lux solaris non est, sed dies est,
ergo lux solaris est. Hic uero.] Incollectiles argumentatio-
nes proponit, quia pugnantia simul coniunguntur.*

Quintus modus.

*Q V I N T V S autem modus est, cum id quod in disiū-
ctiua propositione præcesserat, in assumptione tollitur,
ut quod sequitur affirmetur, hoc modo, Aut uiuit, aut
mortuus est, non uiuit autem, mortuus igitur est. At
hic quoq; a syllogistus fit & incollectibilis, quoties da-
te disiunctiua una sublata parte, tollitur simul, & reli-
quum ut aut uiuit; aut mortuus est, non uiuit autem, igi-
tur non est mortuus.*

*Q V I N T V S autem.] In hoc quinto modo antecedens
negatur, ut consequens affirmetur, idque exempla textus al-
unde docent.*

Sextus modus.

*S E X T V S uero modus est, in quo duobus per disiū-
ctionem propositis, ostenditur si unum sit, non posse si-
mul esse & reliquum. Fit autem ex disiunctiua in copu-
latiuam mutata, addita uidelicet negatione, idq; mo-
dis duobus. Primo, cum propositiones datæ antecedens
ponitur, ut tollatur consequens hoc pacto, Nō & dies
est, & nox est, sed dies est, non est igitur nox. Item, non
& prudens est, & ineptus, atqui prudens est, ineptus
igitur non est. secundo, cum propositionis datæ antece-
dens*

dens tollitur, ut consequens ponatur, hoc modo, Non
 & dies est, & nox est, sed dies non est, igitur nox est.
 Sane tertius hic est disiunctiuus modus consimilis ei est,
 qui ex propositionibus conditionalibus tertius est posi-
 tus, præterquam quòd in illo propositio cum conditione
 in hoc sine conditione proponitur. Verum & hoc am-
 plius hic obseruandum, ut tam repugnantia, quàm con-
 traria, ita sibi repugnent, atque contraria sint, ut posito
 uno, interimatur alterum, & uno interempto, alterum
 ponatur. Quare locutiones huiusmodi, Aut perijt, aut
 literas docet. Item, Aut cucurbitæ florem, aut ipsam
 cucurbitam, & aliæ pleræque (quæ apud Græcos olim
 in proueria cessere) cōsuetudine atque ipso euentu ma-
 gis receptæ fuerunt, quàm ueritatis constantia: de qui-
 bus, & alijs pene innumeris amicus noster in opera a-
 dagiorum non tam copiose, quam fructuose eleganti nar-
 ratione perscribit, uir profecto hac nostra ætate extra
 omnem ingenij aleam positus, ut Plinij uerbis utar, qui
 hoc suâ ætate M. Ciceroni tribuit uerissime. Ex prædi-
 ctis autem sequitur, copulatiuam negatiuam æquipolle-
 re disiunctiuæ affirmatiuæ ex eisdem partibus, sed sibi
 contradicentibus: uerbi causa, hanc, non & dies est, &
 nox est, huic, aut non est dies, aut non est nox.

Sextus uero.) Explicat duos reliquos modos qui ex dis-
 iunctiuâ propositione in copulatiuam mutata, fiunt. Primo.)
 Ponitur antecedens cum id affirmatur, tollitur cum nega-
 tur, aut cum contra omnino fit. Secundo.) Ex hoc secun-
 do modo septimus sumptus est, qui fit cum negatiuâ pro-
 positionis quæ ex disiunctiuâ copulatiuâ facta est, antece-
 dens negatur, ut consequens affirmetur. ut non & dies est
 & nox est, sed dies non est ergo nox est. Hos omnes septem

DE SYLLOG. HYPOT.

modos Cicero in Topicis ad Trebatium erudite copioseque explicat. *Aus peris.*) Speciem hoc habet proverbij quod ab Atheniensibus sumptum uidetur, qui cum infeliciter aduersus Siculos pugnasent, & multi occisi essent, aliqui coacti docere literas apud Siculos, aliqui Athenas redierunt, qui interrogati quid hic aut illi agerent, responderunt aut literas docet, aut perit. Nec male ad Dionysium referri poterit, qui regno pulsus, Corinthi ludum aperire coactus est. *Aus cucurbitæ.*) Id perinde ualet ac si dicas, aut mortem, aut uitam, aut lucrum aut damnum, aut uictoriam aut contra. Incertum enim est utrum flos cucurbitæ mox euanesceat, aut cucurbitam pariet,

Cur ex copulatiuis non fiant syllogismi.

IA M uerò mirabitur fortassis quispiam, quid causæ subfit, quòd cum tres sint superius posita hypotheticarum propositionum species, & ex conditionalibus quidem, & disiunctiuis certi syllogismorum modi a nobis iam præscripti sint, nullos præterea subiiciamus, quibus ex copulatiuis perinde syllogismi fieri demonstrentur. Huius sane rei hanc esse causam arbitror quòd quæ hypotheticæ propriæ dicuntur, huiusmodi sunt, ut in his conditio aliqua uel exprimatur, ut in eis, quæ peculiari nomine conditionales appellantur, uel subintelligatur, ut in disiunctiuis. Nā cum ita proponitur aut dies est, aut nox est, hæc eadem propositio cum conditione nihilominus pronuntiari potest, hoc modo, Si dies est, non est nox, uel si non est dies, nox est. Itaque per has neque esse aliquid, neque non esse, simpliciter significatur, sed aut illud esse si hoc fuerit, aut quoties unum fuerit, non posse simul et aliud esse. Vnde
& in

Et in his consequentiæ uis inesse quoque perspicitur. At uerò quæ copulatiuæ dicuntur, ut non ueræ hypotheticæ sunt, ita nec in his consequentiæ uis ulla deprehenditur: quæ nimirum facit potissimum ut ex propositionibus hypothetici, hypothetici syllogismi struantur, Hypotheticæ tamen quoquo modo dici possint, quatenus ex categoricis compositæ constant. Quare nec Boetius etiam, cum alias de syllogismis ex hypotheticis copiosissime tractet, ullos præscribit modos, iuxta quos syllogismi ex copulatiuis perinde fierent. Nec ipse admodum probboeas consequentiæ formas, quas uulgò ex copulatiuis eliciunt, ut a tota copulatiua ad alteram eius partem: & item a destructione partis copulatiuæ, ad destructionem totius, quæ licet necessariae utique sint, utiles tamen non sunt. Ex copulatiuis tamen rectè fortassis argumentatio procedet, siue syllogismum uoces, siue aliam quamlibet argumentationis speciem, quoties per has ex disiunctis ad coniuncta procedimus: hoc est, quoties quæ diuisim prædicantur de subiecto aliquo, de eodem etiamnum coniunctim dici posse probatur. Quod quia aliquando ita contingit, aliquando uerò minime, certe ad hoc regulæ ex ipso Aristotele colliguntur, quibus id discernere licet, & quas proinde hic subijcere non grauabimur.

I A M uerò.) Dissoluit quandam quæstionem quæ ex superioribus oritur. Huius sanè.) Prima ratio cur ex propositionibus copulatiuis per se sumptis, non fiat syllogismus conditionalis. Quoniam in conditionalibus, conditio uel exprimitur, uel subintelligitur; at in copulatiuis neutrum contingit. Unde et.) Secunda ratio, in syllogismis conditionalibus optima struitur argumentatio, in qua consequens colligitur ex antecedente.

N cedente.

DE SYLLOG. HYPOT.

cedente. *Vt a sola copulatiua.*) Vt deus est immortalis, & homo est mortalis, ergo Deus est immortalis. *Ex copulatiuis.*) Hic locus intelligitur ex tribus regulis capitis sequentis.

Sequuntur tres regulæ.

EX HIS igitur prima regula est, *Quæcunque diuissim secundum accidens de aliquo prædicantur subiecto, aut alterum de altero, hæc simul atque coniunctim de eodem prædicantur minimè.* Cuius regulæ hanc reddit rationem Aristoteles, quod uidelicet unum non faciat. Quare non rectè sequitur, Socrates est albus, & Socrates est musicus, igitur Socrates est albus musicus. Diuissim est autem secundum accidens, quoniam sciens & Grammaticus licet secundum accides de subiecto aliquo dicantur, tamen alterum de altero non secundum accidens, sed per se dicitur: & proinde ut diuissim, ita et coniunctim de eodè prædicari possunt: ut, Socrates est sciens, & Socrates est Grammaticus, igitur Socrates est sciens Grammaticus. Secunda regula, *Quæcunq; diuissim de aliquo prædicatur, ut de subiecto, si id quod sequitur, in præcedenti includitur, ipsa de eodem simul et coniunctim nõ prædicantur.* Huius quoq; regulæ hæc ab Aristotele redditur ratio, quia comitteretur uitium nugationis. Vnde nõ rectè sequitur, Socrates est homo, & Socrates est animal, igitur Socrates est homo animal. Siquidem in homine animal includitur. Nec sequitur ob id ipsum, Socrates est Grammaticus, et Socrates est sciens, igitur Socrates est Grammaticus sciens: Tertia est, quæ ex his sequitur, regula, *Quando aliqua de aliquo ut subiecto seorsim atque diuissim prædicantur, idq; neque secundum accidens omnino, neque ex his posterius in prio-*

ri directim continetur, hæc de eodem simul atque cōiunctim prædicantur, ut Socrates est homo, & Socrates est albus, ergo Socrates est homo albus. item, homo est animal, et homo est rōnalis, ergo homo est animal ratiōale.

EX HIS igitur.) Hæc regula est apud Aristotelem. ii. cap. ii. libri de Interpretatione, cuius hic est sensus. Quando duo prædicata dicuntur per accidens de subiecto aliquo, uel alterum prædicatum de altero per accidens, ea coniunctim minimè predicantur, ut non sequitur homo est musicus, homo est bonus, ergo homo est bonus musicus. Si autem utrumque prædicatum dicatur de subiecto per accidens, & tamen alterum prædicatum dicatur de altero per se, ea coniunctim prædicantur, ut homo est sciens, homo est philosophus, ergo homo est sciens philosophus ratæ fidei est consequentia, quia sciens est genus philosophi, ut scientia genus philosophiæ. *Secunda regula.*) Quando duo prædicata dicuntur de subiecto per se, si posterius continetur in finitione prioris, non rectè colligitur a diuisis ad coniuncta, ut non ualeat hæc ratiocinatio, Cato est homo, Cato est animal, ergo Cato est homo animal, sed sic erat colligendum, ergo Cato est animal homo. Posterius duobus modis in priori includitur. Primo in ipsa prolatione, ut Cato est homo albus, & Cato est albus, ergo Cato est homo albus albus. Secundo modo posterius est in prioris finitione, ut homo est bipes, homo est, animal ergo homo est bipes animal. Neutro modo rectè colligitur a diuisis ad coniuncta. *Tertia est.*) Hæc regula tollit uitia duarum priorum, & docet quomodo liceat a diuisis ad coniuncta aptè ratiocinari.

De ratione consequentiæ.

POST hæc etiam de consequentiæ ratione haud absurdum fuerit hac in parte nonnihil adijcere, propterea quòd in superioribus sæpius in huius incidimus mentionem. Primum igitur dicendum est quid sit, deinde quomo-

DE SYLLOG. HYPOT.

do diuidatur, tertio regulæ quædam subiiciendæ sunt. Neque uerò ut uanares existimari debet consequentiæ uim posse intelligere: quoniâ ad hos summa totius Dialecticæ tendit & utilitas. Sanè hæc ex eo potissimum percipitur, si cui rectè uti contingerit cõiunctione rationali ergo, siue igitur, aut si qua huiusmodi est: quæ alioqui (ut Alexander Hegius dicere solebat) multum facessit negotij studiosis huius artis hominibus. Porro hæc ipsa rectè uti poterit, quicumque rei probandæ tum causam, tum signum intellexerit. Ita enim res una ab alia dependet, ut certus proculdubio ordo aliquis in ipsa rerum natura esse intelligatur, id quod Seneca inter Philosophos nō contemnendus autor, primo Naturalium questionū libro his uerbis nō tam disertè quàm grauitè expressit: Omnium (inquit) rerum certus ducitur ordo, & alia alijs ita cōplexa sunt, ut quod antecedit, aut causam sit sequentium, aut signum.

POST HÆC.) Quoniam in superioribus regulis consequentiæ habita est mentio. ideo quasdam regulas, & diuisiones de ea subiicit. Consequentia, ut generatim sumitur eadem est cum argumentatione, siue hæc fuerit syllogismus, Enthymema, inductio, exemplum. Nam omnis consequentia est argumentatio & contra. Quoniam ad hoc.) Nam Dialectica est diligens disserendi ratio: disserere autem nemo poterit, nisi inuenerit, & inuenta in formam argumentationis coniecerit. Porro.) Locus hic dignus est obseruatione, etsi enim omne uerum uero est consentaneum: ut Aristoteli. viij. cap. j. libri Ethicorum, & xxiii. cap. j. lib. Priorum, docet tamen non omnibus probandis omnia cōueniunt, sed id quod adfertur ad alterius probationem, debet cum eo quodammodo esse coniunctum. Id eleganter (ut omnia) Rodolphus agricola vnicum eruditio-
nis lumen ii. cap. i. lib. de Inuentione, Dialecticæ docet.

De consequentia, & eius diuisione.

CONSEQUENTIAM igitur hoc pacto quidam definiunt, Consequentia est oratio ex antecedente & consequente, suis quidem partibus constituta, quas rationalis aliqua coniunctio connectit. Eam ita diuidunt, ut sit et bona, & mala consequentia. Et bona quidem ab eisdem, definitur, cuius si antecedens uerum est, non potest esse, quin consequens quoq; uerum sit: ut, homo est, igitur animal est. Mala uero, cuius etsi antecedens uerum est, non est tamen necesse, ut consequens uerum sit, ut Socrates ambulat, igitur cælum serenum est. Bonam rursum diuidunt in materialē et formalem. Verūm qui Aristotelem potius sequuntur, quā Barbaros sophistas, eā in necessariam, & non necessariam dispeſcunt, ut sit tamen necessaria consequentia, quā illi formalem uocant, non necessaria, quæ materialis ab illis dicitur. Ergo formalis consequentia est, quoties datis quibuslibet terminis iuxta præscriptam aliquam argumentandi formā, si antecedens uerum est, & consequens esse uerum necesse est. Cuiusmodi in primis sunt syllogisticæ consequentiæ omnes, & quæ ex ipsarum propositionum, tum conuersione, tum æquipollentia eliciuntur, & si quæ aliæ his consimiles sunt: Materiali uerò, quæ tametsi bona quidem est, tamen iuxta eandem similemquæ argumentandi formam firma ubiq; & constans non est, quales ferè sunt Dialecticæ argumentationes, & quæ per Enthymemata & cæteras argumentationis species constituuntur, nempe terminorū tantū gratia, uidelicet qui materiæ uicem præstant. Itaq; materialis consequentia est, si hoc modo argumenteris, Cælum uolubile est,

DE SYLLOG. HYPOT.

ergo cælum rotundum est. Quippe quòd iuxta eandem formam ita argumentari licebit, Cælum uolubile est, ergo cælum stellatum est. Cæterum probabilitas in his ac confirmatio, ex locorum aliqua Dialecticorum peti solet, proficisciturq;

CONSEQUENTIAM.) Tria in omni consequentia sunt necessaria, antecedens, quod est prima pars argumentationis, consequens, quod est secunda, & nota illationis: tota argumentatio quæ ex his tribus componitur, consequentia est, ut nulli liberales sunt auari, omnes philosophi sunt liberales, ergo nulli philosophi sunt auari. *Et bona quidem.*) Consequentia bonitas non ex eo pendet, quod antecedens est uerum simul, & consequens. Nam huius consequentia, Fabius est cunctator, ergo cælum mouetur, utraq; pars uera est, & tamen inepta est consequentia. Regula igitur hæc perpetuò danda est memoria, bonitas consequentia ex eo spectatur, quod consequens necessariam cum antecedente habeat habitudinem ac connexionem, si uerò consequentia sit syllogismus, adde præter illam necessariam connexionem, obseruandam esse modi & figure aptam dispositionem. partes bonæ consequentiæ multis modis connectuntur. primo, antecedens potest esse uerum simul, & consequens, ut Iustitia est formosa, ergo uirtus formosa est. secundo, antecedens potest esse falsum, & consequens uerum, ut homo est equus, ergo homo est animal. tertio antecedens potest esse falsum, & consequens falsum, ut homo est equus, ergo homo est rationis expertus. quarto, bonæ consequentiæ antecedens nunquam potest esse uerum, & consequens falsum. ea enim est inepta collectio, in qua antecedens potest esse uerum, & consequens falsum, ut princeps rerum Deus bonus est, ergo homines boni sunt.

Sequuntur duæ regulæ, tum instantia contra
secundam, tum etiam quæ sit bonæ con
sequentia proprietates.

SEQUUNTUR hinc regulæ duæ, quarum pri
ma

ma est, Si ad antecedens bonæ consequentiæ sequitur cōsequens, ad oppositum consequentis oppositum sequitur antecedentis. Et oppositum quidē hic intelligo id, quod cōtradietorium dicitur. Caterum ipsius regulæ tale sit exemplum, homo est, igitur animal est. Hic quia rectē sequitur, homo est, igitur animal est, ad oppositum consequentis, quod est, nullum animal est, rectē quoque sequitur, igitur nullus homo est. Secunda regula, Quicquid sequitur ad consequēs bonæ cōsequentiæ, sequitur et ad eius antecedens: ut quia ad hanc, homo est, rectē sequitur, igitur animal est: & ad hanc rursus, animal est, igitur substantia est: ad eandem idcirco, quæ erat, homo est, rectē quoq; sequitur substantia est, ut sit, homo est, igitur substantia est. Sanē has duas regulas ideo adijcere libuit hoc loco, quòd unaquæque harum per totam artem logicam principij uim obtinet. Contra secundam tamen regulam huiusmodi fit instantia. Nam si quid necesse est esse, illud quoq; possibile est esse. Rursus autem, si quid possibile est esse, illud iam non necesse est esse. Igitur si quid necesse est esse, idem erit non necesse esse: quod prorsus inconueniens uidetur. Sanē huius difficultatis nodum Theophrastus Græcus autor, uir utiq; in omnibus disciplinis consummatissimus, dignus proinde qui in Aristotelis diatribam, ipso etiam Aristotele id ita adiudicante, succederet (ut autor est Aulus Gellius) ad hunc modum soluit, Non omnino, inquit, idem est possibile esse, et non necesse esse: quòd hoc negatiuam speciem habeat, illud uerò affirmatiuam: quamuis tamen eadē propemodum utrobique sit significationis uis. Itaque affirmationem, quæ est, necesse

est esse, non rectè sequitur negatio, per quam aliquid non necesse esse proponitur. At de consequentia quidè quæ sit, & quæ bona tum quæ necessaria, hætenus quàm breuissimè dictum sit. Bonæ præterea consequentiæ id esse proprium obseruatum est, ut ex uero quidem non nisi uerum sequatur unquam, ex falso autem cum plurimum falsum, nonnunquam etiam uerum.

SEQUUNTUR HINC.) Prima hæc regula sumpta est ex primo capite secundi libri de interpretatione, & ultimo capite primi libri priorum, cuius hæc est ratio, quia oppositum consequentis; non potest uerum esse cum antecedente, idcirco infert oppositum eius. *Secunda regula.*] Hæc est quædã species gradationis siue acruus uocum necessario coherentium, nisi enim necessario cohærent, non ualeret collectio. *Contra secundam.*] Hæc quæstio tractatur apud Aristotelem tertio capite secundi libri de interpretatione cuius hæc breuis est dissolutio; duplex possibile, aliud est actu tantum, quod affirmationem significat, & istud sequitur ad necessarium, aliud quod actum, & potentiam significat, & istud non sequitur ad necessarium. Vides optime lector, quoniam satis impedita & sinuosa uerbo uno esse expedita, in qua multi, & nobiles Aristoteles interpretes & multum defudarunt, & integras paginas impleuerunt, quocirca spero hæc nostra scholiola studiosis mirifice esse profutura. *Bonæ præterea.*] De hoc præcepto uidendus est Aristoteles initio secundi libri priorum. *Ipsa etiam Aristotele.*] Hanc historiam eleganter Aulus Gellius libro decimo tertio capite quinto explicat.

TRACTATVS VII. 101
IN TRACTATVM SEPTIMVM

DE DEMONSTRATIONE.

PRAEFATIO.

SAEPIVS mecum reputaui, ac toties admiratione non parua captus sum, quid causae esset, cur bonus ille uir, qui cū in artem Dialecticā tractatus aliquot scribere cōstituisset, eosdē pro sua (ut uidetur) opinione ita demū parauit, ut per eos ad Aristotelis Logicam studiosi eius artis introducerentur: non id etiam tentauerit in eam huius disciplinæ partem, quæ Demonstratiua dicitur, ac per hoc omnium potissima, & est, & habetur, etiam eorum iudicio, qui illorum tractatum autorem nō frigide, immo strenuē (ne dicam superstitionē) sectantur, cum tamen illud, neque grauiori illius labore, neque minori traducendorum in hanc quoque huius artis partem utilitate fieri potuisse constet: maxime quod pueri olim (quod utinam hodieque obseruaretur omissis friuolis cauillationibus) ad philosophiā instituendi, in mathematicis disciplinis, ad quas comparandas hac parte plurimum iuuamur, antea exercebantur, & si non exacte, rudi saltem modo: quod & exempla passim per Aristotelis libros dispersa disseminataque, indicare plane uidentur. Vnde etiā in foribus Platonicae diatribae scriptum legebatur, Nemo huc ingrediatur Geometriae expertus, quo nomine simul & Arithmetica intelligebatur. Sed ego iā causam ipsam uel subolfacere uideor, quod uidelicet hæc pars Dialecticae uisa sit illi haud quaquam idonea ad sophisticas captiunculas, & steriles illas nugas, quibus per id tēporis, quo uir ille clauit, scholæ omnes, atque literarij ludi non tam uacabant sedulo, quā strepebant acriter. Atque interim (proh pudor) dum in his nugæ illæ leuiusculæ ueluti imperiose docebantur, optimi quique bonarum artium autores in pluteis & sub scamnis delitescabant, situ & puluere obducti, & (quod hoc etiam miserabilis est) esca blattis & tineis. In quorū subiere locum barbari paulatim, idque fere in singulis artibus, ut uerbi causa, in Grammatica Alexander Gallus, in Dialectica

Petrus

DE DEMONSTRATIONE

Petrus Hispanus, in poetica Gausfredus Britannus, & in Rhetorica Eberhardus quidam, qui etiam ob rem a se obscurius fortassis traditam opusculum suum Labyrinthi nomine inscripsit. Taceo Græcistam, Floristam, Cornutum, Alanum in parabolis, & cæteros huius farinae uiros. Dii boni, quos hic autores recensco? Sed neque de fure tamen interim, qui in mathematicis quoque studiis operam suam nauarunt, quamquam non satis feliciter, uerum pro temporum iniuria excusandi potius quam incusandi. Quæ quidem studia: quoniam (ut paulo superius diximus) demonstrandi uia, quæ utique certissima est, comparantur in primis, de horum utilitate pariter & dignitate, ex. Seuerino Boetio acris haud dubie iudicii uiro, paulo altius repetere libet, priusquam institutum tractatum aggrediamur. Talia (inquit ille) studia sunt ea, quæ mathematica dicuntur: ut si his careat diligens ueritatis inquisitor: uerum ipsum inuenire non possit. Quinimo si ne hac ueritatis speculatione nulli recte sapiendum est. Proinde qui hæc spernit, id est, has semitas sapientiæ negligit: ei denuntio non recte philosophandum. Siquidem philosophia amor sapientiæ est: quam certe in his spernendis: ante iam aliquis contempserit. Hæc ille. Quare cum hæc studia minime spernenda sint nec uia etiam qua ad illa pergitur: negligenda erat. Hac igitur ratione persuasus, cum in cæteras Dialecticæ partes tractatus certos: atque hos quidem introductorios parare instituerim, in hanc quoque partem: hoc est: de Demonstratione tractatum aliquem parandum duxi.

CAESARIUS in hac eleganti præfatione insectatur Petrum hispanum qui etsi aliquot tractatus de arte dialectica scriptos reliquit, nullam tamen mentionem demonstrationis fecit, quæ inter omnis argumentationes, necessaria, utilis, ac nobilis est. Continet enim uerum solidumque iudicium, quæ argumenta inuenta examinamus, an quæstioni præpositæ, confirmande uel refellendæ conueniant. Huius ariificum Aristoteles duobus libris resolutorius acute, & eleganter pertractauit. *Ac per hoc omnium.* Prima ratio cur Petrus hispanus de demonstratione scribere debuerit, quæ

quæ sumitur a iudicio eorum, qui Petri hispani studiosi fuerunt. *Maxime quod pueri.* Secunda ratio, hæc pars Dialecticæ elementa tradit, quibus in disciplinis mathematicis maxime utimur, ex quibus solis, ueræ demonstrationes petendæ sunt. *Sed ego iam.*) rationem subuertit, cur uir ille de demonstratione nihil scripserit, nimirum quod hæc pars cauillis, & gryphis sophisticis accommodata non fuerit. *Quæ quidem studia.*) Excurrit obiter in laudem disciplinarum mathematicarum.

De quadam alia Dialecticæ diuisione, ut per
quam tria potissima philosophia instru-
menta colligantur, quæ sunt de-
monstratio, & definitio
& diuisio.

QVEMADMODVM autem Dialectica in duas
breuissime partes diuidatur inueniendi unam, alteram
iudicandi, superius à nobis expositum est: restat nunc
(cuius & ipsa res ita nos admonet) ut ab eodem repetē-
tes, principio, aliam eius diuisionem aggrediamur, quæ
et tripartita eius uis, siue facultas esse dignoscatur, quæ
tamen secunda diuisio priore destituta esse, ut non debet
ita non potest. Diuisio autem hinc patet. Nam cum Dia-
lectica ex M. Ciceroni, sententia diligens disserendi ra-
tio sit, qui fieri potest, ut non etiam ratio sit tū definiendi,
tum diuidendi, tum colligendi? Id quod de definiendi
facultate idem Cicero locupletissime præcipit primo
Officiorum libro his uerbis, omnis enim (inquit) quæ à
ratione suscipitur de aliqua re institutio, debet à defini-
tione proficisci, ut intelligatur quid sit de quo dispute-
tur. Haud secus & de diuisione sentiendum est, quando

DE DEMONSTRATIONE

nec sine ipsa disputatio legitima procedere potest: quippe quæ uiam ad ipsam definitionem non tam parare, quàm aperire uideatur, ut sequenti tractatu conuenienti exemplo ostendemus. Maxime uero ad hanc ipsam artē pertinere probatur colligendi facultas ex eo, quod quicquid in disputationem assertur, collectione tandem aliqua consumatur, perficiturq; idq; secundum triplicē diuersitatem, quemadmodum & supra annotatum est. Nam aut ex proprijs & ueris ac necessarijs huiusmodi collectio fit, proceditq; & Demonstratio appellatur, aut ex communibus & maxime probabilibus, & Dialectica peculiari nomine dicitur, aut ex captiosis et plane falsis, & Sophistica, idest, cavillatoria perhibetur, sed quæ tamen abiectissima, despectissimaq; totius Logicæ pars est, ut quæ magis deceptionem eius, cum quo disputatione desumpta est, moliatur, quam rei in disputatione propositæ probationem. Itaq; Dialectica, quæ est disserendi peritia, tum de definitione, tum de diuisione, tum de collectione quoque tractat: quæ quidem si (ut debet) fit cum ratione, Syllogismus Græce dicitur συλλογισμὸς Græce, ratiocinari Latine interpretatur, hoc est, cum ratione colligere aliquid. Videtur enim uerbum ipsum συλλογισμὸς compositum esse ex propositione σύν, quæ cum significat, & in compositione idem facit, quod coninseparabilis præpositio apud Latinos, & ex nomine λόγος, quod præter alia multa rationem quoque significat. Vnde & ars ipsa a ueteribus Peripateticis Logica postea appellata est, quam antea & Stoici, & Plato Dialecticam appellauerunt, ut qui angustius de ea tractauerint, quam Peripatetici, ut

a Boetio id memoriae proditum est. Logica igitur quasi rationalis scientia dicta est: non quidem, ut barbari nomen ipsum interpretantur (ut alia fere omnia) infantissime, sœdissimeque etymologia ad hoc adducta aliqua, sed ex Græcorum potius consuetudine, qui artes & disciplinas possessiuis ab aliquo deductis nominibus significari uoluerunt, et his quidem fœminini generis, subintellecto (ni fallor) artis nomine, quod Græce τέχνη dicitur quod utique fœminini generis nomen est, ut quod huic respondet apud nos ars.

QUEMADMODUM.) Profert aliam dialecticæ diuisionem, nam una eademque res diuersis rationibus, uariis modis diuidi potest, quemadmodum quantitas diuiditur in continuam & discretam: præterea quædam habet positionem in continuo quædam non. Priore desistit.) Ratio huius est, quia finitio, diuisio, ratiocinatio inuentionem & iudiciū tanquam partes priores presupponunt, Qui fieri potest.) Est enim dialectica ars finiendi, diuidendi, & argumentandi, in quibus tribus tota uis dialecticæ sita est. Maxime uero.) Docet a triplici syllogismo, demonstratiuo, dialectico, sophistico, aliud ex alio colligere maxime proprium esse dialecticæ. Nam ex proprijs.) Demonstratio enim ex principiis propriis ueris & necessariis conflat. Ars ex communibus.) Id Aristoteles octauo capite primi libri posteriorum, & undecimo capite primi libri elenchorum, & initio primi libri rhetoricorū ad Theædecten, cuius hæc sunt uerba, ἐπεὶ οὐκ ἔστιν ἀντίστροφος τῇ διαλεκτικῇ. ἀμφότεραι γὰρ περὶ τοιούτων τινῶν εἰσιν, ἃ κοινὰ, τὸ ποῦ τινα, ἃ πάντων ἐστὶ γνωρίζον, καὶ ὅθεν αἱ ἐπιστήμης ἀφορισμέναι. Dialectica.) Præfert tripartitam aliam diuisionem, dialectica enim finitione, diuisione, ratiocinatione utitur. Vnde et.) Hunc locum in præludis primi tractatus planum fecimus.

DE DEMONSTRATIONE.

Quo pacto inter se duæ Dialecticæ diuisiones
conueniant, aut altera alteram
contineat.

VIDENDVM nunc etiam, hæc duæ diuisiones, qua-
nam se attingant cognatione. Nam cum aliquid defini-
tione explicare uolumus, genere in primis opus est tum
& differentijs, quibus id quod definiendum est ab alijs
omnibus distinguatur. Quas nisi prius cum ipso genere
iunxerimus, haud quaquam definitionem constituiere
poterimus. Inuentio igitur necessaria est, si definitio
perfici debeat. Similiter autem, & cum quid diuidere
in animo est, ea omnia prius inuenire oportebit, quibus
diuisio ipsa perficiatur. Hæc autem sunt tum differen-
tiæ in primis, tum accidentia nonnunquam, maxime uo-
ro inseparabilia & propria. Iam uero si inuentio absit,
nec collectio unquam ualebit: id quod in superioribus
paulo latius explicauimus. Sed his omnibus nisi iudi-
cium accefferit, frustra haud dubie, aut definire quic-
quam, aut diuidere, aut colligere tentabimus. Ergo an
recte definitum quid sit, aut diuisum, aut collectum, iu-
dicatio perpendit, examinatq; Quo fit, ut prior Logi-
cæ diuisio secundam quasi continere uideatur, quia neq;
existere quicquam sine inuentione, neq; internosci præ-
ter iudicium potest. Sed nunc propositum exequamur,
& primum quid sit Demonstratio dicamus.

VIDENDVM nunc.) Quemadmodum cum una res
plures recipit finitiones, illæ inter se conciliande sunt, ita
etiam cum una eademque res plures recipit diuisione, ui-
dendum est quomodo illæ inter se conueniant, id quod Cæ-
sarius

farius hoc capite docet. *Nam cum.*) Finitio præsupponit inuentionem, id a partibus finitionis docet, qui enim aliquid finiturus est, genus & differentiam inueniat oportet. *Similiter autem.*) Diuisio præsupponit inuentionem, id etiam ab his docet ex quibus diuisio constat. *Iam uero.*) Argumentatio sine inuentione eorum ex quibus conflatur, nulla confici potest. *Sed his.*) Iudicium commune est finitioni, diuisioni, & collectioni.

De Demonstratione quid sit, tum
etiam quid sit Scire.

DEMONSTRATIO igitur ab Aristotele definitur, syllogismus faciens scire, hoc est, syllogismus per quem rei alicui scientia comparatur, pariturq; , quem proinde syllogismum Aristoteles Græco uerbo ἐπιστημονικόν, appellat: quod uerbum apud nos interpretari potest scientialis, si linguae usus ferat, ἀπὸ τοῦ ἐπιστῆσαι, hoc est, à sciendo deflexum. Ab eodem præterea Scire quoque definitur, rem per causam cognoscere, propter quā res est, quatenus uidelicet illius est causa, nec est possibile hoc aliter se habere. Sane cum multis alioqui modis scire dicatur, latius & pressius, latius quidem qualitercunque, pressius uero eo duntaxat modo, quo nunc definitum est. Quo quidē modo scire is dicitur, qui demonstratione aliquid cognoscit. Demonstratione inquit, hoc est, per syllogismum demonstratiuum, qui idcirco scire facit, quod ex his sit constitutus propositionibus, quæ primæ & immediatæ, tum notiores, prioresq; , conclusiones habentur, ac eius insuper causæ sunt.

DE DEMONSTRATIONE

Demonstratio igitur.) Locus est apud Aristotelem secundo capite primi libri posteriorum. Hæc finitio per causam finalem assignatur, finis enim demonstrationis est animo scientiam ingenerare. syllogismus genus est finitionis, faciens scire differentiam, quæ separat demonstrationem a syllogismo dialectico & sophistico. demonstratio est secundarium instrumentum, quo acquirimus scientiam, intellectus uero primum. *Ab eodem.*) Scire, hoc loco strictim admodum sumitur, pro ea cognitione, quam ex ueris, primis, immediatis, causisque conclusionis haurimus. quomodo dictum est ab Aristotele initio primi libri de physico auditu, tunc arbitramur unumquodque scire, cum causas primas, principiaque prima usque ad elementa cognoscimus: qui igitur aliquid scit per effecta, uel causas remotas. est igitur huius finitionis sensus. scire, est firmiter alicui conclusioni assentire propter probationem præmissarum, quæ causam ueritatis conclusionis continent, ut hanc conclusionem scimus, homo respirat, per hanc propositionem homo habet pulmonem. *Demonstratione inquam.*) Hinc colligitur secunda finitio demonstrationis, quæ datur per causam materiale. Demonstratio est syllogismus constans, propositionibus primis, ueris, immediatis, notioribus, & causam conclusionis continentibus.

Quòd omne scibile opus sit præ-
noscere aliquid.

AT uero priusquam aliquid demonstrare cōtingat, præscire aliqua oportet, nempe principia quæ uocantur, & significata eorum, quæ ad demonstrationem sumuntur: ut exempli gratia, cum a Geometra definitur Punctus, cuius nulla pars est, tum præscire oportet, quid partis nomine significetur. Sic & in edificijs, quid lapides, quid intritum, quid materies sit, prænosse debet is, qui edificandi artē discere uult. Atq; hoc ipsum profecto est, quòd Aristoteles in principio operis de posterioribus

analyticiis his uerbis proponit, Omnis doctrina, & omnis disciplina intellectiua, ex præexistente fit cognitione. Id quod cum in alijs omnibus artibus perspicitur, tum in his præcipuè, quarum aliæ sermocinales, aliæ peculiari nomine disciplinæ appellantur. In quibus omnibus prænoscere necesse est, quid nomine eius, quod ad demonstrationem sumitur, intelligatur, significeturq; : tum ipsa principia, ut ex quibus conclusio demonstratur, cuius per hoc etiam scientia habetur solum.

AT VERO.) Prius quàm demonstremus propriam passionem de subiecto, necesse est præcognoscere principia, genus subiectum, & propriam passionem. qua de re Aristoteles disputat primo capite primi libri Posteriorum. *Omnis doctrina.*) Ostensurus Aristoteles omnem demonstrationem esse ex præexistente cognitionem, hoc utitur syllogismo. *omnis doctrina & disciplina intellectiua fit ex præexistente cognitione. omnis demonstratio est disciplina intellectiua, ergo omnis demonstratio fit ex præexistente cognitione, intellectiua,* inquit, *ut omnis doctrina quæ per syllogismum, enthymema, exemplum, inductionem fit, uel intellectiua inquit, ad differentiationem sensitiuæ doctrinæ quæ non fit ex priore cognitione. Et hæc est facilis interpretatio illius primi pronuntiati. Apud Aristotelem primo capite primi libri Posteriorum.*

Quòd duæ sint prænotiones, quòd est,
& quid sit.

Ex his igitur quæ dicta sunt, patet duobus modis contingere, ut aliqua prænoscamus, tum quòd sunt, tum quid sint. Vt quærenti propter quid a magnete ferrum trahatur, prænosendum utique est ferrum a magnete trahi. Id ubi iam perspectum quispiam habet, sciscitatur deinde propter quid ita eueniat. Similiter quærens

DE DEMONSTRATIONE

aliquis, quid motus, uel quid tempus sit, exploratū iam is habere debet, utrunque esse & motum, & tempus. In quibus uerò sciscitatur adhuc, sint necne aliqua: uerbi gratia, an sit prouidentia: in his necesse est prænoscere quid uocabulo ipso indicetur. Atqui contrā euenit, ut sciatur quidem quid uocabulo siue nomine significetur, sed nescitur an sit: ut quæ sit Scyllæ aut Hippocentauri appellatio, nemo est qui nō sciat. An uerò etiā sint, incertum fortassis compluribus adhuc. Sanè non idem putandum est esse quid nominis, & quid rei: quin imò longo hæc & insigni inter se interstitio dissentiunt differuntq; . Significatum nanque uocis cuiusque omnium etiam imperitissimis & uulgò ferè perspectū est. Quid tamen sit id quod uoce una qualibet significatur, non nisi exercitatissimis facilè traditu est.

Ex his igitur.) Vt facilius hoc caput assequantur iuniores, duo præuix cognitionis gratia dicenda sunt, quid sit præcognitio & quotuplex. Præcognitio est ante demonstrationem requisita cognitio. ea est duplex, quia est, & quid est. præcognitio, quia est, dicitur qua principia uera esse cognoscimus, quid est, dicitur qua quid quoque uocabulum in demonstratione sumptum significet. scimus. præcognitio, quia est principis, quid est propriæ passioni, utraque generi subiecto tribuitur. author Aristoteles primo capite primi libri Posteriorum. *Us quærendi.)* Huius causa est occulta & nemini mortalium nota, ut docet Alexander Aphrodiseus initio Problematum. uidendus est Plinius libro trigelimoquinto, capite decimosexto.

Quid sit propositio immediata, & quòd duplex sit demonstratio.

QVONIAM aut demonstratio syllogismus est, qui sit ex propositionibus primis et immediatis, ut dictū est.

est, de huiusmodi propositionibus. quænam sint, paulò
 altius repetere operæpretiū est. Itaq; dicimus ex Ari-
 stotele & Themistio, quòd propositio immediata est,
 quæ & prima & summa dicitur. Prima quidē, ut qua
 non est alia prior. Summa uero, ut qua non est superior
 alia. Immediata igitur dicta est, ut quæ alia demonstra-
 tione confirmari non possit. Quo fit, ut huiusmodi pro-
 positiones prima etiam principia appellētur. Sed de his
 mox plura suo loco, Cum igitur fit syllogismus per pri-
 mas & immediatos rei causas, hæc demonstratio pro-
 pter quid dicitur, cum uerò per causas quidem, sed non
 immediatas, aut per prima quidem, & immediata, sed
 non quæ causæ rei sunt, huiusmodi demonstratio uoca-
 tur, quia est. Sanè prima et immediata causa est, quæ af-
 fectioni, quæ quidem de re quapiam demonstranda pro-
 ponitur, æquatur, atq; cum ea conuertitur, ut cum per
 definitionem rei subiectæ propria ei inesse affectio de-
 monstratur. Prima uerò & non immediata causa est, quæ
 diffusior est & magis ampla, & quæ in his præcipuè
 scientijs locū habet, quæ subalternatæ dicuntur, ut in per-
 spectiua, quæ Geometriæ subalternata est. Ergo quicun-
 que probat arbores, frugesq; nō spirare, quia pulmo his
 desit, is scire dicitur propter quid, quòd pulmo proxi-
 ma & immediata ratio & causa sit spirationis. Qui ue-
 rò idem facit per hoc quod non sunt animalia, hic iā sci-
 re illud dicitur, quia est. Nam hæc probatio non de pro-
 ximo, sed de longinquo comineat. Ita & Anacharsis,
 cum percontanti cuiquam, quare Scythia tibicines non
 efficiat, respondisset, quia Scythia uitem non ferret, cau-
 sam reddidit remotissimam. Nam proxima huius cau-

DE DEMONSTRATIONE

sa erat, quòd Scythæ temulenti non fierent: causa item huius, quia temetum non haberent: huius deniq; , quia uites essent illis negatæ.

QVONIAM autem.] Propositio immediata dicitur, quæ nullo indiget termino medio, ad ostendendum prædicatum subiecto inesse, ut omnis figura plana tribus rectis lineis comprehensa habet tres angulos æquales duobus rectis, principia tamen possunt probari inductione, sensu, assuetudine. **Cum igitur.]** Demonstratio propter quid dicitur, quæ ostendit causam cures sint, & progreditur a causa immediata ad effectum, ut omne animal rationis particeps est risus capax, omnis homo est animal rationis particeps, ergo omnis homo est risus capax. **Cum uerò.]** Dicta est demonstratio, quia est, eo quod præmissæ conclusionem esse, sed non cur ita sit, ostendant. Hæc fit duobus modis. primo, cum procedimus a causa remota ad effectum. secundò, cum ab effectum ad causam, Hac de re Aristoteles disserit decimo capite primi Posteriorum. **Subalternatæ dicuntur.]** Philosophantes duplicem scientiam nobis excogitauerunt, subalternatam, & subalternantem. scientia subalternata est quæ sub alia continetur, à qua sua mutuatur principia, ut medicina sub naturali, iurisprudentia sub morali musica sub arithmetica, perspectiua sub Geometria. Hac scientia subalternata sumuntur demonstrationes, quia est subalternans. scientia dicitur, quæ suppeditat principia aliis scientiis, ut moralis philosophia iurisprudentiæ, & ex hac sumuntur demonstrationes exquisitæ, hæc sunt quæ uulgo in scholis recepta sunt, quæ ego ut nolo per omnia probare, ita nec etiam improbare, illud tantum dicam. si in utraque scientia, & subalternante, & subalternata sunt principia, genera subiecta, & affectiones propriæ cur non fiant in utraque exquisitæ demonstrationes, non uideo. **Ergo.]** hic syllogismus sic est contexendus, quicquid respirat habet pulmonem, arbores non habent pulmonem, ergo non respirant est demonstratio in secundo mō secundæ figuræ, ex quo exēplo colligere possumus etiā in secunda figura exactā fieri demonstrationē.

Quid

Quid sit dici de omni, et quid item per se.

R V R S V S autem, quoniam propositio omnis ex subiecto aliquo & prædicato connectitur, scire cõuenit prædicatum in demonstrandis propositionibus non ut-
cunque, sed per se de subiectis dici oportere: quare quid sit hoc quod per se uocatur, protinus dicendum est. Int-
rim tamen absoluerè prius licebit id, quod de omni præ-
dicari hoc loco dicitur. Nam absque hoc, id quod per se prædicari dicitur, explicari probè non potest. Prædicari igitur de omni (ut breuissimè dicam) est cum prædicatũ subiecto & omnino & semper inesse significatur, nec quicquam refert siue substantiæ, siue accidentis proprii quidem & inseparabilis rationem habeat id, quod prædicatur, ut omnis homo est animal, & omnis Cygnus est albus. Per se uerò dicuntur, quæ sunt in eo quod quid est, ut triangulo per se linea inest, & linea punctus, & arbor item platano. Nam ut ex linea trianguli, ita ex arbore ipsius platani substantia ratioq; substantialis constat, Caterũ non omne quod de omni prædicatur, etiam per se prædicatur: Quippe de omni Cygno candi-
dum dicitur, quia & semper & omni Cygno inest, non tamen in eo quod quid sit, Cygno inesse dicitur. Ex his igitur, quæ dicta sunt, patet propositionẽ per se eam dici, in qua prædicatum est aut definitio subiecti, ut homo est animal rationale: aut definitionis pars aliqua, ut homo est animal, uel homo est rationalis.

R V R S V S autem.) Explicat quædam, quæ pertinent ad principia demonstratõis. Prædicari igitur.) Id de omni hoc loco prædicatur, quod secundum rem inest omni subiecto. hoc autem duobus modis contingit, primo, quando prædicatum est de essentia subiecti, ut genus, species, differentia.

DE DEMONSTRATIONE

secundo, quando est proprium quarto modo uel accidens inseparabile, de omni uero, ut in libris Priorum sumitur. est quando prædicatum, uel secundum rem uel secundum opinionem omni subiecto inest, ut omne animal respirat.) *Per se*) Strictius hic sumitur per se, quam de omni. Nam id quod per se dicitur, ad essentiam pertinet, id uero quod de omni etiam extra essentiam esse potest. *Nam ut* .) Est enim triangulus figura plana, tribus lineis comprehensa, linea uero longitudo cuius duo extrema sunt duo puncta.

Quot sint modi eorum, quæ per se sunt.

EORUM porro quæ per se sunt, quatuor ab Aristotele & Themistio modi traduntur, quorū præter tertium reliqui tres propriè per se dicuntur, qui & distinguuntur, & dignoscuntur extremis propositionum ad se inuicem collatis. Primus igitur modus est, cum prædicatum propositionis est de ratione, quod est dicente subiecti, aut ipsamet ratio subiecti, ut homo est rationalis, uel homo est animal rationale. Secundus uero cū subiectum est de ratione quid est dicente prædicati, ut numerus est par, & numerus est impar, cui Themistius hoc addit, dicens, Aut quoties accidentia sunt, in quorū definitionibus subiecta collocantur, quo modo simum esse per se naso inest, nempe similitudo nasi curuitas definitur. Tertius modus est eorum, quæ neq; per aliud sunt, neq; in alio continentur, ut indiuidua substantiæ. Quartus denique modus est cum subiectum causam importat, ob quam causam prædicatū ei competat, ut iugulatus interit. Sanè ex his quatuor modis priores duo sunt, qui de demonstrationibus accommodabiles præcipuè sunt. Sequentes uero duo adiecti ab Aristotele uidentur (ut Themistius opinatur) amplificandi, exornandiq; gratia.

Eorum

EORVM.] Locus hic est, apud Aristotelem quarto capite primi libri Posteriorum. primus modus est, quando id quod subiecto attribuitur, pertinet ad formam eius: & quoniam finitio ad formam pertinet, ea omnia sunt per se primo modo, quæ sunt, uel tota finitio subiecti, uel pars finitionis. *Secundus uero.*] Hoc secundo modo ea accidentia per se dicuntur, in quorum finitionibus subiecta ponuntur, ut exempla textus declarant. *Tertius modus.*] Hoc modo primæ substantiæ per se dicuntur, idque propriè: nam omnium aliorum sunt substerniculum. *Quartus.*] Subiectam continens causam prædicati hoc modo per se dicitur, ut iugulatio est causa interitus. *Sanè ex his.*] Huius loci ratio est, quia ea quæ sunt per se primo modo & secundo, etiam per se prædicantur, sed ea quæ dicuntur per se aliis modis, per se non prædicantur. ad hæc, ea quæ sunt per se quarto modo non semper causam necessariam prædicati significant.

Quid sit uniuersale, siue Vniuersaliter dici.

DICENDVM quoque quid sit, quod hic uniuersale dicitur. Vniuersale Aristoteles definit id, quod cum de omni sit, & per se inest, et quatenus ipsum. Eodem plane modo & Themistius ipsum definit, Vniuersale, inquit, appello, quod de omni, & per se, & quatenus ipsum est, dicitur. Quapropter si quæ de omni dicantur, non tamen propterea necesse est, ut uniuersaliter statim sint. Siquidem album de omni Cygno, & atrum de omni coruo assertur, attamen haudquaquã uniuersaliter, quia neque per se, neque quatenus ipsum. Vnde & exploratum iam haberi potest, idem esse & uniuersale, & quod per se dicitur. Exempli gratia. Inest per se lineæ longitudo, quia in definitione eius assertur, Inest etiam quatenus ipsa est. Neque uero si quæ per se sunt, continuo sequitur, ut etiam uniuersaliter sint. Nam quæ secundo aut sequentibus duobus modis per se sunt, uniuers-

DE DEMONSTRATIONE

saliter esse nō possunt. Sed ut definitio eius quod hic uni-
uersale dicitur, accuratissima absolutaq; , & completa
reddatur, adiicienda est particula, primum, ut id scilicet
dicatur uniuersale, quod est de omni, & per se, & pri-
mum. Itaq; propositio uniuersalis hoc loco dicitur, in
qua prædicatum subiecto, & omni, & per se, & primo
inest. Verbi gratia, esse animal rationale, homini a. h. s. t.
primum, non quatenus animal, sed quatenus homo, nec
quatenus Socrates aut Plato, sed his inest secundo loco,
quia sub homine continentur. Vniuersaliter igitur ines-
se dicitur, quod omni & per se & primum inest.

DICENDUM quoque.] Locus hic est apud Aristote-
lem quarto capite primi libri Posteriorum, ut autem hoc lo-
co aliquid dicatur uniuersale, necesse est prædicatum in se o-
mni subiecto necessariū, & cum eo conuertatur, ut est pro-
prium, uel finitio. Vnde & exploratum.] Existimo (nisi
uehementer fallor) hic legendum esse, idem quatenus ipsum
& quod per se dicitur. Nam hæc propositio, homo est ani-
mal, est per se primo modo, & hæc, numerus est par, secundo
modo, neutra tamen est uniuersalis. Aristoteles etiam quar-
to capite primi libri Posteriorum disertā docet, per se, & se-
cundum quod ipsum idem esse. τὸ κατ' αὐτὸ δι' ἑαυτοῦ, καὶ
κατὰ τὸν κατ' αὐτὸ τῇ γεγενημένῃ ὑπάρχουσιν, καὶ τὸ ἐν τῷ. hoc est,
per se autem, & secundum, quod ipsum est, idem est, ut
per se lineæ inest punctum, & rectum. Neque Aristoteles
ibi dicit uniuersale, & per se idem esse, obseruet tamen
studiosus lector etsi per se, & quatenus ipsum idem sunt
in exemplis adductis ab Aristotele, & Cæsario, non tamen
in omnibus hoc uerum esse. Nam habere tres angulos æqua-
les duobus rectis, per se inest Isocheli, sed non quatenus ip-
sum, uel quod idem & primum, hunc autem locum sic le-
gendum esse, idem esse quod per se dicitur, & quatenus ipsum
ex exemplo Cæsarii perspicuum est. Nam longitudo in-
quit, per se inest lineæ, & etiam quatenus ipse est. obstina-
& præfractè nihil defendo, lectorem admono, liberum
relin-

relinquens cuique suum iudicium. *Verbi gratia.*] Sic habere tres angulos æquales duobus rectis, primo inest triangulo, non quatenus est figura, nec quatenus Isocheles, sed quatenus triangulus.

Quòd demonstratio sit ex necessarijs, quodque sit perpetuorum, quid item definitio ad demonstrationem.

HIS ita cognitis, manifestum est demonstrationem ex necessarijs constare. Nam cum scientia per demonstrationem acquisita ex his fiat, quæ aliter fieri non possunt, consequens est eam ex necessarijs omnino consieri. Huiusmodi autem maxime ea sunt, quæ per se & uniuersaliter adsunt. Ad hoc rursus argumento est illud, quòd quoties demonstrationem aliquam euertimus, illa uti solemus infirmatione, quòd ea quæ sumpta sunt, necessaria non uideantur. Ex quo & illud sequitur, conclusionem uidelicet demonstrationis perpetuam esse, nullamque demonstrationem caducorum, corruptibiliumque & fortuitorum. Nam quæ confirmatio esse potest ipsius conclusionis, cuius subiectum dissolubile caducumque habeatur, & cui prædicatum, neque semper, neque omnino simpliciterque, sed modo insit, modo non insit? uerbi causa, in est Socrati ut animal sit, sed nunc tantum, nec quia Socrates est, sed quia homo est. Atqui homo semper est, non autem semper Socrates. Et quemadmodum igitur demonstratio caducorum non est, ita nec definitio. Quandoquidem definitio uel demonstrationis principium est, uel demonstratio solo situ differens, uel demonstrationis conclusio. Principium quidem, ut cum uel pro immediata propositione, uel pro termino in propositione huiusmodi desumitur. Situ uero solo a demonstratione differens est, quoties ta-

DE DEMONSTRATIONE

lis definitio est, quæ causam rei, quòd ita sit, contineat, ut hæc. Deliquium Solis est occultatio luminis eius, ob lunam ei oppositam, atq; subiectam. Definitio hæc ordine paulum mutato, in demonstrationem com meat hoc pacto: Luna subiicitur, atq; opponitur Soli, quod autem subiicitur, atq; opponitur, occultat: Luna igitur subiecta, atq; opposita, solem occultat. Conclusio porrò demonstrationis, ea est definitio, quæ causam materiale m attingit. Vnde & hæc quidem materialis, illa uero formalis à quibusdam appellatur definitio.

H I S ita cognitis .] Prima ratio docens demonstrationē ex necessariis, effectus demonstrationis est necessarius (scilicet ipsa scientia) ergo etiam principia sunt necessaria, id enim quod necessarium est per necessaria scitur. **Ad hoc.]** Secunda ratio a signo sumpta, sic enim colligere consueverunt dialectici demonstratio hæc non constat ex necessariis, ergo est euertenda. Indicium igitur, hoc est, demonstrationem ex necessariis esse debere. **Ex quo.]** Conclusio conficitur ex necessariis, ergo est necessaria. **Nullamque demonstrationem.]** Aristoteles uicesimo nono capite primi libri posteriorum hac ratione probat fortuitorum non esse scientiam: omnis demonstratio uel est necessaryorum uel eorum, quæ frequenter eueniunt, sed fortuita nec necessario nec frequenter eneniunt, ergo eorum non est scientia. **Demonstrationis principium.]** ut in hac demonstratione, omne aptum natum ridere, est risibile, omnis homo est aptus natus ridere, ergo omnis homo est risibilis. **Si tu uero.]** Finitio hæc ita in demonstrationem com meat, quicquid opponitur soli, occultat solem, luna opponitur soli, ergo occultat solem. **Conclusio.]** ut finitio materialis tonitruui, restinctio ignis in nubibus, ita per formalem demonstratur, quotiescunque est sonitus elisus in nubibus, est restinctio ignis in nubibus: atqui nunc est sonitus elisus in nubibus, ergo nunc est restinctio ignis in nubibus.

Quod

Quòd tria sint, quæ ad demonstrationem omnem requirantur, & quot modis horum unū quodque prænoscat.

Cum autem tria sint ueluti momenta quædam in una quaq; demonstratione, ut id ab Aristotele & Themistio traditur, quibus uidelicet omnis scientia absoluitur, primum genus subiectum, ut numerus, aut triangulus: secundum affectiones, quæ & propriæ passionibus quibusdam dicuntur, & subiecto generi in esse demonstrantur, ut paritas, & imparitas numero, & tres angulos æquales duobus rectis equipollere triangulo: tertium principia. Ex his, inquam, genus quidem subiectū statuere oportet, ut sint, affectiones, quid significant, quorum utrunq; principia & dignitates desiderant: nam & ut sint, & quid significant antequam demonstrationes fiant, sciendum est. Principijs, itaq; utraq; prænotio necessaria est. Nec tamen me fugit, quædam ex principijs esse, quæ non statim cognitis terminis explorata habentur, sed obscuriora paulò, declaratione proinde probationeq; aliqua, nempe dialectica, indigentia, quippe quæ fiat uel per inductionem, uel per diuisionem, atq; id nimirum est, quòd Aristoteles ait Dialecticæ proprium esse & peculiare, ut cum sit inquisitina, ad omnium methodorum principia uiam habeat.

Cum autem.] Locus est apud Aristot. vii. cap. i. lib. posteriorum. Genus subiectum in demonstratione uocat Aristot. non quod est alicui scientiæ restrictum, sed subiectum conclusionis, de quo propriam passionem demonstramus. *¶ Et paritas.*] Id hoc modo fiet. omnis multitudo ex unitatibus collecta est par uel impar, omnis numerus est multitudo ex unitatibus collecta, ergo omnis numerus est par uel

DE DEMONSTRATIONE

impar. Questio hoc loco existit, par & impar sunt differentia numeri, ut docet Aristot. ii. cap. iii. lib. Topicorum, ergo non sunt accidentia. Ad hanc quaestionem respondere poterimus, par & impar apud Aristotelem modo pro contrariis immediatis, exempli loco assignata esse modo pro propria passione, nimirum cum sub disunctione sumuntur. *Et tres angulos.* Hoc sic demonstratur, omnis figura plana tribus lineis comprehensa habet tres angulos aequales duobus rectis, omnis triangulus est huiusmodi, ergo habet tres angulos aequales duobus rectis. *Quorum utrunque.*) Hic locus omnino pugnare uidetur cum eo, qui est apud Aristotelem j. cap. j. libri posteriorum. Vbi Aristot. docet utranque praecognitionem generi subiecto attribui. Illud sic accipiendum puto. Praecognitio quia est, attribuitur principiis quatenus complexa sunt. Ea enim cognoscere oportet, quia sunt, hoc est quia uera sunt. Sic intelligendus est locus Aristotelis vii. cap. j. libri posteriorum, principia dicuntur, quae cum sint, non contingit ea demonstrare, hoc est cum uera sint. Praecognitio quid est, attribuitur principiis respectu terminorum, ex quibus principia componuntur.

De principiis, & eorum multiplici differentia.

PRINCIPIA in unoquoque genere sunt (quemadmodum & Aristoteles ea definit) quae quod uera sint non contingit demonstrari. Rursus & hoc modo, Principia sunt, quae per se, & non per alia fidem habent. Per alia quidem idcirco adiectum est, ut intelligamus scientiae cuiusque principia esse, quibus in eadem scientia, nihil prius superiusque sit, per quod confirmari explicarique possint. Nam si haec quoque comprobare necesse fuerit, rationem hanc in infinitum tandem extrahere oportebit. Quare si id necesse non est, sed subiacent, supponunturque haec tanquam notissima, merito principia statuuntur dicanturque. Ex his autem alia quidem propria uniuscuiusque scientiae sunt, alia uero communia. Propria

pria quidem, ut in geometria, lineam esse longitudinem sine Latitudine. Et in Dialectica, De quolibet uera est affirmatio uel negatio, de nullo uero simul. Communia autem, ut si ab æqualibus æqualia demas, remanentia sunt æqualia. Item, quæcunque uni et eidem sunt æqualia, ipsa inter se sunt æqualia. Communia idcirco dicta, quòd pluribus & his etiam diuersis scientijs applicari possint. Talia quoque sunt & Dialectica quædam principia, ut si quid prædicatur de definitione, idem & de definito prædicatur, & cætera eiusmodi. Porro ex principijs, quæ propria alicuius scientiæ sunt, hæc quidē dignitates siue proloquia dicuntur, hæc uero positiones. Dignitates quidē dictæ ob id, quòd iure illis fides habenda sit. Nā talia principia sunt, quæ statim quisque audita probat, & quæ quolibet discentē natura habere necesse est, quòd profecto nihil aliud est, quàm illis (eorum tantū cognitis terminis) intellectum nostrum naturali lumine protinus assentire. Cuiusmodi illud est, Totum unum quodlibet maius est qualibet sua parte. Dicuntur rursus & maxime, siue maximæ propositiones, & communes animi conceptiones, quòd multorum scilicet intellectu facile percipiatur. Positiones uerò sunt principia, quæ cum demonstrari non possint, necesse tamen non est, quemlibet docendum ea habere. Ex ipsis rursus quædam suppositiones dicuntur, quædam definitiones. Suppositiones quidem, quæ aut esse, aut non esse significant, ut punctum esse Geometra supponit. Definitiones uerò, quæ absque eo quod est esse, uel nō esse, quid sit res indicant. Porro suppositionū aliæ quidem dicuntur petitiones siue postulata, aliæ uerò suppositiones assumptæ.

DE DEMONSTRATIONE

*Sumptæ. Petitiones siue postulata, sunt, quæ hypothesibus ponendis maximè accommodantur aptanturq; ut quoties data propositione quapiam, eius deinde petitur a discente contraria, siue contradictoria concedi; idq; interim disciplinæ, ne quid scilicet in disciplinis absurdum ponatur, aut earum principijs repugnans. Assumptæ demum propositiones dicuntur, quum præmissæ demonstrationum assumuntur. Ut ad demonstrandum, quòd demonstratio omnis ex ueris procedat, assumitur a docente, quòd falsum non scitur, & quòd uerū non scitur, nisi ex ueris. At de principijs quidem hætenus, quibus colligendis haud parum mihi profuit commentarijs suis Iudochus Clichthoveus in Iacobum Fabrum Stapul. vir apprime doctus, & inter scholasticos quoque theologos, partes si non primas, secundas tamē haud dubiè obtinens. Ceterum ab his demonstrabiles propositiones: *Συμπίπτει* a Græcis appellantur, quæ Latinis speculationes dici possunt.*

PRINCIPIA. Locus hic paulò ante explicatus fuit. Illud obseruandū, principia cuiusque scientiæ non posse probari per alia principia notiora illius scientiæ, sed Dialectica, ratione aut metaphysica. Quæ methodo utitur Aristot. lib. 1. de physico auditu, cum antiquorum philosophorum, opiniones refellit, & 4. libro primæ philosophiæ. Ex his.) Prima diuisio principiorum quædam sunt Propria, quædam cōmunia. Propria alicui certæ scientiæ addicta sunt, ut hoc in Dialectica, contradicentia non possunt simul esse uera. Hoc in morali philosophia, cupiditates indomitæ abstinētia vincuntur. Communia dicuntur quæ per se nulli scientiæ addicta sunt, sed tamen contrahuntur ad certum genus scientiæ addicta sunt, sed tamen contrahuntur ad certum genus scientiæ; ut si ab æqualibus æqualia, demas, remanentia sunt æqualia, sic contrahitur

si ab æqualibus numeris, &c. *Porro.*) Secunda diuifio, principiorum propriorum quædam sunt dignitates, quædam positiones, hæc satis dilucide a Cæsario explicantur. *Ex ipsi.*) Tertia diuifio positionum quædam est suppositio, quædam est finitio. *Porro.*) Quarta diuifio, suppositionum aliæ sunt petitiones, aliæ suppositiones assumptæ. Ex his diuifionibus hæc exoritur difficultas, Si finitio est positio quædam, ergo est propositio, sed non est propositio, ergo neque positio. Huc scrupulum Themistius submonuisse uidetur. Finitio si cum finitio & uerbo sumatur, facile in propositionem coinnecat.

Quodd per quatuor causarum genera demonstratio potissimum fiat.

*Q*UONIAM autem omnis demonstratio ex principijs fit, principia autem & causæ idem, illud quoque iam dicere oportet, quod causæ numero quatuor sunt. Vna quidem quod quid est esse, hoc est, substantiæ ratio, formaq; & definitio. Secunda uerò, quæ cum est forma, ut ipsa sit, necesse est. Hæc autem materia est. Nam non potest sine subiecta materia forma subsistere. Tertia autem, unde initium fit motus, quæ est efficiens causa. Quarta uerò, cuius gratia quippiã fit, idq; finis est rei cuiusque. Sanè omnes hæ causæ in demonstrationibus spectantur, & mediij in his terminis sunt. Ac ratio quidem ipsa substantiæ, quemadmodum in demonstratione ueniat, sumaturq; , prius dictum est, uidelicet cum dicebatur definitiones demonstrationis esse principium, uel ab ipsa demonstratione solo situ differentem. Materia uerò hoc modo redditur, cum queritur, quamobrem animalium corpora consumantur corrumpanturque, quia ex contrarijs constant. Omne siquidem, quod ex contrarijs conflatum est, corrumpi natum est. *Redditur &*
primum

DE DEMONSTRATIONE

*primum mouens, si queratur, quare mundus est miranda pulchritudine, quia Deus opifex & ipse pulcherri-
mus sit. Redditur item finis, si quis sciscitetur, propter
quid Deus fabricatus est mundum: quia bonus est. Et
quamobrem quispiam uxorem sibi ducendam statuit:
nempe ut liberos habeat.*

*QVONIAM autem.) Principium & causa idem sunt, si
generaliter sumantur, nō autem si propriam significationem
spectemus. Nam punctum est principium lineæ, non tamen
eius est causa. Videndi sunt Aristotelis interpretes statim in
uestibulo 1. lib. de physico auditu. Vna quidem.) Hæ finitio-
nes causarum sunt apud Aristo. 11. cap. lib. posteriorum. Ma-
teria uerò.) Ex causa materiali non fit exacta, ut uidetur de-
monstratio. Nam omnis demonstratio componitur ex no-
tionibus, materia uerò per se ignota est.*

Quo pacto scientia ab opinione differat.

*SEQUITVR hinc iam ut dicamus, quo nam, pa-
cto ab opinione differat scientia. Differt autem hæc ab
illa modis duobus, rebus inquam subiectis, & genere
probandi. Rebus quidem subiectis, quòd scientia quidē
eorum est, quæ necessaria sunt, & aliter sese habere non
possunt. Opinio autem & eorum, quæ falsa plerūque
sunt, & aliter se habere possunt, licet uera sint. Genere
uerò probandi, quòd scientia quidem ex necessarijs pro-
ficiscitur propositionibus, opinio uerò ex possibilibus
contingentibus ue, quæ nimirum neque ad scientiam,
neque ad intellectum pertinent, qui principiorum ha-
bitus ab Aristotele definitur. Quare si habitus omnis,
quo uera cognoscuntur aut scientia est, aut intellectus,
aut opinio, relinquitur opinionem earū rerum esse, quæ
etiam si ueræ aliquando sunt, secus tamen esse possunt.*
Sequi-

Sequitur hinc.) Scientia est habitus conclusionis necessario ex principiis collecta, opinio autem assensus alicuius propositionis, sed absque certitudine & omnimoda firmitate. Sic Aristot. xxvj. cap. j. lib. posteriorum, ut scientia est necessariorum, ita opinio contingentium, *Quare si habitus.*) Sic Aristot. vj. cap. vj. lib. Ethicorum, & ultimo cap. ij. libro posteriorum. Scientia, prudentia, sapientia sunt habitus ipsius intellectus, quibus semper uera dicimus. Et quemadmodum intellectus est habitus principiorum, ita sapientia est habitus conclusionis, & principiorum.

Quod duplex sit ignorantia, & quid sit solertia.

IGNORANTIA porro, quæ scientiæ in totum opponitur, duplex ab Aristotele esse traditur. Vna quidē cum alicuius rei penitus rudes ignariq; sumus, puero-rū instar, quæ ob id ignorantia secundum negationē dicitur, altera uero, quæ affectionis ignorantia uocatur, quoties quis rudis quidem omnino non est, sed falsam illius rei, quam tenere se putat, scientiam opinionemue habet. Dicta est autem hæc ignorantia affectionis, quod cui contingit, illius animus persuasionē quadam affectus sit. Putat enim se scire aliquid, quod tamen nescire melius est: idq; aut per simplicem apprehensionem, aut per syllogismum. Vnde & ab eodem Aristotele dicta est, partim per syllogismum facta deceptio; partim in sensu error, & hallucinatio. Talet profectò sunt barbari omnes, & sophistæ, qui cum omnia intelligere uideri uelint, nihil intelligunt, nisi suo more omnia, hoc est, corrupte. Præterea ab Aristotele definitur solertia, subtilitas quadam in non prospecto tempore mediū inueniēdi. Vel sic, Solertia est sagax, repentinaq; coniectatio inuentioq; mediū: ut si quis uidens lunam, eam quidem

DE DEMONSTRATIONE

partem, quæ solem uersus semper deuergit, lucidam habere intellexerit ob id, quia luna splendorem a sole mutuatur. Aut si quempiam quis cum numulario argenteæ colloquentem uidens, intelligat statim uersuram eum facere, & causam omnino sœneratitiam esse: hæc tum coniectatio solertia est.

Ignorantia porrò.) Locus hic est apud Aristotelem xij. ca. j. lib. posteriorum. Ordinis ratio hæc est, postquam Aristot. differuit de syllogismo demonstratiuo, per quem scientiam acquirimus, prosequitur deinde disputationem de syllogismo, ex quo oritur ignorantia, ut eo cognito ne nos labi, errare, & decipi contingat. Est enim rectum est iudex sui, & obliqui, perutile tamen est, & bonum, & malum mouisse, ut illud sequamur, hoc uitemus. Quam sententiam Xenophon mirifice lib. j. *κῦρον παίδεiac* sub persona Socratis docet. Arist. duplicem statuit ignorantiam, alteram negationis, cum rei alicuius penitus rudes, & ignari sumus, alteram affectionis, qua hi imbuti sunt, (ut ait Cicero) qui ignota pro notis habent. Hæc est illa ignorantia, qua omnes barbari infecti erant, Gorgias Leontinus, Protagoras, Menedemus, Epicurus, & cætera Sophistarum turba. Omnes nunc docti certatim contendunt, ut hanc fundant profligentque nec profecto iniuria: est enim tanquam *λειψὴ τῶν κακῶν*, & multorum perniciosorum errorum fons, & origo. De qua Quintilianus hunc in modum scribit, nihil est peius iis, qui paulo aliquid ultro primas literas progressi falsam scientiæ persuasionem induerunt. *Idque aut.*) Duplex est ignorantia affectionis, quædam per simplicem fit propositionem, ut si quis putaret hanc esse ueram, nulla uirtus est laudanda: quædam per syllogismum, ut si quis putaret hunc esse uerum syllogismum, nulla uirtus est laudanda, iustitia est uirtus, ergo iustitia non est laudanda. *Præterea.*) Locus hic est ultimo cap. j. lib. posteriorum: definit solertiam, quæ est habitus intellectuius pertinens ad medium demonstrationis. Est enim ingenui promptitudo, & facilitas ad medium excogitandum in
suecincto

succincto tempore. *Versuram eum facere.*) Hoc est æs alienum
 ære alieno dissolvere, & ita se ex uno debito explicare, ut gra
 uiori impliceris.

De quatuor quæstionibus scibilibus.

POSTREMO autem de quæstionibus scibilibus
 hac in parte nonnihil dicendū est. Sunt autē numero qua
 tuor quæ sunt, quòd est, propter quid est, si est, & quid
 est. Quæstiones quidem scibiles dictæ, quòd per has quæ
 rimus de qualibet re in unaqua; scientia. Quærimus
 ergo aut de simplici, aut de composito. Simplex quidem
 hoc loco intelligitur, quod seorsum ex uno aliquo decem
 generum sumitur, ut est, uel Deus, uel Homo, uel Cæt au
 rus, uel Charibdis. Compositum autem, ut utrum luna
 deficiat, aut utrum iustum natura, an lege potius, & in
 stitutione hominum constet. Quoties igitur de simplici
 quærimus, prima & obuia protinus quæstio est, an sit,
 secunda, quid sit. Primum nanq; quærimus, an sit Deus
 deinde quid sit Deus. Si autem de composito quærimus,
 prima quæstio est, an subiecto prædicatum insit; secun
 da, quamobrem insit, hoc est, propter quid. Nam simu
 lac didicimus lunam deficere, continenter quamobrem
 deficiat, quærimus. Hactenus de demonstratione dicta
 sufficiant.

Postremo.] Inter quatuor has quæstiones duæ sunt simplici
 ces, si est & quid est. Nam si est, quærit de subiecto an sit,
 quid est, de prædicato, quidnam sit, ut an sit aliqua antipo
 dum regio, & quid sit. Duæ uero compositæ, quia est & pro
 pter quid est, illa quærit an hoc huic insit, hæc cur prædicatū
 subiecto conueniat.



IN TRACTATVM OCTAVVM.

P R A E F A T I O.



SEQUITVR hinc tractatus de Definitione
pariter & de Diuisione. Quæ quidem, quòd
partes quoque huius artis sint, ex tripartita
superius facta dialecticæ diuisione facile in-
telligi potuit, Nunc illud addendum insuper
est, quòd sicut absque demonstratione nul-
la scientia rite comparari potest, ita absque duabus his parti-
bus non scientia solum, sed nec ars ulla. Quo fit, ut & merito
ipsæ quoque philosophiæ instrumenta censerì debeant. Di-
stant autem, uel hoc ipso hæc tria inter se, quòd diuisiò qui-
dem ipsa aditum ad artes omnes, & disciplinas præparat, ceu
diligens quædam exploratrix quantum uidelicet ars se una-
quæque extendat. Definitio uero præparata iam, atque explo-
rata, ueluti lumine adhibito, illustrat. Demonstratio deinde,
hæc omnia perficit, & consummat: Ratio autem cur, cum or-
do in his tribus ita se habeat, prius tamen de demonstratio-
ne, quàm de cæteris duabus tractare instituerim: quia nimi-
rum ipsa demonstratio est, cui reliquæ duæ, nempe Definitio
& Diuisiò, inferuire interdum probantur, & ac-
commodari solent. quemadmodum
etiam definitioni ipsa
diuisiò.
Hinc & de definitione quoque prius
dicendum, quàm de di-
uisione.

Sequitur

Sequitur hinc.] Huius rationem reddit Trapezuntius, cur simul definitione, & diuisione dicendum sit. finitio, & diuisio ita se habent, ut altera alterius ope egere uideatur. Nec enim nisi qui recta distributione usus est, finire se unquam intelliget, nec unquam recte distribuere, nisi quid sit quod distribuendum est, circumscripseris. Itaque absque duabus.] Plato partitur uniuersam Dialecticam in finitionem, diuisionem, & resolutionem, siue argumentationem. Et si autem est cuiuslibet artis, finire, diuidere, & unum ex alio colligere, tamen solius est dialecticæ præcepta tradere, quibus id fiat. Ratio autem:] Duplex ratio, cur demonstrationem præpo fuerit finitioni, & diuisioni. Tum quia demonstratio est dignior, tum quia demonstratio est uelut torum, finitio, & diuisio partes eius.

De definitione quid sit, & quo pacto a nomine differat, tum item & a descriptione, & quid sit descriptio.

IGITUR quid sit definitio, ipsa definitione nunc explicemus oportet. Hæc a Platone quidem definitur hoc modo. Definitio est oratio quæ quid sit, de quo agitur ostendit quàm breuissime. In qua definitione oratio posita est, ut a nomine distinguatur: quod nomē quoque rei naturam quomodocunque significet, at ex unica constat uoce: definitio autem ex duabus saltem uocibus. Adiectum deinde est, quæ quid sit de quo agitur, ostendit, quoniam inuenias orationes quidem, quas tamē de finitiones nemo dixerit; quando quidem rei naturā non exponunt. Cuiusmodi orationes sunt, quæ apophthegmata, seu dicteria dicuntur, ut, Nosce teipsum, Nequid nimis, & id genus aliæ. Postremo adiectum est, quàm breuissime, quo ab alijs distinguitur orationibus multo longioribus, ut potæ quæ certis cōstituuntur par-

DE DEFIN. ET DIVIS.

tibus quales sunt Ciceronis, & ceteræ huiusmodi, ab Aristotele uero in Topicis ipsa ad hunc modum definitur. Definitio est oratio, quod quid est esse significans, hoc est oratio explicans, quæ sit rei natura essentialis. Quo in loco aduertendū est Aristotelem Græce loquentem, in definitione sua usum uerbo *τί*, quod Græcis est temporis paratatici, Latinis præteriti imperfecti. Atque hoc ipsum ita consueſſe Aristotelem Georgius Valla Placentinus fideliter asserit, ut erat pro est poneret. Quasi uerò id illi non cum alijs Græcis hominibus commune fuisset, ut certe fuit. Vnde ad confirmandū quod dico, ex Galeno Græce autore similem omnino orationem huc adferre nō grauabor. Galeni oratio illa huiusmodi est, atque ita legitur in quarto Therapeutica lib. *τὸ τί τίς τίς ἢ τίς*. Quam utique orationem Thomas Linacer uir & Græce, & Latine doctissimus ita uertit, atq; interpretatus est, Vnum quoddam genus est morbi. Quare ex loquēdi libertate & cōsuetudine (ut dixi) id potius euenire existimandum est, quia Græci uerbum paratatici temporis plerunque pro præſenti usurpant. Itaque nos *τί*, Est uertimus: etsi Aristoteles interpret, quisquis ille fuerit, Erat interpretatus est, uerbo ad uerbum, ob id fortassis, quòd illud, quod diximus, uel non animaduertit, uel prorsus ignorauit. Vnde & eam ipsam definitionem hic subiiciēdam duximus his uerbis, quibus ab Aristotele posita est, nēpe Græcis, *ὅτι τίς ἢ τίς ἢ τίς* *μὲν λόγος, ὃ τὸ τί τίς ἢ τίς σημαίνει*. Sed ne illud quidem omittendum puto, definitionem ipsam termini nomine, quod Græce *ὅτι* dicitur plerunque appellari a trāslatione terminorum terræ. Nam sicut per illos fundi in

agro a se inuicem discescuntur: ita per definitiones res a se inuicem discernuntur. Rursus autem, & a nomine Definitio differt: quoniam quod nomen obscure & indiscretè significat, id Definitio euidenter, & discretè exponit. Differt item, & a descriptione, quòd Descriptio quidem ueluti opacæ alicuius picturæ imaginē gerit. Definitio autem perfectæ picturæ faciem refert. Hinc & descriptio a Boetio definitur, ex proprietatibus informatio quadam rei, & tanquam coloribus quibusdā depictio. Ex proprietatibus, inquit, hoc est, ex proprijs cuiusq; rei accidentibus. Atq; hæc proinde poetis, atq; oratoribus magis usu uenire solet: nec in id adhibetur, ut quid sit res indicet, sed qualis sit, quasi inspiciendam ante oculos ponat.

Igitur quid sit.) Non est igitur in commodum aliquam esse finitionem finitionis. Definitio est.) Locus est apud Aristotelem iij. cap. j. lib. Topicorum. Cæsarius dilucide singulas finitionis particulas enarrat. Nam est oratio propter simplices uoces quæ finitiones non sunt, ut decens respectu honesti. Præterea ostēdens quid sit quàm breuissime. Nam illæ orationes, quæ nō explicāt rei essentiā, & numerosæ sunt nō sunt finitiones. Nam sicut hunc terminum Romulus instituit, deinde Numa Pompilius eum constituit præsidem & custodem omnis amicitiae. Differt item.) Descriptio Poetis crebro, nonnunquam Oratoribus in usu est, uerbosius rem explicat, nec in id adhibetur, ut quid res sit, indicet, sed quale sit, ueluti ante oculos ponat. Videndus est Rodolphus agricola v. cap. j. lib.

Quòd duplex sit definitio.

E R G O duplicem esse definitionem, tam ex his quæ dicta sunt, autore Seuerino Boetio, quàm ex Aurelio Augustino, uel potius alio quopiam, qui etiam

Augustino ipso uetustior fuit (ut Laurentius Valla sentire uidetur) colligere licet. Alia nanque dialectica est, alia rhetorica, & dialectica quidem est, quæ communi tantum designatur nomine, & definitio appellatur: rhetorica uero, quæ alio nomine, descriptio dicitur, qualis ea est, quæ paulo superius a nobis ex Boetio definita est. Inter utranq; porro hoc interesse ex eodem Boetio animaduertimus, quòd hæc quæ oratoribus apta est, non etiam philosophis perinde conuenit, quæ tamen philosophorum propria est, ea conuenire potest, & oratoribus. Omnia nanq; (inquit ille) quæ philosophorum sunt, orator in dicendo recte usurpare, atq; his uti potest. At contra philosophus in disputationibus suis, quæ oratorum propria sunt, cuncta fere contemnit. Neq; enim adiungit aliquando signum, neq; quod credibile est, aut probabile solum, sed quod necessarium omnino fuerit. Sed de harum utriusq; siue differentijs, siue speciebus, tam proprijs, quàm communibus, deinceps ex ordine dicere haud alienum fuerit.

Ergo duplicem.] Duas formas finitionis hoc loco constituit, Dialecticam & Rhetoricam. Alia nanque.] Dialectica finitio est exacta finitio genere & differentia constans, ut Aristot. iii. cap. vi. Topicorū docet. Rhetorica uero.] Finitio. Rhetorica per accidentia rem declarat, ut hæc respectu hominis, animal sagax, prouidum multiplex, memor acutum plenum orationis, & consilii.

De triplici, & Dialecticæ definitionis forma,
ex Cicerone, tum quemadmodum
alia ab alia distet.

Eius igitur definitionis, quæ Dialectica dicta
est,

est, tres a M. Cicerone differentiae ponuntur, siue formae principales. Ex his una quidem est, quae substantialis dicitur: altera uero. quam idem a partium enumeratione appellat: tertia quae a nota dicitur. Porro eam, quae substantialis dicitur, & philosophorum maxime propria est, Aristoteles plenam, atque perfectam consistere ait ex genere, et differentiis, ut cum homo definitur, animal rationale mortale. A partium uero enumeratione definitio est, cum enumeratis omnibus totius alicuius partibus, id quod totum est, cognoscitur quid sit. Qua quidem definitione poena quae legibus sancita est, definitur hoc modo: Poena est, quae uno ex octo modis fit: nepe aut dāno, aut uinculis, aut uerberibus, aut talione, aut ignominia, aut exilio, aut seruitute, aut morte. Eadem quoque definitione, & mundus a Cleomede in libro de mundo ita definitur, Mundus est, inquit, ex caelo terraque; necnon ex naturis, quae intra haec concluduntur, constitutio. Vnde & admonendus hic est diligens lector, non esse necesse, ubi quodammodo partium infinitas quaedam est, uniuersa in ipsa partium enumeratione concludere, ut in definitione mundi iam facta. Tali item usus est Cicero cum eum definit, qui non liber est, Is (inquit) est, qui neque sensu, neque uindicta, neque testamento talis est. Etenim haec partes sunt dandae libertatis. Nec moueat quempiam, quod per hanc definitionem quid sit non liber, constitutum est, non quid sit: quando peraeque definitione opus est, cum ostendere uolumus, quid non sit quippiam, quam quid sit. Porro a nota, ut Cicero, siue ab etymologia, ut Aristoteles, definitio dicitur, cum uis uerbi, quae in compositione sit

DE DEFIN. ET DIVIS.

ta est, rem suam facta quadam discretione designant, ut in primo Offic. lib. Cicero, quid sit fides, hoc modo definit. Fides est inquit, quia fiat quod dictum est. Tribus igitur positis, ueluti principalium definitionum formulis, sola prima, quæ substantialis est, & a toto dicitur, uere definitio nuncupatur, aliæ duæ nominis tantum honore.

Eius igitur) Tres formas finitionis Dialecticæ subiicit, substantialem a partium enumeratione, & a nota. Ex genere et differentijs) Genus enim, & differentia sunt simpliciter notiora, & priora qualia esse debent, ex quibus finitio constat. Quæ quidem) Hæc octo genera pœnarum Ulpianus commemorat, in l. si quis forte paragr. si. de pœnis. Porro a nota) Hanc tertiam speciẽ finitionis uulgo a nominis interpretatione uocāt. Vidēdus est Rodolphus Agricola. lib. j. ca. xij. Tali isem.) Hos tres modos Boetius in commentariis ad Topica Ciceronis explicat. Censu liberi fiebant, quorum nomina consensu domini, in sensum referebantur, & seruitutis uinculo liberabantur. Vindicta uirga erat, quam Prætor manumittendi serui capiti imponens, eundem in libertatem uindicabat, asserens, aio te liberum. Is testamento liber fiebat, cui a testatore libertas relicta erat.

Quæ & quot sint in summa definitionum, siue Differentiæ, siue species, tam philosophis quàm oratoribus, necnon & Poetis communes.

IN summa autem ipsius definitiones, siue differentia, siue species numero quindecim ex Boetio colliguntur, quarum tamen bonam partem ex Aurelio Augustino in eo, quem de Dialectica scripsit libello, si tamen autorem titulus non mentitur, Boetius collegisse uideri

potest, quas & hic nunc per ordinem recensere collibitum est. Ex his igitur prima quidem a Græcis *ὁρίσασθαι* dicta est, a Latinis uero substantialis, siue essentialis appellari potest, ut quæ substantiam essentiamue rei cuiuslibet proprie demonstrat, quæ & Philosophi proinde maxime utuntur. Cuiusmodi est hæc hominis definitio, animal rationale mortale risus, & disciplinæ capax. Hæc enim per species, & differentias descēdens, ad propriam tandem uenit. Secunda uerò quæ a notione Latine, Græce, *ὑπονοεῖται* dicitur. Hæc rem non per substantiam, sed per actum potius explicat: ut homo est quod rationali conceptione, & exercitio cunctis præest animantibus. Hic quidem non quid homo sit, dictum est, sed quid agat, atque ita quodam quasi signo in notitiam deuocatur. Tertia, quæ a qualitate nomen accepit Græce *ποιότης* dicta, quæ quale quippiam sit ostendit potius quàm quid sit, ut homo est qui ingenio ualeat, artibus pollet, bonumque ac malum discernit. Hinc enim non quid homo sit, sed qualis sit designatus est. Quarta tamen est, quæ a Græcis *ὑπογραφικὴ*, à Latinis descriptiua, a Cicerone uero descriptio appellatur: ut luxuriosus est, qui uictus non necessarij, sed sumptuosi appetens est, delicijs affluens, & ad libidinem procliuus. Quinta uero est, quæ Græce *κατὰ λέξιν*, Latine ad uerbum dicitur. Hæc uocem illam, de qua quæritur, alio sermone designat, & quodammodo quid sit declarat, ut conuictescere est tacere. Qua etiam definitione locus tum ab Aristotele, tum a Ciccone sedes argumenti desinitur, Sexta, quæ Græcis *κατὰ διαφοράν*, Latinis per differentiam dicitur: ut cum quæritur, quid inter regem, &

DE DEFIN. ET DIVIS.

tyrannum intersit, uterque adiecta differentia, quid sit
definitur hoc pacto, Rex est, qui pietate & modestia er-
ga suos utitur: Tyrannis autem, qui in suos sævit, &
crudelitatem exercet: Hinc & illud apud Terentium
in Adelphis, Hoc pater ac dominus interest: Septi-
ma est, quæ κατὰ μεταφράσιν id est, per translationem di-
citur, ut adolescentia est flos ætatis, senectus ætatis
occasus. Item caput arx corporis: Octava uero est,
quæ κατὰ ἀφαιρίσιν τοῦ ἐναντίου, id est, per priuantiam eius
contrarij quod definitur, dicitur, ut bonum est, quod
malum non est: Quo quidem genere definitionis uti
licet, cum notum est alterum contrarium: Hac &
Horatius epistola prima ad Mæcenatē usus est, cum
ait. Virtus est uitium fugere, & sapientia prima Stul-
titia caruisse: Nonā est quæ κατὰ ὑποτύπωσιν, id est, per
quadam informationem dicitur, ut Aeneas est filius
Veneris & Anchisæ. Porro hæc in indiuiduis, quæ
Græce ἀτομα dicuntur, uersatur semper: Desideratur
præterea, & in nominibus, quæ ὁμωνύμα sunt, hoc est,
æquiuoca, ut est Ajax Oileus, & Telamonius. Ergo
quoties unum aliquē definire uolumus, a genere, a cor-
pore, a factis, a dictis, ab animo, hoc genere definitionis
utimur. Decima deinde species est, quæ dicitur ὡς τύπος
hoc est, ut secundum figuram dicam, uel exempli causa.
Cuiusmodi definitio est, ut si queratur, quid est animal,
& respondeatur, ut homo. Qua & Aristoteles usus
est, cum dixit, οὐσία ἑστὶ, ὡς ἀθεωπος, id est substantia, ut ho-
mo. Undecima, quæ κατὰ ἑὴν πλῆρως ἐκ τοῦ ὁμογενούς id
est, per indulgentiam pleni ex eodem genere dicitur, ut
si queratur, quid sit quadrans, & respondeatur, cui
dodrans

dodrans deest, ut as sit. Duodecimum, quæ κατὰ ἐπαινον dicitur, id est, per laudem, ut apud Ciceronem pro Cluentio, Lex est mens, & animus, & consilium, & disciplina ciuitatis. Qualis etiam ea est, quæ ab Aristotele philosophia definitur, ars artium, & scientia scientiarum. Tertiadecima est, quæ κατὰ ἀναλογίαν, id est, iuxta proportionem dicitur, ut cum maioris rei nomine minor designatur: ut editum est lex annua, & homo minor mundus. Quartadecima uero, quæ κατὰ τὸ πρὸς τι, id est, ad aliquid dicitur, ut pater est, cui filius est: Quintadecima demum, quæ αἰτιώδης, id est, causalis dicitur, ut quæ causam rei de qua queritur, reddat, ut dies est latio solis super terram. Similis huic & illa est apud Ouidium, Res est solliciti plena timoris amor. Efficit enim amor, & causa plerunque est, ut quis nimis sollicite, anxiamque alteri timeat.

In summam.] Istas quindecim species finitionis Trapezuntius ad quatuor genera reducit, ad finitionem substantialem, descriptionem, partitionem & per diuisionem. cætera enim genera finiendi, aut leuiora sunt, quàm ut finitiones appellari debeant: aut ad hæc quatuor facile reducuntur. Cuiusmodi hæc est.] Hanc hominis finitionem Aristot. refellit in. cap. vi. lib. Topicorum. Est enim Topicum elen. entum, finitionem esse euertendam, si in ea proprium ponatur. Cuius ratio est, quia proprio sublato, oratio quæ restat plena est finitio, quocirca fatendum est, finitionem hominis hic adductam, non esse plene philosophicam. Quartus autem.] De hac specie disserit Arist. toto li. 5. Topicorum. Tyrannus autem.] Tyrannus olim honoris uocabulum erat, nam Tyrannum dominum ac fortem uocabant. Vnde est illud.

DE DEFIN. ET DIVIS.

Pars mihi pacis erit dextram tetigisse tyranni.

Sed postquam ui, & libidine dominari cœperunt, in inuidiâ nomen abiit, quid inter regem, & Tyrannum intersit, pulchre Xenophon libro quarto ἀπεμνημονευμάτων, docet βασιλεία δὲ καὶ τυραννίδα, ἀρχαὲ μὲν ἀμφοτέρων ἡγνῆτο ἢ ται, διαφέρει δὲ ἁλλήλων ἐνόμηντο, τῇ μὲν γὰρ ἐκόντων τῶν ἀνθρώπων, καὶ κατὰ νόμους τῶν πόλεων ἀρχὴν, βασιλεία ἡγνῆτο. τῇ δὲ ἀκόντων τε, καὶ κατὰ νόμους, ἀλλ' ὅπως ὁ ἀρχὸν βούλοιο, τυραννίδα. Hoc est, regnum autem, & tyrannidem, principatum utrunque esse arbitrabatur, sed inter eos multum putabat interesse. illum enim qui uolentibus, & non repugnantibus hominibus, ac secundum leges ciuitatum imperat principatum, regnum putabat, qui uero inuitis, & non secundum leges, a l principium uoluntatem ageretur tyrannidem. Quibus uerbis Xenophon indicat, regem esse, qui uolentibus hominibus, & secundum leges ciuitatis imperat, tyrannum autem qui inuitis, & contra leges. *Septima est.*] Hæc forma finitionis est finitio κατὰ χρεῖαν, hoc est, abusive, omnis enim finitio debet constare ex notioribus, & prioribus, ut Aristoteles tertio capite sexti libri Topicorum docet. at omnis metaphora est obscura, eodem teste, secundo capite sexti libri Topicorum. *Item caput.*] Vt enim ἀκρόπολις, hoc est, arx propugnaculum est fortissimum ciuitatis: sic caput nobilissima pars hominis. *Lex est mens.*] Nam ut Aristo. i. rhetoricorum, ἐν τοῖς νόμοις, ἐστὶ σωτηρία τῆς πόλεως. In legibus salus ciuitatis posita est. & quemadmodum corpus hominis maxime mente, & animo continetur: ita ciuitas legibus.

Ex quo constet, & a quibus sumatur
ea definitio, quæ substan-
tialis dicitur.

SANE definitio illa, quæ philosophis magis peculiaris est, cum ex genere, & differentijs constituatur præcipue, interim tamen sumitur, aut a materia, aut
a spe.

a specie, siue forma, aut a subiecto, aut a fine. A materia quidem, ut si statuam definias ex ære, uel alia qualibet materia, quæ huius uel illius rei reſerat ſimulachrum. A forma, siue ſpecie, ut ſi quis definiat iram, quòd eſt ulciſcendi cupiditas, quæ eadem a materia definitur eſſe, ebullitio ſanguinis circa cor. A ſubiecto, ut cum dicit quiſpiam, Astrologia eſt ars, quæ circa cœleſtia corpora uerſatur. A fine uero, ut quem conſequitur, ut medicina eſt ars in humano corpore ſanitatis eſſeſtrix.

Sanè definitio.) Finitio exacta & philoſophica, præcipue inquit, genere & differentia iſtat. Nam cum penuria uerarum differentiarum laboremus, interdum proprijs uel accidentibus utimur. *Interim tamen.*) Varius hic finiendi modus eſt apud Ariſtotelem, primo capite primi libri, de anima: nec tamen ea finitio quæ per formam tantum, ut ea quæ per materiam tantum aſignatur, plena eſt, ſed ea quæ ex materia & forma ſimul componitur. author Ariſtoteles loco citato. Ceterum ſubdifficilis hoc loco emergit quæſtio, ſi eiſdem rei uariuſ eſt finiendi modus, ergo eiſdem rei plures erunt finitiones. quod tamen fieri non poſſe Ariſtoteles tertio cap. vj. libri Topicorum hac ratione docet. finitio explicat rei eſſentiam, uniuſ autem rei una eſt eſſentia, ergo uniuſ rei una eſt finitio. noduſ hic ſatiſ implicatuſ ſic diſſolui poteſt, eiſdem rei plures poſſunt eſſe finitiones eſdem & recurrenteſ inter ſe, diuerſæ autem & non conſentienteſ minime;

De uirtute definitioneſ, tum & de
eiſ uitiſ.

ANTE omnia autem, & quæ ſit uirtuſ definitioniſ dicendum. Sanè hac eſt, ut definitio ſuo ex altera parte definito reſpondeat. Hanc Rodolphuſ Agricola legem

DE DEFIN. ET DIVIS.

legem definitionis uocat, eamq; huiusmodi esse dicit, ut neque plura complectatur, quàm ipsum definitum, neque pauciora, sed de quocunque unum dicitur, & alterum dicatur. Huic porro aliam idem adiungit, ut quid sit res, hoc est, substantiam rei explicet. Præter has deinde duas, tertiam quoque adijcit, ut sit aperta, hoc est, neque ambiguis nominibus, neque obscuris, aut ex longinquo translatis constet. Sunt & aliæ ad hanc rem ab eodẽ positiæ leges, quas hic breuitatis studio prætereo. Ex prædictis igitur, & quæ sint uitia definitionis, facile est intelligere. Sunt autem duo præcipua, primum, ne quid abundet: alterum, ne quid deficiat. Et dictionũ quidem abundantia, rei facit defectum: defectus uero dictionum, abundantiam rei. Atque ex utroque minus apta definitio est. Sed hæc nunc exemplis ostendamus. Per abundantiam igitur definitio sit, si hominem ita definias, Homo est substantia animata sensibilis, Est hæc quidem definitio, declaratio quædam hominis. Nam hæc omnia, homo est. Verum si conuertas, non respondebit. Per defectum uero, ut si quis definiat cupiditatem hoc modo, Cupiditas est aliena appetendi desiderium. Sed ne hæc quidem ex æquo respondent rei definitæ, propterea quod minus comprehensum ea est, quàm res nominis postulabat. Nam non sola cupiditas auaritia est, imò præter auaritiam, quæ habendi proprie cupiditas dicitur, est insuper tum dominandi, tum ulciscendi cupiditas. Potest & tertium his duobus uitium adijci, quoties scilicet falsum quippiam definitio dicit, hoc pacto, Sapientia est pecuniæ querendæ diligentia. Verum de definitione hæc tenus.

ANTE OMNIA.] Docet certas leges, & uirtutes bonæ finitionis. *Sanè hæc.*] Hæc igitur oratio, animal bipes implume, non est hominis finitio, quia cum eo non conuertitur. *Huic porro.*] Hæc igitur oratio, animal habens caput ad sydera erectum, non est hominis finitio, quia non explicat quid sit homo. *Præter hæc.*] Malè igitur quispiam hominem sic finiret, arbor euersa, quia constat metaphora quæ obscura est. *Et dictionum.*] Verba hæc Trapezuntii, sunt satis inuoluta, quorum hic est sensus, finitio in qua quidpiam desideratur, latius patet, quàm finitum, & sic defectus dictionum, quibus opus est in finitione, facit abundantiam rei, scilicet ipsius finitionis, quæ pluribus, quàm finitum conuenit. Id hoc exemplo declaro, si quis finiat equum, animal quadrupes, finitio propter defectum dictionum pluribus, quàm finitum conuenit. si autem aliquid abundauerit in finitione, contrarium eueniet, scilicet definitum de pluribus dici, quam ipsam finitionem, ut si quis sic finiat hominem, animal rationale medicum, homo dicitur de omnibus hominibus, non tamen animal rationale medicum. hæc est eorum perplexorum uerborum dilucida explicatio,

De diuisione.

RESTAT hinc tertium philosophiæ instrumentum, quod quidem est diuisio, quæ quæ habeat usum ad disciplinas cōparādas, hinc quoque nosse licebit, quòd sine hac quemadmodum definitio quidem fieri debeat, haud planè intelligi possit. Quippe per quā ea, quæ ad definitionem sumuntur, ex ordine prius colliguntur. id quod facillè liquebit, si exempli causa, nomē ipsum susceperis definiendum. Nam primò huius genus uox sumitur, deinde uocem ipsam diuido, in uocem significatiuā, & non significatiuam. Definitio igitur, Nomē quod est uox significatiua; quæ oratio quia nomini nondū aquatur, rursus diuido significatiuā uocem in eam, quæ se-

DE DEFIN. ET DIVIS.

cundum placitum significatiua est, hoc est, ex hominum impositione, & eam quæ naturaliter significat. Itaque prædictæ orationi addo, secundum placitum, fitq; definitio nominis hoc modo, Nomen est uox significatiua secundum placitum. Verum quia nec sic definitio definito ex æquo conuenit, idcirco id quod est significare secundum placitum, deinde diuido, ac dico, Vocum secundum placitum significantium, aliæ quidem cū tempore, aliæ uerò sine tempore significant. Sed quia ne sic quidem perfecta nominis definitio haberetur, rursus aliam aggredior diuisionem, nempe eius quod est significare sine tempore. Nam huius aliud quidem est, cuius partes extrâ significant: aliud uerò, cuius partes extrâ nō significant. Itaque nominis definitionem tandem hoc modo compleo ac dico. Nomen est uox significatiua secundum placitum, sine tempore, cuius nulla pars extrâ significatiua est. Sed nunc quid sit diuisio, & quotupliciter dicatur, dicendum hinc est.

RESTAT HINC.) Finitionem esse inuestigandam ex diuisione. Aristo. xiiij. cap. j. lib. Posteriorum docet. Quod sine hac.) diuidere enim nihil aliud est, quàm ex genere per differentias diuisio in species descendere, uide Rodolphum Agricolum septimo capite primi libri. Quippe.) Docet exemplo finitionem per diuisionem esse inquirendam.

De diuisione quid sit, & quot modis dicatur.

DIVISIO igitur (ut in uniuersum dicamus) est communioris in minus communia diductio. Semper enim quod diuiditur, communius ijs est, per quæ diuisio fit, & per hoc latius patet. Fit autem multis modis. Si quidem alia est diuisio generis in species, alia cū totū ueluti in partes secatur, quam proinde quidē partitio-

nem

rem dicere malunt: alia rursus, cum uox multorum significatiua, in proprias significationes distrahitur. Quæ tamen diuidendi modum Rodolphus Agricola non admodum probat, sed Enumerationem potius dicendâ existimat, quemadmodum & cum species in indiuidua ducitur, id quod etiam Ioâ. Damasceno ita placet. Similiter autem & quoties ab uno ad plura, & à pluribus item ad unum diductio sit, enumeratio dicenda uidetur. Ab uno quidem ad plura, ut à medicina, homo medicus, liber medicus, herba medica, manus medica (hinc illud Vergilius. Dum medicas adhibere manus ad uulnera pastor Abnegat,) & item uas medicinale, & medicina le emplastrum, siue cataplasma, & id genus infinita alia. Hæc enim omnia ab uno sunt, quoniam à medicina nomen inuenere. Ad unum autem, ut salubre medicamen, salubris esca, salubris aura. Hæc siquidem ad unum tendunt sanitatem. Cæterum præter prædictos diuidendi modos, est qui secundum accidens dicitur, cū aut subiectum in accidentia diuiditur, aut accidens in subiecta aut accidens in accidentia. Ex prædictis igitur patet, quod diuisionum aliæ quidem propriæ dici possunt, aliæ uero improprie, & abusivæ.

D I U I S I O igitur.] Hæc finitio diuisionis, tam ad logicos pertinet, qui uoces præcipuè, quàm ad physicos, qui res potius considerant. *Semper enim.]* Diuisum est communius membris diuidètibz, si ad singula referatur, sed si ad omnia simul, cum illis recurrit. *Fit autem.]* Trapezuntius ita partitur, omnis diuisio, aut est per se, aut per accidens, diuisio per se, aut generis in species, aut totius in partes, aut uocis in suas significationes, per accidens, aut est subiecti in accidentia, aut accidentis in subiecta, aut accidentis in accidentia.

DE DEFIN. ET DIVIS. 1

De diuisione generis in species.

GENERIS in species diuifio fit, cum ipsum in species per differentias diducitur, aliquoties autem & in ipsas species citra differentias: ut magnitudinū hęc est linea, hęc superficies. illa uerò corpus: aliquoties autem nominibus carent eę, quę sub eodem genere cōtinentur species. Quod ubi contingit, accipimus unius alicuius speciei differentiam: deinde quia aliarū specierum unā aliquam differentiam communem non inuenimus, circumloquitur eam alterius differentię negatione, quemadmodum in animalis diuisione fieri uidemus. cum ipsum ita diuiditur, animalium aliud rationale, aliud irrationale. Hic irrationale, non nisi eius, quod est rationale, negationem explicat. Quamobrem hęc uera differentia esse non potest, quippe cum omnis species ex differentia constituatur. Nihil autem ex negatione constituitur. Ergo quoties negatione facimus diuisionem, prius affirmatio, post negatio subiicienda est: nec id ab re quidem: quippe quòd affirmatio natura ipsa prior sit negatione. Aliquoties item & differentia loco specierum in diuisione ponuntur, ut cūm dicimus. Quantitatis aliud continuum, aliud discretum: quę cūm differentiarum nomina sint. uice tamen specierum posita sunt.

GENERIS in species.] Diuifio generis in spēs fit duobus modis, primò cum ipsum diuifum est genus, & membra diuidentia eius species, ut animalium aliud homo, aliud brutum. secundo, cum diuifum est genus, & membra diuidentia eius differentię, quę singulas, inferunt species, ut substantiarum alia est corporea alia est incorporea. Hic irrationale.] Irrationale, insensibile, inanimatum, uoce tantum priuatiua sunt: significant enim naturam quandam diuerfam illi, cui

qui ex aduerso opponuntur, ut incorporeum significat spiritum, irrationale brutum. hic locus est apud Rodolphum Agricolum libro primo capite septimo.

Utrum in species, an indifferentias rectius genera diuidantur.

Vnde & illud iam haud indignum inquisitu suboritur. *Utrum in differentias, an in species rectius genera diuidantur.* Sanè huic inquisitioni ita ex Boetio obuiam itur: Quoniam definitio diuisionis, generis est in species proximas distributio, idcirco oportet secundum naturam diuisionis, in proprias species generis disgregatione fieri. Verum hoc inierdam fieri nequit propter eam, quæ supra reddita causa est. Multis siquidem speciebus nomina desunt, Atq; ideo, quoniam quædam sunt genera prima, quædam ultima, quædam media. Primum quidem est, ut uerbi causa, substantia: ultimum, ut animal: medium, ut corpus. Corpus nanq; ut animalis genus est ita substantia corporis. Vnde quemadmodum neq; super substantiam quicquam inueniri potest, quod generis loco collocari ualeat, sic nec sub animali. Homo enim species est, non genus. Quare antiquior uidebitur per species diuisio, si indigentia nominum non sit. Ergo si his non abundamus, genera prima, usq; ad ultima conuenit in differentias separare. Hoc autem fit, si primum genus in suas differentias disgregemus, non in sequentis proxima, aut posterioris generis differentias, & rursus posterius in suas, & non in sequentis deinde differentias. Neque enim eadem sunt differentia substantia & corporis, aut corporis & animalis. Si quis igitur dicat, Substantiarum alia corporalis est, alia incorporealis, rectè qui-

DE DEFIN. ET DIVIS.

dem diuisionem fecerit. Hæ nanq; propriæ differentię sunt substantię. At non rectè, si ita dixerit, substantiarum alia animata, alia inanimata est. Si quidem hæ corporis, non substantię differentię sunt, idest, secundi, non primi generis. Quare manifestum est, secundũ proprias differentias diuisionem faciendam esse, quoties per differentias genus distribuendum uenit.

V N D E & illud.] Huius quęstionis hæc est solutio. si species habeant nomina imposita, præstat genera in species diuidere quàm in differentias, id enim diuisionis natura exigit. *Corpus nanque.*] Arist. v. cap. quarti libri Topicorum, hac ratione docet corpus non esse genus animalis. omne genus dicitur de sua specie: at corpus non prædicatur de animali: nã est pars animalis, nulla autem pars dicitur de suo toto, ergo corpus non est genus animalis. hæc quęstio sic dissolui potest. corpus duobus modis sumitur, primo pro parte ea cui anima inest, & sic non est genus animalis. secundo corpus accipitur pro toto composito, & sic genus animalis est. *Neque enim.*] Differentia substantiã diuidens cum genere sumpta, corpus finit, quia quęcunque sunt differentię superiorum, etiam sunt differentię inferiorum: quam regulam quidam de differentia prædicati constitutiuã intelligendam putant. possunt enim quędã esse differentię diuisiuę prædicati, quę nullo modo erunt differentię subiecti, ut uolatile, aquatile animalis sunt differentię, non tamen hominis. uidendus est Aristoteles in ante prædicamentis.

De diuisione totius in partes, & quot modis tum dicatur, & de partium inter se differentia.

T O T V M quoniam multipliciter dicitur, eius quę in partes multiplex diuisio est. Dicitur nanque totum aliud quidem secundum quantitatem, idq; duobus modis. Nam aut continuum, idest, ut corpus: aut discrete

stretum, ut grex, item exercitus & populus. Aliud uero quod uniuersale appellatur, ut animal, & unūquodque superius, si ad eius referatur inferius. Aliud quod totum in modo dicitur. Aliud autem, quod ex quibusdam uelut uirtutibus & potētīs constat, ut anima. At hinc nunc exempla subiiciamus oportet: Totum igitur si continuum fuerit aut discretum, in eas diuiditur partes, ex quibus compositum constat, ut hominis corpus in caput, manus thoracem, & pedes. Quo etiam modo totus populus Romanus in tres partes olim diuisus fuit, in equestres, in senatores, & plebem. Caterum partiū, & perinde etiam totius non eadem ratio est. Quædam nanque pertinent ad substantiam, quædam ex quantitate nomen habent, quædam uirtutis & efficacæ cuiusdam. Substantiæ sunt, cuiusmodi corporis partes supradictæ. Quantitatis uero, ut in ijs, quæ extensa sunt, ut bipedale, tripedale, partes dicimus rei decē pedalis. Et in tempore, præteritum, instans, futurum. in numero, ut denarij quinque & quinque. Et item unum, duo, tria, quatuor. Virtutis autem partes sunt, quos & gradus quidem uocant, quemadmodum dicimus Achilli plus roboris fuisse, quā Aiaci. Sic & animæ partes quatuor faciunt, uiuificandi, sentiendi, mouendi, & intelligendi. Rursus autem quæ substantiæ partes sunt, aliæ de propinquo substantiā constituunt, ut materia, & forma, ut in homine corpus & anima, in arbore uita & lignum. Aliæ ad integritatem ritè explendam pertinent, ut domus, parietes, tectum, & fundamentum. Est præterea & alia partium differentia. Siquidem ex his aliæ quædam sunt, quas ^{ἐκ ποικίλης} Græci uocant, nos cognatas

DE DEFINI. ET DIVIS.

dicere possumus & similes, ut partes ligni, aut lapidis. Omnes enim tam ligni quam lapidis partes, eiusdem generis sunt: ut natura, ita nomine participant. Aliæ uerò & ex Græcis dictæ, à nostris alterigenæ, id est, alterius atq; alterius generis, siue dissimiles, ut partes domus, ligna, & lapides, & in homine caro, nervi, & ossa. At de partibus quidem totius secundum quantitatem hætenus. Totius uero uniuersalis diuisio hoc modo fit. Hominum alij in Europa habitant, alij in Africa, alij in Asia.

TOTUM quoniam.) Quemadmodum duplex est quantitas, alia continua alia discretata duplex est totum, aliud secundum quantitatem continuam, aliud secundum discretam. Aliud uerò.) totum uniuersale est quod ex multis particularibus colligitur, ut uirtus scientiæ. Totum in modo.) Totum in modo est quilibet terminus sine determinatione sumptus, ut homo. & idem fit pars in modo, si cum determinatione sumatur, ut homo sapiens. Aliud autem.) totum potestate est quod diuiditur in potentias & uirtutis, ut anima in vegetatricem, sentientem, intelligentem. Ceterum partium.) quæ ab hoc loco dicuntur usque ad finem capitis, sumpta sunt ex nono capite primi libri Rodolphi Agricolæ. Si quidem ex his.) similes partes dicuntur, quæ & nomen & appellationem sui totius fortiuntur, ut partes sanguinis, ossis, quælibet enim pars sanguinis, ossis, est sanguis & os. dissimiles dicuntur quæ nec nomen nec appellationem sui totius recipiunt, ut partes, capitis, pedis, nec enim pars capitis est caput, nec pars pedis est pes. Videndus est Aristoteles primo capite primi libri de historia animalium.

De diuisione uocis in significationes.

DIVIDITUR uox in plures significationes, quoties uel æquiuoca est, uel ambigua. Aequiuoca, ut canis: quæ uox cum una & simplex sit, plura tamen significat, nempe canem domesticum, canem caelestem, quæ

quæ Stella ad Orionis pedem, autore Higino, micat, & canem marinum. Ambigua uerò, ut oratio, qualis hæc, Aio te Aeacida Romanos uincere posse. Hæc enim oratio ambigua prorsus est, quippe quæ significare uidetur non tam Romanos Pyrrhum superaturos, quàm Pyrrhum ipsos Romanos. Caterum præter hanc uocis diuisionem est alia, qua uox secundum plures modo diuiditur: ut cum non plura significat uox aliqua, sed multis dicitur modis, ut infinitum, quod quidem dicitur aut secundum mensuram, ut est mundus opinione aliquorum infinitus: aut secundum multitudinem, ut cum dicimus continuum diuidi posse in infinitum, hoc est, in partes multitudine infinitas, quas partes proportionales quidam uocant: aut secundum tempus, ut cuius terminus inueniri non possit: aut secundum potentiam: quemadmodum Deum infinitum esse dicimus, Alia ite diuisio est, qua cum determinatione, uox aliqua significare dicitur, uel sine determinatione, ut homo: quæ uox quando sine determinatione dicitur (quod quidẽ tũ maxime est, cum simpliciter profertur) facit in intellectu audientis dubitationem, quæ tamen protinus tollitur, si determinatio aliqua adijciatur, ut omnis homo.

DIVIDITVR autem.) Aequiuocatio in simplici uoce, ambiguitas in oratione locum habet: ut enim æquiuocatio est multiplicitas significationum in uoce simplici: ita ambiguitas in structura orationis continet multiplicem sensum. Aio te Aeacida. Ennii uersus est, quo finxit Apollinem Pyrrho regi Epirotarum Delphis responsa dedisse. Aeacida uocatiuus est Græcorum more, à nomine Aeacides, quod Pyrrhi patris nomen fuit. ambiguitas nascitur ab accusatio te, qui uel à patre anteriori uel posteriori uerbi uincere, construi potest. Vt

DE DEFINITIONE ET DIVISIONE.

est mundus.) Quidam in ea sententia fuerunt, mundum neque in capisse, neque interiturum & sic omnium rerum esse mensuram. *Ut cum dicimus.*) Id de infinito potentia est intelligendum. est autem infinitum potentia res cuius quantitatem dimetiens uel numerans aliquis, semper inuenit aliquid quod supersit. infinitum actu (ut hoc quoque in transcurso adiiciamus) esset, si daretur corpus habens actu infinitam quantitatem, & tale nullum est in rerum natura, ut Aristoteli. mul. uerbis lib. 3. de Physico auditu docet. *Quas partes.*) Partes proportionales dicuntur, quæ habent eadem proportionem cum partibus præcedentibus alicuius magnitudinis. Ut uerbi causa, si magnitudo cubitalis diuidatur in duas medietates, & rursus medietas in aliam & cetera, tunc enim diuisio infinitum exhibito si uero fiat diuisio seruata eadem quantitate partium, non exibat in infinitum, ut si quis a linea ceterum cubitorum semper subtrahat unum cubicum, tandem tota magnitudo exhauritur.

De diuisione quæ secundum accidens fit.

PORRO eorum quæ secundum accidens diuiduntur, alia est diuisio subiecti in accidentia, ut animalium aliud mansuetum, aliud ferum, aliud mediæ inter utrumque quæ naturæ: quemadmodum & id à Plinio annotatum est libro octauo, cap. 56. Alia accidentis in subiecta, ut feritatis, alia serpentis, alia uolucris, alia relinquorum beluarum est. Alia demum accidentis in accidentia, ut candidorum, aliud durum, ut margarita, aliud molle, ut lac. Quæ etiam diuisio uicissim in alterutra membra mutari potest: ut eorum quæ dura sunt, aliud album est, ut alabastrum: aliud bigrum, ut ebum, ac rursus eorum quæ mollia sunt, aliud album, aliud nigrum.

PORRO eorum.) Diuisio subiecti in accidentia dicitur, cum diuisum est subiectum, & membra diuidentia eius sunt accidentia, ut animalium aliud sanum aliud ægrum. *Quæ etiam.*) sumptus est hic locus ex Boetio, cuius hic est sensus

Ius, quando accidens diuiditur in accidentia, tunc diuisum, & illius contrarium per easdem differentias diuidi possunt, ut si album per durum, & molle diuidatur, nigrum eisdem differentiis diuidi poterit. deinde singula membra in diuisum, & illius oppositum posse commutari, ut durum, & molle in album, & nigrum.

De quibusdam legibus, ut rectè diuisio fiat obseruandis.

VT autem rectè ipsa diuisio procedat, certa leges obseruandæ produnt. Prima, ut differentia, per quas genus in species diuiditur, e regione cõstituantur, & inter se opposita sint. Hinc nullus rectè dixerit, animalium aliud rationale est, aliud bipes: idcirco quòd ratioale & bipes, licet differant, nulla tamen à se inuicem oppositione seiunguntur. Huic sanè legi etiã subiacet ea diuisio, quæ secundum accidens fieri dicta est. Secunda, ut quicquid in diuisio cõtinetur, id totum membra diuidètia explicet, hoc est, ne quid ultra citraue dicatur, quoties quippiam diuidendum est. Alioqui aut superflua, aut diminuta erit facta diuisio, id quod etiam in definitione cauendum est. Tertia, ut si fieri commodè possit, diuisio omnis bimembris sit, id quod in definitione eodem modo requiritur. Verùm quò minus illud fiat, uocabulorum indigentia plerunque impedimẽto est, ut cùm quærit quispiam, quid est homo: respondentem minimè necesse foret dicere, animal rationale mortale, si id quod est animal rationale, proprio nomine nuncupatum esset: quod deinde cum reliqua differentia iunctum, nempe mortali, definitionem hominis uerissima atque integra oratione perficeret. Eodem sanè modo & diuisio ipsa duobus tantum terminis proficeretur, si non interdum propria

DE LOCIS DIALECT.

uocabula deessent: ut cùm dicimus, Figurarũ, quæ quidem trilateræ sunt, aliæ sunt æquilateræ, aliæ ex tribus duo æqualia latera habent, aliæ totæ inæquales. Hæc trimêbris diuisionis duobus clauderetur terminis, fieretq; bimembris, si ita proferretur. Figurarũ quæ trilateræ, sunt aliæ sunt æquales, aliæ inæquales. Inæqualiũ rursus, aliæ sunt duo tantum latera inæqualia habentes, aliæ tria, hoc est, omnia simul. Si cùm dicimus, rerum alia bona sunt, alia mala, alia indifferentia, qualia sunt, quæ neq; bona, neq; mala sunt. Hæc quidem diuisionis trimembris quoq; est, ac bimembris fit, si ita dicatur, rerũ alia sunt differentia, alia indifferentia. Differentium item, alia bona, alia mala. His tribus iam expositis legibus, quarta demum accedat, quæ est huiusmodi, Quoties genus aut in differentias, aut in species dissoluitur, post factam diuisionem, eorum per quæ diuisionis fit, definitiones atq; exempla protinus subdenda sunt. Atq; in hoc absolutus sit tractatus octauus.

Vt autem.] Profert quasdam leges bonæ diuisionis. *Prima.*] Differentiæ condiuidentes aliquod genus debent esse oppositæ, hoc est diuersæ, & repugnantes, ita ut non possint uni & eidemque competere, non enim semper necesse esse videtur, ut membra diuidentia aliquo oppositionis genere opponantur. rationale enim, & irrationale nullo oppositionis genere opponi uidentur, id quod studiosus facile ex inductione quatuor formarum oppositorum colliget. *Secunda.*] Quare hæc non est bona diuisionis; hominum alius est medicus, alius physicus. diuisum enim latius patet ipsis membris diuidentibus.

IN TRACTATVM NONVM,

De locis Dialecticis.

P R A E F A T I O.

SUPEREST pars illa Dialecticæ, quæ locos nobis subministrat: a quibus argumēta ueluti eruitur, atque ea quidē potissimum, per quæ de quauis re, imò uerò & de principiis etiam disciplinarum probabiliter disputare contingit. Vnde euenisse reor: quod Dialectica ipsa a quibusdam dicta est ars artium, & scientia scientiarum, ac proinde digna iudicata, quæ primū locū inter artes atque scientias omnes obtineat. Tum & eodem iure disputatoria ars appelletur: id quod nomen ipsum apud Græcos planè indicat: quippe quod non aliunde deduci certū est, quā a Græco uerbo *διαλέγεσθαι*, quod præter alia: quæ significat, disputo quoque apud nos significat: id quod facillē iis pro cōperto esse potest: qui uel mediocriter illius gentis linguā calant. Quam qui improbant, ac per hoc ut inutilem contemnunt, hi mihi uidentur uel inuidiā torqueri: uel stupore grauari: aded ut sint planè sine omni iudicio. An ildem nesciunt a Quintiliano probatissimo: grauisimoque studiorum censore suum esse, ut a Græco sermone pueri initium disciplinarum capeant? Nec iniuria quidem: quippe quod (ut idem autor est) a Græcis ad nos omnes bonæ artes manarint: sed hi: ut uideo, sicuti nihil probant, nisi quod ad suum faciat palatum: ita Gryllum suum ducem (ut est apud Plutarchum) sequentes per loca inculta prorsus, steriliaque: & pene deserta, glandibus adhuc uesci malunt, quā per amœnes, atque feraces campos squatiantes: optimas colligere fruges: unde probè pascantur. At de hoc satis superque ad præiens. Cz-

terum in hac parte de locis id præstitit : quod nec ante : nec post alius quispiam : Rodolphus Agricola è Frisia, quæ Germaniæ haud ignobilis prouincia est : uix profectò non satis laudatus : etiã a laudatissimo, uiro Hermolao Barbaro, cuius proinde si etiã uestigia imitari uelim : uix potero . Ita enim omnia , & grauius & acutè ab eo tradita sunt : ut ueluti maiestas quædam in his elucere uideatur . Tamen si quid obiter apud eundem inuenero : quo ad rem nostram faciat (faciet autem haud dubiè plurimum) haud grauabor huic operis parti inserere , quantum quidem nostra hæc institutio ferre possit .

H I C tractatus inuentionem , quæ locos nobis suppeditat, continet. cur autem Cæsarius post posuerit inuentionem in iudicio, dictum est a nobis in præfatione quinti tractatus. *Per quæ de quauis re.*] Hic Aristoteles statim in principio primi libri τῶν τοπικῶν . ἡ μὲν πρόθεσις τῆς πραγματείας μεθόδον εἶναι ἀφ' ἧς δημοσίως συλλογίζεσθαι περὶ πάντος τοῦ περιθέντος προβλήματος ἐξ ἐνδόξου, καὶ ἀντὶ λόγου ὑπάρχοντος, μηδὲν ἐξομνῆσαι τινῶν. *Iam uero.*] Nam principia scientiarum in eadem scientia non habent notiora, sed per argumenta probabilia, quæ ex locis topicis eruuntur, probantur. *Vnde euenisse.*] Dialectica est ars artium non dignitate, sed uia, & ratio, quæ tradit ad disciplinas grauiiores explicandas. locus hic est desumptus ex secundo capite primi libri Topicorum. *Tum eodem iure.*] Sic Rodolphus, nomen dialectices nonnulli latinè tentantes dicere, disertaram, uel disputaturam, quemadmodum grammaticem literaturam dixere. *Gryllum suum.*] Hoc est ineptum & insulsum aliquem authorem. Plutarchus in Dialogo, quem scripsit, an brutis insit ratio fingit Gryllum gratum a Circe uenefica muliere in suam conuersum, cum multis aliis sociis Vlyssis. hos cum repeteret Vlysses, ut ad suos reduceret, Circe se facturam negauit, nisi Vlysses prius cum aliquo sociorum in certamen descenderet, quo instituto prodit Gryllus, tanquam cæterorum dux, a quo Vlysses etsi astutissimus, & eloquētissimus (ut Homerus ubique fingit.) superatus est. de hoc Gryllo Angelus Politianus

tianus uir politoribus literis egregiè per politus libro secundo epistolarum, epistola non tu & cætera, sic scribit. Nam etiam huic nostro seculo nondum audeo sperare, quoniam praua quadam consuetudine, sic penè quadam homines obbrutuerunt, ut glandem adhuc defendant repertis frugibus, similesque mihi Grillo uidentur illi, qui cum Vlisse disputat apud Plutarchum, nec ullis potest adduci rationibus, ut è sue rursus in hominem redire uelit, quem prius ex homine, Circe mutauerat in suum.

De utilitate dialecticæ.

QUONIAM igitur hæc pars (ut dictum est) petuliari nomine Dialectica appellatur, de utilitate eius pauca nobis ex Aristotele dicenda uidentur, prius quàm locos ipsos aggrediamur. Est autem utilis (ut ille ait) ad tria, ad exercitationes, ad colloquia, & ad eas quæ sunt secundum philosophiam disciplinas: quæ eadem Græcè idem his uerbis expressit, πρὸς τὴν γυμνασίαν ἐστὶν ὡς καὶ τὰς κατὰ φιλοσοφίαν ἐπιστήμας. Ad exercitationes quidem utilis sanè est, quia methodum hanc habentes facile de proposito quouis argumentari poterimus. Ad colloquio uerò: eò quòd multorum recensentes opiniones, non ex his quæ extranea sunt alicui disciplinæ, sed ex proprijs sermocinabimur ad eos uel potius cōtra eos transmutantes, si quid ab his nobis perperam dictum esse uideatur. Quod quidem tum maximè fieri consuevit, cum inter confabulandum (ut sit plerunque, uel in congressu, uel conuictu) quicquam proponebatur discutendum. Cuiusmodi profecto colloquia illa uideri possunt, quæ apud Aul. Gellium in Noctibus Atticis, & apud Macrobiū in Saturnalibus passim leguntur. Ad eas porrò, quæ sunt secundum philosophiam, disciplinas,

DE LOCIS DIALECTICIS.

plinas, utilis omnino est, quod cum possimus ad utranque partem disputare, facile in singulis intuebimur, quid uerum uel falsum sit. Præterea autem, et ad prima eorum, quæ in unaquaque disciplina principia sunt, utilis probatur. Nam ex proprijs propositæ alicuius discipline principijs dicere aut disputare de ipsis, impossibile est: eo quod in unaquaque disciplina prima omnijs principia sunt. At qui id multo commodissime fieri potest ex probabilibus, qualia præsertim in hac arte traduntur, quæ cum sit inquisitiua, ad omnium methodorum principia uiam habere dicitur, Sed nunc quid sit locus deinceps dicamus.

Quoniam igitur,] Præmia, ut Plinius ait, ubique plurimè ualent. Vtilitas etiam homines desidiosos excitare solet. Scripturus igitur Arist. locos dialecticos, dialecticæ utilitatē proponit, ut ea re animos iuuenum in spem uberrimi fructus futuri erigat. Hic locus est in. cap. i. lib. Topicorum, Est autem.] Rodolphus agricola vi. cap. ii. lib. hunc locum Aristotelis uerbis uertit, Arist. itaque dialecticam tribus his utilem putauit, exercitationi, differendi, confutando, aduersario, & probandis primis artium principiis. Non ex his,] Extranea Arist. uocat aduersarium sectarum opiniones, propria uero, quæ ab aduersario concessa sunt. Ad eas porrò,] Nam proposita quæstione aliqua, utrinque rationibus adductis, facile clucescet ueritas. Si autem non dubitaueris (ut Plato ait) ueritas te fugiet: Dubitatio enim, ueritatis est inuentio. Propterea recte dictum est ab Aristotele διαποικίλαι περί πάντων, ὅτι ἐστὶ ἀχρεῖον, hoc est, omnia in dubium reuocare non est inutile.

De loco quid sit, tum & de argumento ipso.

*Locvs igitur est (ut ab Aristotele & Cicero-
ne definitur) sedes argumenti: quæ definitio (si tamen
definitio*

definitio dici meretur) ab eodem Cicerone a similitudine instituta esse monstratur. Vt igitur (inquit) earum rerum, quæ absconditæ sunt, demonstrato et notato loco facilis inuentio est: sic cum peruestigare argumentum aliquod uolumus, locos nosse debemus, ex quibus argumenta ipsa promantur. Argumentum deinde ab ipso quoque definitur, ratio rei dubiæ faciēs fidem. Itaque locus est, ueluti publicum receptaculum, et (ut Rodolphus Agricola ait) thesaurus quidam, in quo faciendæ fidei instrumenta reposita sunt: hæc nimirum sunt ipsa argumenta. Argumentum igitur, quod fidem rei dubiæ facit, hoc est, rem dubiam probat, a loco aliquo educatur oportet.

LOCUS igitur.) Locus est id unde ad propositam materiam conueniens ducitur argumentum. Idque indicat finitio loci data a Rodolpho Agricola, communis quædam rei nota, cuius admonitu quid in quaque reprobabile sit inueniri potest. Et quemadmodum locus naturalis continet locatū: ita locus dialecticus continet in se argumentum. Quam sententiam Cic. quoque his uerbis probat, locus est sedes argumenti. Videndus est Arist. initio. i. lib. Rhetoricorum ad Theodecten. Argumentum.) Ratio inquit, quia licet uisus faciat hanc de his quæ uidentur, tamen non est argumentum, quia non est ratio rei dubiæ inquit, quia nihil probari nisi dubiū, aut tanquam dubium potest. faciēs fidem ait, quia omne argumentum aut probabiliter, aut necessario rem conficit. Sic Quintilianus argumentum est ratio probationem præstans, qua colligitur aliud per aliud, & quæ quod est dubiū, per id quod od dubium non est, confirmat. Vide Fabium lib. v. cap. x.

De multiplici argumenti significatione, & quemadmodum ab argumentatione differat
quod hic argumentū uocamus.

ARGUMENTI sanè multiplex significatio a
R Quinti-

DE LOCIS DIALEC.

Quintiliano traditur. Siquidem & fabulæ ad ætulum scenarum compositiæ, argumenta dicuntur. Rursus omnis scribendum destinata materia, argumentum appellari potest. Et argumenta etiam dicuntur orationum uelut themata, quem modum de Ciceronis orationibus Asconius Pædianus exponit: Argumentum (inquit) huius orationis tale est. Verum nullum horum tale argumentum est, quale hic quæritur, ab arguendo dictum, quod uidelicet rem arguat. hoc est, probet. Nam argue re uetere etiam ostendere dixerunt. Hinc illud Vergil. Degeneres animos timor arguit. Hoc inquam tale argumentum ab argumentatione differt: quod argumentatio est uerborum contextus, certum aliquid ex ijs quæ antecedunt, concludens, ut syllogismus & inductio. Argumentum uerò ipsius argumentationis ratio, quod et medium nonnunquam dicitur. Ac promde ut in corpore anima, & in anima rursus mens, ita in argumentatione argumentum. Item uis illa atque sententia & ratio, quæ oratione clauditur, cum aliquid probatur ambiguum. Argumentum uocatur. Ipsa uerò argumenti elocutio expressioq; , Argumentatio dicitur. Vnde a Boetio ita definitur, Argumentatio est argumenti per orationem explicatio.

ARGUMENTI (sanè.) Locus hic est apud Fabium decimo cap. v. libri Institutionum oratoriarum. Hoc inquam.) Argumentum differt ab argumentatione, ut pars a toto. Nam argumentum est una propositio argumentationis, uel ipsum medium. uel ut Boetius ait, uis, ratio quæ in argumentatione continetur. Argumentatio est integra orationis series.

De quaestione quid sit, & quemadmodum uerba Enunciatione, Propositione, & Conclusionem differat.

ERGO cum argumentum sit ratio, quæ rei dubiæ fidem faciat, quid hoc loco res dubia uocetur, inuestigandum quoque est. Itaque sciendum, quod res dubia haud aliud quippiam hic intelligi debet, quam propositio dubitalis, quæ proinde quoniam sibi nomen inuenit, atque sortita est, quandoquidem Quæstio dubitalis propositio definiri solet. Quocirca Quæstio non simpliciter propositio dicenda est, sed quæ cum interrogationis nota proponitur: ut nunquid anima immortalis est? Eadem tamen oratio, si simpliciter proferatur, nempe citra interrogationis notam, quatenus uidelicet aliquid de aliquo enunciat, Enunciatio dicitur. Quatenus uero ipsa syllogismi alicuius pars sit, Propositio appellatur. Insuper et conclusio esse potest, cum ex sumptis propositionibus collecta fuerit facta syllogismo, aut utcumque aliter probata, conuenienti adhibito argumento. Est enim conclusio argumento uel argumentis probata propositio. Sed illud exemplo nunc ostendamus. Agere igitur quæstio sit, Num anima immortalis est. Id ita quispiam probauerit, tali principio ex Platone desumpto, Quicquid semper mouetur, immortale est: anima autem semper mouetur, anima igitur immortalis est. atque ita eadem oratio, quæ prius in dubitationem adducta, quæstio proinde erat, postea facta est conclusio. Quæ si in altero syllogismo pars sumpta fuerit, Propositio dicitur, et ante hoc Enunciatio. Igitur quæstio, propositio, enunciatio, et conclusio, subiecto reque ipsa idem sunt, & si ratione distinguantur.

ERGO cum.) Quæstio, propositio, enunciatio, conclusio
sunt

DE LOCIS DIALECT.

sunt eadem secundū rem, sed differunt rōne: idē enim pronū-
ciatū pōt esse qđ, propositio, enuntiatio, conclusio.

Quo pacto locus sedes argumenti intelligatur,
& de loci diuisione, & de argumenti
rursus multiplici acceptione.

SED nunc etiā aperiāmus oportet, quod pacto in-
telligi planē possit quod dictū est, Locus est sedes argu-
mēti. Sanē id ipsum aperire, nō paruā huic parti lucē af-
ferre uidebitur. Itaque dicamus ex Boetio, quod sedes
argumēti partim maxima propositio intelligi debet, par-
tim maximæ propositionis differētia, in quæ etiā, uelut
mēbra quædā, locus ipse diuiditur, ut sit ipsius diuisio
huiusmodi. Locorū alius est locus maxima, alius locus
differētia maximæ. Porro maxima propositio quæ dici-
tur, aliquoties quidē intra ambitū argumēti cōtinetur,
hoc est, ipsi argumētationi inseritur: aliquotis uerō ex-
tra posita, uim tamē argumēti supplet ac p̄ficit. Agē igitur
exemplū subiiciamus eius argumēti, intra cuius
ambitū maxima propositio continetur. sit q; quæstio. An
sit regnū melius Cōsulatu? fiat q; argumētatio hoc pa-
cto. Quod diuturnius bonū est, melius eo est quod minus
diuturnum est, regnum autē diuturnius est, quā cōsula-
tus, regnum igitur melius est quā consulatus. Huic
nimis augmentationi maxima propositio inserta est,
quæ quidē est quod diuturnius bonū est, melius eo est,
quod minus diuturnū est. Quæ præterea ita nota est, ut
extrinsecus probatione nō egeat, quinimo ipsa alijs pro-
batio esse potest. Et quia inde nascitur argumentū, re-
ctē locus, id est, sedes argumēti uocatur. Rursus subi-
ciatur exemplū in quo extra posita maxima propositio ni-
hilo-

hilominus uim affert argumēto. Sit ergo alicui propoſitū oftendere, quòd inuidus ſapiens nō eſt, à quo proinde hmoi neclatur ſyllogiſmus, Qui inuidus eſt alienis affligitur bonis, at qui ſapiens bonis alienis nō affligitur, ſapiens igitur inuidus non eſt. Hic quidē maxima propoſitio incluſa nō eſt, ſed extra poſita, uim tamē argumentationi ipſi ſubminiſtrat. Eſt. n. huic argumentationi fides ex ea propoſitione, quæ dicit, Cuicumq; definitio nō conuenit, nec ipſum definitū. Insuper & argumentū, quo fides rei dubiæ facta eſt, à definitione deductū eſt. Sciēdū aut quòd argumenti noiē, tū hic, tū alibi, nunc quidē maxima propoſitio, imò & tota ipſius argumētationis probatio intelligitur: nunc ipſa argumentatio, quæ maxima propoſitione confirmari ſolet, id quod his quoq; uerbis Quintil. apertè indicat lib. 5. ubi de argumentis diſputat: hoc. n. noiē (inquit) cōplectimur omnia, quæ Græci enthymemata, epichiremata, & apodixeis uocāt. Interim uerò et terminus, qui medius cōſtituitur, quoties alijs duobus adiunctis, argumentatio contextitur, ac per hoc uim tenet probationis, Argumentum appellatur.

SED nunc.] Finitio loci aliquid difficultatis continere uidebatur, ideo Cæſarius eam copioſius explicat. Itaque dicamus.] Ex hac diuiſione exploratum eſt omnem locum. Dialecticum eſſe tanquam propoſitionem per ſe notam, à qua argumenta uim ſuam habent. Quod diuſurnius bonum eſt.] Maxima hæc propoſitio eſt apud Ariſtot. l. c. iii. lib. Topicorum.

Quid ſit locus maxima, & quid locus
differentia maxima.

Ex his igitur quæ dicta ſunt, manifeſtum euadit, quòd locus quidē maxima eſt uniuerſalis et principalis et indemonſtrabilis, atq; ita per ſe nota propoſitio. Cu-

DE LOCIS DIALECT,

iusmodi est maxima illa supra posita. Cuicumq; definitio non conuenit, nec ipsum definitū, & id genus ali.e. Ideo autem uniuersales, & maximæ propositiones dicuntur: quoniā ipsæ sunt, quæ cæteras continent propositiones, quippe per quas consequens, & rata cōclusio fit. Locus uerò differētia maxima est, quo maxima à maxima differt: ut si dicam, a definitione, aut a definito, aut ab alio quouis huius generis cōmuni termino. Siquidē per hunc iā maxima propositio, in qua ipse ponitur, ab ea differt maxima, in qua idem terminus uel nō ponitur omnino, uel si ponitur, non tamen qui argumentū præstet ad fidem rei dubiæ faciendā. Quare ab illa iam aliquoties repetita maxima, hæc differt maxima, Cuicumq; non conuenit definitū, nec ipsa definitio: propterea quod tametsi idem terminus in utraq; ponitur, ab eodem tamen in utraq; non sumitur argumentū. Vnde illarū duarū maximarum, altera à definitione, altera a definito, ut nomen, ita differentiam accipit. Atq; id ipsum quidem est, quod Roetius his propè uerbis innuere uisus est, Differentiæ (inquit) maximarum propositionum idcirco dictæ sunt, quod cum plurimæ sint propositiones, quæ maximæ uocantur, per has illæ ueluti differre inter se dignoscuntur, ut cum ex quibus terminis maximæ propositiones cōstituantur, per ipsas nomine expressio indicantur. Itaque non in eo quod maximæ sunt, inter se differunt, sed in eo quod hic a definitione, ille a definito, & hic rursus a genere, aut a toto locus sit. Præterea si maximæ propositiones loci argumentorum sunt, & differentias maximarum locos esse necesse est. At de his quidem hætenus. Nunc propositū prosequamur, hoc est, rem ipsam, quam

quæ.

quærimus aggrediamur.

EX HIS igitur.] Propositio maxima per similitudinem sic dicta uidetur. ut enim maior propositio in syllogismo dicitur, in qua est ueluti firmamentum totius syllogismi, & cui minor inest. Sic hæc dicitur maxima propositio, ex qua plura depromi possunt, ad uarias quæstiones probandas. **Cum in modum.]** Est igitur hæc maxima propositio, a quocunque finitio remouetur, ab eodē finitū, & cui genus nō cōuenit, nec spēs. Locus uerō quia est differentia maximæ est, ut cū dicimus, locus est a finitione, a genere, a specie. Est. n. locus differentia maximæ, quæ unam maximā ab alia separamus.

Quo pacto loci differentiarum maximarum diuidantur.

RESTAT igitur, ut posthabita locorum maximarum diuisione, eos deinde subdiuidamus locos, qui maximarum differentia dicti sunt, idque ob eā in primis cōmoditatem, quod hi illis pauciores sint, quippe qui eos contineant ut uniuersaliores. Vnde & per hos facilius transitus fiet, attestante idipsum Aristotele in Topicis, lib. xi. Accedit, quod ex horum diuisione rem, quā quærimus, citius assequi poterimus. Sit autem diuisio huiusmodi, Locorū, qui maximarū differentia dicti sunt, alij ab his dicuntur terminis, hoc est, nomen accipiunt, qui in quæstione positi sunt: alij extrinsecus sumuntur, alij inter hos medij sunt. Sed illud nunc animaduertendū hic est, quod cum dicitur, ab his terminis, qui in quæstione positi sunt, id cum primis intelligendum est ab altero illorum. Nam cum duo sint in unaqualibet proposita quæstione termini, subiectus unus, & prædicatus alter, ab horum altero locus differentia maximè nomē accepit. Vt sit proposita quæstio. Est ne concha animal? in hac duo sunt termini, animal et concha. Dubitatur au

tem utrum animal de concha prædicetur. Tertius proinde restat inueniendus, qui illos duos connectat, atq; id quod propositum est, ita esse confirmet, unde & mediū appellatur, & ratio, & argumentū. Hinc iam tertius ille terminus ab altero illorum nomen accipiet, ut potest quod ad eū sit aut ut definitio, aut ut definitū, aut ut genus, aut ut totū, aut ut causa, aut quomodocunq; aliter. Ut sit, exempli causa, tertius isle terminus, animalis definitio, quæ est substantia animata sensibilis. Tunc sic argumentor, Concha est substantia animata sensibilis, igitur concha est animal, quod nimirū iā antea dubitari poterat: cuius dubitationis scrupulus hinc pendere videtur, quòd conchæ nec uideant, nec ullū aliū sensum habeant, quā cibi & periculi, hoc est, gustus & tactus, auctoribus Aristotele & Plinio. Ergo qui tertius accessit terminus, & a definitione alterius est duobus, ueluti est loco aliquo eductus, hunc scrupulū sustulit. factusq; est illius argumentationis probatio, & argumentū, cuius deinde maxima superueniens propositio (quæ quidem est, de quocunq; prædicatur definitio, & definitum) omnē tollit dubitationem, ambiguitatēq;: si fortè interim dubitabatur adhuc quenam sit ipsius definitionis ad definitum habitudo.

RESTAT igitur,] Postposita diuisione locorum maximarum, redit ad diuisionem eorum locorum, qui differentiarum maximarum dicti sunt. Quòd hi illis pauciores sint.] Omnia uniuersaliora sunt pauciora, loci qui sunt differentiarum maximarum sunt uniuersaliores, ergo sunt pauciores ipsis maximis. Ratio hæc est Boetij libr. ii. differentiarum Topicarum. Locorum.] Hæc diuisio locorum est Themistii, cuius Boetius refert sententiam lib. iii. differentiarum Topicarum Aristot. uerò lib. i. Rhetoricorum locos artificiales, & inarti-

inartificiales partitur. Quam partitionem Arist. Cic. lib. 2. de Oratore ad Q. fratrem. Quintil. lib. v. imitati sunt. Loci medii a Themistio constitui facile ad internos reduci possunt, cui sententiæ Rodolphus 3. cap. 1. lib. subscribit. *Autoribus Arist. & Plin.* Gustus & tactus sunt sensus necessarii omni animali: cæteri uidentur ornamenta quædam, autor Arist. ultimo cap. 3. lib. de Anima. Plin. in eam rem lib. x. cap. xvii. scribit, Tactus sensus omnibus est etiam quibus nullus alius. Nam & ostreis, & terrestribus uermibus quoque. Acclimaue rim omnibus sensum, & gustatus esse, cur enim alios alia sapores appetunt? in quo est præcipua naturæ architectio. Hactenus Plinius.

De tribus locis, qui a substantia dicuntur.

TERMINORVM porro, qui in questione ponuntur, alij substantiam rei indicant, alij ipsam consequuntur substantiam. Substantiam rei indicant, siue à substantia termini dicti sunt quicumq; in definitione, uel sola consistunt. Definitio quippe est, quæ substantiam rei monstrat, indicatq;. Sed id iam exemplo patefaciamus. Age igitur, queratur an arbor sit animal, fiatq; huiusmodi argumentatio, animal est substantia animata sensibilis, arbor autem substantia animata sensibilis non est, non est igitur arbor animal. Locus quidem differentia maximæ, a definitione. Locus uero maximæ, Cuiusq; definitio non conuenit, nec definitum. Præterea autem & quoties à descriptione argumentum ducitur, Locus à substantia dici potest. Nam ut definitio substantiæ rei monstrat per genus, & differentias, ita descriptio eiusdem intelligentiam claudit quibusdam accidētibus, unam proprietatem, quæ rei conueniat efficientibus, uel substantialibus differentiis præter cōueniens genus aggregatis. quod quidem tum maximè contingit. cū pri-

DE LOCIS DIALECT.

ma genera describuntur. Huius tale sit exemplum. Albedo nullus subiaceret accidentibus, ergo albedo substantia non est. Etenim substantia est, quæ omnibus subiaceret accidentibus. Locus quidem differentia maxime, a descriptione. Locus uero maxima, Cuicunque non conuenit descriptio, nec descriptum. Præter hos duos a substantia locos, tertius est, qui a nominis interpretatione dicitur, quem Marc. Cicero Notationem, Aristoteles Symbolum uocat, illis haud multum absimilis. Si quidem interpretatio nominis, eius rei quæ nomine ipso significatur, quædam quasi designatio est. Ab hac argumentum ducitur, si queratur. Vtrum Philosophiæ studendum sit. Ad quod probandum talis instituitur syllogismus. Philosophia amor sapientiæ est, at qui sapientiæ esse studendum nemo dubitat, Philosophiæ igitur studendum est. Locus quidem differentia maxime, ab interpretatione. Locus uero maxima, cui nominis interpretatio conuenit, & ipsum nomen, cuius interpretatio facta est. Sanè hoc loco rectè uti possunt ij, qui linguarum imperiti non sunt. Siquidem interpretari nihil aliud est, quàm linguam unam per aliam exponere. Fit tamen, & in eadem nonnunquam lingua: ut locuples dicitur, qui locis abundat, hoc est prædijs, & possessionibus. Cauendum autem ne temere quicquam interpretemur, queniadmodum ij solent, qui nullius propè linguæ satagunt. Quo fit, ut idem dictum lapidem esse interpretentur, quòd pedem ledat: & poteram, quòd pedibus quasi tria sit: cum utrumque Græcam originem habeat, id quod La. uerentius Valla quoque attestatur. Insuper, & alia pleraque a se eundem interpretantur modum, ridicule uidelicet

delicet magis, quàm scitè. Neque uerò nominis interpretatio ob id dicenda non est, si ad uiuum (quo dicitur) nō reddiderit, id quod interpretandum proponitur, ut celum, quod (ut Varro interpretatur) quasi celatum dictum est. Nec item refert, si non rei cui attribuitur, omni ex parte conueniant, ut Philippus, quod nomen interpretatur, amator equorum. Quid si non omnibus conueniat, qui hoc nomine uocentur? dummodo tamen illi conueniebat, cui primùm impositum est, patri fortassis Alexandri Magni. Ex quo frustra mihi laborare uidentur hi, qui duplicem nominis interpretationem inducunt. Vnam quidem, quæ cum interpretato conuertatur: alteram uerò, quæ conuertibilis non sit. At nunc illud potius scire debemus, quòd per dictos locos uariè argumentari possimus, nunc subiiciendo, nunc prædicando eundem terminum, atque ipsum etiam de aliquo nunc construendo, nunc destruendo. Tum & conuerso ordine totidem modis, uerbi gratia, a definito, a descripto, ab interpretato nomine simulq; & maximas ipsas toties uariare: id quod studiosus huius artis facillè ex seipso intelliget, alioqui inutilis prorsus, qui huic studio addicatur. Sed iam ad reliquos huius diuisionis locos transeundū esset, nisi illud succurreret prius admonendum, quod ut à definitione ad definitum, à descriptione ad descriptū, & à nominis interpretatione ad interpretatum, firma est & perpetua consequendi ratio, ita & à proprio, ad id cuius est proprium, & contra, ut si quid risibile est, idem homo est. Hinc, & equus mansuescere posse probatur, cum animal sit disciplinæ capax, iuxta illud Horatiij. Fingit equum tenera docilem cervice magister

DE LOCIS DIALECT.

gister Ire uia, quâ monstrat eques. Locus quidem differētia maximæ a proprio. Locus uero maxima, Si cui proprium alicuius rei conuenit, & id cuius est proprium,

TERMINORVM porrò.] Locorum qui iunguntur a terminis positis in quæstione. alii sumuntur a substantia, alii a concomitantibus substantiam. locus a substantia dicitur, quando sumitur argumentum ab his, quæ sunt de substantia rei de qua quæritur, cuiusmodi est genus, species, differentia. Limitatio autem est tota rei substantia. A concomitantibus substantia sumitur argumentum, quando ducitur argumentum ab aliquo, quod eius rei de qua quæritur, comitatur substantiam. *Huius tale.*] Hoc Enthymema sic in syllogismum conuertitur. Omnis substantia accidentibus substat, nulla albedo accidentibus substat, ergo nulla albedo est substantia. *Ad quod probandum.*] Hic locus sic in formam syllogismi reducitur, cum in amori sapientiæ est studendum, philolophia est amor sapientiæ, ergo philosophiæ est studendum. *At nunc illud.*] Ab his tribus locis, limitatione, descriptione, interpretatione nominis quatuor modis argumentari possumus, duobus affirmatiuè ex parte subiecti, & prædicati, & ab iisdem terminis totidem negatiue.

De his locis, qui terminorum substantiam consequuntur.

His ita præmonitis, eos iam aggrediamur locos, qui terminorum substantiam consequuntur. Horum sane multifaria diuisio est. Siquidem plura sunt, quæ singularibus substantijs adherescunt. Ex his igitur alij à toto dicuntur, alij a partibus, alij à causis, alij ab effectibus, siue ut Cicero ait, ab effectis, nonnulli à generatione, & à corruptione, & alij item ab usibus, quidem etiam à communiter accidentibus. Sed ex his omnibus primus exponendus uenit, qui à toto dictus est: quod ut commodius fiat, quot modis ipsum totum dicatur, subij-

cere oportet. Dicitur autem totum duobus modis: Aut enim ut genus, quod et totum uniuersale dicitur, aut ut id, quod ex partibus integratur. A toto igitur, quod & genus est, argumentum ducitur, ut si queratur. An iniustitia sit bona, fiat q; syllogismus hoc modo, omnis uirtus est bona, iniustitia autē uirtus est, iniustitia igitur bona est. Locus quidem differentia maximæ, a toto, hoc est, a genere. Locus uerò maxima, Quæ generi adsunt, & speciei. Rursus sit quæstio, an humanæ res prudentia regantur? Dicimus ergo sic, Mundus providentia regitur, humanæ autē res mundi partes sunt, humanæ igitur res providentia reguntur. Locus quidem differentia maximæ, a toto, id est, ab integro, quod partibus constat. Locus uerò maxima, quod toti conuenit, & partibus. Porro ut a toto, tum hoc: tum illa argumenta ducuntur, ita & contra ab utriusque partibus duci possunt. Itaq; a partibus totius, quod genus est, argumentum ducitur, ut si queratur, An uirtus sit mentis bene compositæ habitus, & fiat syllogismus hoc pacto, Iniustitia, fortitudo, temperantia, atque prudentia, habitus sunt mentis bene compositæ, & hæc quatuor uni uirtuti uelut generi subiciuntur, uirtus igitur mentis bene compositæ habitus est. Locus quidem differentia maximæ, a partibus totius siue generis. locus uerò maxima, Quod singulis in est partibus, id toti inesse necesse est. A partibus autē, quæ integri partes esse dicuntur, argumentū ducitur, ut si hæc quæstio. Estne Rhetorica utilis? Dicimus hoc modo, Inuentio utilis est, & dispositio, & elocutio, & memoria, item & pronuntiatio, & hæc quinque Rhetoricæ partes sunt, ut ex quibus ipsa integratur,

DE LOCIS DIALECT.

*Rhetorica igitur utilis est. Tum uerò & per destructio-
nem argumētatio procedit; ut si quærat quispiam, num
hic, quem seruum esse constiterit, liber sit. Hunc si quis
non esse liberum monstrare uelit, hic dicet. Si neq; cen-
su, neq; uindicta, neq; testamento liber factus est, liber
nō est. At nulla earū parte liber factus est, nō est igitur
liber. Locus quidem in differentia maxime a partibus,
sue (ut Ciceroni placet) a partium enumeratione. Lo-
cus uerò maxima, Si omnes partes a re qualibet abiun-
ctæ fuerint, & totum necessariò abiungetur.*

Hic ita præmonitis.) Explicat hoc capite locos quosdam,
qui substantiam eius rei de qua quæritur, consequuntur.
A toto igitur.) A toto uniuersali affirmatiuæ colligimus, quā-
do ipsum totum cum notā uniuersali sumitur, ut Traianus
omnibus uirtutibus præditus fuit, ergo etiam iustitia. *Quæ ge-
neri.)* Quæ generi insunt, etiam alicui formarum conueniūt.
Videndus est Aristo. 2. cap. 2. lib. Topicorum.

De aliis quibusdam modis totius.

*Sunt præterea ab his duobus modis alij modi to-
tius. Namq; & totum dicitur in quantitate, & totum
in modo, & totum in tempore, & totum in loco. Quorū
tamen duos posteriores sub toto in quantitate compre-
hendere planè licet, horū uerò partes sunt, quæ sub ip-
sis particulariter sumuntur. Totum ergo in quantitate
est, cum uniuersaliter quicquam dicitur, ut est omne ani-
mal, cuius partes sunt homo, leo, bos, & aliud quoduis
animal. Totū in modo dicitur, cum simpliciter aliquid
proponitur, ut homo, aut ambulat. Pars uerò in modo
est, quoties idem cum adiectione aliqua proponitur, ut
homo literatus, aut ambulat pedetentim. Totum in
tempore*

tempore est, ut cum dicimus semper, cuius partes sunt, nunc, hodie, aliquando. Totum in loco, ut cum dicimus, ubique, cuius partes sunt, hic alicubi Romæ. At horum omnium nunc exempla subiiciantur. Igitur a toto ad partem secundum quantitatem exemplum sit. Si in omnibus est uero uates Apollo, & in hoc uerus esse perhibetur, quod dixit. Aio te Aeacida Romanos uincere posse. A toto autem ad partem secundum tempus, ut si Deus semper est, & nunc est. Rursus a toto ad partem secundum locum, ut si ubique Deus est, & hic est. Ceterum in his haud quaquam id consequens est, si à parte ad totum argumentum ducitur, nisi per negationem siue destructionem, ut non est hic, ergo nec ubique est. At uero a parte secundum modum utique rectè argumentatio procedit, licet non contrà: ut, si quonquo modo mouetur Deus, & simpliciter mouetur: irascitur autem Deus, ergo mouetur: & si quis pedetentim ambulat, & simpliciter ambulat. Talius ferè exemplis tum hic, tum alibi per hunc tractatū, si cui id magis libeat, uti omnino potest, ut a toto uniuersali, siue a genere ad species, siue partes: per destructionem quidem, ut si non est animal, quod eminus uidetur, ergo nec homo est, nec equus: per constructionem uero, ut homo est, aut equus, ergo animal. Sic & a toto, quod partibus integratur, ad ipsas partes per constructionem quidem, ut domus est, ergo tectum est, & parietes, & fundamentum. Per destructionem uero, ut si non est paries, aut tectum, aut fundamentum neque domus est.

SUNT præterea.) Totum in quantitate hoc loco dicitur quilibet terminus communis cum nota uniuersali sumptus.

DE LOCIS DIALECT.

ptus. Totum uerò uniuersale est terminus communis siue na-
ta uniuersali sumptus, ut iustitia est totum uniuersale, omnis
iustitia est totum in quantitate. Ab utroque termino eodem
modo argumentamur. *Cæterum in his.* A parte in loco ad
totum ualidum est argumentum negatiue tantum, ut in cœ-
lo non sunt mala, ergo nec ubique.

De locis qui a causis dicuntur.

A CAUSIS loci dicuntur, uel ab efficiente, uel a
materiali, uel a formali, uel a finali. Tot enim modis
causa dicitur. Et efficiens quidem causa est, quæ princi-
pium motus præstat, ut aliquid fiat. Materia, quæ for-
mas rerum subiecta suscipit. Forma autē, quæ cuiusli-
bet rei species est & ratio. Finis uerò, cuius gratia ali-
quid fit. Effectus porro, qui has sequitur. Ab efficiente
igitur causa argumentum ducitur, ut si quis iustitiam
naturalem esse ostendere uoluerit, & dicat hoc modo,
Congregatio hominū naturalis est: homo quippe natu-
raliter ciuile animal est: Iustitiam uerò hominum fecit
congregatio: Iustitia igitur naturalis est. Locus quidem
differentia maximæ a causa efficiente. Locus uerò ma-
xima. Quorum efficiens causa naturalis est, ipsa quoq;
naturalia sunt. A materiali uerò, ut si quis Mauros
non habere arma contendat, idcirco quòd ferrum eis
desit. Vel hoc modo, Ferrum non est, igitur gladius non
est. Locus quidem differentia maximæ a causa materia-
li. Locus uerò maxima, Si nō est causa materialis, neq;
ipsa, quæ ex ea conficiuntur, esse possunt. A formali au-
tem: ut si quis probet Dædalū non potuisse uolare, quo-
niā nullas naturali forma pennas habuisset. Locus qui-
dem differentia maximæ a causa formali. Locus uerò
maxima, Tantum unūquodque potest, quantum forma

eius naturalis permittit. A fine, siue à causa finali argumentum ducitur: ut sit propositum, an iustitia bona sit, fiatq; hoc modo argumentum. Si beatum esse bonum est, & iustitia bona est. Hic est enim iustitiæ finis, ut si quis secundum iustitiam uiuat, ad beatitudinem perducat. Locus quidem differentia maximæ a fine, siue a causa finali. Locus uero maxima, Cuius finis bonus est, ipsum quoque bonum est.

A CAUSIS.] Causa dicitur in uniuersum, ad cuius esse aliud sequitur. Causarum tractatio frequens est, & apud Dialecticos, & physicos. Causæ pertinent ad philosophum naturalem, quatenus principia quædam sunt, & ad morum reducuntur. Ad dialecticum uero quatenus uel per eas fuit, uel demonstrat ab eis argumenta ducuntur. *Congregatio hominum naturalis est.*] Hic locus sic ad syllogismum reducitur. omnis congregatio hominum est naturalis, iustitia orta est ex congregatione ergo iustitia est naturalis. *Tantum unum quodque potest.*] A causa formali metimur uniuscuiusque rei virtutem, ergo si forma non adfuerit, quæ requiritur ad talem operationem, & operatio abest, ut calor est quædam forma accidentaliter mediante qua ignis calefacit, ergo si hæc cesset etiam cessabit calor.

De locis, qui ab effectibus dicuntur, & in
à generatione & corruptione.

A R effectibus quoq; harum argumenta ducuntur. Verum ad hoc ipsum scire oportet, dupliciter. *Te cuiuslibet effectus causam necessariam, ut sine qua effectus esse, non potest, & sufficientem, quæ certe huiusmodi est, ut si adsit, impossibile sit effectum non esse. Itaq; ab effectu ad causam necessariam ita argumentari possumus per constructionem, Gladius est, ergo ferrum est: & domus est, ergo intritum est, & lapides, & ligna.*

DE LOCIS DIALECT.

Locus q. max. ab effectu ad causam necessariam, Loc. ue. ma. Posito effectu, ponitur & eius necessaria causa. Rursus ab effectu ad causam sufficientem per destructionem potius, quàm per constructionem, quando construendo argumentationem non semper euenit, quod inferre uolumus. Vnde non recte sequitur, Hinc interijt, ergo iugulatus est. Siquidem id euenire posset alio quouis casu, aut letali morbo correpto alicui. Destruendo, tamen ratum est quod infertur, ut, non interijt, ergo iugulatus non est. Item, lumen solis non est, ergo eius lux nõ est, Propterea scire debemus, quòd ex ipsis causis latior patet argumētandi cāpus, autore Hegio. Itaq; ab efficiente quidem causa arguere possumus statuam cōmēdabilem esse, quia Phidias eam fecerit, aut Polyclētus, aut Paraxiteles. Hinc illud ouidiij, Materiam superabat opus. A materia uero res pretiosas aut utiles esse, quippe quod tela serica pretiosior sit lanea, et lanea item linea. Et iuxta Horatij sententiā, Vilius argentum est auro. Hinc etiā scientia de anima honorabilior ab Aristotele dicta est cætera quauis de natura parte. A forma autem res extare, & item dignas, & minus dignas esse, ut hominem, quòd rationale animal sit, digniorem uolubet animali. A fine, res bonas siue utiles, ut exem. causa, liberales artes, quòd bonos & utiles habeant fines. Cæterum qui ab effectibus dictus est locus, hunc Boetius eundem esse dicit cum loco a generationibus. Sed nos eos seiunximus, quòd generatio uidelicet non sit, quæ ad causas ipsas sequatur, cuiusmodi tamen effectus definitur: sed quæ potius uia quædam sit ad effectus producendos: quemadmodum corruptio ad

corum

eorum defitionem. Atqui horum speculatio aliū postulat locum. A generatione igitur, argumentum ducitur hoc modo, Assuesfactio ad uirtutem bona est, igitur uirtus bona est. Lo. qu. ma. a generatione. Lo. ue. ma. Cuius generatio bona est, ipsum quoq; bonum est. A corruptione uero, ut desuesfactio a uitio bona est, igitur uitium malū est. Loc. qu. diff. ma. a corruptione. Locus uero max. Cuius corruptio bona est, ipsum quod corrumpitur, siue quod corruptum est, malum est. Sane sciendū, quod quoties ab hoc loco argumentamur, prædicatum consequentis contrarium, seu oppositum esse debet prædicato antecedentis. Quod tamen nō ita euenit in loco a generatione, ob eam fortassis causam, quod per hanc aliquid acquiratur, per illam autem deperdatur acquisitum. Et enim ut generatio, rei productio est: ita corruptio, eiusdem abolitio.

A B effectibus.) Diuisio quā hoc loco Cæsarius proponit, est apud Aristot. iij. cap. ij. lib. Auscultatoriorum. Est autem causa necessaria uel, ut loquitur Aristot. actu, quam necessario sequitur effectus, ut ex arbore bona fructum ferente, necessario bonus sequitur fructus. Alia est causa sufficiens nō tamen necessaria quæ impellit, & adiuuat ad effectum consequendum, ut colloquium respectu amoris. *Hic interijt.* Sic iugulare, est causa sufficiens interitus non tamen necessaria. At qui horum.] In his duobus locus a generatione, & corruptione argumentationes cōponuntur prædicatis euariatis secundū has uoces bonū, & malū. A generatione, sic generatio domus bona est, ergo domus est bona. Generatio Catilinæ perniciofa fuit, ergo Catilina perniciosus. At in loco a corruptione diuersum sumitur prædicatum in antecedente, & consequente, ut domicilia latronū funditus euertere bonū est, ergo ipsa domicilia mala sunt. Aristot. in Topicis sæpe hos locos inculcat.

DE LOCIS DIALECT.

De locis, qui ab usibus, & communiter
accidentibus dicuntur.

VSVM definiunt rei cuiusq; operationem, at minus
proprie. Quandoquidem multarum rerum usus aliquis
esse probatur, quarum tamen nulla est operatio, ut libro-
rum quidem est aliquis, nulla autem operatio: & agri
item, & gladij. Itaque rectius definitur, cuiusq; rei fun-
ctio. In quibusdam tamen coincidunt usus, & opera-
tio, ut visio oculi, usus eius est, & functio, & operatio
pariter. Sed & illud hic cauendum moneo, ne abusus
pro usus usurpemus; ut hi faciunt, qui ita argumentan-
tur. Interficere hominem malum est, igitur gladius ma-
lus est, quando certe in hoc non usus gladij est, sed abu-
sus. Quippe ad propulsandam potius iniuriam, non ad
inferendam gladius factus est. Vnde illud Diui pauli ad
Roma. cap. xij. Non frustra gladium gestat is, qui in re-
publica potestate fungitur. Dei enim minister est uin-
dex ad iram ei, qui male agit. Ab usibus igitur, siue ab
usu argumentum ducitur, si ita argumentetur quispiam.
Equitare bonum est, igitur equus bonus est. Locus qui-
dem differentia maximæ ab usibus, siue ab usu. Locus
uero maxima, Cuius usus bonus est, ipsum quoque bonum
est. Communiter accidentia, ut hoc loco accipiuntur.
sunt, quæ sese comitantur, idq; uel semper, uel plurimum.
Ab his igitur argumenta ducuntur, quoties ea sumun-
tur accidentia, quæ relinquere subiectum, uel non pos-
sunt, uel non solent; ut si quis hoc modo dicat, Sapientem
non pœnitent, pœnitentia enim malum factum sequitur.
Quod quia in sapientem non cadit, ne pœnitentia qui-
dem. Loc. q. m. a communiter accidentibus. Locus

uero maxima, Cui non inest aliquid ei, nec illud quod il-
 lius est consequens, inesse potest. Rursus & hoc modo se-
 cūdam affirmationem, Pluit, ergo uapores in sublime
 leuati sunt. Vnde nec illud iam prætereundum est, quod
 aliquoties quæ naturaliter priora sunt, in propositione
 tamen sicut consequentia, ut Peperit, igitur cum uiro
 concubuit. Quocirca non recte ita proponitur, Inimici-
 tiæ sunt, igitur bellum est. Sed econtrario potius, Bellum
 est, igitur inimicitia sunt. Nam ut ludum plerunque
 comitatur certamen & ira, ita ex ira inimicitia sepe
 oriuntur, & ex his funebre bellum. id quod ab Hora-
 tio elegantissime adnotatum est tertia ad Mæcenatem
 epistola: Ludus enim genuit trepidum certamen et irā:
 Ira truces inimicitias, & funebre bellum. Aliquoties
 uero, quæ naturaliter antecedunt, ea & in propositio-
 ne priora sunt, ut arrogans est, ergo odiosus est. Ex arro-
 gantia enim quisq; fit odiosus. Tale est & illud, quod
 Anselmus inter medijs ordinis theologos, (nisi iudicio
 fallor) collocādus, in libro de casu diaboli adnotauit his
 uerbis, Aliud est, inquit, rem aliquam causam esse alte-
 rius rei: aliud positionem rei causam esse, ut aliud sequa-
 tur. Nam incendium non sit causa ignis, sed ignis e di-
 uerso incendijs, positio tamē incendijs causa est, ut ignem
 esse sequatur.

V s v m definiunt:) Vfus, ut inter locos numeratur, nihil
 aliud est, quā actus ipse utendi, siue operatio siue functio
 uocetur. Sed & illud.) Ducitur argumentum ab usu, quan-
 do ab ipsa rei bonitate uel malitia colligimus. Nam ex hoc
 sumitur maxima per contrarium, cuius usus malus est, ipsum
 malum est, & cuius usus bonus est ipsum bonum est. Commu-

DE LOCIS DIALECT.

inter accidentia.] Hæc sunt quæ *ἀσπιτοπαλῶς*, hoc est frequenter eueniunt, ut comptus est, ergo amat, philosophus est. ergo suum negotium agit, & hominum conspectum fugit. *Rursus & hoc modo.*] Est enim pluuia uapôr calidus, fumosus eleuatus, à corporibus humidis per calorem solis, usque ad mediâ aeris regionem, à cuius frigore condensatur, & in nubem conuertitur, quæ nubes rursus in aquam dissoluitur.

De locis qui extrinsecus sumuntur qui & quot sunt.

Expositis locis, qui ab ipsis terminis in quæstione positis sumuntur, restant dehinc exponendi, qui licet extrinsecus sumpti argumenta tamen quæstionibus suppeditant. Hi uero sunt, a rei iudicio siue ab autoritate, a similibus, a partibus, a proportionione, a maiore, a minore, ab oppositis, a repugnantibus, a transumptione, & a transmutata proportionione.

Expositis locis.] Extrinseci loci dicuntur, quando sumitur argumentum ab his, quæ sunt omnino separata, à substantia rei de qua quæritur, ut liberalitas est uirtus, ergo non est vitium.

De loco ab authoritate, siue a rei iudicio.

LOCVS qui rei iudicium tenet, siue ab autoritate dicitur, huiusmodi ab est, ut si dicamus id esse, quod uel omnes iudicant, uel plu. & hi uel sapientes, uel in una, quaque artium pænitus eruditi. Huius exemplum est, præter firmamentum esse planetarum orbes septem: quoniam id ita astrologi doctissimi, & in astrologia sapientes, pænitusq; eruditi iudicarint. Locus quidē differentia maximæ, ab authoritate, siue à rei iudicio. Locus uero maxima, Quod omnibus uel pluribus, uel sapientibus

pientibus hominibus uidetur, ei contradicere non oportet. Huic & illa astipulatur maxima, Vnicuiq; in sua arte perito credendum est. Sane hic locus etsi per alias quoq; complures disciplinas usum suum præstat, in duabus tamen id præcipue spectatur obseruaturq;. Vnam quidem, quæ ueluti cæterarum artium fundamentum quoddam est, ac per hoc omnium infima, quippe literas docens, unde & nomen habet, à Grecis γραμματικὴ dicta: altera uerò quæ quoniam circa diuinos uersatur sermones Theologiæ nomē illis ab accepit. Hinc etiam disciplinarum omnium suprema existit, & tanquam aliarum regina haberi debet. Verum ut illius autoritas in primis apud poetas est atque historicos, cæterosq; idoneos, atque probatos scriptores: ita huius autoritas ex nouo & ueteri testamento potenda est. Porro cum duplex sit autoritas, humana atque diuina: scire debemus, quòd humana plerunque uacillat, diuina semper firma manet. Humanæ igitur contrahenire interdum licet, diuinæ nunquam: illa sæpe rationibus fulcitur, hæc rationibus nullis indiget, sibi sufficientissima. Ergo cum in humanis disciplinis aliquis instituendus est, is (ut Aurelij Augustini, & uerbis & sententia utar) duplici uia ducitur, autoritate, & ratione. Et tempore quidem autoritas, natura uero ratio prior est. Itaque quamuis imperitis adhuc autoritas uideatur esse accommodatior (oportet enim, ut Aristoteles ait, addiscentem credere) ratio tamen apertior est eruditis. Authoritas igitur imperitis ad huc, ianuam quodammodo aperit doctrinarum, & discentem ducit. Ratio autem eundem iam exuditum præf

*sis uestigijs hæere facit, & omnia intromissa luce com-
monstrat.*

LOCUS *quid.*] Locus ab authoritate illis maxime niti-
tur, quæ in finitione probabili explicantur: est enim pro-
babile, ut Aristoteles primo capite primi libri Topicorum
finit, quod uel omnibus, uel pluribus, uel sapientibus, & his
uel omnibus, uel pluribus, uel maxime notis uidetur. *Vna
quidem.*] Grammatica minimum ratione plurimum usu, to-
ta authoritate constat. *Porro.*] Humana authoritas est, cu-
ius prima origo a nobis est, ut syngraphum instrumentum:
diuina quæ uel Dei, uel nominis uoce profertur: uidendus
est Cicero, initio partitionum oratoriarum, & Rodolphus
agricola uicesimo tertio capite primi libri. *Altero uero.*] Plus
ualet authoritas in sacrosancta theologia, quàm ratio, quia
circa arduas res, & à sensibus remotas uersatur, in quibus ra-
tio humana nutat.

De locis a similibus, & a partibus.

SIMILIA *sunt, quibus eadem qualitas inesse per-
spicitur. Vnde & similitudo definitur, rerum differentiis
eadem qualitas.* At qui simile, ut hic accipi uidetur,
sunt qui ita definiant: Simile est, quod eandem cum alte-
ro sue ueritatis probabilitatem habet. A similibus er-
go, siue a simili, hoc pacto, argumentum ducitur, ut si
dubitetur, an homini proprium sit bipedem esse, id ita
probamus. Similiter inest equo quadrupedem esse, ut ho-
mini bipedem: at non est equo quadrupedem esse pro-
prium, igitur nec homini esse bipedem. Locus quidē dif-
ferentia maximæ a similibus. Locus uero maxima, De
similibus idē est iudicium. Sane hoc loco usus est diuus
Paulus, Si Christus (inquit) mortuus resurrexit, & nos
mortui resurgemus. Vnde errare conuincuntur, qui
hunc locum uno pede claudicare dicunt: quod (ut aiunt)

fallat

fallat plerunque adducta similitudo. Verum id quoties accidit, non iam a similitudine, sed potius a dissimilitudine erroris sui causam habet. Quapropter Quintilianus huic præcipue loco iudicium adhibendum monet: Solent enim, inquit, nos fallere plerunque similitudinum species, ideoq; adhibendum est his iudicium. Huic loco band dissimilis est locus, qui a paribus dicitur. Sunt autem paria, quæ eiusdem sunt quantitatis: & paritas ipsa quantitatis ueluti similitudo quædam est. Ab hoc argumentum fit, si ita proponatur, Si cui in animo est Demosthenem laudare, cur non & Tullium laudabit, cum alter alteri par sit? Nempe quantus in eadem persuadendi arte unus, tantus & alter. Locus quidem differentia maxime, a paribus. Locus uero maxima, Parium idem est iudicium.

SIMILIA sunt.) Vt Cornus & Aethiops dicuntur similia, quia eis eadem qualitas secundum speciem inest. Vnde errare.) Omnium locorum è quibus argumenta ducuntur, nulli minus est uirium quàm loco à simili: parum contra renitentem ualeat aduersarium plurimum ad illustrandam orationem, ut apud Quintilianum, quemadmodum uascula oris angusti, sparsam humoris copiam respuunt, sensim autem insillantibus replentur: ita tenera puerorum ingenia pro modo uirium suarum docenda sunt, insuper in loco à simili hoc obseruandum est, sat esse similia in uno tantum consistere, non autem in omnibus. Vt quemadmodum oculus in corpore, ita mens in anima: in eo est similitudo, quia ut oculus est ornamentum corporis, ita mens animæ: si quis autem ita ratiocinaretur, ut oculus in corpore, ita mens in anima: sed oculus est corporeus, ergo mens est corporca. fallaci uteretur conclusione: quia in eo non consistit similitudo. Hanc rem totam paucis uerbis Cicero in præceptis herennianis libro quarto expresse: non enim res tota toti rei necesse

DE LOCIS DIALECT.

necesse est similis sit ad ipsum, ad quod confertur, similitudinem habeat oporteat. *Si cui in animo.*] De comparatione Demosthenis, & Ciceronis uidendus est Plutarchus.

De loco a proportionione.

CONFINIS porrò duobus illis quodammodo est, quia proportionione locus dicitur. Nam ut similitudine res rei comparatur secundum qualitatem, & paritate secundum quantitatem: ita proportionione habitudo comparatur habitudini. Est enim proportio quaedam habitudinis comparatio. A proportionione igitur argumentū ducitur, ut si queratur, an sorte eligendi sint in ciuibz magistratus, dicimus, minime: quia nec regendis nauibus sorte præficitur gubernator. Locus quidem differentia maxime, a proportionione. Locus uero maxima, Quod in unaquaq; re euenit, id in eius proportionali euenire probabile est. Hoc loco Aristoteles usus est in Ethicis libro primo, cū ait, Vt oculus in capite, ita mens in anima. Sane hic locus accommodari in primis iudiciis potest, necnon & negotiatoribus. Siquidem ut operatio ad operationem, ita merces ad mercedem: & ut meritū ad meritum, ita præmium ad præmium, & rursus, ut delictum ad delictum, ita pœna ad pœnam. Hæc enim omnia proportionalia sunt.

CONFINIS porrò.] Locus a proportionione similis est duobus locis superioribus, a pari, & a simili. est igitur locus, a proportionione unius habitudinis ad alteram comparatio, hoc loco. *Aristoteles.*] Locus est Apud Aristotelem sexto capite primi libri Ethicorum, huius exempli in superiori capite, a nobis facta est metio. *Siquidem ut operatio.*] Huius loci

loci plenior explicatio ex libro quinto Ethicorum Aristotēles cum de iustitia distributiva disputat, repetenda est.

De locis, à maiore & à minore.

MAIUS quod hic dicitur, & item minus, hoc patēto definiri possunt: Maius est, quod suæ ueritatis maiorem habet probabilitatem. è diuerso minus, quod minus, quod minorem. A maiore autem argumentum ducitur, si ita dicas: Non potest: rex arcem, aut urbem expugnare, ergo nec miles. Item, non licuit Herodi habere uxore uiri alieni, igitur neque fratris. Locus quidem differentia maxima, a maiore. Locus uero maxima, Si id quod magis uidetur inesse, non inest, nec id quod minus uidetur inesse, inerit. A minore uero conuerso modo, ut, si quilibet uel gregarius miles potest expugnare aut arcem, aut urbem, & imperator. Item, Si Scipioni priuatio licuit Caium Gracchum mediocriter Reipublicæ statum labefactantem interficere, quanto magis consulibus licuit persequi ac demum ultimo afficere, supplicio Catilinam, terras cedere, atque incendio vastantem? Item, Si feræ diligunt partus suos, quam in liberos nostros uti diligentia debemus? Locus quidem differentia maxima, a minore. Locus uero maxima, Si id quod minus uidetur inesse, inest, & id quod maius uidebitur inesse, inerit. Hæc locos Cicero & Quintilianus uocant a comparatione maiorū & minorū. A comparatione quidem maiorum: ut, Si quis sacrilegium aut peculatum committit, & furtū committet. A comparatione uero minorum (qui tamen oratoribus magis quam philosophus usui est) ut Qui facile palam mentitur, idem & peierabit.

DE LOCIS DIALECT.

2. **MAIUS** *quod hic dicitur.*) Horum locorum plena sunt omnia apud Dialecticos, & rhetores, unum hoc dignum observatione, maius dici duobus modis, primo secundum rem, & quantitatem: huius exemplum est apud Aristotelem primo rhetoricorū, hic patrem interfecit, ergo quemuis alium interficere audebit: hoc est argumentum à maiori, si rem spectemus, sed à minori si probabilitatem. secundo aliud est maius secundum probabilitatem quod habet maiorem uel minorem suæ probabilitatis ueritatem, ut Imperator non potest par esse uiribus Turcarum, ergo, neque dux aut comes. eodem modo distinguendum est minus; ex qua distinctione facile est intelligere locum Ciceronis in Topicis cū ait, quod ualet in maiore ualet in minore, & contra: quod enim ualet in maiore negatiue etiam ualet in minori: si enim quod est difficilius; & probabilius fieri, non potest, ergo nec id quod est facilius, & minus probabile: ut si fines non regantur in urbe, nec aqua arceatur, & quod ualet in minori, ualet in maiori affirmatiue, ut aqua in urbe arceatur, ergo fines regantur. huius loci duo elementa topica apud Aristotelem frequenter repetita sunt. si id quod uidetur magis inesse non insit, nec id quod uidetur inesse, inerit, & si id quod minus uidetur inesse, insit, & id quod magis inerit. Si Scipioni.) Hæc historia est apud Plutarchum in uita Gracchorum, & Valerium maximū libro tertio capite, de fortitudine.

De loco, à transumptione.

CAETERVM *qui a transumptione locus dicitur,* non is est, quem uulgus dialecticorum esse putat, atque definit, quoties nomen magis notum transumitur pro nomine minus noto, in qua tamen opinione, & Boetius esse deprehendo, nimirum alioqui de arte dialectica optime meritum. Sed ut cum bona eius uenia dixerim, quādoque bonus dormitat Homerus: imo idem poeta ait, Sæpe opere in longo fas est obrepere somnum: Itaque acutius, atq; subtilius hoc animaduertentes, Alexander

det

der Hegius, nostra fere ætate apud Dauentriam, nobile profecto & præclarum Germaniæ oppidum, haud in ce lebris gymnasiarcha, uir alioqui inter præfatos philoso phos connumerandus, & post hunc Iacobus Faber Sta pulensis, obseruandissimus quondam præceptor meus, tum Parrhisij Philosophiæ studijs operam nauarem, et ante hos Buridanus homo certe ingenio felicior, quã institutione, longe aliter hunc locum exponit, atq; exẽ plis insuper declarant: unde & ab his transumptio defi nitur esse, quoties nomen metaphoricũs, hoc est, transla titie sumptum, per proprium explicatur. Ab hoc autẽ argumentum ducitur, uerbi causa, si dicamus, Dialecti ca utilis est ad omnem methodum, igitur ad omnẽ scien tiam utilis est. Locus quidem differentia maximæ, a no minis trãssumptione. Locus uero maxima, Quicquid ali cui conuenit sub nomine metaphoricũs sumpto, eidẽ con uenit, & sub nomine proprie sumpto. Sane hoc loco nõ philosophi modo utuntur interdum, cæteri q; scriptores sed & sacræ literæ eo plene sunt, ac scatent propemodum: ut, si leo rugiens fugiendus est, & diabolus fugiẽ dus est. Item, si Christus leo est, & rex est.

• CÆTERVM.] Huius loci triplex est vsus, Primus quando thesim ad hypothesim transferimus, ut si quaeratur quid iustitia in omni re ualeat, & ostendatur eam mul tum in Reip. administratione posse. Sequẽdus quando no men notius sumitur pro ianotiore, ut sapiens pro philo sopho. Tertius quando nomen per metaphoram sumptum per proprium explicatur, ut si quis pro ardere amore, ue hemẽter amare dicat. Ad omnem methodum,] uel: doc, est bre uis uia, hinc per translationem significat dicendi compen dium, & rationem rerum dicendarum. Ex rex est.] Nam leo

aui-

animal est ferox, & omnium animalium generosissimum, & leones tantum ex feris clementia utuntur in supplices, prostratis enim parcunt, uide Plinum libro viij. ca. xvj.

De locis ab oppositis, & a repugnantibus.

AB oppositis uero toties argumenta ducuntur, quoties inter se aliqua opponi dicuntur. Opponuntur autem modis quatuor. Aut enim contrariè, ut album, nigrum: aut priuatiue, ut iustum. iniustum: aut relatiue ut dominus seruus: aut contradictoriè, ut uidere, non uidere. At de his quidem in tractatu de prædicamentis satis (ut arbitror) dictum est. Itaque a contrarijs argumentum ducitur hoc modo, Si bona est sanitas, ægritudo mala est. Vel, si est aliquod animal sanum, idem ægrum non est. A priuatiuis uero, ut si iniustitia fugienda est, sequenda est iustitia. Vel, si quid uidens est, idem profecto non est cæcum. A relatiuis autem, ut quisquis pater est, filium habeat necesse est. Vel, si quis pater est alicuius, eius filius non est. Porro a contradictorijs, ut si quis est uidens, idem iam non est non uidens. Locus quidem differentia maximæ, ab oppositis. Locus uero maxima, In contrarijs, priuatiuis, relatiuis, & contradictorijs, opposita sibi conuenire non possunt. In relatiuis insuper alterum sine altero esse non potest. Præter hæc autem sunt & repugnantia, quæ a nonnullis disparata dicuntur. Repugnantia quidem, quod licet nulla oppositione inter se aduersa sint, a se tamen adeo diuersa sunt, ut alterum de altero nequaquam prædicari possit: disparata uerò, quod ueluti disparæ res significant. Ab his igitur argumentum ducitur, ut si ita dicamus homo est, igitur lapis non est. Item, si quid homo est, id neque

bos est, neque equus, neque aliorum quicquam, quod ab homine diuersum est. Locus quidem differentia maxima, a repugnantibus, siue a disparatis. Locus uero maxima. Quæ sibi repugnant, hæc ne utiquam conuenire possunt.

A B. *oppositis.*] Regula tradi solet ab affirmatione unius oppositorum, ad negationem alterius, ratæ, & exploratæ fidei est argumentum, quam regulam ex inductione facile est probare *A relatiuis.*] Aliud sunt relata aliud relatiue opposita. Dicuntur relata quando sumuntur sine comparatione alicuius tertii, & sic mutuo se inferunt, ut dominus est, ergo seruus est. Relata opposita dicuntur, quando conferuntur ad idem tertium, & sic affirmatio unius infert negationem alterius, ut Anchises fuit pater Aeneæ, ergo non fuit eius filius.

De loco a transmutata proportionione

ADIICITVR a quibusdam præter prædictos locos, qui extrinsecus sumuntur, locus a transmutata proportionione dictus. Is autem huiusmodi est, ut si ita dicamus, Sicut octo ad quatuor, ita sex ad tria: quippe quod utrobique dupla sit proportio. Ergo sicut octo ad sex, ita quatuor ad tria: quæ numerorum ad se inuicem habitu do, proportionem utrobique constituit sesquitertiâ. Octo enim sex superant binario, quæ tertia pars est senarij. Itidem & quatuor tria, unitate quæ, & ipsa pars est tertia ad tria, siue ad ternarium. Hinc & transmutata proportio dicuntur, quòd ab una in alium quasi transitus fiat. Cæterum talem argumentationem hac maxima corroborant, Si ut primum ad secundum, tertium se habet ad quartum, & ut primum ad tertium, secundum se habet ad quartum.

ADIICITVR.] Proportio est mutua duarum quantitatum inter se commensurabilium habitudo, ut dupla inter unum

DE LOCIS DIALEC.

unum, & duo. Colligimus igitur ab hoc loco, ex quantitatum commutatione ab una proportionē ad aliam, ut in exemplo Cæsarii a proportionē dupla ad sesquitertiam. Huius loci exempla, ab Arithmetica petenda sunt. Proportio dupla est quando maior numerus bis minorem continet. Sesquitertia est quando maior numerus continet minorem, & tertiam eius partem, ut inter quaternarium, & ternarium.

De locis mediis.

MEDII dehinc loci sequuntur, quibus expositis, finem protinus huic tractatui imponemus. Sed cur ita dicantur, dicendum prius. Medij quidem loci dici videntur, quoniam in his argumenta neque extrinsecus omnino petuntur, neque ipsa terminorum substantia, sed ab ipsorum terminorum (ut exempli causa) uel casibus, uel coniugatis, leui quadam mutatione defleuntur. Similiter & qui a diuisione locus dictus est, medius inter utrosque collocatur: quoniam ex eo nunc ab ipsis in questione positis terminis, nunc extrinsecus argumenta sumuntur. Sint igitur loci medij tres, a casibus, a coniugatis, a diuisione. Et casus quidem est, cum principale aliquod nomen in aduerbiū defleatur, ut a iustitia iuste. Coniugata uero dicuntur, quæ ab eodem diuersimode deducta fluxerunt, ut a iustitia, iuste, & iustus, iusta, iustum. Sed hæc omnia a Cicerone Coniugata dicuntur, quod quasi ab uno iugo deducantur, quæ & idē ita definit. Coniugata dicuntur, quæ sunt ex uerbis generis eiusdem. Eiusdem generis uerba sunt, quæ orta ab uno, uarie commutantur, ut sapiens, sapienter, sapientia. A casibus igitur argumentum ducitur, ut si queratur de quopiam, sit ne prudens: et arguatur esse talis, hoc modo

do, Prudenter agit, ergo prudens est. *A coniugatis uero si hoc pacto, Iustitia bona est, ergo qui iustus est, bonus est: Locus quidem differentia maximæ, a coniugatis. Locus uero maxima. Si unum coniugatorum cuiuspiam conuenit, & reliquum.*

MEDII dehinc.) Medius locus dicitur quando ducitur argumentum ab eo quod partim conuenit cū eo, de quo quaeritur, & partim differt. Ut si in dubium reuocetur an iustitia sit laudanda, sic colligendum est, iustus est laudandus, ergo iustitia est laudanda. Argumentum ducitur a coniugatis, quæ partim conueniunt & partim differunt. *Et casus quidem est.* Casus hoc loco dicuntur ea nomina, quæ a primo deriuata cū eo ipso componuntur, ut sapienter iuste a sapiens iustus. Hæc tamen omnia quia per tenui separantur discrimine, eodem nomine coniugata dicuntur. Locus est in Topicis Ciceronis ad Trebatium. Orta ab eodem uerba uocat quæ habet idem principium & finem diuersum, ut temperans temperantia. Hanc uerborum coniugationem Græci συζυγία uocant, quam Aristot. in Topicis multum & sæpe commendat.

De loco à diuisione.

RESTAT locus a diuisione, qui (ut Boetio placet) hoc modo tractatur, Omnis enim (inquit) diuisio uel negatione fit, uel partitione. Negatione quidē, ut si quis ita pronunciet, Omne animal aut habet pedes, aut non habet. Partitiōe uero, ut si quis ita dicat, Omne animal aut sanum est, aut ægrum: & quoties uox diuiditur in sua significata. Fiunt igitur argumenta à diuisione, tum per negationem, tum per partitionem. Verum qui diuisionibus utuntur, hi aut directa ratiocinatione continent, aut ad aliquod impossibile, inconueniensq; ducūt atque id quod reliquerant, rursus assumūt. Si igitur in questione propositum, an nulla origo temporis fuerit:

T quod

DE LOCIS DIALECT.

quod qui negare uolet, is directa ratiocinatione id demonstrabit hoc modo, Tempus aut originem habet, aut non habet, Sed quia mundus æternus est (id enim paulisper disciplinæ gratia cōcedatur) tempus quoque æternum, quippe quòd mundus sine tempore esse non potuerit. Quod uero æternum est, origine omnino caret: tempus igitur originem non habet. At si per impossibile idem ostendi desideretur, dicetur hoc pacto, Tempus aut originē habet, aut non habet: sed si tēpus habet originem nō fuit semper. Tempus autem habet originem, fuit igitur, quando non fuit tempus. Atqui fuisse, temporis est significatio: fuit igitur tempus, quando non fuit tempus: quod fieri prorsus impossibile est: non est igitur ullum principium temporis. Quo fit, ut ad alteram diuisionis partem tandem redeatur, & dicatur tempus origine carere. Locus quidem differentia maximæ, a diuisione. Locus uero maxima, Condiuidentium uno sublato, alterum manet, & posito altero, tollitur reliquum. At uero qui per partitionem diuisionibus utuntur, hi id duobus modis tentant. Nam quæ diuiduntur, aut simul esse possunt, aut non possunt: simul esse possunt, cum uocē in significationes diuidimus, nō possunt uero, quæ negationis modo diuiduntur, ut aut sanus est, aut æger. Itaque si quærat, an canis substantia sit, tum quispiā per diuisionem id ita monstrauerit, Latrabile animal substantia est, bellua marina substantia est, sidus item celestis substantia est. Hæc autem tria canis nomen significat: est igitur canis substantia. Per modum uero negationis a diuisione argumentum ducitur hoc modo, Aut sanus est, aut æger, sed sanus non est, igitur æger

ger. Vel sic, æger non est, igitur Janus. Vel ita, sanus est, igitur æger non est. Vel hoc modo, Aeger est, igitur Janus non est.

RESTAT locus.] Quemadmodum diuisio fit duobus modis per negationem & partitionem: ita etiam duobus modis argumentamur a diuisione, per diuisionem, & partitionem. Diuisio fit per negationem, quando alterum membrorum negatiue circunloquimur. Per partitionem, quando membra diuidentia affirmatiue efferuntur. Cum diuisio fit per negationem colligimus ab affirmatione unius membri ad negationem alterius. *Ad uerò.]* Quando diuisio fit affirmatiue, ostendere oportet id de quo dubitamus singulis membris inesse diuidentibus, & sic inerit etiam diuisio.

Quemadmodum Dialectica probatio a demonstratione differat.

EXPEDITIS locorum differentiis, illud postremo ueluti coronidem adijcere operæ pretium est, quo uidelicet pacto dialectica probatio a demonstratione differat. Differt autem primo, quod demonstratio omnis ex proprijs concinnatur: Dialectica uero probatio ex communibus. Deinde, quod demonstratio ex solis necessarijs cōmeat: Dialectica uerò probatio interdum ex necessarijs interdum ex probabilibus. Tertio, quod demonstratio duobus tantum utitur speciebus argumentationis, nempe syllogismo, & inductione: Dialectica uero probatio omnibus fere, utpote nunc syllogismo, nunc enthymemate, nunc exemplo. Quo fit, ut non sit proprium dialecticæ opinionem aggignere cum formidine de opposito, ut nonnulli falsò persuadent, sed dialecticam potius fidem quæ cum ex necessarijs fit, colligiturq; non minus certa est, quàm quæ per demonstrationem paritur: Hoc tamē

DE LOCIS DIALECT.

a scientia differens, quòd scientia ex proprijs aggrignitur: illa uero ex communibus, & nulli scientiæ peculiariter additis. Caterum opinionem facere infirmiori ipsius dialecticæ parti competit: qua proinde oratores frequentius, Philosophi rarius utuntur. Quod quidem & diuus Seuerinus Boetius ita esse comprobatur, atq; his contestatur uerbis, Sed ea quidem argumenta (inquit) quæ ex definitione, uel genere, uel differentia, uel causis, uel ex diuisione ducuntur, demonstratiui maxime syllogismis uires, atq; ordinem subministrant. Reliqua uero dialecticis, & uerisimilibus.

EXPEDITIS.) Appendicem addit, qua obiter docet discrimen inter syllogismum Dialecticum, & demonstratiuum. *Differt autem.*) Prima differentia inter probationem demonstratiuam, & dialecticam. Demonstratio constat ex principiis certæ scientiæ additis, Dialectica uerò ut communis est facultas, ita etiam omnibus principiis utitur. Id docet Aristo. initio lib. j. Rhetoricorum, & viij. cap. j. lib. posteriorum, & xj. ca. j. lib. Elenchorum. *Deinde.*) Secunda differentia demonstratio componitur ex omnibus, & solis necessarijs, sed dialectica probatio fere ex probabilibus. Videndum est sextum cap. primi libri posteriorum. *Tertio.*) Tertia differentia, demonstrator utitur tantum duabus formis argumentationis, syllogismo, & inductione. Nam hæc si recte componantur, semper necessario conficiunt conclusionem, quod proprium est demonstratoris. at Dialecticus omnibus formis promiscue utitur.

147

IN TRACTATVM DECIMVM

P R A E F A T I O.



ABSOLVTIS haftenus a nobis nouem ex decem, quos instituimus, tractatibus artis Dialecticæ, in quibus eas partes ipsius artis pertractauimus, quantum compendio licet, per quas recte, diligenterque differendi ratio comparatur, qui certe, & finis totius artis esse existimatur (quippe per quem uerum a falso discernitur) institutio huic nostro iam satisfecisse uideri possumus. Cæterum quoniam falsum sub ueri specie plerunque obrepat, quo & incaut facile illuduntur (fallit enim uitium specie uirtutis, ut non tam eleganter quàm uere a Iuuenale Satyrico poeta dictum est, & ab Horatio in eundem sensum, Decipimur specie recti) idcirco ab Aristotele prouido nimium artis magistro id etiam curatum est, ut post artis præcepta talia quoque relinqueret præcepta, quibus etsi nihil, quod ad artem faciat, disceremus, his tamen instructi facile uitare possemus sophistarum argutias captionesque, quorum hæc est præcipua intentio, ut fallant, non doceant: magis appareant scientes, non sint reuera. Vnde & hic illud, neque incommode, neque importune ex Aurelio Augustino adiecero, quod uir ille de eadem re in tertio de doctrina Christiana scriptum reliquit. Cuius hæc sunt uerba, Sunt multæ falsæ conclusiones rationum (quæ sophismata appellantur) & ueras plerunque ita imitantes, ut non solum tardos, sed ingeniosos minus diligenter attentos decipiant. Quare & nos iam ob eandem certe causam, Aristotelem hac quoque in parte sequentes, decimum illis nomen adiicere in animo constituimus tractatum. In quo proinde de sophisticis elenchis (sic

DE ELENCHO SOPHIST.

enim ab illo appellati sunt) siue de locis sophisticis agamus, ut studiosi adolescentes, si quibus hæc nostra lucubratio quoquo modo profuerit unquam, post artem uel mediocriter perceptam, ex hoc iam etiam percipere possint, quænam sint, propria huius artis, quæ non sint: tam etsi sine his nec ipsa satis sibi constare potest, ut nec Grammatica, quæ recte loquendi scientia definitur, nisi in hac quoque de Barbarismo atque Solæcismo foedisimis eius artis uitii cura desumeretur non parua: id & in morum disciplina iam pro cõperto omnibus esse potest. Atque adeo hæc cura de artium quoque uitii prodendis necessaria est: quod uitia latius serpere soleant suapte natura, & (ut supra dictum est) nonnunquam uirtutum species sibi induant, quo citius circumueniant incautos. Hinc rectissime ab eodem Horatio dictum est, In uitium ducit culpæ fuga, si caret arte. Sed iam de Elencho quid primum dicamus, & unde huius tractatus inscriptio.

CAESARIUS in hanc præfatione docet rationem, cur post utranque dialecticæ partem inuentionem, & iudicium, nunc tradat locos sophisticos ex quibus fallaces conclusiones colliguntur. *Cæterum quoniam.* Ex hoc loco præcipua ratio sumitur loci superioris. Etsi is qui nouit contexere verum syllogisum; etiam nouit fallacem (rectum enim est index sui & obliqui; ut primo de anima Aristot. docet) tamen quoniã sæpenumero falsum sub ueri specie irrepit, uisum est Cæsario etiam post Aristot. eos addere locos, quibus cognitis captiosas conclusuticulas dextre dissoluere possimus. Nõ. n. minus est ingeniosum acute posse ponere quæstionẽ quã propter diluere. Esse autem quosdam impostores syllogismos, Aristot. cap. i. lib. Elenchorũ similitudine elegati docet. Quæ admodum quidam homines, à natura formosi sunt, quidam fucose exornant, & ut argentum quoddã est verum quoddam adulterinũ: ita etiã quidã sunt ueri syllogismi quidẽ fallaces. Quod non solum in Dialectica, sed Rhetorica, & aliis artibus usu uenit. Vnde Arist. ad finem ii. Rhetoricorum locos quosdam

quosdam tradidit, quibus falsas argumentationes dissoluere possemus. *Quorum hæc est præcipua intentio.*] Id ex Platonis sophista perpicuum est. Plato enim postquam sex proposuit sophistæ finitiones, eas epilogo perstringens ait. Prima inuestigatio docuit sophistam mercenarium uenatorem iuuenum ac diuitum. Secunda, Mercatorem circa animi doctrinas. Tertia circa hæc eadem cauponem. Quarta suorum inuentorem uenditorem. Quinta, circa sermones artificiosum nimium litigatorem. Sexta purgatorem animæ, extirpantem eas opiniones quæ doctrinis impedimento sunt. Septima, accedat sophista est contradictor. Ad ultimum Plato ita colligit. Sophista in omnibus repugnat, ergo sophista in omnibus sapiens esse uidetur. Est enim præstigiator, & uerarum rerum inutator. Aristo. uerò paucis uerbis multa complexus est. Ait enim ἴσ' ἵνα ἡ σοφιστικὴ φαινομένη σοφία ὄυσα καὶ μὴ, καὶ ὁ σοφιστὴς χρηματιστής, ἀπὸ φαινομένης σοφίας, ἀλλ' οὐκ οὐσης. Hoc est. sophistice est apprensus sapientia, sed quæ non existit. Et sophista est aucupator pecuniarum ab apparente sapientia, sed quæ reuera non est. Hæc copiosius fufiusque ex Platone, & Aristotele commemorauimus, ut tyrones sophistæ nomen, quod in inuidiam nunc abiit, & cuius toties mentio incurrit, planè intellexerent. *Nomunquam uirtutum species sibi induant.*] Est enim quædam uirtutum, & uitiorum uicinitas, ut Quidius libro j. de Remedio amoris eleganter docet.

Et mala sunt uicina bonis, errore sub illo,

Pro uitio uirtus crimina sæpe tulit.

Quem locum nos etiam in scholiis, quæ Panegiricum Plinii scripsimus, copiosius enarrauimus.

Qua ratione de sophisticis elenchis inscriptio huius tractatus.

SED antequam reliqua huius tractatus exequamur, dicere haud grauabor, cur de sophisticis elenchis inscriptus sit, tum qui ab Aristotele nobis relictus est li.

DE ELENCHO SOPHIST.

ber eiusdem negotij, tum qui nobis iam instituitur tractatus ad illius imitationem: quamuis de locis sophisticis inscriptio a nonnullis facta sit? Existimat Iacobus Stapulensis id ab Aristotele factum esse, partim quod hic præcipuus sit sophistarum finis inter quinque, quos illi coniectant, ac sibi proponunt, de quibus mox plura: partim quod huiusmodi syllogismus, Elenchus inquam sophisticus, instrumentum sit maxime idoneum ad convincendū, hoc est, ad coarguendum coaltercantem. Unde & apud Græcos ἐλεγχος nomen quod dicitur, apud Latinos præter alia argumentum, siue probationem significat, & uerbum ἐλεγχω, quod arguo significat. Sed cum elenchus dicitur hoc loco, sophisticus idcirco additur ut per sophisticū elenchum eum intelligamus syllogismus dici ullo modo posset, non per quem probatio & fides rei dubie fiat, cuiusmodi certe dialecticus syllogismus est, sed deceptio.

SED. antequam.) Cæsarius obiter explicat tractatus huius inscriptionem ἐλεγχος hoc est argumentum probatio, fallax conclusiuncula.

De syllogismo sophistico quid sit, & quo pacto
a dialectico differat.

Ex his iam qua dicta sunt, haud obscurum esse potest, eundem syllogismum esse, qui nunc sophisticus, nunc litigiosus, siue contentiosus dicitur. Eius porro duplex ab Aristotele definitio traditur. Vna quidem, qua syllogismus esse intelligitur, sed ex his colligens, quæ uidentur probabilia, imperitis uidelicet, cum tamen non sint. Altera uerò, qua apparet quidem esse syllogismus; attamen non est: tametsi ex probabilibus nunquam colli-

ligi-

ligitur. Vnde etiam liquidò nunc apparet, ab huiusmodi syllogismo dialecticum syllogismum duplici ratione differre. Primum, quod hic syllogismus planè sit: deinde quod ex probabilibus colligat. Ceterum probabilia ab Aristotele esse definiuntur, quæ videntur omnibus, aut plurimis: aut sapientibus, & his quidem uel omnibus, uel plurimis, uel maximè familiaribus & probatis: ut unumquenque amare eum, à quo beneficia acceperit.

Ex his iam.) Aristot. i. cap. i. lib. Topicorum duplicem syllogismum sophisticum constituit: alterum qui falsum tumit, & bene concludit, ut omnis substantia est animal, omnis homo est substantia, ergo omnis homo est animal: alterum qui uerum assumit, & male colligit, ut omnis homo est animal, omnis equus est animal, ergo omnis equus est homo. Priorem Aristot. putat dignum nomine syllogismi, posterioriorem minime.

De quinque sophisticarum finibus, quas & metas uocant.

CUM ergo sophista omnem neruum, omnemq; conatum eo intendat, ut coaltercantem circumueniat, illaqueetq; uidendum est, quot & quæ sint, quæ ipse coniectet, ac si proponat, ut fines initi certaminis: quos ubi etiam assecutus fuerit, se iam uictorem aduersus corrixantem nimis superbe, insolenterq; proclamat atque uociferatur. Sunt uerò hæc numero quinque, Redargutio, falsum, Inopinabile, Solæcismus, & Nugatio. Est autem Redargutio, cum ui disputationis cogitur quispiam aut negare quod antea concesserat, aut quod prius negauerat rursus concedere. Falsum uerò, quod nullam habet ueritatis causam, ac ne apparentem quidem

DE ELENCHO SOPHIST.

dem. Inopinabile uero, quod præter opinionem omnium, & maximè sapientum proponitur, ut matrem odisse filium suum. Tametsi id de Medea fingunt poetæ. Solæcismus est quoties secundum locutionem cogitur respondens barbarizare. Et à Donato definitur uitium in contextu partium orationis contra regulam artis Grammaticæ factum. Videtur tamen hoc loco & pro barbarismo cõmuniter accipi, qui ab eodem Donato definitur, una orationis pars uitiosa in communi sermone. A Diomede uero, contra Romani sermonis legem, aut scripta, aut pronuntiata uitiosa dictio. Nugatio porro est, cum respondens cogitur idem sæpius dicere. Vnde & à nonnullis definitur, eiusdem uerbi inutilis repetitio.

C V M ergo) Sophistæ qui fucatam quandam speciem sapientię protulerant, semper in unum ex his quinque finibus collimabant, & cum unum horum assequuti erant, se aduersarium uicisse existimabant. Vt *disputationis*.] Recte hoc dictum est, nam si respondens ingenii ostentandi gratia, utranque partem Thematis propositi defendat, & affirmet, quod prius negauerat uel contra, non dicitur impegisse in metam redargutionis. *Falsum uero*.] Hic finis est quando respondens cogitur concedere, id quod omnibus est perspicuum esse falsum, ut uirtus est uitium. *Inopinabile*.] Id quod *παράδοξον* apud græcos est, hoc loco inopinabile dicitur, ut peccata omnia æqualia sunt, omnia mouentur, nihil nouetur. *Negatio*.] Hæc est eiusdem uerbi ab eadem parte orationis, inutilis repetitio, ut Catò se Vitiæ interfecit. Nisi idem ornatus causa bis repetatur, ut Cæsar Cæsar faucas Reip. De hac figura uidendum est initium iiii. libræ ad Herennium.

De locis sophisticis, & eorum
diuisione.

N V N C ad ipsos locos ueniamus, locos dico sophi-
sticos: hoc enim nomine à Georgio Valla Placentino mi-
hi non absurde appellari uidentur: quippe quòd ex his
perinde fallaciæ & sophistica argumenta ducuntur, at
que ex locis dialecticis argumenta & probationes dia-
lecticæ. Ab Aristotele tamen modi dicuntur, nonnun-
quam etiam loci. Horum autem prima diuisione hæc est,
quòd alij in dictione positi sunt, alij extra dictionem. In
dictione rursus, alius ab æquiuocatione, alius ab amphi-
bologia, alius à compositione, alius à diuisione, alius ab
accentu, alius à figura dictionis. Extra dictionem
item, alius ab accidente, alius ab eo quod est secundum
quid ad id quod simpliciter dicitur, alius ab ignoran-
tia elenchi, alius à petitione principij, alius à conse-
quenti, alius ab eo quod est non causam pro causa pone-
re, alius ab eo quod est plures interrogationes unam fa-
cere. Patet igitur huiusmodi siue locos, siue modos in
summa esse numero tredecim, ex quibus quidem in di-
ctione sex enumerati sunt, extra dictionem uero septē.
Præterea sciendum, quod argumentationes, quæ istius-
modi struuntur fallacijs, nunc sophismata, nunc para-
logismi à Græcis dicuntur, nominibus profectò accom-
modatissimis: quippe quæ à uerbis deducuntur, *ροφι-
σμοι καὶ παραλογισμοί*, quæ uerba apud Latinos interpre-
tantur imponere, siue decipere. Hinc & imposturæ,
& deceptiones. Adeo enim his cauillationibus atq;
argutijs decipitur imperitus quispiam, ut credat id esse
quod non est, & non esse quod est. Vnde etiam Ari-
stoteles

DE ELENCH. SOPHIST.

stoteles fallacias ipsas, & sophistica argumenta, quòd intra colorem tantum sint ueritatis, orichalco recte cõparat, auri uidelicet respectu. Nam ut orichalcum imperitis hominibus aurum esse uidetur, ita hæc ab imperitis uera argumenta esse creduntur, cum tamen à peritis statim falsa esse deprehendantur.

NUNC *ad ipsos locos ueniamus.*) Quemadmodum ex locis Dialecticis argumenta eruuntur ad thema propositũ probandum uel improbandum: ita ex locis sophisticis argumenta ducuntur ad fallendum decipiendumque. Et ut loci Dialectici in locos internos, & externos diuiduntur: ita etiam loci sophistici in eos qui in dictione, & eos qui extra dictionem sunt, diuiduntur. Vtriusque membri Cæsarius hoc cap. partes enumerat, sequenti capite diuisionem declaraturus. *Vt credat.*) Hinc potest colligi descriptio fallaciæ, quæ est deceptio qua aliquis opinatur id quod est uerum, esse falsum uel id quod est falsum esse uerum.

Qua ratione ex his locis alii in dictione,
alii extradictionem existere
dicantur.

NEC illum omittendum putauerim, quanquam fortassis haud ita magni momenti, cur ex dictis iam locis alij in dictione, alij extra dictionem existere dicantur. Sanè in dictione dici ob id uideri possunt, quòd quæ ex his locis fallaciæ struuntur, apparentiæ suæ causam habent ex proprietate siue affectione aliqua, quæ uoci (hoc est, dictioni) in primis conuenit. Cuiusmodi sunt, quæ iam dictæ sunt, æquiocatio, amphibologia, compositio, diuisio, accentus, & uocis figuratio. Extra dictionem uero, quòd ex his sumpta argumenta & compositæ fallaciæ credulitatis suæ causam sumunt, uel ex
rebus

rebus ipsiſ quæ ſignificantur, uel ex animi intentione, quæ ſola rerum rationes, & rarum pariter ad ſe inuicem conſequentias expendit, atq; diſcernit. Vnde & inter ipſas quoq; fallacias nonnihil diſcriminis habetur: quippe quòd per fallacias, quæ ex dictione proueniunt, decipitur quiſpiam potiſſimum, quoties cum alio quolibet diſputat. Per fallacias uerò, quæ præter dictionem accidunt, quoties ſecum diſputat, aut quippiam conſiderat, penſiculatq; attentius.

Nec illud omittendum) Sophiſticus ſyllogiſmus dicitur fieri in dictione, quoties cauſa cur uerus ſyllogiſmus eſſe uideatur, potiſſimum ex dictione ſumitur, ut ſi quis ita colligat, omne ſanum eſt animal, omnis urina eſt ſana, ergo omnis urina eſt animal. Cum dico deceptionem eſſe in dictione, dictionem tam pro ſimplici, quàm pro compoſita accipio. Fallax ſyllogiſmus dicitur fieri extra dictionem, quando ratio cauſa, cur uerus in ſpeciem appareat non proprie ex dictione, ſed ex habitudine rei ad rem ſumitur. Quod tamen ſine uocibus non fit: ut quidam homo eſt animal, quidam equus eſt animal, ergo quidam equus eſt homo.

De loco ex æquiuatione.

Æquiuationo dicitur, cum dictio ſiue uox ſimplex plura ſignificat. Cæterum æquiua uox duobus dicitur modis. Aut enim ſimpliciter talis eſt, aut Analogicæ, ſimpliciter quidem, ut canis, quod omnem æque quadrupedem latrabilem, piſcem morinum, & ſidus cæleſte ſignificat. Analogicæ autem, ut animalis nomen, quod tam uiuum, quàm pictum animal ſignificat, ſed non ex æquo, itaq; & paralogiſmos, quorum ex hoc loco argumenta ducuntur, tot modis uariari contingit.

Primo,

DE ELENCHO SOPHIST.

Primo, cum id quod in argumentatione sumitur, simpliciter æquiuocum est, ut, Omne expediens bonum est, malum autem expediens est, malum igitur bonum est. Expediens hoc loco æquiuocum est. Nam & necessarium, & aliud utile, & opportunum, expediens dicitur, & quod per se bonum est. In minore igitur propositione pro utili siue necessario assumptum est. Pecuniæ nanque & mercium abiectiones, & id genus alia, cum per se mala sint, sæpenumero tamen utilia sunt & necessaria. In maiore autem expediens sumptum est, ut per se bonum significans: ac per hoc ex æquiuoco paralogismus nomen inuenit. Tali cauillo olim usus (ui est apud Herodotum) A pollo diuinus uates, si credimus, cum Cræsum Lydorum regem oraculo consulto induceret, ut Cyro Persarum regi bellum indiceret, ita dixit, Perdet Cræsus Hulyñ, transgressus plurima regna, Perdo enim significat, & destruo, & amitto. Sciendum tamen, quòd hic uersus apud Herodotum Græce integer non legitur, sed apud Suidam aliunde haud dubie repetitus. *ἡροῖ σὺς ἄλιν διαβὰς μεγάλης ἀρχῆς καταλύσῃ.* Quem Cicero secundo de diuinatione libro ita uertit, ac Latinum reddidit, Cræsus Halyn penetrans magnam peruertet opum uim. Secundo cum id sumitur, quod Analogicòs æquiuocum dicitur, ut omne animal est motus sensuumq; per se particeps: quod autem pictum est, animal est: igitur quod pictum est, sensibus & motu participat. Item, omnes gemmæ sunt pretiosi lapilli, at in palmitibus gemmæ reperiuntur, testante id Vergilio. Turgent in palmitibus gemmæ: igitur in palmitibus pretiosi reperiuntur lapilli. Sunt porro

porrò qui præter duos æquiocationis modos addât in super & tres alios, nempe ex compositione, et consignificatione, & ex transumptione. Ex compositione quidem, quoties uox sine dictio simplex & incomposita, unum aliquid significat duntaxat, composita autem plura: ut immortale, quod nomen compositum significat, & id quod potest non mori, & quod non potest mori: cum tamen simplex mortale id significet, quod potest mori. Et consignificatione autem, ut cum sic contextitur sophisma, Quicumque sanabatur, sanus est: ægrotans autem sanabatur, ægrotans igitur sanus est. Participium ægrotans cum alias unum aliquid significet, ex consignificatione tamen ad diuersa tempora trahitur, nempe ad præsens & præteritum imperfectum. Ex transumptione uerò, ut sit quis præteritum os habere dicat, quia rideat, hoc est, latum sit, & fertile et pingue. Hinc Vergilius in Bucolicis dixit, Omnia nunc ridet, de arboribus & fructibus inibi loquens.

Æquiocatio.) Simpliciter æquiocum hoc loco uocat æquiocum a casu, quod plura habet significata æque primo, nec unum propter similitudinem alterius, ut canis. Id dicitur æquiocum ἀναλογικόν, quod uulgo a consilio æquiocum dicitur, quod plura habet significata, sed unum propter similitudinem alterius, ut homo. Id enim consilio, studio factum esse uidetur, ut unum significatum propter similitudinem alterius significaret. Nec debet quis hanc æquiocum distinctionem, tanquam sophisticam, & inutilem conuellere, ea enim ex ipso Aristotele vj. cap. j. lib. Ethicorum sumpta est, ut ergo duplex est æquiocum: ita etiam duplex ex hoc loco constructur fallacia. *Tali cauillo.*) Hac de re Vergilius Polydorus libro quinto, cap. viij. hunc in modum scribit. Fallebant præterea mortales eiusmodi demones amphibologiis nodosis, flexilisque responsis, hoc est,

DE ELENCHO SOPHIST.

ita ambiguus, ut in ambas partes agi possint. Nam ut Cræsus uictus a Cyro rege Persarum: ita Pyrrhus a Romanis, quorū uterque se ex oraculo superiorem fore sperabat. Hi erant cæcodæmones, quibus homines humanas hostias immolabant. *Quod nomen compositum.*) Theologi multum interesse putant inter has propositiones, homo potest non mori, & homo nō potest mori. Ultima negat potentiam, prima minime. Vnde ex hoc loco hæc fallacia componi potest, omne quod est immortale non potest mori, homo secundum statum primæ naturæ erat immortalis, quia poterat non mori, ergo non poterat mori.

De loco ex amphibologia.

Amphibologia autem (quemadmodum ex nomine ipso intelligi datur) dicitur, cum ratio intra se ambigua claudit sententiam, qualis illa Apollinis (Aio te Aecida Romanos uincere posse) ad Pyrrhum Epirotarum regem, cum oraculum consuluisse ipse super euentu belli, quod contra Romanos animo destinauerat. Quæ uersum ex Ennio depromptū esse idem Cicero testatur eodē de Diuinatione libro. Sanè tota orationis ambiguitas ex eo dependet, quod accusatiuus, te, ut etiam Romanos, nunc à tergo, nunc à fronte eius uerbi, uincere, construi potest. Atque ita incertū relinquitur ab Aecide, hoc est, à Pyrrho Romanos uinci posse, an contra, Aecidem à Romanis. Ex hoc igitur loco captio struitur, cum tale sophisma conficitur, Quicquid uidet quispiam, hoc ipsum uidet: at uidet aliquis columnam, columna igitur uidet. Item, Quosunque uellem me apprehendere, uellem ut me apprehenderent: hostes autem uellem me apprehendere, igitur uellem ut hostes me apprehenderent. Similiter autem & hoc modo,
Quis-

Quisquis arat littus, littus proscindit aratro: Ast opera per-
ram perdens, littus perhibetur arare: Ergo opera per-
dens, littus proscindit aratro: Differt autem amphibolo-
gia ab equiuocatione, quod equiuocatio quidem ex
nomine ipso res diuersas significante in captionem ad-
ducit. Amphibologia autem ex oratione fallaciam in-
uenit. Quo sanè nomine hunc appellare libuit, quanquã
apud Aristotelem Græcè legitur ἀμφιλογία.

Amphibologia.) Vt equiuocatio in uocibus simplicibus,
ita amphibologia in oratione plura significat. Aio te.) Locus
hic supra a nobis explicatus est. Quicquid uides quispian.) De-
ceptio est in uocabulo hoc ipsum, nam si accusatiuus est, uera
est oratio sin nominatiuus, falsa. Quoscunque.) Captio est ex
accusatiuo me, qui potest pendere uel a uerbo apprehendere,
a parte anteriori, & tunc sensus est, quicquid ego appren-
derem, uel a parte posteriori, & tunc sensus est quod me ap-
prehenderent.

De loco ex compositione, &
diuisione.

COMPOSITIONEM hoc loco pro oratione cõ-
posita, & diuisionem pro oratione diuisa accipere de-
bemus. Et composita quidem oratio est, quæ sensum
habet compositum. Diuisa autem, quæ diuisum. Por-
rò compositus sensus est, cum in ipsa oratione partes se-
cundum situm magis debitum intelliguntur. Diuisus
uero, cum econtra. Rursus autem debitus partium in
ipsa oratione situs is est, quæ idiomatis peritus magis
talem adiudicarit. Quod tamen ut facilius deprehen-
dat, tres ad hoc regulæ a Iodoco Clichthoueo traditæ
sunt, tribus uocabulis a Iacobo Fabro Stapulensi prius

DE ELENCHO SOPHIST.

annotatæ: quas proinde hic subscribendas haud ab re existimauerim. Vocabula autem sunt, Modus, Determinatio, Determinabile. Itaque ex his prima regula est. Si modus fuerit, aut subiectum, aut prædicatum propositionis, situs partium orationis magis debitus est: ut possibile est sedentem ambulare, aut sedentem ambulare est possibile. Secunda. Si determinatio posita inter duo determinabilia utrique ex æquo propinqua, præcedens determinauerit, situs magis debitus est: ut Quicquid uiuit semper, est. Adiectum est autem ex æquo propinqua: quoniam si non ex æquo utrique propinqua fuerit tunc si propinquus determinauerit, sensus magis debitus intelligitur: ut, Quicumque scit literas, nunc didicit illas. Tertia regula est. Si determinabile positum inter duas determinationes utrique ex æquo propinquum cum præcedenti iungatur, sensus compositus est, & situs partium orationis magis debitus: ut, Vidi imaginem auream, uentrem habentem. His ita prælibatis, ad sophismata ueniamus, quorum ex hoc loco deceptio struitur. Interea tamen ad illud præmonendum, quoties contextitur syllogismus iuxta expositos locos, si in eo sumpta oratio, in sensu quidem diuiso uera fuerit, in composito autem falsa, deceptio ex loco a compositione prodesse dicetur: sin uero contra, captio per locum ex diuisione facta esse intelligetur.

(Compositionem) Quid sit compositio & diuisio, hoc loco Cæsarius quadam gradatione docet. Si modus.) Sic contra, quando modus determinat uerbum, situs orationis est minus debitus, & sensus diuisus, ut hominem possibile est ambulare, Quicquid uiuit.) Aduerbium, semper, est determina-

rio, posita inter duo determinabilia, scilicet uiuit & exiit, debet autem cum uerbo est, coherere. *Insereatamen.*) Est ergo fallacias compositionis, quando a sensu diuiso uero proceditur ad sensum compositum falluim, fallacia uero diuisionis quando proceditur a sensu composito uero ad diuisum falluim, id exempla sequentis capitis declarant.

De sophisnatis, quę per locos a compositione, & diuisione fiunt.

IGITUR iuxta tria superius annotata uocabula, *sophismata* conficiuntur tribus quoque modis. Primo, cum modus uariatur, ut quęcunq; possibile est ambulare, fieri potest ut ambulet: atqui sedentem possibile est ambulare, ergo fieri potest ut sedens ambulet. Secundo, cum determinatio uariatur, ut quicumque scit literas, nunc didicit illas. atqui Grammaticę peritus scit literas, igitur Grammaticę peritus nunc dicit eas. Item, quod unum solum potest ferre, plura potest ferre: quod autem unum solum potest ferre, non potest plura ferre: igitur quod potest plura ferre, non potest plura ferre. Tertio, cum determinabile uariatur, ut quicumque bonus est, bonus est, atqui malus, artifex bonus est, malus igitur artifex, bonus est. Et hactenus, quidem, secundum compositionem facti paralogismi peccant. Qui uero sequuntur, secundum diuisionem totidem modis peccant, iuxta trium uocabulorum supra positorum annotationem. Primo, ut *Quiescentem ambulare* est impossibile, igitur *quiescentem* impossibile est ambulare. Secundo, ut quocunq; uidisti, hunc percussam, hic percussus est: atqui oculo uidisti hunc percussam, oculo igitur hic percussus est. Ter-

in acutum, grauem, & qui ex utrisque fit, circumflexu diuiditur. Porro acutus (ut Diomedes tradit) apud Latinos incorruptis semper, interdum in productis syllabis uersatur. Circumflexus in his quæ producuntur. Grauis autem per se nusquam consistere in uerbo ullo potest, sed in his, in quibus circumflexus est, aut acutus, cæteras syllabas obtinet. Apud Græcos autem cū acutus in dictione tria loca obtineat. ultimum, penultimu & antepenultimum, circumflexus quotlibet syllabarū sit dictio, non nisi penultimum tenebit locum. Igitur ut nulla uox sine uocali est, ita nulla sine accentu. Ac proinde recte quidam putauerunt accentum ueluti animæ uocis esse. Sed de accentu quidem hætenus plus satis, quando apud Latinos pronuntiatio uocum iuxta accentum regulas in totum propemodum abolita est, cuius tamen loco quantitas syllabarum perinde obseruatur. Fiunt autem per locum ab accentu sophismata tribus modis. Primo, quando pro syllabæ quantitate uariata, uariatur & significationis, ut quicquid malum est, fugiendum est, pomum autem malum est, igitur pomum fugiendum est. Secundo, quando uariatur ipsius syllabæ aut aspiratio, aut orthographia, ut Ad aram, fiunt sacra, atqui hara porcorum stabulum est (unde illud Ouidij, Immundæ cura fidelis haræ, & illud item Ciceronis. Ex hara productæ, nō schola) igitur ad porcorū stabula fiunt sacra. Tertio, quando dictio aliqua interim diuiditur, interim tota manet, ut quicquid inuite fit, coacte fit, uinum autem fit in uite, ergo uinum fit coacte. Cæterum de loco siue modo per accentum, Aristoteles dicit non facile esse dialecticis orationes facere in

DE ELENCHO SOPHIST.

his, quæ sunt sine scriptura. In scripturis autem & poematibus magis, quòd in his scilicet accentuum per certas notas, et syllabarum ob metri legem, accuratior habeatur observatio.

Accentus) Totum hoc caput partim ex Latinis, partim ex Græcis grammaticis est perspicuum. cum ait Cæsarius circuncunf exuni accentum apud græcos non nisi penultimam afficere syllabam, id canonibus accentuum apud Græcos omnino repugnant, accentus enim circumflexus ultimam, & penultimam syllabam afficit: qua hunc locum mendosum aut mutilatum esse puto, & sic legendum nisi ultimum uel penultimum tenebit locum. *Primo*) deceptatio est in nomine malum, nam prima longa significat pomum, breui, prauum. *Secundo quando*) Ara authore Varrone, quasi ansa dicta est, quia sacrificantes aram manibus tenebant, sic etiam iurantes olim aram tenebant. Vnde est illa nobilis Periclis sententia: sum amicus usque ad aras.

De loco a figura dictionis.

A FIGURA dictionis hic locus nominatur, quòd per eum quicunque sunt paralogismi, causam apparentiæ non aliunde habeant, quàm à uocis siue dictionis cum alia qualibet siue uoce, siue dictione configuratione, hoc est (ut planius dicum) a consimili dictionis cum alia qualibet dictione desinètia siue terminatione. Nec uideo tamen cur a quibusdam tam longè repetatur hoc loco figuræ definitio, qua a Geometris definitur magnitudo, quæ termino uel terminis clauditur, cum secundùm hanc definitionem, figura nihil commune cum dictione habeat, unde similitudo aliqua intelligi possit. Ex hoc igitur loco captiones struuntur, quoties argumentationem

nem factam constare ac recte se habere quis autumat, similitudine uocis hallucinatus, cuiusmodi hæc est. Discere est circa disciplinam exerceri, at exerceri circa disciplinam est docere, discere ergo docere est. Captio est, per figuram dictionis. Figuratum siquidem est passiuum in actiuum, & actiuum in passiuum. Nam exerceri circa disciplinam, & actionis et passionis expressiuum est. Quandoquidem exerceri esse potest tam impersonalis, quam passiuu uerbi modus infinitiuus, ita ut ab impersonali actio, a passiuo passio significetur. Fiunt præterea secundum hunc locum paralogismi, cum ab uno prædicamento transitus sit ad alterum, ut quicquid heri uidisti, hodie uides, atqui album heri uidisti, album igitur hodie uides. Hic transitus est a substantia ad qualitatem. Similis huic argumentatio est hoc modo. Quicquid heri emisisti, hodie comedisti, crudum heri emisisti, ergo crudum hodie comedisti. Atque id quidem est, quod Aristoteles his uerbis significare uidetur. Quæ autem per figuram dictionis (inquit) sunt sophismata, accidunt quando uel non idem ut idē interpretantur, ut masculinum & fœmininum, uel fœmininum, masculinum: uel quod inter hæc est, nempe neutrum, alterum horum. Vel rursus quale, quantum: uel quanttum, quale: uel faciens, patiens, & alia quemadmodum hæc prius diuisa sunt. Siquidem aliquid est, quod non est eorum, quæ sunt facere aut pati, & si uocis figura uideatur, ut ualere, quod qualitatem potius dicit, nempe sanitatem (est enim ualere sanum esse) quam actionem aut passionem.

A figura dictionis. Hæc fallacia est, quando una dictio est similis alteri terminatione, sed non significatione: ut si quis sic colligat poeta est primæ infectionis, ergo etiam poema. *Quicquid fieri emisit.* Dictio hæc quicquid, in antecedente significat substantiam, album in minori significat qualitatem, & sic a prædicamento in prædicamentum fit transitus. *Quæ autem.* Ex tertio capite primi libri elenchorum addit multos modos, quibus hæc fallacia committitur.

De loco, ab accidente.

SEQUUNTUR loci, qui extra dictionem dicti sunt. Ex his primus est, qui ab accidente dicitur. Is autem est (quemadmodum & aristoteles tradit) per quem captiones fiunt, quoties similiter quodcunque existimabitur rei & accidenti inesse. Nam quia multa eidem accidunt, nõ est necesse omnibus prædicatis, et ei de quo prædicatur, omnia illa similiter inesse. Quandoquidem hoc pacto omnia illa eadem erunt, quemadmodum sophistæ dicunt: ut si Socrates est alter à Platone, Plato autem homo est, Socrates igitur ab homine alter est. Tale est & illud apud Aulum Gellium sophisma, quod proponitur hoc pacto, Quod ego sum, tu non es: ego autem sum homo, tu igitur homo non es. Item & hoc modo, Homo animal est, animal autem genus, homo igitur genus est. Ac rursus, Polycarpus est homo, at uero homo disyllabum est, polycarpus igitur disyllabum est. Sanè hæc & alia id genus sophismata per accidens fieri dicuntur. Per accidens inquam, hoc est, per extraneum siue diuersum quodammodo aliquid, ut in quibus complexio orationis, eas quæ circa naturam sunt diuersitates, ad naturam ipsam transtulit. Aliud quippe est, secundum naturam esse, & aliud

aliud secundum personales accidentalesque proprietates, ut uerbi causa, animal cum de homine prædicatur, essentialiter de homine dicitur: cum uero de animali genus prædicatur, huiusmodi prædicatio essentialis non est, sed pur accidens (ut nec cum de ea uoce quæ est homo, disyllabum prædicatur) propterea quod aliud est animal homo, aliud animal genus. Animal si quidem genus, simpliciter animal est, hoc est, tale animal, quod cunctas sub se species communi ratione colligit eatenus uidelicet, quatenus uita absolutam sentiendi ui prædictam gerant. Homo autem animal una talium est species, quæ uita tali nempe absolutæ rationalitatem & dexteritatem affert. Homo igitur non est simpliciter animal, sed tale animal. Tale porro animal non est genus, sed species. Sæd hæc fortassis multo altius repetita sunt, quam præsens institutio ferat.

Sequuntur loci.) Captiunculæ hætenus tractatæ ad distinctionum significationum cuiusque uocis referuntur: pertinent enim ad genus sermonis: sequentes uero captiones potius a rebus quàm a genere sermonis (ut iam dictum est) oriuntur. *Item est.*) Ex hoc loco oriuntur fallaces syllogismi, quoties si quilibet quid existimamus rei, & accidenti inesse nam cū plura eidem sed diuersa ratione accidunt, si accidentia male accommodantur, uitiosum fit argumentum. *Ut si Socrates*) in hoc sophismate non fit distinctio substantiæ accidentis. Nam est aliter a Platone, secundum accidens, sed Socrates secundum essentiam est homo. *Tale est.*) In huius sophisinatis solutione, multos uehementer impeditos & occupatos fuisse uideo. alii asserunt collectum esse, ut olim barbari sophistæ loquebantur, non a distributo ad distributum: alii alias tenebrosas excogitant solutiones. sed his nugacissimis omissis nugis, id quod res est dicamus cū sic colligimus, quod ego sum, tu nō es, ego sum

DE ELENCHO SOPHIST.

ita ambiguus, ut in ambas partes agi possint. Nam ut Cræsus uictus a Cyro rege Persarum: ita Pyrrhus a Romanis, quorū uterque se ex oraculo superiorem fore sperabat. Hi erant cædæmones, quibus homines humanas hostias immolabant. *Quod nomen compositum.*) Theologi multum interesse putant inter has propositiones, homo potest non mori, & homo nō potest mori. Ultima negat potentiam, prima minime. Vnde ex hoc loco hæc fallacia componi potest, omne quod est im- mortale non potest mori, homo secundum statum primæ naturæ erat immortalis, quia poterat non mori, ergo non poterat mori.

De loco ex amphibologia.

Amphibologia autem (quemadmodum ex nomine ipso intelligi datur) dicitur, cum ratio intra se ambigua claudit sententiam, qualis illa Apollinis (Aio te Aecida Romanos uincere posse) ad Pyrrhum Epirotarum regem, cum oraculum consulisset ipse super euentu belli, quod contra Romanos animo destinauerat. Quæ uersum ex Ennio depromptū esse idem Cicero testatur eodē de Diuinatione libro. Sanè tota orationis ambiguitas ex eo dependet, quod accusatiuus, te, ut etiam Romanos, nunc à tergo, nunc à fronte eius uerbi, uincere, construi potest. Atque ita incertū relinquitur ab Aecide, hoc est, à Pyrrho Romanos uinci posse, an contra, Aecidem à Romanis. Ex hoc igitur loco captio struitur, cum tale sophisma conficitur, Quicquid uidet quispiam, hoc ipsum uidet: at uidet aliquis columnam, columna igitur uidet. Item, Quoscunque uellem me apprehendere, uellem ut me apprehenderent: hostes autem uellem me apprehendere, igitur uellem ut hostes me apprehenderent. Similiter autem & hoc modo,
Quis-

*Quisquis arat littus, littus proscindit aratro: Ast ope-
ram perdens, littus perhibetur arare: Ergo operā per-
dens, littus proscindit aratro: Differt autem amphibo-
logia ab æquiuatione, quòd æquiuocatio quidem ex
nomine ipso res diuersas significante in captionem ad-
ducit. Amphibologia autem ex oratione fallaciam in-
uenit. Quo sanè nomine hunc appellare libuit, quanquā
apud Aristotelem Græcè legitur ἀμφιλογία.*

Amphibologia.) Vt æquiuocatio in uocibus simplicibus,
ita amphibologia in oratione plura significat. *Aro te.)* Locus
hic supra a nobis explicatus est. *Quicquid uidet quispiam.)* De-
ceptio est in uocabulo hoc ipsum, nam si accusatiuus est, uera
est oratio sin nominatiuus, falsa. *Quoscunque.)* Captio est ex
accusatiuo me, qui potest pendere uel a uerbo apprehendere,
a parte anteriori, & tunc sensus est, quicquid ego appren-
derem, uel a parte posteriori, & tunc sensus est quod me ap-
prehenderent.

De loco ex compositione, & diuisione.

COMPOSITIONEM hoc loco pro oratione cō-
posita, & diuisionem pro oratione diuisa accipere de-
bemus. Et composita quidem oratio est, quæ sensum
habet compositum. Diuisa autem, quæ diuisum. Por-
tò compositus sensus est, cum in ipsa oratione partes se-
cundum situm magis debitum intelliguntur. Diuisus
uero, cum econtra. Rursus autem debitus partium in
ipsa oratione situs is est, quæ idiomatis peritus magis
talem adiudicarit. Quod tamen ut facilius deprehen-
dat, tres ad hoc regulæ a Iodoco Clichthoueo traditæ
sunt, tribus uocabulis a Iacobo Fabro Stapulensi prius

DE ELENCHO SOPHIST.

annotatæ: quas proinde hic subscribendas haud ab re existimauerim. Vocabula autem sunt, Modus, Determinatio, Determinabile. Itaque ex his prima regula est. Si modus fuerit, aut subiectum, aut prædicatum propositionis, situs partium orationis magis debitus est: ut possibile est sedentem ambulare, aut sedentem ambulare est possibile. Secunda. Si determinatio posita inter duo determinabilia utrique ex æquo propinqua, præcedens determinauerit, situs magis debitus est: ut Quicquid uiuit semper, est. Adiectum est autem ex æquo propinqua: quoniam si non ex æquo utrique propinqua fuerit tunc si propinquus determinauerit, sensus magis debitus intelligitur: ut, Quicumque scit literas, nunc didicit illas. Tertia regula est. Si determinabile positum inter duas determinationes utrique ex æquo propinquum cum præcedenti iungatur, sensus compositus est, & situs partium orationis magis debitus: ut, Vidi imaginem auream, uentrem habentem. His ita prælibatis, ad sophismata ueniamus, quorum ex hoc loco deceptio struitur. Inter ea tamen ad illud præmonendum, quoties contextitur syllogismus iuxta expositos locos, si in eo sumpta oratio, in sensu quidem diuiso uera fuerit, in composito autem falsa, deceptio ex loco a compositione prodesse dicetur: sin uero contra, captio per locum ex diuisione facta esse intelligetur.

(Compositionem) Quid sit compositio & diuisio, hoc loco Cæsarius quadam gradatione docet. Si modus.) Sic contra, quando modus determinat uerbum, situs orationis est minus debitus, & sensus diuisus, ut hominem possibile est ambulare, Quicquid uiuit.) Aduerbium, semper, est determina-

rio, posita inter duo determinabilia, scilicet uiuit & ex:det: bet autem cum uerbo est, cohærere. *Interea tamen.*) Est ergo fallacias compositionis, quando a sensu diuiso uero proceditur ad sensum compositum fallum, fallacia uero diuisionis quando proceditur a sensu composito uero ad diuisum fallum, id exempla sequentis capitis declarant.

De sophismatis, quæ per locos a compositione, & diuisione fiunt.

IGITUR iuxta tria superius annotata uocabula, *sophismata* conficiuntur tribus quoque modis. Primo, cum modus uariatur, ut quæcunq; possibile est ambulare, fieri potest ut ambulet: atqui sedentem possibile est ambulare, ergo fieri potest ut sedens ambulet. Secundo, cum determinatio uariatur, ut quicumque scit literas, nunc didicit illas. atqui Grammaticæ peritus scit literas, igitur Grammaticæ peritus nunc dicit eas. Item, quod unum solum potest ferre, plura potest ferre: quod autem unum solum potest ferre, non potest plura ferre: igitur quod potest plura ferre, non potest plura ferre. Tertio, cum determinabile uariatur, ut quicumque bonus est, bonus est, atqui malus, artifex bonus est, malus igitur artifex, bonus est. Et hæctenus, quidem, secundum compositionem facti paralogismi peccant. Qui uero sequuntur, secundum diuisionem totidem modis peccant, iuxta trium uocabulorum supra positorum annotationem. Primo, ut *Quiescentem ambulare* est impossibile, igitur *quiescentem impossibile est ambulare*. Secundo, ut quocumque uidisti, hunc percussum, hic percussus est: atqui oculo uidisti hunc percussum, oculo igitur hic percussus est. Ter-

in acutum, grauem, & qui ex utrisque fit, circumflexu diuiditur. Porro acutus (ut Diomedes tradit) apud Latinos incorruptis semper, interdum in productis syllabis uersatur. Circumflexus in his quæ producuntur. Grauis autem per se nusquam consistere in uerbo ullo potest, sed in his, in quibus circumflexus est, aut acutus, cæteras syllabas obtinet. Apud Græcos autem cum acutus in dictione tria loca obtineat. ultimum, penultimum & antepenultimum, circumflexus quotlibet syllabarum sit dictio, non nisi penultimum tenebit locum. Igitur ut nulla uox sine uocali est, ita nulla sine accentu. Ac proinde recte quidam putauerunt accentum ueluti animam uocis esse. Sed de accentu quidem hætenus plus satis, quando apud Latinos pronuntiatio uocum iuxta accentum regulas in totum propemodum abolita est, cuius tamen loco quantitas syllabarum perinde obseruatur. Fiunt autem per locum ab accentu sophismata tribus modis. Primo, quando pro syllabæ quantitate uariata, uariatur & significationis, ut quicquid malum est, fugiendum est, pomum autem malum est, igitur pomum fugiendum est. Secundo, quando uariatur ipsius syllabæ aut aspiratio, aut orthographia, ut Ad aram, fiunt sacra, at qui hara porcorum stabulum est (unde illud Ouidij, Immundæ cura fidelis haræ, & illud item Ciceronis. Ex hara productæ, non schola) igitur ad porcorum stabula fiunt sacra. Tertio, quando dictio aliqua interim diuiditur, interim tota manet, ut quicquid inuite fit, coacte fit, uinum autem fit in uite, ergo uinum fit coacte. Cæterum de loco siue modo per accentum, Aristoteles dicit non facile esse dialecticis orationes facere in

DE ELENCHO SOPHIST.

his, quæ sunt sine scriptura. In scripturis autem & poematibus magis, quod in his scilicet accentuum per certas notas, et syllabarum ob metri legem, accuratior habetur observatio.

Accentus) Totum hoc caput partim ex Latinis, partim ex Græcis grammaticis est perspicuum. cum ait Cæsarius circumsunt ex una accentum apud græcos non nisi penultimam afficere syllabam, id canonibus accentuum apud Græcos omnino repugnant, accentus enim circumflexus ultimam, & penultimam syllabam afficit: qua hunc locum mendosum aut mutilatum esse puto, & sic legendum nisi ultimum uel penultimum tenebit locum. *Primo*) deceptatio est in nomine malum, nam prima longa significat pomum, breui, præuim. *Secundo quando*) Ara auctore Varrone, quasi ansa dicta est, quia sacrificantes aram manibus tenebant, sic etiam iurantes olim aram tenebant. Vnde est illa nobilis Periclis sententia: sum amicus usque ad aras.

De loco a figura dictionis.

A FIGURÀ dictionis hic locus nominatur, quod per eum quicunque sunt paralogismi, causam apparentiæ non aliunde habeant, quàm à uocis siue dictionis cum alia qualibet siue uoce, siue dictione configuratione, hoc est (ut planius dicam) a consimili dictionis cum alia qualibet dictione definitiæ siue terminatione. Nec uideo tamen cur a quibusdam tam longè repetatur hoc loco figuræ definitio, qua a Geometris definitur magnitudo, quæ termino uel terminis clauditur, cum secundum hanc definitionem, figura nihil commune cum dictione habeat, unde similitudo aliqua intelligi possit. Ex hoc igitur loco captiones struuntur, quoties argumentatio-

nem

nem factam constare ac recte se habere quis autumat, similitudine uocis hallucinatus, cuiusmodi hæc est. Discere est circa disciplinam exerceri, at exerceri circa disciplinam est docere, discere ergo docere est. Captio est, per figuram dictionis. Figuratum siquidem est passiuum in actiuum, & actiuum in passiuum. Nam exerceri circa disciplinam, & actionis et passionis expressiuum est. Quandoquidem exerceri esse potest tam impersonalis, quam passiuu uerbi modus infinitiuus, ita ut ab impersonali actio, a passiuo passio significetur. Fiunt præterea secundum hunc locum paralogismi, cum ab uno prædicamento transitus fit ad alterum, ut quicquid heri uidisti, hodie uides, atqui album heri uidisti, album igitur hodie uides. Hic transitus est a substantia ad qualitatem. Similis huic argumentatio est hoc modo. Quicquid heri emisisti, hodie comedisti, crudum heri emisisti, ergo crudum hodie comedisti. Atque id quidem est, quod Aristoteles his uerbis significare uidetur. Quæ autem per figuram dictionis (inquit) sunt sophismata, accidunt quando uel non idem ut idē interpretantur, ut masculinum fœmininum, uel fœmininum, masculinum: uel quod inter hæc est, nempe neutrum, alterum horum. Vel rursus quale, quantum: uel quanttum, quale: uel faciens, patiens, & alia quemadmodum hæc prius diuisa sunt. Siquidem aliquid est, quod non est eorum, quæ sunt facere aut pati, & si uocis figura uideatur, ut ualere, quod qualitatem potius dicit, nempe sanitatem (est enim ualere sanum esse) quam actionem aut passionem.

A figura dictionis.) Hæc fallacia est, quando una dictio est
 similis alteri terminatione, sed non significatione: ut si quis
 sic colligat poeta est primæ infectionis, ergo etiam poema.
Quicquid fieri emisisti.) Dictio hæc quicquid, in antecedente si-
 gnificat substantiam, album in minori significat qualitatem,
 & sic a prædicamento in prædicamentum fit transitus. *Quæ a-
 sem.*) Ex tertio capite primi libri elenchorum addit multos
 modos, quibus hæc fallacia committitur.

De loco, ab accidente.

SEQUUNTUR loci, qui extra dictionem dicti
 sunt. Ex his primus est, qui ab accidente dicitur. Is
 autem est (quemadmodum & aristoteles tradit) per
 quem captiones fiunt, quoties similiter quodcunque
 existimabitur rei & accidenti inesse. Nam quia mul-
 ta eidem accidunt, nõ est necesse omnibus prædicatis, et
 ei de quo prædicatur, omnia illa similiter inesse. Quan-
 doquidem hoc pacto omnia illa eadem erunt, quemad-
 modum sophistæ dicunt: ut si Socrates est alter à Pla-
 tone, Plato autem homo est, Socrates igitur ab homi-
 ne alter est. Tale est & illud apud Aulum Gellium so-
 phisma, quod proponitur hoc pacto, Quod ego sum, tu
 non es: ego autem sum homo, tu igitur homo non es.
 Item & hoc modo, Homo animal est, animal autem ge-
 nus, homo igitur genus est. Acrursus, Polycarpus
 est homo, at uero homo disyllabum est, polycarpus igi-
 tur disyllabum est. Sanè hæc & alia id genus sophis-
 mata per accidens fieri dicuntur. Per accidens inquam,
 hoc est, per extraneum siue diuersum quodammodo
 aliquid, ut in quibus complexio orationis, eas quæ cir-
 ca naturam sunt diuersitates, ad naturam ipsam tran-
 stulit. Aliud quippe est, secundum naturam esse, &
 aliud

aliud secundum personales accidentalesque proprietates, ut uerbi causa, animal cum de homine prædicatur, essentialiter de homine dicitur: cum uero de animali genus prædicatur, huiusmodi prædicatio essentialis non est, sed pur accidens (ut nec cum de ea uoce quæ est homo, dissyllabum prædicatur) propterea quod aliud est animal homo, aliud animal genus. Animal si quidem genus, simpliciter animal est, hoc est, tale animal, quod cunctas sub se species communi ratione colligit eatenus uidelicet, quatenus uitæ absolutam sentiendi ui prædictam gerant. Homo autem animal una talium est species, quæ uitæ tali nempe absolute rationalitatem & dexteritatem affert. Homo igitur non est simpliciter animal, sed tale animal. Tale porro animal non est genus, sed species. Sæd hæc fortassis multo altius repetita sunt, quam præsens institutio ferat.

Sequuntur loci.) Captiunculæ hætenus tractatæ ad distinctionum significationum cuiusque uocis referuntur: pertinet enim ad genus sermonis: sequentes uero captiones potius a rebus quam a genere sermonis (ut iam dictum est) oriuntur. *Is autem est.*) Ex hoc loco oriuntur fallaces syllogismi, quoties si similiter quid existimamus rei, & accidenti inesse nam cū plura eidem sed diuersa ratione accidunt, si accidentia male accommodantur, uitiosum fit argumentum. *Ut si Socrates*) in hoc sophismate non fit distinctio substantiæ accidentis. Nam est alter a Platone, secundum accidens, sed Socrates secundum essentiam est homo. *Tale est.*) In huius sophismatis solutione, multos uehementer impeditos & occupatos fuisse uideo. alii asserunt collectum esse, ut olim barbari sophistæ loquebantur, non a distributo ad distributum: alii alias tenebrosas excogitant solutiones. sed his nugacissimis omissis nugis, id quod res est dicamus cū sic colligimus, quod ego sum, tu nō es, ego
sum

DE ELENCHO SOPHIST.

sum homo ergo tu non es homo, in maiore propositione proponitur me, alium a te esse, secundum personæ proprietatem, in minori uero essentiam, & naturam intelligimus, quare falsa intelligitur conclusio. *Item & hoc modo* soluuntur hi duo syllogismi fallaces, quia mutatur genus suppositionis, siue significationis terminorum. nam a termino primæ intentionis ad terminum secundæ proceditur. *Sed per accidens.*) ratio huius est, quia omnis prædicatio, in qua prædicatur terminus secundæ intentionis, de termino primæ est accidentaria, ut animal est genus, homo est species. *Propterea quod.*) sensus huius loci hic est. non eodem modo accipitur animal, cum prædicatur de homine, & cum subiicitur generi, nam in hac prædicatione, homo est animal, animal sumitur pro re ipsa quam significat ex impositione, sed in hac, animal est genus, animal sumitur pro ipso uocabulo, quod talis rei est significatiuum.

Quo pacto a recentioribus hic locus tractetur.

*N*ec tamen ignoro hunc locum ab accidenti latius explicari à recentioribus hoc modo, ut sit accidens, & id cui accidit uidelicet res subiecta, & præter hæc attributum: quæ & ita distinguunt nominibus magis familiaribus, ut accidens sit, quod medium in syllogismo dicitur, res subiecta minor extremitas, attributum maior extremitas. Hinc paralogismus per hunc locum fieri dicunt, quoties uel medium, uel maior extremitas, uel minor extremitas in syllogismo non recte sumitur. Medium quidem, ut si ita arguatur, Cuiuslibet contradictionis altera pars est uera (& accipio hic nunc uerbum, cuiuslibet, more istorum, contra uim propriam pro signo distributiuo, ut ipsi dicunt, qualia sunt omnis & nullus) atqui hæc propositio, homo est lapis, est contradictionis altera pars, igitur hæc propositio, homo est lapis, uera est. Captio est in uerbo contradictionis assu-

men-

mendum nanque erat. At qui hæc propositio homo est, lapis, est contradictio: eo quod hic terminus in maiore solum uniuersaliter sumebatur. Maior uero extremitas, ut si ita proponas. Omne animal substantia non est, omnis autem homo est animal, igitur nullus homo substantia est. Hic captio est in uerbo substantiæ, quod in maiori (ut oportebat) uniuersaliter sumptum nõ est, propterea quod negatio ei præposita non sit. Verum id ita sophiste pro arbitrio statuerunt, contra autorum et eorum qui recte loqui didicerunt, consuetudinẽ. Minor porro extremitas, non recte sumitur, si ita cõtexas syllogismum. Nullum dextrum est sinistrũ, cuiuslibet autẽ hominis oculus est dexter, ergo neuter oculus hominis est sinister. Hic oculus minor extremitas particulariter sumitur in minore contra præscriptam secũdi modi præmæ figuræ legem. Quare ita assumendum erat, cuiuslibet autem hominis uterq; oculus est dexter.

NEC tamen.) Latissime patet hæc fallacia accidentis nam complectitur omnes syllogismo in materia & forma uiciosos. *Captio est*) nam hic terminus contradictio: solum sumitur uniuersaliter in maiore, debet autẽ totum esse medium in minore, & non hoc totum aggregatum contradictionis altera pars. propterea deceptio pendet a termino medio. *Maior uero extremitas*) substantia maior extremitas, sumitur particulariter in maiore, quia nota uniuersalis affirmatiua, distribuit terminum tantum immediate sequentem: at in conclusione uniuersaliter sumitur.

De loco ab eo quod est secundum quid,
ad id quod simpliciter est.

DEFINITVR hic locus ab Aristotele per id,
quod hoc quidem simpliciter dicitur, illud autem, quo
quod

quomodo & non precipue. Quoquomodo, inquit, hoc est, uel secundum locum, uel secundum tempus, uel ad aliud, uel secundum aliud, uidelicet cum quod secundum partem dicitur, simpliciter accipitur. Itaque & paralogismi secundum hunc locum quatuor sunt modis. Primo in his, quæ secundum loco dicuntur: ut Apud Thraces quedam gentes olim, ut Solinus autor est, recens natos cum fletu excipere, de sanctos gaudio prosequi pium esse ducebant: igitur pium est, puerperia de flere, & funera gaudio prosequi. Secundo in his quæ sunt secundum tempus: ut bonum est uti uictu tenui cum ægrotamus igitur simpliciter uti bonum est. Item, expedit merces in mare proijcere, cum timetur naufragium, igitur expedit proijcere merces. Tertio in his, quæ sunt ad aliud: ut diuitiæ male utentibus non sunt bonæ, ergo diuitiæ bonæ non sunt cum tamen ipsæ (ut diuus Ambrosius ait) uirtutum sint instrumenta. Quarto autem in his, quæ sunt secundum aliquid: ut Aethiops dentibus albus est, igitur albus est. Præterea cum ex diuisis coniunctum inferitur, hoc pacto, Coriscus bonus est, & idem citharædus Coriscus igitur bonus est citharædus. Esto autem uita bonus sit, non arte. Huiusmodi paralogismus per hunc locum factus esse intelligitur.

De finitur.) Techna ex hoc loco struitur, quando id quod particulariter, siue secundum partem in antecedente sumitur, in conclusione sumitur uniuersaliter, & secundum totum. talis non est recta collectio, quoniam a particulari uno ad uniuersale non est firma consecutio, ut diuitiæ male utentibus obsunt magis quam prosunt, ergo diuitiæ malæ sunt. honestum est apud Tribalos populos patrem sacrificare: er-

go id ubique honestum. *Vt apud Thraces.*) Historia hæc est apud Pomponium Mela, secundo capite secundi libri. Itaque lugentur apud puerperia, natiq̃ue deslentur, funera contra testata sunt, & ueluti sacra, cantu deslentur. Huius ratio, ut existimo, est, quia ut plenius ait, existimabant uel optimū esse non nasci, uel natos. statim emori. Vide Plinium primo capite septimi libri. *Secundo in his.*) Huius loci multa exempla sunt apud Aristotelem in fine ultimi capitis secundi libri Topico. *Virtutum sunt instrumenta*) sic Aristo. viij. cap. j. lib. Ethic. fieri non potest, aut non facile fit, ut is res agat præclaras, cui facultates defunt.

De loco ab ignorantia Elenchi.

PER ignorantiam Elenchi, siue quod idem est, per inscitiam redargutionis, fiunt paralogismi, quoties omititur aliquid eorum, quæ ad orationem (ut Aristoteles ait) hoc est, ad ipsius Elenchi definitionem requiruntur. Definitur autem ab eodem hoc pacto, Elenchus est contradictio unius & eiusdem non nominis, sed rei, & nominis non synonymi, sed eiusdem, ex his quæ data sunt: ex necessitate, non connumerato eo quod est in principio, ad idem, secundum idem, similiter, & per idem tempus. Quæ quidem definitione certum est nusquam ab Aristotele longiorem factam esse, idque (ut reor) propter sophistarum importunitates. Quapropter & singulas eius particulas latius explicare, atque distinguere necessum fortassis fuerit. Quandoquidem in ea quædam syllogismi tantum causa ponuntur, quædam ob contradictionem solum, quædam etiam ad utrunque spectant. Syllogismi causa ponuntur, partim ex his quæ data sunt ex necessitate, partim, non connumerato eo quod est in principio. Ob contradictionem uerò, ut quæ postremo loco enumeratæ sunt: cuiusmodi sunt ad idem
secundum

DE ELENCHO SOPHIST.

Secundum idem, similiter, & per idem tempus. Præter hæc autem ad utrumque reliqua pertinent. Porro paradoxismi, qui per hunc locum fieri cōsueuerunt, hoc præcipue peccant, quod ex quatuor postremis aliquid omititur. Vnde & quatuor quoque modi assignantur. Primus, cum omititur particula ad idem, ut decem sunt dupla ad quinque, & non sunt dupla ad sex: ergo decem dupla sunt, & dupla non sunt. Similiter si quis Socratem inter duos locatum, idcirco pronunciet ipsum dextrum esse & non dextrū. Secundus modus est, quando omititur particula secundum idem, ut hoc est duplū secundum longitudinem, & non est duplum secundum latitudinem: duplum igitur est, & non duplum, aut si quis oculum nigrum esse dicat, et non nigrum: propterea quia id quod circa orbem ipsius oculi est, qui medius pupillam tenet album sit, ipse uero orbis niger spectetur. Tertius, quando omititur particula similiter, ut: cognosco Socratem, & eundem non cognosco uenientē, igitur cognosco Socratem, & eundem non cognosco. Quartus uero, quando omititur particula per idem tempus, ut si quis Socratem proponat sedentem, & nō sedentem, ad diuersa tempora respiciendo.

Per ignorantiam.) Hæc fallacia cōmittitur, cū aliqua particula finitionis elenchi omititur. nā elēchus est cōclusio opposita alicui propositionū cōcessarū in syllogismo, quæ in modo, & figura cōclusionē colligebant. syllogismus uero elenchi est syllogismus, qui ex opposito cōclusionis cū altera propositione colligit oppositū alterius, scilicet cōtrariā uel contradictoriā. *Qua quidem definitione.)* Locus est apud Aristotelē tertio cap. primi libri elenchorum, nunquā ab Aristotele datā esse existimo finitionem tam tenebrosam (cum tamen ipse præcipiat omnem finitionem perspicuā esse oportere, datur enim:

discendi

discendi causa) nec ex tot partibus compactam. sed puto Aristotelem tot particulis in hac finitione usum, ad explodendas omnes omnium sophistarum cauillationes. *Est contradictio.*) Hoc est conclusio contradictoria alicui præmissarum. *Vnius & eiusdem.*) Scilicet subiecti & prædicati. & secundū nomen, & secundū rem. ut homo, homo. non nominis sed rei. nō satis est esse eandē uocē, sed oportet eandē rem esse per uocem significatā. *Et nominis.*) Oportet elenchū contradictionē esse, non eiūsdē nominis synonimi, sed eiūsdē secundū uocem. *Ex his quæ data sunt* Hoc est cōcessa ab aduersario. *Non connumerato.*) Non accepto quæsito ad syllogismū demonstrationis. *Ad idem.*) Respectu eiūsdē. *Similiter.*) Vt dictio eodem modo accipiat. *Per idem tempus.*) Vt dictio secundū diuersum tempus nō accipiat, cætera satis dilucide a Cæsario explicatur. *Ob contradictionem.*) Hoc addit authore Aristotele qui ait, dico aut opponi eiūsdē de eodē nō aut æquiuoce, & quæcūque cætera contra sophisticas determinauimus importunitates.

De loco a petitione principii.

IN principio petere, est id, quod ad demonstrationem propositum est, ponere & accipere, ut confessum. In principio igitur petitur aliquid, cum eius adhuc desideratur demonstratio, quod tamen ut confessum accipitur. Vnde & ab Aristotele definitur secundo Priorum analyticorum uolumine hoc modo, Petere (inquit) id quod est in principio, est ostendere quicquam per id, quod per seipsum manifestum non est, quod profecto est propositum non ostendere. Accidit autem modis quatuor. Primo, quando a syllogista & incollectilis ratiocinatio fuerit. Secundo, quando id quod sumitur, ignotius eo est, quod colligere uolumus. Tertio, quando quod sumimus, æque ignotū est, atque id quod conficere uolumus. Quarto, cum posterius sumitur ad monstrandum id, quod prius est, Cæterum præter hos
sunt

DE ELENCHO SOPHIST.

sunt & alij quatuor modi, quos octauo libro *Topico-*
rum idem autor recensent. Primus, cum quod particula-
riter demonstrandum est, uniuersaliter quis postulaue-
rit: ut si quis nolens probare, contrariorum eandem es-
se disciplinam, postulauerit idcirco, omnium opposito-
rum eandem esse disciplinam. Senundus, cum quod uni-
uersaliter est ad ostendendum propositum, particulari-
ter ab aliquo petitur: ueluti si de omnibus contrarijs
propositum est, de aliquibus solum quispiam postulet.
Tertius uero, cum quis diuidens propositum petit: ut
si cum oportet quempiam coniunctim ostendere medi-
cinam sani & aegri esse, is tum utrumque postulet scor-
sim, atque diuisim: uerbi causa, Est ne medicina sani?
& rursus, Est ne medicina aegri? atque idem dehinc
ita argumentetur, Medicina sani est, & medicina item
aegri est, igitur medicina sani est, & item aegri. Quar-
tus demum, cum quis eorum quæ ex necessitate se inui-
cem sequuntur, alterum petit: ut si cui propositum est
ostendere, quod diameter est incommensurabilis lateri
quadrati, is assumat, quod diametro latus incommensu-
rabile est.

In principio.) Hæc captio committitur, quando antecedens
non probat consequens: quia id quod tanquam manifestum
& perspicuum sumitur, æque ignotum est, atque id quod est
probandum, ut si quis ita colligat, (sunt qui aduersa nobis ue-
stigia figant, ergo sunt antipodes. Primo quando.) Et omnis
homo est animal, nullus homo est equus, ergo nullus homo
est animal. Secundo quando) ut Pythagoras docuit animas in-
diuersa migrare corpora, ergo eius assertores non errant. Ter-
tio quando) ut anima equi non remanet separata a corpore,
ergo nec anima bouis; Quarto.) Ut homo est capax discipli-
næ, ergo animal rationale est capax disciplina.

De loco à consequenti.

A CONSEQUENTI locus dicitur, quemadmodum & Aristoteles tradit, quoties propter consequens redargutio fit, ut si quis petat cōsequentiā cōverti, quæ tamen cōvertitur minimè. Exempli gratia, si quis, quia hoc ex necessitate est, et illud est, idcirco putauerit, quia illud sit, & alterū quoq; ex necessitate esse. Unde & de inceptis, quæ propter opinionem ex sensu sunt, hoc modo plerūq; fiunt. Hinc sæpenumero id quod fel est, mel esse suspicantur, eo quod flauus color ut fel, ita et mel quoq; consequitur. Quapropter si quis ita argumentetur, hoc mel est, igitur flauum, rectè quidem sequitur: at contrā non rectè, si hoc modo, Hoc flauū est, igitur mel est. Huius aut loci, alij duos, alij tres statuūt modos. Ex his primus est, quoties quis, ut ab antecedēte ad cōsequens rectè sese habet consequentiæ ratio, ita è contrario à cōsequente ad ipsum antecedens firmam similiter atq; constantem consequentiæ vim esse existimauerit; ut si animal est, homo est, igitur si homo non est, animal non est. Secundus, quoties facta consequentia, ab abolitione antecedentis credit aliquis & consequens per æquè aboleri posse, ut si homo est, animal est, igitur si homo non est, animal non est. Tertius uero modus est, quoties ex communiter accidentibus per id, quod consequens esse falet, uolumus ostendere id quod præcedit: ut qui insanus est, in solitudinem fugit, Democritus autem in solitudinem fugit, igitur Democritus insanus est. Dicitur autem per consequens, quoniam consequitur insanum esse, in solitudinem fugere, ueruntamen non conuertitur. Non enim si quis fugit in

DE LOCIS DIALECT.

solitudinem, consequens continuò est, ut insaniat, Inuenias siquidem qui res humanas despiciens, stabilitatem & quidem quærat, & ob hoc ad loca à tumultibus libera secedat, quemadmodum Democritum fecisse memoriæ proditum est, proinde falsò creditum est ab Atheniensibus, eum insanuisse, Quemadmodum falsò quoque creditum est olim ab infidelibus nostræ religionis monachos desipuissè, quòd relictis omnibus quæ possederat in deserta loca secesserint : unde & Anachoritæ dicti sunt & Eremitæ, ut de Paulo primo Eremita & Hilarione Hieronymus, de diuo Antonio Athanasius, et de alijs compluribus Seuerus Sulpitius in eo libro, què de uita diui Martini, inscribit memoriæ prodiderunt.

A consequenti.) Hæc fallacia committitur, cum credimus consequens conuerti cum antecedente, quod tamen non conuertitur, ut si pluit, terra est madida, ergo si terra est madida, pluit. si iustitia est, uirtus est, ergo si est uirtus, est iustitia. hæc captio complectitur omnes uitiosas argumentationes, quæ canones consequentiarum non obseruant. *Ut si animal est.)* Hoc exemplum non conuenit huic primo modo, nam animal esse non infert hominem esse quare sic legendum puto, si animal non est, ergo homo non est, igitur si homo non est, animal non est. fallacia est consequentis, quia antecedens infert antecedens. *Secundus.]* Hic syllogismus est in primo modo syllogismorum conditionalium, in quo a positione antecedentis ad positionem consequentis est colligendum. *Es quemadmodum.]* De hac re uidendus est Virgilius Polydorus, de Inuentoribus rerum. i. cap. vii. libri.

De loco ab eo quod est, nunc causam
ut causam ponere.

*Hic locus ab eo nomen habet, quòd est nõ causam
ut causam ponere, quod quidem sit dicente Aristotele,*
cum

cum assumitur id quod non causa est, tanquam propter illud fiat redargutio. Accidit autem tale quid in his syllogismis, qui sunt ad impossibile, in quibus scilicet necessarium est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si quæretur, Sunt ne anima & uita idē? quod si à respondente concedatur, ita deinde elenchus sophisticus fit, Omne quod est contrariū corruptioni, generatio est: atqui mors corruptio quædam est uitæ contraria, & anima & uita sunt idem, uita igitur est generatio, & uiuere generari. Hoc autem impossibile est, quippe qui uiuit, iam non generatur, sed genitus est. Hic si is, qui proposuerat, num anima & uita sunt idem, per interemptionem inferat ob consequentis scilicet falsitatem, igitur idem non sunt anima & uita, & respondens hoc quoque concedat argumentationis uel impulsus, ne tunc quidem subterfugere poterit redargutionis notā. Quippe qui quæ antea concessa sunt, eadem ipse postea negauerit: quod certā per imperitiam eius accidit, non aduertentis eam propositionem, quæ interempta est, causam non esse cur illatum sit consequens falsum, ac per hoc ne interimendam quidem fuisse. Quandoquidem ipsa posita, aut non posita, nihilo minus id quod impossibile est, eodem syllogismo collectum sequitur. Quin hæc potius interimenda erat, Mors corruptio quædam est: quæ nimirum falsa propositio est. Siquidem neq; mors corruptio, neq; uita generatio est: sed ut generationem uita, ita corruptionem mors comitatur. Itaq; in syllogismo superius facto, quæ propositio eausa nō erat, ut causa sumpta est.

DE LOCIS DIALECT.

HIC locus.) Hic elenchus componitur, quando putamus aliquid esse causam conclusionis, quod tamen non est causa, ut ebrietas est mala, ergo uinum est malum. *Quæ interempta est.*) Hæc scilicet anima & uita sunt idem. nam ea sublata, nihilominus falsa sequitur conclusio. *Siquidem.*) Huius ratio est, quia generatio est motus ad formam acquirendam, corruptio uero formæ est abiectio. Mors autem & uita non sunt motua, sed motum concomitantur, & eius terminus sunt.

De loco ab eo quod est, plures interrogationes ut unam facere.

RESTAT ultimus ex his, qui extra dictionem dicti sunt, locus, nomē hinc sortitus, quod per eum plures interrogationes factæ, una esse credantur. Quoties igitur duæ pluresue interrogationes fiunt, ad quas responsio datur perinde, atq; una facta sit, captio per hunc locum fieri dicitur. Quod profectò tunc euenire solet, cum latet respondentem plures esse, idq; uel per imperitiā, uel ob nō diligentem ad respondendum circumspectionē. Porro interrogationes plures dicuntur, quum plura de uno, aut unum de pluribus, aut plura de pluribus interrogantur. De quibus & Aristoteles hoc modo: In harū autem aliquibus quidem, inquit, facile est uidere, quod non una, sed plures quoque dandæ sint responsiones, ut utrum terra est mare, an cælum? In aliquibus uero nō ita facile, ut putas ne hic & hic homo est? Quo fit, ut cum aliquis percusserit hunc, & hunc hominem, & nō homines percussisse dicatur. Rursus, cum interrogaui, Sint ne hæc bona an non? demonstratis tam bonis quàm malis, utrumuis responderit aliquis, redargutionem haudquaquam effugiet, ob falsi uidelicet confessionem.

sionem. Quandoq; autē assumptis, hoc est, admissis quibusdam, redargutio non minus fiet, ut si quis concedat si militer & unum & plura dici, ut exempli causa, alba, uel nuda, uel cæca. Nam si cæcum est, quod uisum non habet, natum tamen habere, & cæca erunt, quæ uisum non habent, nata tamen habere. Igitur cum hoc quidem uisum habet, illud autem non habet: si tum interroget quispiam, sunt ne hæc uidentia, an nō uidentia? utrumlibet respondens dederit, erunt proculdubio ambo uel uidentia, uel non uidentia. Quod quidem utiq; falsum esse statim deprehenditur ex hypothesis facta. Hæc ita ex Aristotele penè ad uerbum, ut cætera magna ex parte, quæ in hoc tractatu continentur, omisis multorum ambagibus in re non magni momenti.

R. E S T A T u l t i m u s .) In hanc impingimus captionē, quando duæ pluresve nobis proponuntur interrogationes, ad quas unam damus responsionem. similis captio est apud Gellium, lib. xvi. cap. ij. postulo ut respondeas, deserisne facere adulterium an non? utcunque dialectica lege respondeas, hærebis in captionē siue aias siue negas. tã si te dicas adulterum quàm si neges. *Vt utrum.*) exemplum in quo plura prædicata interrogantur de uno subiecto. *In aliquibus uerò.*) Exemplum in quo unum prædicatum de pluribus subiectis dicitur. *Sine ne.*) Distinctione hic cauillus est submouendus, hæc sunt bona, hæc uerò mala. *Igitur.*) Exemplum quando plura prædicata dicuntur de pluribus subiectis, adhibenda est etiam distinctio, hæc esse uidentia, illa uerò non.

Quemadmodum ad ignorantiam Elenchi
omnes prædicti loci reduci possint,
& quòd dupliciter Elenchus
accipiat.

IN QVI RENDVM deinceps, quo pacto prædicti loci

DE LOCIS DIALECT.

omnes, siue elenchi sophistici ad redargutionis inscitiam reuocari possint, idque ex Aristotelis praesertim instituto, ut qui de omnibus his ita pronunciat: Aut distinguendi sunt, inquit, apparentes syllogismi omnes, atque redargutiones, aut ad ignorantiam elenchi reducendi, uel ab iis praecipue, qui hanc omnium dictorum modorum principium faciunt: quatenus elenchus ipse generatim accipitur, simulque omnes intra suae definitionis ambitum positas particulas amplectatur. Dico autem generatim, quando aliqui ex dictis modis siue locis unus, & ipse habeatur, nepe ad quatuor ultimas particulas factae definitionis relatus. Itaque sciendum, quod omnes paralogismi, quicumque iuxta praescriptos modos fiunt, peccant, uel quia syllogismi non sint, tametsi uidentur: uel quia contradictio in his non recte sese habeat, uel quia non eadem ubique tam rei, quam nominis ratio obseruetur, id quod nunc per singulos locos discurrendo breuiter ostendere operae pretium fuerit. Ergo quicumque fiunt per aequiocationem, per amphibologiam, & per figuram dictionis, omnes ad elenchum reducuntur, eo quod in his duplex tum nomen, tum oratio sumitur, ob rei uidelicet significatae diuersitatem. Similiter autem & qui per compositionem, & diuisionem, & accentum fiunt, ob ipsius tum orationis, tum nominis uariationem. Porro qui secundum accedens fiunt, & item propter consequens, & per id, quod est sumere quod in principio est, necnon per id, quod est non causam ut causam ponere: propterea quod unusquisque horum praeuicator sit praescriptae nuper syllogisticae legis. Qui uerum propter id, quod quoquomodo, & simpliciter, quoniam non de eodem affirmatio & negatio est,

quare

quare nec in his ulla est uera contradictio, licet credatur. Postremò aut & qui sunt propter id, quod est plures interrogationes ut unā facere: quòd in his non enucleamus, neq; discernimus propriā ipsius propositionis rationem, quæ quidē est ut unū de uno dicatur. Nam eadem est unius rei, & rei simpliciter definitio, ut hominis, & unius hominis. Cū ergo, quæ in syllogismo sumitur, apparet esse propositio, & nō est, quatenus in ea non unū de uno prædicatur, manifestum quòd et hic ad inscitiam redargutionis reuocandus est. Est enim redargutio syllogismus quidem, nempe contradictionis. Ex quo iam palàm factum est, omnes locos siue modos ad ignorantiam elenchi reuocari posse, hos quidem, qui in dictione sunt, quoniam in his apparens est contradictio: illos autem, qui extra dictionem, maiori ex parte propter syllogismi rationem definitionemque.

INQUIRENDUM.) Quoniam fallacia elenchi latissimè patet, docet quomodo cæteræ fallaciæ ad eam reduci possint. Quatenus elenchus.) Cæsarius inuit elenchum duobus modis accipi: primo generatim, ut est quoddam uniuersale omnium fallaciarum, & omnes fallacias suo ambitu complectitur, & sic omnes redargutiones ad elenchum reducuntur. secundo modo elenchus accipitur particulariter pro quatuor ultimis particulis finitionis, & hoc sensu, elenchus est ex numero fallaciarum. Præuicator sit.) Hoc est transgreditur præscriptas leges. Vs unum de uno.) Vna propositio est in qua unum, hoc est uniuocum de uniuoco dicatur, ut Iustitia est uirtus. uidendus est Aristoteles septimo capite primi libri de Interpretatione.

Ex quibus causis sophisticæ prodeant
deceptiones:

CONSENTANEVM fortassis fuerit inuesti-
gar

gare quoque quibus ex causis huiusmodi imposturæ atq; deceptiones proueniāt. Itaq; dicam⁹ ex Aristotele, quòd deceptiō omnis prouenit in his quidē, quæ per æquiuocationē & amphibologiam fiunt, sophismatis: eò quòd non potest quispiam distinguere id quòd multiplex est, siue multipliciter dicitur, ab eo quod uno modo dicitur duntaxat. At in his, quæ per cōpositionem, et diuisionem: eo quòd nihil interesse putatur inter orationem cōpositam & diuisam. Similiter autē & in his, quæ per accentū fiunt: propterea quòd nōnullis idem significare uidetur eadem uox intēsa & remissa, hoc est, acuto uel graui accētū prolata. Et in his itē, quæ per figurā fiunt ob dictiōis similitudinē: quòd difficile sit dijudicare, quæ similiter atque aliter proferantur. Ferē enim quisquis hoc facere poterit, is in procinctu est, ut quod uerū est uideat: et per hoc prōptus erit uel cōcedere, quod cōcedendū est, uel negare, quod est negandū. Rursus autē in his, quæ per accidens: eò quòd quis nescit dijudicare, idem ne sit an diuersum quod sumitur, tum an unum, an multa. Similiter autē in his, quæ per cōsequens fiūt: per hoc quod arbitramur, ut cōsequens ab antecedente nō separatur unquā (est enim ipsum antecēdētis pars quædam) ita nec a cōsequente antecedens separatū iri. Porò in his, quæ fiunt propter omissionē orationis, hoc est, alicuius particularū, quæ in clēchi rōne posite sunt, et in his quæ sunt propter id, quod aliquo modo et simpliciter dicitur: & in his itē, quæ quod in principio est, sumunt: tum et in his quæ per nō causam at causam accidunt: et quæcūq; plures interrogationes aut unā faciūt: propterea quòd in his omnibus nō exactē discernimus,

neque

neque sumptus propositiones, neq; ipsius syllogismi uerum terminum; hoc est, rationem definitionemq;: per hoc quod parum nobis differre uideantur ea, quæ iam dicta sunt, ut nō causa & causa, quod simpliciter quoquo modo, & interrogationes plures, & interrogatio una.

Consentaneum.) Epilogo quodam ex sexto capite primi libri elenchorum fontem, & originem omnium deceptionum indicat. *Similiter autem.*) Consequens non separatur ab antecedente, posito antecedente, ut si homo est, animal est: consequens tamen potest animo, & mente separari ab antecedente, ut Porphyrius in communitatibus docet.

De recta solutione paralogysmorum.

QVIA uero nō minor ars est soluere nodos, quàm eosdem implicare atque constringere, quod quidem ita esse, argumento nobis esse potest, Gordij Phrygiæ regis nodus in Iouis templa suspensus, quem Alexander Magnus (ut est apud Iustinum historicum) idcirco quod ingenio soluere nequiuisset, gladio usus uiolenter abscidit, ob hanc nimirum causam, quia sophistarum argutias captionesq;, quod syncategorematicis nexibus, cœn nodis quibusdā implicitæ atque inuiolatæ sint, ut struere fortassis non facile, ita proculdubio soluere longe est difficillimum: Aristoteles tandem ipse, cum quemadmodum struantur illæ certis locis præscriptis id iam monstrasset, eadem quo pacto etiam dissoluerentur, pari cura atque diligentia docere instituit. Vnde & ab eodem recta solutio definitur, falsi syllogismi manifestatio. Porro falsus syllogismus duobus dicitur modis. Aut n. quia ex falsis collectus sit, aut quia syllogismus nō ē, tametsi uideatur. Ergo cū duobus modis falsum esse syllogismū

DE ELENCHO SOPHIST.

contingat, duobus quoque modis ipsum dissoluendū docet, nempe aut per interemptionem, aut per distinctionem. Per interemptionem quidem, ut quoties ex falsis collectus est. Per distinctionem uerò, cum apparet syllogismus, & non est. Verum enim uerò, ut id quod querimus breuiori uia, quam quæ ab Aristotele tradita est, assequi possimus, ex Iacobo Fábro Stapulensi tres regulas in animum induxi hic subiiciendas. Quarū primæ hæc est: in omnibus paralogisimis, qui fiunt per æquocationem, amphibologiam, compositionē, diuisionē, & accentum, si quod sumptum multiplex, distinguendum est. Alioqui confusionem parit, quæ tollitur interrim, cum ipsum distinguitur. insuper & in eisdem consequentiæ ratio discutienda examinandaque uenit. Secunda, In omnibus paralogisimis, qui fiunt per figuram dictionis. per accidens, per id quod est secundum quid & simpliciter, per ignorantiam elenchi, per consequens, per non causam ut causam, per id quod est plures interrogationes facere ut unam, consequentia neganda est, & mox cur negata sit, ratio subiungenda. Tertia, In omnibus paralogisimis, qui fiunt per id quod est petere id quod est in principio, ipsum antecedens aut negandum planè est, aut certè addubitandum.

QVIA uero.) Ex tertio capite secundi libri Elenchorum rationem diluendorum sophis matum docet. omnis syllogismus aut uerus, aut falsus est. uerus admittendus est, falsus dissoluendus. quemadmodum syllogismus est falsus duobus modis, aut enim uitiosus est secundam materiam, aut secundam formam, sic etiam duobus modis dissoluitur: si uitiosus est secundum materiam, negandum id quod falsum assumitur: si uitiosus secundum formam, negandum est

consequens, & statim ratio subiicienda, cur malè colligat, multum profuerit ad hanc rem studiosè legere Rodolphum Agricola[m] libro secundo, de recta argumentorum solutione. *Vt est apud Iustinum.*) Locus est apud Iustinum libro undecimo, habes, studiosè lector, in totum Cæsarium scholiola, quæ tenebrosum Aristotelem euoluere uolentibus, tui è uastorum & uerbosorum commètariotum esse pòterunt. Etenim Cæsarius unus ex omnibus qui post Aristotelem dialectica scripserunt (absit inuidia uerbo) proximè Aristotelis mentem, non solùm adumbrasse, sed etiam ad uiuum expresse uidetur. Vale. Lugduni, ad confluentes ex diuæ Trinitatis celeberrimo florètissimoque Gymnasio, Anno domini M. D. LVI. pridie Calendas Ianuarias.

PERORATIO.

HABES studiosè lector, siue adolescens, siue adulta ætatis iuuenis, dialecticam tibi paratam, non aliam ob causam (sic mihi crede) nisi ut posthac, quicquid in studijs liberalibus addiscendum tibi fuerit, citra crassam illam & scdam barbariem, facile id iam assequi uideri possis. Quippe quòd hæc sola uisa sit hætenus deesse ad ternarium illum studiorum numerum, quæ triuij communi nomine appellant: id quod in primis triuiolum ludorū magistri atque præceptores sæpe hac multum conquesti sunt aliquot annis, tales utique præceptores qui (ut pro comperto ipse habeo) totis uiribus ad hoc contendunt, ut docilem iuuentutem ritè instituunt, a barbarie auocent, bonas artes doceant. Itaque si hæc dialectica nostra talis tibi uisa fuerit, ut ex ea id, quod summopere tui moliuntur præceptores, pro uoto assequi potueris, bene est: sin uerò nondum id a me præstitum sit (quod equidem uereri possum) conatum saltem quæso, si non rem ipsam laudaueris.

IN GARRVLVM SOPHISTAM
IOANNIS MVRMELLII RVRE-
MVNDENSIS EPIGRAMMA.

GARRVLE qui nostrum tentas lapidare libellum
In lucem pueris ede Sophista tuum.
Non decet in rudium cœtu traducere doctos ,
Vana loquitur turpe est , gloriolamq; sequi .
Ecquid apud calathos , inter muliebria pensa
Reddere te clarum lana caprina potest ?
Quando nihil præter uerbosa sophismata nosti,
Barbarie sordens , Grammaticæq; rudis .
Ecquid habes sophiæ , quod te in penetralia ducat ?
Ecquid Aristotelem Porphyriumq; tenes ?
Haud operæ pretium est (mihi crede) refellere nugas ,
Digna legi scribens experire uirum .
Saucius & possum genuinum insigere dentem :
Deq; meo crudum uulnere uulnus erit .
Ingenijs hominum studeo prodesse iuuandis ,
Estq; mihi uero gloria nulla prior .

IOAN-

IOANNES MVRMELLIVS
RVREMVNDENSIS PETRO

SVO S. P. D.

POGAS me sedulo, & crebro adhortaris Petre suauissime, ut breuite arte instituam, quam ratione uoces eas, quæ in cathegorijs locum habent, discernere queas ab illis, quæ à prædicamentis: alienæ sunt, & ut certos quosdam tibi tradam canones, quibus facile discas, in quo unaquæq; uox categorica prædicamento reponatur. Ardua profectò res est, & sæuis canina facundie moribus exposita, in tam uaria & multijuga opinionum diuersitate, dialecticorū alijs alia sentientibus, breui ea libello perstringere, quæ pluribus longissimi operis uoluminibus uix satis exactè potuerint uel à doctissimo Philosopho explicari. Cū tamen mecum cogitem, quantum utilitatis tibi studio sisq; liberalium artium iuuenibus ex hoc quod petis, prouenturum sit, ut cunq; pro tēporis, quo suppetit otīū, breuitate, notis tuis non morem gerere non possem. Accipe igitur lucubrationculam hæc nostram, ut habeas etiam quandam in Aristotelis decem prædicamentis, & ingenium tuum ne Grammaticæ solū, sed fructuosius etiam dialecticæ studijs excolito, ut uera dignoscens à falsis, & finiendi, diuidendi, argumentandiq; rationem tenens, rectam uiam habueris, & iter expeditū ad optimam quanq; disciplinam. Vale, & præceptorem tuum dilige. Alcmariæ Phrisiorum oppido studijs liberalibus sanè quàm accommodato, Anno à partu Virginis M. D. X I I I. Idibus Septembris.

IN

IN ARISTOTELIS DECEM PRAEDICAMENTA

IOANNIS MYRMELII

Ruremundensis Isagogæ.

ISAGOGEN hanc in decem Aristotelis Peripateticorum principijs *κατηγορίας* tribus digerere capi-
tibus, quorum primo quidem agam de uocibus a
prædicamentorum serie reiectis, & alienis; secun-
do autem super ijs, quibus in ordine categorico locus est;
tertio uero dictiones aliquot tradam, quæ uel diuersa præ-
dicamenta, uel ad unius eiusdemque seiunctas species re-
feruntur. Porro ut hæc facilius memoriæ commendari pos-
sit, & tenacius inherere, singula capita in suos titulos sunt
distributa,

De uocibus a prædicamentorum serie reiectis, &
alienis Isagoges in Aristotelis Prædicamen-
ta, Caput primum.

Decem esse prædicamenta	titu.i.
De prædicamentorum quæstiuus	titu.ii.
Nouem regulis cognosci uoces a prædicamentis alienas	ti.iii.
De reiectis a prædicamentorum ordine uocibus regularum nouem, prima	titu.iiii.
Secunda regula	titu.v.
Tertia regula	tit.vi.
Quarta regula	titu.vii.
Quinta regula	titu.viii.
Sexta regula	titu.ix.
Septima regula	titu.x.
Octaua regula	titu.xi.
Nona regula	titu.xii.
Bisariam aliquid locum habere in prædicamento	tit.xiii.
De	

De dictionibus quibus in ordine categorico
locus est,

Caput Isagoges huius secundum.

Series categoricæ Substantiæ	titulus primus
De iis, quæ sunt prædicamenti substantiæ, regula prima	titulus secundus.
Regula secunda	titul. iiii.
Regula tertia	titul. iiii.
Regula quarta	titul. v.
Regula quinta	titu. vi.
Regula sexta	titu. vii.
Regula septima	titu. viii.
Regula octaua	titu. ix.
Regula nona	titul. x.
Regula decima	tit. xi.
Regula undecima	titu. xii.
Regula duodecima	titut. xiii.
Series categoriæ Quantitatis	titu. xiiii.
De iis, quæ sunt prædicamenti Quantitatis, regula prima	titu. xv.
Regula secunda	titu. xvi.
Regula tertia	titu. xvii.
Quarta regula	titu. xviii.
Quinta regula	titu. xix.
Series prædicamenti Ad aliquid	titu. xx.
De iis, quæ sunt prædicamenti Ad aliquid, regula prima	titu. xxi.
Secunda regula	titu. xxii.
Tertia regula	titu. xxiii.
Series prædicamenti Qualitatis	titu. xxiiii.
De iis, quæ sunt primæ speciei Qualitatis, regula prima	titu. xxv.
	Secunda

I O A N. M V R M E L.

Secunda regula	tit.xxvi.	Tertia regula	tit.xxvii.
Quarta regula			titu.xxviii.
De iis, quæ sunt secundæ speciei qualitatis, reg.i.			titu.xxix.
Secunda regula	ti.xxx.	Tertia regula	tit.xxxi.
De iis, quæ sunt tertiæ spæi qualitatis, reg.i.			tit.xxxii.
Secunda regula	ti.xxx.ii.	Tertia regula	ti.xxxiii.
De iis, quæ sunt quartæ spæi qualitatis, reg.i.			tit.xxxv.
Secunda regula			titu.xxxvi.
Series prædicamenti Actionis			tit.xxxvii.
De iis, quæ sunt in prædicamento actionis, reg.			ti.xxxviii.
Series prædicamenti Passionis			ti.xxxix.
De iis, quæ sunt in prædicamento passionis, reg.			titu.xl.
Series prædicamenti Vbi			titu.xli.
Descriptio Vbi, ex Trapezuntio			titu.xlii.
De iis, quæ sunt in prædicamento Vbi, regula			tit.xliii.
Series prædicamenti Quando			titu.xliiii.
Descriptio Quando, ex Trapezuntio			ti.xlv.
De iis, quæ sunt in prædicamento Quando reg.			tit.xlvi.
Series prædicamenti Situs			titu.xlvii.
Descriptio Situs, ex Trapezuntio			tit.xlviii.
De iis, quæ sunt in prædicamento Situs, regula			ti.xlix.
Series prædicamenti Habitus			titu.l.
Descriptio Habitus			titu.lj.
De iis, quæ sunt in prædicamento Habitus, regu.			tit.lii.

De dictionibus aliquot, quæ uelut ad diuersa prædicamenta, uel ad unius eiusdemq; se iunctas species referuntur.

Caput huius introductionis tertium.

Quodd una eademque species secundum aliud, atque aliud uersis generibus supponi possit	titu.j.
De habitu, dispositione, scientia, sensu & positione,	titu.ii.
De raro, spisso, læui, & aspro.	titu.iii.
De calido, humido, & lumine.	titu.iiia.
De Doctore, Imperatore, uiro, Comite.	titu.v.

De

DE VOCIBVS A PRÆDICA-
 mentorum serie reiectis & alienis Isagoges
 in Aristotelis prædicamenta,
 Caput primum.

Decem esse prædicamenta.

Titulus I.

PRIMVS omnium Aristoteles decem *κατηγορίας* constituit, quæ a Quintiliano elementa dicuntur, a Seuerino Boetio prædicamenta. Sunt autem hæc, Substantia, Quântitas, Ad aliquid, Qualitas, Agere, Pati, Vbi, Quando, Situs, & Habere. Substantia est (ut singulatim exempla referantur) ut homo. Quântitas, ut linea. Ad aliquid, ut pater. Qualitas, ut iustitia. Agere, ut secare. Pati, ut secari. Vbi, ut in Academia. Quando, ut hodie. Situs, ut iacere. Habere, ut togatum esse. Sed & his ea uersiculis complexi sumus.

Arbor, sex, seruos, seruiore, refrigerat, uistos:

Ruri, cras, stabo, nec tunica ~~est~~us ero.

De prædicamentorum quæstiuis. Titulus II.

DECIM prædicamentorum quæstiuia tradunt eruditi, quid quantum, quid huius, quale, quid agens, quid patiens, ubi, quando, quomodo situm est, quomodo habituatum est. Cum enim queritur, quid est Socrates? respondetur. homo, animal, aut substantia, quæ a quibusdã dicitur essentia. Quantus est Socrates? interrogatus respõdet, quadricubitus. Quid Platonis? magister. Qualis? temperans. Quid agit? disputat. Quid patitur? Verberatur. Vbi philosophatur? Athenis. Quando locutus est Alcibiadi? hodie. Quomodo situs est? stat. Quomodo habituatus est? palliatus.

Novem regulis cognosci uoces à prædicamentis alienas. Tit. III.

QVEMADMODVM (ut Seuerini Boetij uerbis utar) qui serere ingenuum uolet agrum, liberat arua prius fructibus, falce rubos, silicemque resecat: ita & nos primum te docebimus, quæ uoces a prædicamentis alienæ sint, ut ijs reiectis, in prædicamentorum serie collocandas faciliori

Y tione

IOAN. MVRMEL.

tione comprehendas. Tenendæ igitur tibi sunt nouem regulæ, quas his triuialibus uersiculis comprehendî :

Complexum, consignificans, fictum, polysemum,

Vox logica, Deus, excedens, priuatio, parsq; ,

Hæc studiosè categoriis non accipiuntur.

*De reiectis a prædicamentorum ordine uocibus regularum
nouem Prima. Titulus IIII.*

P R I M A regularum hæc est, Nulla uox complexa, nisi simplicis loco accipiatur, in prædicamento ponitur, proinde si quis te rogarit, in qua categoria collocatur iustus homo? in nulla, respondeo. Signatè autem additum est, nisi simplicis loco accipiatur, quod ob uerborum inopiam sæpenumero pluribus pro uno cogimur uti: ita ut tametsi uoces sunt plures, intellectus tamen sit simplex, & res, quæ significatur, una. Exempli gratia, corpus animatum, licet uox sit complexa, genus tamen est unum, sic & quantitas continua, & quâtitas discretâ.

Secunda. Titulus V.

N V L L I syncategorematici locus est in categoria. Syncategorema dicitur, uox consignificatiua, idest, ea quæ nec uniuersalem rem, nec particularem significat, sed consignificat, id est, cum alia dictione orationem ad significandum ingreditur, ut omnis, nullus, aliquis, quidam, hic, ille, utinam, quidè, apud, heu. Sciendum hoc loco est, ex octo partibus orationis (quas Grammatici cõstituunt) duabus duntaxat nomini quidam & uerbo locum patere prædicamēti: participium autem sub uerbo suo comprehendî, aduerbium uerò sub nomine. Nam ut literati docēt, & nomen in aduerbium, & rursus aduerbium in nomen aliquando transit. Loci aduerbia ad prædicamentum Vbi, pertinent. Temporis, ad Quando, Qualitatis uerò, & quantitatis aduerbia, ad Qualitatem Quantitatemque reducuntur.

Tertia regula. Titulus VI.

O M N I S uox rei commentitiæ & fabulosæ (quam natura non fert) significatiua, est a prædicamentis aliena: ut Cerberus, Sphinx, Chimera, Siren, Cyclops, Harpyia, Styx, Acheron.

Quarta.

Quarta regula. Titulus VII.

NULLA uox polysena in categoriam recipitur, nisi ambiguitate deposita, unum significet: πολυσενος Græce dicitur ^{πολύς} multa significans: ut canis, terrestrem significat, marinum, & ^{μερ.} celestem: unde lepidum extat Ausonij de lepore capto epigramma.

Trinarcii quondam currentem in littoris ora

Ante canes leporem cæruleus rapuit:

At lepus: in me omnis terræ pelagique rapina est,

Forfitan & coeli, si canis altra tenet.

Quinta regula. Titulus VIII.

VOCES logicæ, quas aliarum gratia dialectici usurpant, sunt a prædicamentis alienæ. Voces logicas, id est rationales, appello eas, quas iuniores terminos secundæ intentionis uocant, cuiusmodi sunt, Nomen, uerbū, oratio, propositio, subiectum, prædicatum, genus species, & id genus alia.

Sexta regula. Titulus IX.

NULLI dictioni infinitum significanti locus est in prædicamento. Infinitum quidem actu intelligo, non potentia. Proinde Deus, numen, æternum, increatum, creator, & id genus reliqua nullius sunt categoriæ.

Septima regula. Titulus X.

OMNIS uox omnia rerum ambiens genera loco categoriæ uacat, Sunt autem quatuor (quæ uulgò transcendentia dicuntur) teste Ioanne Pico, ens, unum, uerum, & bonum: si ita accipiantur, ut eorum negationes sint, nihil, diuisum, falsum, & malum. Addita sunt illis alia duò, aliquid, & res ab recentioribus Auicennam secutis.

Octaua regula. Titulus XI.

NULLA uox priuationem significans, locū habet in prædicamento, ut cæcitas, surditas, tenebræ.

Nonæ regula. Titulus XII.

NULLA uox partis principiue materialis seu constitutiuæ significatiuæ, in prædicamenti serie reponitur. Proinde forma, materia, corpus, anima, caput, pectus, uenter, manus, pes, & id genus reliqua sunt a prædicamentis reiecta.

IOAN. MVRMEL.

Bifariam aliquid locum habere in prædicamento. Tir. xij:

BIFARIAM aliquid in prædicamento locum habet, nam aut per se in recta serie collocatur, ut genera, species, & indiuidua: aut per aliud prædicamento attinet, idque trifariam. Primum enim differentiæ omnes specificæ eius sunt prædicamenti, cuius genera, quorum illæ sunt diuisiue, non secundæ qualitatis speciei, ut ex Neotericis quidam loquaculi sophistæ falsò autumant. Deinde autem partes, & principia ei prædicamento attinent, cuius ea sunt, quæ ex illis constituuntur: ut caput, pes, manus, ad Substantiam referuntur: unitas, & punctum ad Quantitatem. Postremò uerò motus species ad suum quæque terminum reducuntur: ut generatio, & corruptio ad Substantiam, crementum & diminutio ad Quantitatem, alteratio ad Qualitatem, loci mutatio ad Vbi. Trapezuntius motum quidem speciem quantitatis facit: generare uero, corrumpere, augere, diminuere, alterare, & loco mouere, Actioni subijcit. Sunt qui motum ob ambiguitatem à prædicamentorum serie remouent, cum de suis (quæ uidentur species) non uniuocè, uerum æquiuiocè prædicetur.

De dictionibus, quibus in ordine categorico locus est.

Caput Isagoges huius secundum.

Series Categoria substantiæ.

Titulus I.

Substantia

Corporea		Incorporea
	Corpus	
Simplex		Mistum
	Corpus mistum	
Animatum		Inanimatum
	Corpus animatum	
Sensibile		Insensibile
	Animal	
Rationale		Irrationale
	Homo	
Socrates	Plato	Xenophon

De ijs, quæ sunt prædicamenti Substantiæ,

Regula prima.

Titulus II.

OMNE nomen significans substantiam incorpoream, est

est primi praedicamenti, ut spiritus, angelus, dæmon, manes. nomine nunc intelligo animā a corpore separatā. Propert.

Sunt aliquid manes, lethum non omnia finit.

Angelus autem bifariam accipitur, nūc pro spiritu, estque huius categoriæ: nunc ut est officij nomen non substantiæ (nam *ἄγγελος* Græce, interpretatur nuntius Latine) & est primi generis qualitatis, tametsi quidam in praedicamentum aliquid coniiciant.

Regula secunda Titulus. III.

M V N D V S, cælum, orbes cœlestes, planetæ, stellæ, & elementa sunt huius praedicamenti. Cœli sunt decem: Cœlū empyreum, cælum crystallinum, firmamentum, & septem planetarum orbes. Planetæ septem sunt, Saturnus, Iupiter, Mars, Sol, Venus, Mercurius, Luna, quos hoc uersu cōplexi sumus. Luna, Hērmes, Cypris, Sol, Mar, Iouis, & pater huius. Rerum naturalium elementa sunt, quatuor, ignis, aer, aqua, & terra, de quibus hic noster est uersiculus: Aer, ignis, aqua, & tellus sunt semina rerum.

Regula tertia Titulus. II II.

O M N I S animalis species est praedicamenti Substantiæ. Specierū animalis, hæ sunt specialissime, ut homo, equus, leo: ille uerò subalternæ, ut pecus, bestia, belua, fera, quadrupes, pisces, auis, serpens, uermis. Pecudis species sunt, bos, equus, alinus, mulus, camelus, ouis, capra, porcus, ceruus, elephas, & id genus reliqua. Feræ species sunt, leo, ursus, pardus, tygris, lupo, uulpes, & id genus cætera. Pisces subiiciuntur balæna, cancer, conger, mullus, salmo, carpio, concha, ostreum, gobio, rhombus, & cætera, species innumeræ. Auis species sunt, aquila, philomela, bubo, noctua, ciconia, passer coruus, monedula, pitta, perdix, turdus, uultur, & cætera. Serpentis, dracho, basiliscus, uipera, cerastes, seps, natrix. Vermis, apex, araneus, bombyx, blatta, culex, crabro, Gryllus, limax, pulex, papilio, hiru-do, tineæ, teredo, & eiusmodi alia.

Regula quarta Titulus. V.

O M N E nomen arboris est in categoria substantiæ, ut pomus, malus, pirus, abies, laurus, salix, betula, uitis, robur, taxus, castanea, fagus cupressus.

Regula quinta Titulus VI.

OMNE nomen herbarum huius est prædicamenti, ut amaracus, abrotanum, mandragora, malua, hyssopus, lactuca, feniculum, elleborus, ruta, pulegium, salvia, lappa, tribulus, anethum, urtica, trifolium.

Regula sexta Titulus VII.

OMNE fruticis nomen est huius categoriæ. Dicitur autem frutex qui ad iustam arboris magnitudinem non assurgit, & statura similis est herbis multis, sed non demoritur, neque arescit, ut herba, verum perennis est. Huius species sunt, nardus, myrrha, casia, genista, papyrus, arundo. Sciendum est nonnullas res easdem ab his inter arbusculas, ab illis inter frutices numerari, ut iuniperum, balsamum, myrrham, & id genus alia. De nonnullis etiam, sint ne magis herbarum an frutices, dubitatur. Nec hoc ignorandum est, à Nicephoro corpus animatum sensibile diuidi in animal, & Zoophytum. Dicitur autem ζωόφυτον quod nec animalium, nec plantarum, sed tertiam ex utrisque naturam habet, ut urtica marina, & spongia: de quibus uide Plinium libro 9. capite quadragesimo quinto.

ζωόφυτον
quid.

Regula septima Titulus VIII.

OMNIA florum, fructuum, & aromatum nomina, si capiuntur, ut res totas, & per se integras significant, sunt in ordine huius prædicamenti, ut rosa, lilium, narcissus, uiola, ligustrum, caltha, pomum, malum, pyrum, prunum, cerasum, morum, bacca, oliua, cornum, ficus, glans, mespilum, nux, iuglans, castanea, auellana, aroma, saccharum, cinnamomum, zingiber, piper, gariophylon, & id genus reliqua.

Regula octaua Titulus IX.

FRUMENTORVM, & leguminum nomina sunt huius categoriæ, ut triticum, siligo, far, hordeum, panicum, milium, auena, faba, pisum, lens, eruum, lupinus, uicia.

Regula nona Titulus X.

LAPIDVM, & geminarum uocabula sunt huius prædicamenti, ut adamas, marmor, magnes, crystallus, succinum, smaragdus, iaspis, corallium, achates, carbunculus, Chrysolithus, sapphirus, silex, topus, pumex.

Regula

Regula decima. Titulus. XI.

OMNIA metallorum & fossilium nomina sunt in prædicamento Substantiæ, ut aurum, argentum, electrum, æs, ori chalcum, stannum, plumbum, ferrum, alumen, sulphur, nitrû, sal, cadmia, * uernix, minium, chrysocolia, & reliqua.

Regula undecima. Titulus. XII.

OMNIA impressionum nomina, siue ea sint ignitæ, siue æreæ, siue aqueæ, siue terree, siue radiorum apparitione fiât, huius sint prædicamenti. Impressio à philosophis res naturales indagantibus, dicitur corpus mixtum, imperfectum. Impressiones ignitæ sunt, stipulæ ardentes, æges, dali, sidus uolans, candelæ, trabes, columnæ, teretes, lanceæ, clipei, globi, facies, ignitæ, pyramides, draco uolans, & similes. Adduntur his cometes, & galaxias. Impressiones aqueæ sunt uapor, pluuie, ros, pruina, nix, grando, fontes, flumina, mare. Aereæ, uenti, terremotus, fulmina, ecnephias, typhon. Quæ radiorum apparitione fiunt, sunt halon, iris, virgæ, parelij. De terreis impressionibus in proxima regula dictum est, ubi de metallis, & fossilibus.

Regula duodecima. Titulus. XIII.

OMNE nomen substantiam rei inanimatæ significans, est in categoria Substantiæ. Hæc regula continet in se quasdam supra positas, & eam breuitatis gratia damus ob multa, de quibus nondum meminimus. Dicimus itaque montem, collem, urbem, oppidum, demum, templum, turrem, tunicâ, togam, gladium, cultrum, panem, vinum, lac, mel, cerâssiam: carnem, os, dolium, pateram, hastam, serinium, & id genus reliqua huius esse prædicamenti: nec assentimur ijs, qui simpliciter aiunt eiusmodi res ob figuram ab artifice inductam esse de quarto genere Qualitatis, cum substantia longæ præponderet accidenti. Quisquis recte sentit, gladium Substantiam quidem esse figuram, uerò eius Qualitatem non dissetetur. Quidam contendunt nullius esse prædicamenti nomina rerû artificio productarum, quod substantiam simul & Qualitatem complectantur.

* Vernix nomen est, neque græcum, neque Latinû, sed à Barbaricâ uulgarî appellatione in formâ Latinam translatur. Vulgo enim res ipsa uernix dicitur. Est autem species gummi, quæ Græcis sandarachâ dicitur: ut quibusdam uidetur. Κομήτης γὰρ λέγεται. ἄλλοτε δὲ πᾶσι λέγεται.

Vnaqueque tamē res a forma sui habet. ut sit id quod est.

IOAN. MVRMEL.

Series categoriæ Quantitatis.

Titulus xiiij.

Quantitas

Continua

Discreta

Intrinssecus
mensuratiua

Quantitas continua:

extrinssecus
mensuratiua

Quantitas continua intrin-
secus mensuratiua

Latabilis

Illatabilis

Linea,

Hæc linea,

Ista linea.

Illa linea.

De his, quæ sunt prædicamenti Quantitatis, Regula prima. tit. xv.

OMNE nomen magnitudinis est in prædicamêto Quâ-
titatis, ut linea, superficies, corpus, longitudo, latitudo, altitu-
do, profunditas, crassities, bicubitum, tricubitum, pedale, bipe-
dale, tripedale, sesquipedale, & id genus cætera.

Regula secunda titulus xvi.

OMNE nomen mēsuræ ad hoc prædicamētū pertinet, ut
uncia, digitus, palmus, pes, ulna, cubitū, passus, stadium, diau-
lus, miliū, dolichus, modius, sextarius, congius, hēmina, chæ-
nix, urna, coryla, cyathus, as & partes eius, si capiātur itā, ut me-
rā quantitātē significant. Ponderū nomina meo iudicio, sunt
a prædicamenti aliena, q̄ cū quātitate qualitātē significāt, ut
libra, scilicet libra, bilibris, trilibris, pondo, talēt ū. Sed hæc doctori-
bus relinquo exactius disputanda. Illud quoque, sit ne linea
species infima, an subalterna, quod & de tēpore pōt dubitari.

Regula tertia. tit. xvij.

OMNE nomen numerale est huius categoriæ, ut duo,
tria, quatuor, quinque, decem, centum, mille, binarius, tern-
arius, centenarius. Primus autem, secundus, tertius, & id genus
alia, pertinent ad prædicamentum Ad aliquid. Vuitas autem
non est numerus, sed eius principium.

Regula quarta. tit. xvij.

OMNIS modulus, quo dictionem dum proferimus, mē-
suramus, est huius prædicamenti: nam quantitas, id est, quo
syllabæ longæ breuesve mensurantur, ex quo prouenit ora-
tio, species est discretæ quantitatis.

Regula

Διαυλος.
Δολιχός.

*Regula quinta.**titul. xix.*

L O C U S & tempus sunt categoriæ quantitatis, tametsi quidam loco in prædicamento Ad aliquid reponant, & dicitur Aurelius Augustinus in confessionem opere fateatur se, quid sit tempus, ignorare. Aetium quoque huius prædicamenti esse censendum est, æternitatem uero nullius. Partes temporis sunt, hora, dies, septimana, mensis, annus, olympias, lustrum, seculum, & id genus reliqua.

*Series prædicamenti Ad aliquid.**titul. xx.*

Aequaliter comparabile

Inæqualiter comparabile

Ad aliquid inæqualiter comparabile

Dignius correlatio

Indignius correlatio

Relatiuum correlatiuo dignius

Respiciens filium

Non respiciens filium

Pater

Hic pater,

Iste pater,

Illè pater.

De his, quæ sunt prædicamenti Ad aliquid, Regula prima. tit. xxi.

O M N E catagorema principali significato rem significans non absolutam, sed alterius respectuam, est prædicamenti ad aliquid, ut pater, filius, auus, nepos, maritus, uxor, socer, gener, magister, discipulus, patronus, cliens: dominus, seruus, res, parasitus, patronus, libertus. (est autem patronus nomen ambiguum, & modò ad clientem refertur, modò ab libertum) dux, comes: duplum, dimidium: magnus, paruum: multum, paucum, maius, minus, prius, posterius: amicus, inimicus, hospes, ciuis, socius, sodalis, hostis, similis, dissimilis, æqualis, inæqualis, & alia sexcenta.

Patronis cuiusmodi modus

*Regula secunda.**titulus. xxij.*

N O M I N A cognitionis & affinitatis sunt huius categoriæ, ut parens, proles, pater, filius, auus, nepos, frater, soror, sobrinus, consobrinus, coniunx, compater, affinis, leuir, socer, genes, uiricus, priuignus.

Tertia

PLERAQUE nomina cum prepositione composita huius sunt predicamenti, ut commilito, collega, cōsacerdos (qui Græce symyſtes dicitur) concanonicus, conuictor, contubernalis, condiscipulus, coauditor, compotor, competitor, colla-cteus, collactaneus, conseruus, cognominis, consanguineus, coepulo, cohabitator, confabulator, congerro, cōiunx, concol-lor, consonus, & eiusmodi reliqua.

Series predicamen. Qualitatis. situ. xxij.

Formæ attinens	Qualitas	Materiæ attinens
Comparata	Qualitas for- mæ attinens	Natura insita
Facile dimobilis	Affectio	Difficulter dimobilis
Spiritualis	Habitus	Corporalis
Intellectualis	Habitus spi- ritualis	Moralis
Theoricus	Habitus in- tellectualis	Practicus
Conclusionis	Habitus in- tellectualis	Principiorum
Contemplatiua	Theoreticus	Actiua
Principalis	Scientia	Adminiculatiua
Disputatoria	Logice	Non disputatoria
Hæc Dialectice, Platonis dialectice, Chrysippi dialectice.	Dialectice	

De ijs, quæ sunt primæ speciei Qualitatis. Regula prima.

Titulus.

xxv.

OMNIS dispositio & habitus corporalis est in primo Qualitatis genere, ut calor, frigiditas, sanitas, finitas, cecitas, candor, nigredo, fuscum, robur, ægrotudo, morbus, & eius species, ut febris, paralyfis, pleuritis, podagra. Dispositio, quæ & affectio dicitur, & latius accipitur & præsius. Primo modo est qualitas ad bene maleve operandum acquisita. Secundo est qualitas ad bene maleve operandum acquisita, perfacile à subiecto dimobilis. Habitus est ad operandum comparata qualitas difficulter a subiecto dimobilis.

Dispositio
qd. & quot
modis dica
tur.
Habitus
quid.

Regula secunda.

Titulus xxvi.

OMNES habitus intellectualis est in primo genere Qualitatis. Habitus intellectuales sunt quinque, quibus semper assentimur vero: Sapientia, Intellectus, Scientia, Prudentia, & Ars. Duo, quibus modò vero assentimur, modò falsò: sunt autem opinio & suspicio. Sapientia est habitus cognitivus Dei & divinorum. Intellectus est habitus primorum principiorum cognitivus. Scientia est habitus conclusionis per demonstrationem acquisitus. Prudentia est recta ratio rerum a nobis agendarum. Ars est recta ratio rerum à nobis efficiendarum. Opinio est assensus rei validior. Suspicio est assensus rei minus validus. Scientiarum igitur & artium nomina in hoc genere collocantur, Grammatica, Dialectica, Rhetorica, Arithmetica, Musica, Geometria, Astronomia, Physice, Ethice, Metaphysice, Poetice, agricultura, militiæ, lanificium, & id genus alia.

Habitus in
tellectuales
quot & quot
sunt.
Sapientia.
Intellectus.
Scientia.
Prudentia.
Ars.
Opinio.
Suspicio.

Regula tertia.

Titulus xxvii.

OMNES habitus morales, id est, virtutes & vitia sunt in hoc primo genere Qualitatis, ut iustitia, iniustitia, fortitudo, audacia, timiditas, liberalitas, avaritia, prodigalitas. A Theologis nostris ponuntur etiam in hac specie habitus spirituales infusi, ut fides, spes, charitas, & id genus virtutes supernaturales: item habitus concreti, ut species intellectuales, & rationes angelorum mentibus concretæ, sed huiusmodi habitus non capit definitio a veteribus Peripateticis data, nec mirum, cum illi veræ religionis ac sapientiæ

expertes

expertes id genus habitus non nouerint. Quare malim eos reponere inter Qualitates præter hæc quatuor genera apparentes: ait aliam tradere habitus finitionem, atque uulgo datur. Nec mirandum uideatur, quòd dixerim Qualitates præter hæc quatuor genera apparentes. Nam, Seuerino Boetio interprete, Aristotelis in prædicamentorum libro hæc uerba sunt. Et fortasse alij quoque apparebunt Qualitatis modi, sed qui maxime dicuntur, re tot sunt.

Quarta regula. Titulus xxvii.

N O M I N A magistratum & dignitatum sunt in hoc primo genere Qualitatis, ut pontifex, episcopus, sacerdos, rex, consultor, prætor, censor, adilis, & id genus reliqua. Pauper item, diues, fortunatus, infortunatus, beatus, felix, miser, nobilis, ignobilis, honoratus, gloriosus, & huiusmodi nomina sunt huius speciei.

De ijs, quæ sunt secunda speciei Qualitatis,

Regula prima. Titulus xxix.

O M N I S naturalis potentia uel impotentia est in secundo genere qualitatis. Naturalis potentia est Qualitas ad bene operandum innata, ut salubritas, durities: Naturalis impotentia est Qualitas ad malè debilitè uel operandum, aut ad patiendum innata, ut in salubritas, mollicies: Trapezuntius autem in dialecticis, Naturalis (inquit) potentia, uel impotentia, dicitur uis quædam insita, uel imbecillitas, qua facilius quicquam aut ægrius uel pati, uel agere natura potest, ut durum, molle, ualentinarius, robustus, & quæ huiusmodi sunt natura insita, non aduentitia. Hæc ille Vires igitur naturales planetarum, fiderum, elementorum, animalium, plantarum, lapidum, & cæterorum sunt huius generis.

Regula secunda. Titulus xxx.

O M N E simpliciter speciei proprium est in hoc secundo genere Qualitatis, ut risibile, flebile, disciplinæ susceptiuum, hinnibile, latrabile, mugibile, gannibile, & eiusmodi alia.

Regula tertia. Titulus xxxi.

O M N I S animæ potentia est huius secundi generis. Animæ potentia uis est eius, qua alicuius operis est effectiuus. Eius quinque sunt genera, ut hæc subiecta indicabunt.

Alendi

Potentia	Vegetabilis	{	Alendi	{	{	Visus
			Augendi			Auditus
			Minuendi			Odoratus
			Generandi			Gustus
	Sensitiua	{	Exterior			Tactus
					Interior	Sensus cōmunis
						Imaginatio
			Appetitiua			{
					Phantasia	
					Memoria	
	Cupiendi					
	Irascendi					
	Motiua	{	Volendi			
			Progrediendi			
			Nandi			
			Serpendi			
	Intellectiua	{	Volendi			
			Simplex apprehendendi			
			Componendi			
			Diuidendi			
			Ratiocinandi			
Contemplandi						
Consultandi						
Agens						
Possibilis						

Non ignorandum est ab Auicenna, Alberto Magno, & plerisque aliis poni quinque sensus interiores, sensum communem, uim imaginatiuam, existimatiuam, phantasiā, & memoriam. Ab Auerroi uero, Thoma Aquinate, & Marsilio Ficino in libro de Voluptate quatuor duntaxat, uim existimatiuam a phantasia non separantibus. Nicephori hominis alioqui præstantis doctrinæ opinio neutiquam mihi probatur

natur, uisum & cæteros sensus ponentis in ea qualitatís specíe, quæ dicitur *Habitus & affectio*.

De ijs, quæ sunt tertiæ speciei qualitatís, Regula prima.

Titulus XXXII.

OMNIS passio & passibilis qualitas, est in tertio genere Qualitatís. Passio (ut hic accipitur) est qualitas transiens, quæ sensui passionem infert, aut quæ a passione infertur, ut rubor ex uerecundia, excandescencia ex ira, pallor ex timore, ira ex cõtristatione. Passibilis qualitas dicitur qualitas permanens, quæ sensui passionem infert, aut quæ infertur a passionibus, ut dulcedo, amarities, albor nigror.

PASSIO modò est actionis affectus, prædicamentum quidè ab aliis distinctũ, ut calefieri, infrigidari: modò est qualitas transiens uel animæ, uel corpori ex passione innata, & res quædam media inter passionem & qualitatem, qualitas inquam inchoata & imperfecta, quæque non potis est subiectum denominare, ut ira ex contemptione, erubescencia ex uerecundia.

Secunda regula.

Titulus XXXIII.

OMNIS qualitas sensibilis in hoc tertio genere collocatur, ut color, album, nigrum, flauum, liuidum, puniceum, purpureum, uiride, cæruleum, sonus, uox, murmur, crepitus, sussurrus, strepitus, fragor, sibilus, echo, odor, sapor, dulce, amarum, pingue, salsum, acre, austerum, acutum, acidum, calidũ, frigidum, tepidum, humidum, siccum, læne, asperum, graue, leue.

Tertia regula.

Titulus XXXIIII.

PASSIONIs animæ, quæ & affectiones, & perturbationes dicuntur, a quibusdam in hac tertia specie collocantur. Iacobus autem faber Stapulensis homo doctissimus, & de optimis studiis scribendo meritis optimè, ponit eas in prædicamento passionis: nos supra medias esse diximus inter Passionem & Qualitatem. Stapulensis Aristotelis uerba pensat illas passiones aientis, Qualitates minimè, pensat & originem earundem, & (ut ita loquar) fluxitatem. Illi autem rem putant passioni superadditam, & si non Qualitatem perfectam, at semen & elementum Qualitatís, undeque

deque si accesserit permanentia, facile possibilis Qualitas coalescat. Passiones animæ duodecim Egidius Romanus, & alij neoterici ponunt, amorem, desiderium, odium, abominationem, delectationem, dolorem seu tristitiam, spem, desperationem, audaciā, timorem, iram, segnitiam. His adduntur a quibuldam zelus, gratia, nemesis, misericordia, inuidia, erubescētia. Nōnulli species quoque rerum tum sensibilibium, tum intelligibilium & passiones appellant, & in hoc tertio genere qualitatis reponunt.

De ijs quæ sunt quartæ speciei Qualitatis, regula prima.

Titulus

XXXV.

OMNIS figura, & circa unumquodque constans forma, est in quarto genere Qualitatis. Seuerinus Boetius figuram & formam hoc modo separat, Figura, inquit, est triangulum uel quadratum: forma autem ipsius trianguli uel quadrati quædam Qualitas: unde etiam formosos homines dicimus. Figura enim quædam uel pulchrior, uel mediocris, uel alio quodam modo constituta qualitas forma nominatur. Figura (ut Geometræ definiunt) est quæ sub aliquo uel aliquibus terminis continetur. Sub aliquo quidem, ut circulus: sub aliquibus uerò, ut triangulum uel quadratum. Nicephorus inter figuram & formam hoc discrimen tradit. Figura dicitur talis expressio & linearis effectio. Forma extrinsecus prominens coloris qualitas, idea, & informatio, & interpolata coloratio, & simpliciter talis quædam iniecta uisui, superficiæ forma. Suat qui figuram in rebus inanimatis accipiant, formam autem in rebus animatis. Alij porrò figuram quidem fastidiosè cedentem: formam uerò supernam superficiem uocant. Hactenus Nicephorus.

Secunda regula.

Titulus

XXXVI.

OMNIS qualitas circa quantitatem consistens, & in hoc quarto genere, ut paritas & imparitas circa numerum: rectitudo & curuitas circa lineam: concauum, connexum, & planum circa superficiem. teres, totundum, orbiculare, turbيناتum, pyramidale, quadratum, trigonum, tetragonum, pentagonum, circa corpus.

Series

DE PRAEDICAMEN. 187

De ijs, quæ sunt in prædicamento Passionis,

Regula. Titulus. x l.

OMNIS dictio significans pati, est huius prædicamenti, ut ad intelligendum agi, delectari, contristari, irasci, sentire, uidere, audire, odorari, olfacere, gustare, tangere, dementari, doceri, uri, secari, caleheri, frigesceri, humectari, hñari, discere, sperare, metuere, & id genus reliqua. Scire uerò est in prædicamento. Qualitatis.

Series prædicamenti Vbi. Titulus. x l i.

	Vbi	
Commune		Proprium.
Extra aquam	Vbi commune	In aqua.
	Vbi commune extra aquam	
In ciuitate		Extra ciuitatem
	Vbi commune extra aquam in ciuitate	
Sub tecto		Sub dio
	Sub tecto	
In loco sacro		In loco profano
	Sub tecto in loco profano	
Publico		Priuato
	In ædificio priuato	
In ædificio Socratis,		In domo Platonis,

Descriptio Vbi, ex Trapezuntio. Titulus. x l i i.

VBI, est quæ à loci circumscriptione procedit, corporis locatio. Non est enim idem locus & Vbi. nam Locus est in eo quod capit, Vbi uerò in eo quod circumscribitur.

De ijs, quæ sunt in prædicamento Vbi, Regula.

Titulus. x l i i i.

OMNIS dictio significans in loco, est in prædicamento Vbi, ut in igni, in aere, in aqua, in terra, in urbe, in agro, in cremo in uilla, in templò, in theatro, Romæ, Athenis, in
Z Academia,

IOAN. MVRMEL.

Academia, in Lyceo, domi, militię, humi, ruri, hic, istic, illic.

Series predicamenti Quando. Titulus. XLIII.

Quando,

Præsens

Non præsens

Quando non præsens

Præteritum

Futurum

Quando futurum

Paulò post
futurum

Non paulò post fu-
turum

Mox

Hoc mox

Istud mox,

Illud mox.

Descriptio Quando, ex Trapezuntio. Titulus. XLV.

Q V A N D O est, quæ relinquitur ex tempore rerum effe-
ctio. Id diuiditur in præteritum, instans, & futurum, quamuis
nihil horum sit: nam cum hæc tria tempora sint, quādo tēpus
non est, sed affectio rei, quæ fuisse, uel esse, uel futura dicitur.

De ijs, quæ sunt in predicamento Quando. Regula. sit. XLVI.

O M N I S dictio significans in tempore, est in categoria
Quando, ut hodie, heri, nudiustertius, superiori mense, supe-
riori anno, manē, meridiē, uesperī, cras, perendie, olim, quon-
dam olympiade centesima, anno ab urbis origine quingente-
simo, anno à Virginis partu supra millesimum & quingento-
simum decimotertio, & id genus cætera.

Series predicamenti Situs. Titulus. XLVII.

Situs

E natura

Ex appetitu

Situs ex appetitu

Intellectiuo

Sensitiuo

Situs ex uoluntate

Sui corporis

alieni corporis

Situs sui corpo-
ris uoluntarius

In pedes
erecti

Non erecti in
pedes

Status

Hic status,

Iste status,

Ille status.

Descriptio

*Descriptio Situs, ex Trapezuntio.**Titulus. XLVIII.*

SITVS est partium quædam positio ac ordinatio, quantantia, sedentia, aspera, læuia, & huiusmodi dicuntur.

De ijs, quæ sunt in prædicamentis Situs, Regula.

Titulus XLIX.

OMNIS dictio significans positionem quandam partium ac ordinationem, est in prædicamento Situs, ut status, sessio, accubitus, iacere, raritas, spissitudo, asperitas, leuor, accliuitas, decliuitas, inclinatio, inflexio, supinitas, & id genus reliqua.

*Series prædicamenti Habitus.**Titulus L.**Habitus*

Domesticus

Militaris

*Habitus domesticus*Vnius partium
corporisPlurium partium
corporis*Habitus domesticus
plurium corporis
partium*Mediate
adiacensImmediatè
adiacens*Indusiatura*

Hæc indusiatura, Ista indusiatura, Illa indusiatura.

*Descriptio. Habitus.**Titulus LI.*

HABITVS est res media inter corpora, & quæ eis adiacens, secundum quam hæc quidem haberi, illa uerò habere dicuntur, ut armatura, tunicatio.

De ijs, quæ sunt in prædicamento Habitus, Regula.

*Titulus**LI.*

OMNIS dictio habitum significans, est huius categoriæ, siue is sit domesticus, siue militaris, siue ad uelamen, siue ad cultum corporis pertineat, ut armatum esse, lorica-
tum, phæretratum, galeatum, scutatatum, palliatum, togatum,
pileatum, calceatum, anulatum, torquatum, coronatum, &
huiusmodi alia.

De dictionibus aliquot, quæ uel ad diuersa prædicamenta, uel ad unius eiusdemq; sciunctas species referuntur.

Caput huius introductionis tertium.

Quòd una eademque species secundum aliud, atque aliud diuersis generibus supponi. Titulus. I.

T A M E T S I uerissime dictum sit à philosopho in prædicamentorum libro: Diuersorum generum & non subalternatum positorum diuersæ sunt species, id est, secundum speciem differentiæ: nihil tamen minus una eademque species pro diuersis rationibus supponi diuersis generibus potest, quod ne cui parum eruditorum mirabile uideatur, ipsius Aristotelis ex eodem libro uerbo subiiciam. At uerò (inquit) non decet conturbari, ne quis nos dicat de qualitate propositionem facientes, multa de relatiuis interposuisse. Habitus enim & dispositiones eorum, quæ ad aliquid sunt, esse dicebamus. Penè enim in omnibus talibus genera. Ad aliquid dicuntur, nihil autem eorum, quæ singula sunt. Et nò multò post subdit, Amplius si contingat hoc ipsum & Quale, & Relatiuum esse, nihil est inconueniens in utriusque hoc generibus enumerare. Quæ uerba Boetius enarrans: Nam cum sit uerum (inquit) una eademque rem duobus diuersis generibus non posse esse suppositam, illud tamen conuenit, secundum aliud atque aliud, unam eademque speciem duobus generibus posse subnecti.

De habitu, dispositione, scientia, sensu, & positione.

Titulus. II.

S I C U T Aristoteli & Porcio placet, habitus (quæ & habitudo dicitur) dispositio, scientia, & sensus modo in relatione, modò in qualitate numerantur. In relatione quidem: nam & habitus, habilis rei habitus dicitur: & res habilis, habitu habilis. Dispositio, dispositæ rei dispositio: disposita res, dispositione disposita. Scientia, scibilis rei scientia: scibilis res, scientia scibilis. Sensus, sensibilis rei sensus: sensibilis res, sensu sensibilis: in Qualitate uerò, quòd ab eis subiecta

iecta qualia denominantur. Sic, & positio nunc ad aliquid est, in eo quod posita rei positio est: & posita res est, positio-
ne posita: nunc praedicamentum ab alijs distinctum, quod, &
Situs dicitur, in eo quod ab illa sedentia, stantia, rara, spissa,
aspera, laeua, & eiusmodi denominantur. Recentiores Dia-
lectici duplicia relatiua constituentes, haec quidem, quae ap-
pellant secundum dici, illa uero secundum esse, nihil ex alijs
praedicamentis inter relatiua secundum esse numerant: at non
parum multa inter secundum dici relatiua. Hoc insuper ad-
dunt, priorē ad aliquid definitionem a Platone profectā, u-
trisque relatiuis cōuenire, quā Aristoteles, posteriore solis se-
cundum esse relatiuis conuenienti, iure correxerit.

- De raro, spisso, laui, & aspero.

Titulus III.

RARVM, spissum, laeue, & asperum (si Alberto Magno credimus) trifariam accipiuntur. Primum quidem, ut posi-
tiones quasdam partium significant. Nam rarum ideo uoca-
tur, quia partes eius ita distant a se, ut inter eas a alieni generis
corpus possit admitti, ut spongia, pumex. Spissum, quoniam
ita sibi partes uicinæ sunt, atque ad se inuicē strictæ, ut inter
cas nullum corpus possit incidere, ut ferrum, adamas. Laeue,
quod eius partes æquali iacent superficie, ita ut nulla earum
emineat, ut lamina argentea. Asperum, cuius partes inæquali-
ter sitæ sunt, ita ut aliæ emineant, aliæ uero sint depressæ, ut
tyrocestis. Et hoc modo sunt in categoria situs. Deinde au-
tem, ut tactui inferunt passionem, & sic in tertio Qualitatis
genere collocantur. Postremum uero, ut figuræ sunt, & in
quarta specie Qualitatis reponuntur.

Rarū, spis-
sum, Laeue,
Asperum.

τὸ γὰρ ὅτι
πρὸς ἄλλῃ
καὶ σημαί-
νεται ἡ φωνή
τοῦ ἰσχυροῦ
τοῦ ἰσχυροῦ
καὶ σημαί-
νεται.

De calido, humido, & lumine.

Titulus IIII.

CALIDVM, humidum, & lumen, primum quidē spe-
ctantur, ut igni calidum natura inest, aquæ humidum, lumen
corpori luminoso, suntque in secundo genere Qualitatis. De-
inde autē, ut Substantiarū susceptibiliū affectiones sunt, & in
primo Qualitatis genere collocantur. Postremum uero, ut sen-
sum passione afficiunt, lumen quidem uisum, illa uero tactū,
& sunt tertij generis eiusdem praedicamenti.


De

I O A N. M V R M E L.

De Doctore, Imperatore, viro, Comite. Titulus V.

DOCTOR si ad discipulum refertur, est in categoria Relatiuorum, nam doctor discipuli doctor est, & discipulus est doctoris discipulus. Si eum significat, qui docendi quopiam habitu præditus est, tametsi iam nemo sit ei discipulus, est in prima specie Qualitatis. Ita Imperator, cum ad exercitum mutò refertur, nomen est Ad aliquid: cum eum significat, qui habitum & auctoritatem habet imperandi, in primo Qualitatis genere numerantur. Porro, uir si maritum significat, Relatiuum nomen est, si sexum, in secunda specie Qualitatis: si ætatem, in prima eiusdem collocatur. Comes uerò si ducis comes dicitur, relatiuum est indignius correlatiuo: si autem comitis comes, ut in illo mimographi. Comes facundus in uia prouehiculo est, relatiuum est æquali consistens comparatione.

F I N I S.



190



